

644 /
1962 / 5

86m
ՀԱՅԿԱՅԻՆ
ԵՐԵՎԱՆԻ
ՄԱՐԿԱԳՐԱԴԱՐԱՆ

Օրաշար

8

962/5
ქალაქი

ლიტერატურულ-მხატვრული და
 საზოგადოებრივ-პოლიტიკური
 შურონალი
 საქართველოს ალკვ. კ-სა და
 მშენებლის კავშირის ორგანო



შინაჯარი

რ. ინანიშვილი — ხუმაწვილო ამბები (მოთხრობები)	8
მ. ძვლინიძე — ლექსები	17
ა. სულაბაური — ძველი ამბავი (მოთხრობა)	20
შ. აქოზიძე — ორი დაბადება (ლექსი)	22
თ. ნატროშვილი — რამდენიმე დღე (მოთხრობა, დასასრული)	36
ზ. ბოლქვაძე — ლექსები	71
ბ. კახიანიძე — ლექსები	72
ვ. დ. პაპაშვილები — სადაც შეიძლება ყველაფერი მოხდეს (გაგრძელება, ინგლისურიდან თარგმნა ა. ჭეიშვილმა)	73
თ. ჯანაშვილი — გზა-გზა მოკრეფილი ყუაილები (ლექსები)	90
წ. კუხიანიძე — ლექსები	92
ი. კუპალა — მეგვიდრეობა (ლექსი, თარგმნა შ. ნიშნიანიძემ)	93
მ. კახაბაძე — მიწის გემო (მოთხრობა)	94
ვ. ძნელაძე — ხიყვარული მეძახის (ლექსი)	114

მწერლის ბრძოლიდან

ა. ბელიშვილი — მოგზაურობა ამერიკაში (დასასრული)	115
---	-----

წიგნი აღამიანაძე

ბ. შატაბერაშვილი — მწვანე ჩარღასებ, ქვეშ	121
ლ. ბრატოვსკაია — მადლიანი აღმავლები	126

8

1962

აგვისტო
 გამომცემლობა
 „საბჭოთა მწერალი“





3. მიკაპვილაძე — რომანისტი ენა და ტიპები.	133
3. ჯიბუშინი — წრფელი და მართალი სტრიქონები	137
6. კანდელაკი — ეფრემ მცირე—ქართული დეკლამაციის თეორეტიკოსი	140
6. თურნაშვილი — ვერკორი	145

სპორტი

2. ბასი — კლავშუბელთა გუნდი (გაგრძელება)	149
--	-----

ყოველი მხრიდან

პრონობა	159
-------------------	-----



რედაქტორი ვახტანგ ქელიძე

სარედაქციო კოლეგია:

კ. კალაძე, რ. მეტრეველი, გ. შატერაშვილი, ვ. ჩარკვიანი (პ/მგ. მდივანი),
ო. ჩხეიძე, გ. ციციშვილი, ნ. ქავჭავაძე, ს. ჭილაია.

რედაქციის მისამართი: თბილისი, მახარაძის ქ. № 14, ტელ. № 3-07-02

ხელმოწერილია დასაბეჭდად 10/IX-62 წ. ფიზიკურ ფორმათა რაოდენობა 10. პირობით ფორმათა რაოდენობა 13,7. შეკვეთა № 783. უფ. 03871. ქაღალდის ზომა 70 X 108. ტირაჟი 5.900.

საქართველოს სსრ კულტურის სამინისტროს შთავაზოლოგრაფიკომპლექსის ბეჭდვით სიტყვის კომბინატი, თბილისი, მარჯანიშვილის ქ. 5.

Комбинат печати Главполиграфиздата, Министерства культуры Грузинской ССР, Тбилиси, ул. Марджанишвили, 5.



კოსმონავტები ა. გ. ნიკოლაევი (მარჯვნივ) და პ. რ. პოპოვიჩი.

ვეხვანგ ჯაპახაძე

ქმადნაფიცეზი

აი ისინიც! აი ისინიც! —
ბილიკს ჩამოჰყვენენ ვარსკვლავებიანს.
მათი ღიმილი, მათი სიცილი
კაცობრიობას გადასდებია.

იგი უცინის დღეებს ხვალინდელს,
მიესალმება დღეებს გაისის,
მიესალმება ზეცის რაინდებს
და მათ, რომელთა გვარიც არ იცის, —

რომელთაც შეხსნეს ლაჟვარდის კარი
და ღრუბლებს იქით დასცეს კარავი,
სადაც არ არის წვიმა და ქარი
და სადაც, თურმე, ღმერთიც არ არის.

კიდევ მრავალჯერ დაილოცება
ქმადნაფიცეების ერთად ლაშქრობა...
გალვიძებული კაცის ოცნება
უკვე ვარსკვლავებს ეთამაშება.

კახაბ ნიანიშვილი

სიყვარული ამჟამად

მეიარაღის გოგონას ამბავი

ეს ამბავი ნამდვილად მოხდა, და რომ ნამდვილად მოხდა, ამაში თქვენ თვითონვე დარწმუნდებით, როდესაც ყველაფერს ბოლომდე მოისმენთ.

დიდი, დიდი ხნის წინათ, ქვეყანაზე რომ ჯერ უბრალო თოფებიც კი არ იყო გამოგონებული, თვით ულამაზესი ყვავილებიც კი რომ ჯერ ისევ მხოლოდ ტყეებში და ველებში ხარობდა (ეს კარგად დაიხსომეთ, პატარებო, თვით ულამაზესი ყვავილებიც კი ჯერ ისევ მხოლოდ ტყეებში და ველებში ხარობდა), ერთ მეომარ ქალაქში ერთი მეიარაღე ცხოვრობდა. ამ მეიარაღეს ყველანი უბედურ მეიარაღეს ეძახდნენ და ჩვენც ასე დაეუძახეთ. უბედური კი იმის გამო იყო, რომ ულამაზესი მეუღლე ჰყავდა და მოუკვდა. დარჩა ერთადერთი გოგონა, ძალიან პატარა გოგონა. ამ გოგონას ვიღაც კეთილი ბებერი ქალი აცმევდა, აკმევდა და აძინებდა. მეიარაღე კი დილით უთენია მიდიოდა თავის სახელოსნოში და საღამოს გვიან ბრუნდებოდა. დილით ისეთ დროს მიდიოდა, როცა მის გოგონას ისევ ეძინა, ხოლო საღამოს ისეთ დროს ბრუნდებოდა, როცა მის გოგონას უკვე ეძინა.

კეთილი მოხუცი ქალი უბედური მეიარაღისთვისაც ამზადებდა საკმელს, უბედური მეიარაღე იმ საკმელს თავაულებლად შეჭამდა, ღამეს ოხვრასა და კენესაში გაატარებდა, და დილით, ჯერ გათენებული არ იყო, რომ უკვე თავის სახელოსნოში ბორიალობდა.

სახელოსნოში, ბასრ ხმლებსა და შუბებს აკეთებდა. კბილების კრაჭუნითა და მუქარით აკეთებდა, რადგან იცოდა, რომ ამ ხმლებს და შუბებს მყვირალა მეომრები დაიჭერდნენ ხელში, შესხდებოდნენ ფაფარაშლილ ჭიხვინა ცხენებზე, შეესეოდნენ მეზობელ ქვეყანაში ბედნიერად მცხოვრებ ადამიანებს და მართო ის აღარ იქნებოდა უბედური, უბედურები გახდებოდნენ სხვებიც, ვის ლამაზ მეუღლეებსაც აკუწუავდნენ მყვირალა მეომრები მის მიერ გაკეთებული



შუბებითა და ხმლებით. მართო მე რატომ უნდა ვიყო უბედური, დაე ქვეყნის სხვებმაც იგემონ — რა არის უბედურებაო, და მთელ დღეს თავაუღებლივ, გაცხარებით მუშაობდა: დილით უთენია მიდიოდა სახელოსნოში და საღამოს სწორბინდისას ბრუნდებოდა შინ.

მისი პატარა გოგონა კი იზრდებოდა. შეუქმნევლად იზრდებოდა, მაგრამ მაინც ჩქარა იზრდებოდა, როგორც ყველა გოგონა ამ ქვეყანაზე.

და აი, ერთ დღეს, როდესაც უბედურმა მეიარაღემ დილაადრის გაიღვიძა, რომ მაშინვე თავის სახელოსნოში წასულიყო და იქ ბასრი ხმლები და შუბები ეკეთებინა, განთიადის მქრქალ ცისფერ შუქზე ასეთი სურათი დაინახა: ოთახის შუაგულში მისი გოგონა იდგა და ის უკვე დიდი იყო. ის თავის ლამაზ დედას ჰგავდა. დედასავით გრძელი თეთრი მკლავები და გრძელი თეთრი თითები ჰქონდა; იმ თეთრი მკლავებით და თეთრი თითებით კი ულამაზესი ყვავილები ეკავა და იმ ლარნაკში აწყობდა, რომლითაც უბედური მეიარაღე წყალს სვამდა ხოლმე.

მორჩა — უქანსკენელი ყვავილიც მოხდენილად ჩაუშვა ლარნაკში, უქან დაიწია, თავი ოდნავ გვერდზე გადახარა, გაეღიმა და მერე ტრიალ-ტრიალით გავიდა გარეთ, — ისეთი ტრიალ-ტრიალით, როგორც ეხლაც იციან გოგონებმა, თუმცა ეხლანდელ გოგონებს თვით ოქროსფერი თმაც მოკლედ აქვთ შეკრეჭილი; იმ გოგონას კი ოქროსფერი თმაც ჰქონდა, თანაც გრძელი, გრძელი; და წარმოიდგინეთ, როგორ სასიამოვნოდ გაიშლებოდა ის ოქროსფერი თმა, როცა გოგონა ხელებს გაშლიდა და დატრიალდებოდა.

უბედური მეიარაღე გაშტერებული იყო. მას უკვირდა, ჯერ ერთი ის უკვირდა, რომ მისი გოგონა ასე უეცრად გაზრდილიყო, მეორე კიდევ ის — რომ ყვავილები ასეთი ლამაზები იყვნენ. თვითეული მათგანი თითქოს მისი საყვარელი მეუღლის თვალებით იყურებოდა ლარნაკიდან. ისინი, ის ყვავილები, სხვა დროსაც ენახა, ენახა იმ ველებში, სადაც მყვირალა მეომრები დააგეღვებდნენ ფაფარაშლილ ჭიხვინა ცხენებს და ერთმანეთის ფარებზე ხმლების ხათქა-ხუთქით სინჯავდნენ თავიანთი მარჯვენის ძალას. მაგრამ არც მას, უბედურ მეიარაღეს, და არც იმ მეომრებს ფიქრად არასოდეს არ მოსვლიათ, თუ შეიძლება, რომ ყვავილები ასეთი ლამაზები ყოფილიყვნენ. მით უმეტეს მეომრებს არ მოუვიდოდათ ასეთი ფიქრი, რადგან ისინი სულ ყვიროდნენ, ყვირილითა და ხმლების ქნევით დააგეღვებდნენ ფაფარაშლილ ჭიხვინა ცხენებს. ყვირილისა და ხმლების ქნევის დროს კი, ყველასთვის ცნობილია, დაკვირვების უნარი ერთმევა აღამიანს. შეიძლება უბედური მეიარაღის პატარა გოგონას თითების შეხება იყო საჭირო, რომ ყვავილები ასეთი ლამაზები გამხდარიყვნენ?!

დიდხანს, დიდხანს იყო გაშტერებული უბედური მეიარაღე და მერე ნელ-ნელა, დაფიქრებული წავიდა სახელოსნოსაკენ...

სახელოსნოში იმ დღესაც ხმლებსა და შუბებს აკეთებდა, მაგრამ ისეთი სიჯიუტით ვედარ აკეთებდა, როგორც სხვა დროს. თვალწინ სულ თავის გოგონა და ლარნაკში ჩარგული ყვავილები ედგა, რომლებიც საყვარელი მეუღლის გაბრწყინებული თვალებით იყურებოდნენ იქიდან; გული სულ მათკენ მიუწევდა, და საღამოს, მზეს არც კი აცალა ჩასვლა, სახელოსნო დაკეტა, ჩქარი ნაბიჯით გასწია შინისაკენ, და თავისი სახლის კარი სწორედ მაშინ შეაღო, როცა მისი გოგონა ლარნაკში ჩარგულ ყვავილებს წყალს უცვლიდა.



უბედურმა მეიარაღემ აქ კი ზღურბლზე გადაბიჯებაც ვეღარ შესძლო — ასევე, კარზეხელმოკიდებული გააშტერა ფიქრმა.

მან რაღაც უცნაური რამ იგრძნო. ეს თითქოს სინათლე იყო, სინათლე კი არა, სითბო იყო, სიწყნარე იყო, სურნელება იყო. დაბრუნებულიყო ის უნეტარესი რაღაც, რომელიც საყვარელი მეუღლის აქ ყოფნის დროს ხვდებოდა ხოლმე შინ, და რომლის ფასიც მერე გაიგო, მერე, მარტოობაში...

„ეს ჩვენ მოგიტანეთ, ჩვენ, ჩვენ!“ — ტიტინებდნენ ყვავილები.

და უბედურ მეიარაღეს პირველად გაელიმა ცოლის სიკვდილის შემდეგ. მისმა გოგონამ, რა თქმა უნდა, იმავე წამს შეამჩნია ეს ღიმილი. ნელი, მაგრამ გაბედული ნაბიჯებით წავიდა მისკენ, მივიდა სულ ახლოს, სულ ახლოს, ოქროსთმიანი პატარა თავი ვეება მკერდზე დაადო და დაბლიდან შესცინა — ისე შესცინა, როგორც ეხლანდელი გოგონებიც შესცინებენ ხოლმე თავიანთ მამიკოებს, როცა უნდათ, რომ კინოს ფული მიიღონ. ანდა ნაყინისა, სულ ერთია...

ამ დღიდან კი სულ ასე იყო: მეიარაღის გოგონა და მისი გამზრდელი კეთილი მოხუცი ქალი უთენია მიდიოდნენ ქალაქგარეთ, ჰკრეფდნენ ცვრიტგანზანულ სხვადასხვაფერ ყვავილებს და მკერდზე მიხუტებულები მოჰქონდათ შინ. შინ მეიარაღის ღამაში გოგონა თავისი თეთრი სპეტაკი ხელებით მოხდენილად აწყობდა ლარნაკებში, უსხამდა წყალს და სახლი ივსებოდა ენითგამოუთქმელი სიწყნარით, სითბოთი, სინათლით და სურნელებით.

ამ დღიდან ყველას ეშინოდა მეიარაღისთვის უბედური მეიარაღე დაეძახნა, რადგან ის უბედურად აღარ გრძნობდა თავს. ის უბედური კი არა, ბედნიერი იყო, და უნდოდა, რომ სხვებიც ბედნიერები ყოფილიყვნენ ქვეყანაზე, — დაანება ხმლებისა და შუბების კეთებას თავი, სხვადასხვაფერი ლითონებისაგან გამოჰქედა დიდი, დიდი ყვავილი, მიაჰქედა სახელოსნოს წინ, კარს მაღლა და საოჯახო ნივთებისა და სამკაულების კეთებას მოჰკიდა ხელი.

ამ დღიდან გარეგნულადაც გამოიცვალა. თითქოს გაახალგაზრდავდა. გაღამაზდა და გამხიარულდა.

ხალხს უკვირდა მისი ასეთი ფერისცვალება. მითუმეტეს ქალებს, რომლებსაც ძალიან უყვართ სიმშვიდე და მხიარულება. ჩუმ-ჩუმად ადევნებდნენ თვალს — რაშია საქმე, რა მოხდაო. და აი ნახეს, რომ მეიარაღის ღამაში გოგონა და მისი აღმზრდელი კეთილი ქალი უთენია გადაიან ქალაქგარეთ, იქ სხვადასხვაფერ ყვავილებს კრეფენ, მოაქვთ შინ, აწყობენ ლარნაკში, უსხამენ წყალს და მეტი არაფერი! უბედური მეიარაღე კი ბედნიერად გრძნობს თავს, სულ მხიარულია, სულ შინისაკენ მიუწევს გული.

უთუოდ ჯადოსნური ძალა აქვთ ამ ყვავილებსო — იფიქრეს ქალებმა და გადაწყვიტეს თვითონაც გამოეცადათ მათი ძალა (ისინი ხომ მეომრების შვილები, დები, მეუღლეები და დედები იყვნენ და ყოველი მათგანი დანატრულბული იყო სიმშვიდეს და მხიარულებას). თვითონაც წავიდნენ უთენია ქალაქგარეთ, დაკრიფეს სხვადასხვაფერი ყვავილები, მოიტანეს შინ, ჩარგეს ლარნაკებში, ჩაუსხეს წყალი, და ნახეს, რომ მათი სახლებიც აივსო რაღაც სინათლით, სიწყნარით და სითბოთი. თითქოს დაბრუნდნენ მათგან წასული უძვირფასესი ადამიანები, დაბრუნდნენ ყველა ის ბედნიერი წუთები, რომლებიც კი ოდესმე განეცადათ. მოხუცებმა გაახალგაზრდავება დაიწყეს; მეიარაღეებმა მახვილების შედგვას თავი ანებეს და საოჯახო ნივთებისა და სამკაულების კეთებას შეუდგნენ; მყვირალა მეომრები დაჩუმდნენ, ხმლები ქარქაშებში ჩააგეს, დაკვირვების უნარი დაუბრუნდათ; დაკვირვებით მიმოიხედეს ირგვლივ და მიწის და-

მუშავება დაიწყეს. მიხვდნენ, რომ ყველაზე კარგი, ყველაზე ლამაზი, ყველაზე გულუხვი მიწაა. მიწა აღმოაცენებს ამ საოცრებებსაც — ყვავილებს. და ცხოვრობდა ხალხი მშვიდად, ბედნიერად, მხიარულად — მეიარაღის ლამაზი გოგონას წყალობით, უფრო სწორად — ყვავილების წყალობით, რომლებსაც მიწა აღმოაცენებდა, ქალები ჰკრეფდნენ, მოჰქონდათ შინ და იქ ლამაზი თითებით აწყობდნენ ლარნაკებში.

და თუ შემდეგში ისევ დაიწყეს იარაღის კეთება მეიარაღეებმა, ისევ აყვირდნენ მეომრები, ისევ მოახტნენ ფაფარაყრილ ჭიხვინა ცხენებს და ისევ დაიწყო სისხლისმღვრელი ომები, ეს ალბათ იმის გამო მოხდა, რომ ვიღაც ლამაზ ზარმაც გოგონებს დაეზარათ დილით ადრე ადგომა და ბაღჩაში ჩასვლა (ეხლა უკვე ქალაქგარეთ აღარ ჭირდებოდათ სიარული), რომ იქ დილის ცვრითგაბანილი ყვავილები დაეკრიფათ, აეტანათ შინ, ჩაერგათ ლარნაკში და ჩაესხათ წყალი...

ეს ყველაფერი რომ მართლაც ასე უნდა მომხდარიყო, შეგიძლიათ თქვენ თვითონვე დარწმუნდეთ, პატარებო. ადექით დილაადრიან, ჩადით ბაღჩაში, მოკრიფეთ თქვენი ლამაზი თითებით ლამაზი ყვავილები (ქალაქელებმა, ვისაც ბაღი არა აქვთ, შეუძლიათ ფუნთუშისთვის მიცემული ფულით იყიდონ მეყვავილეებისაგან), აიტანეთ შინ, ჩარგეთ ლარნაკში და ნახეთ, რომ, როდესაც დედა და მამა მოჰკრავენ თვალს, უეჭველად მამინვე სიამოვნების დიმილი გადაეფინებათ სახეზე. ეს კი იმას ნიშნავს, რომ ჯადოსნურმა ბალახებმა, როგორც წინათ ეძახდნენ ყვავილებს, უკვე იმოქმედეს.

მეიარაღის გოგონას სახელის უკვდავსაყოფად მისმა მადლიერმა ხალხმა ყველაზე ლამაზ, ყველაზე სურნელოვან, ყველაზე საყვარელ ყვავილს მისი სახელი დაარქვა. მიხვდით, რომელი ყვავილისთვის დაურქმევიათ მისი სახელი? დიახ, იისთვის. მეიარაღის ლამაზ გოგონას ია ერქვა. მაგრამ ეს ამბავი ცოტას, ძალიან ცოტასდა ახსოვს ქვეყანაზე.

გოგონა, რომელსაც ღამე შეუყვარდა

ისიც თითქმის ჩვეულებრივი პატარა გოგონა იყო — გამხდარი და აქეთ-იქით გაბრეხილ ნაწნავებიანი. მხოლოდ ზეაწეულ წამწამებიანი ცისფერი თვალები ცოტა უფრო ფართოდ ჰქონდა გახელილი, ვიდრე სხვა გოგონებს აქვთ, და ყველაფერს ცოტა უფრო სხვანაირად ხედავდა, ვიდრე ჩვენ. აი, მაგალითად, როდესაც ჩვენ ბაღში მივდივართ და ხეს შევხვდავთ, დავინახავთ, რომ ხე ან უძრავად დგას, ან არა და მის მწვანე ფოთლებს ნიავი ამრიალებს; ან ჰყვავის. ან ის-ისაა კოკრები გამოაქვს. ის გოგონა კი ხედავდა, რომ ხის ფოთლებს ნიავი, კი არ ამრიალებს — ყუნწებში უღიტინებს, და ფოთლები სტიან, ხითხითებენ, ლამის გული წაუფიდეტ ხითხითისაგან; ის ხედავდა, რომ ხე უბრალოდ კი არ ჰყვავის, ყოველი კვირტი თოთო ბავშვით იღვიძებს, თვალს იფშვინებს. იზმორება და ტკაც! — ღიმილით უბრწყინდებათ სახე. მას კიდევ ისიც შეეძლო, რომ თვალეხი დაეხუჭა და უფრო მეტი რამ დაენახა, ვიდრე თვალხილული ხე-



დავდა. თვალხილული ის თავის ოთახს, თავის ქუჩას, დიდ სახლებს, ბევრ მანქანებს, ბევრ ხალხს და ბევრ მალაზიებს ხედავდა. ხოლო როდესაც თვალებს დახუჭავდა — უუ! მაშინ ათას რამეს დაინახავდა. დაინახავდა ლურჯ ოკეანეს, რომელსაც ქათქათა იალქნებიანი გემი მიაპობდა, დაინახავდა მზის სხივებით აღსავსე უღრან ტყეს, რომელშიც ათასნაირი ფერის ჩიტები დაფრინავდნენ და გალობდნენ, დაინახავდა მალალ, მალალ მთებს, რომლის მწვერვალიდან მწვერვალზე ყელმოღერებული ჯიხვები გადაქროდნენ...

ერთ ზაფხულს ეს გოგონა დედამ და მამამ აგარაკზე წაიყვანეს. აგარაკი შორს იყო. ჩასხდნენ მატარებელში, იარეს, იარეს, იარეს; მერე მატარებლიდან ჩამოვიდნენ, ავტობუსში გადასხდნენ; ისევ იარეს, იარეს, და ბოლოს, როგორც იყო, მივიდნენ.

სანამდე გოგონას ამ აგარაკზე წამოიყვანდნენ, მანამდე ის სულ დიდ ქალაქში ცხოვრობდა. დიდ ქალაქებში ასეთი წესია: როგორც კი დამე დააპირებს მოსვლას, ანთებენ მილიონ ელნათურას და გააძეგებენ. ამ ქალაქშიც ასე იყო: დააპირებდა დამე მოსვლას — ანთებდნენ მილიონ ნათურას და გააძეგებდნენ. ნამდვილი დამე ქალაქელებს არც კი უნახავთ. ამ გოგონასაც არ ენახა და, სანამ ქალაქში ცხოვრობდა, დამის არც სიყვარულზე უფიქრია, არც სიძულვილზე. უყვარდა სიბნელე, ესე იგი, როდესაც სინათლეს გამორთავდა; მაშინ მას თვალბის დახუჭვაც არ უნდოდა, იწვა და ისე ხედავდა ლურჯ ოკეანეებს, დაბურულ ტყეებს და მალალ, მალალ მთებს. უყვარდა ასეთი სიბნელე, მაგრამ დამისა კი არც სიყვარულზე უფიქრია, არც სიძულვილზე.

და აი, გოგონა უკვე აგარაკზეა. ჩამოდიან ავტობუსიდან და რას ხედავს — აგარაკი ტყეშია. პატარა ლამაზი ხის სახლი, რომელიც გოგონას მამას დაუქორავებია, ვეება შავი ნაძვების ქვეშ დგას. რა თქმა უნდა, ნაძვები სინამდვილეში მწვანეებია, მაგრამ დამით ხომ ყველაფერი შავად ჩანს — ხეებიც, წყალიც და ცა! აქ კი უკვე დამეა, ნამდვილი დამე. დაბრუნებული ნახირი, დაჩუმებული ფრინველები, მიმწყდარი აღამიანების ფეხის ხმა. ცაზე მილიონი დიდი ჩახჩახა ვარსკვლავი ანთია და ისინიდა კრუტუნებენ:

— კრუ, კრუ, კრუ!..

რა თქმა უნდა, ვარსკვლავები კი არა — ეს კრიშინები, კალიები და სხვა რალაც ასეთი მწერები კრუტუნებენ, მაგრამ გოგონას ასე ეჩვენება! დედა და მამა ფუსფუსებენ, ბარგს შინ ეზიდებიან, ჩემოდნებს ხსნიან, ოთახს აწყობენ; გოგონა კი აივანზე დგას, ფართოდ გახელილი თვალები უფრო ფართოდ აქვს გახელილი, თანაც უბრწყინავს, უბრწყინავს, შესტკერის დიდ ჩახჩახა ვარსკვლავებს, და ეჩვენება, რომ ისინი, ეს ვარსკვლავები კრუტუნებენ. ფისუნებით ქუტავენ თვალებს, კრუტუნებენ და უცინიან ჩუმჩუმად.

დღისით სიცხე ყოფილა. ტოტებდაოსებული ნაძვები სულს ითქვამენ და ერთმანეთს ეკითხებიან ჩურჩულით — როგორ გადაიტანეთ დღევანდელი სიცხე, ხომ არაფერი გიქირთო. არც ერთ ნაძვს არაფერი არ უქირდა და სიამოვნებით იზმორებოდნენ, აღიოდნენ მაღლა, მაღლა — იზრდებოდნენ. აი, აივანზე გადმომდგარი გოგონა შეამჩნიეს.

— რა კარგი გოგონაა! რა ლამაზი გოგონაა! — აღტაცებით გადაუჩურჩულებენ ერთმანეთს. — ო, რა ლამაზი გოგონაა! შეხედეთ შეხედეთ!

გოგონა კი ისევ ვარსკვლავების მზერითაა გართული, ისევ ამ ხმებს უგდებს ყურს:

— კრუ, კრუ, კრუ!..

მერე აივნიდან ეზოშიც ჩადის. უნდა, რომ უფრო მეტი ვარსკვლავი დაინახოს, გაშლის წვრილ, გრძელ მკლავებს, დატრიალდება და — უუ!.. მილიონი ვარსკვლავიც თან მიჰყვება ბრუნვითა და სიცილით.

და უცებ ცას ერთი ვარსკვლავი მოსწყდა. წამოვიდა ელვისებური სისწრაფით, გაიზარდა, გაიზარდა და მთლად დიდი, დიდი, ჩახჩახა, სულ ახლოს, შავი ნაძვების კენწეროების იქით გაუჩინარდა. გოგონა იმ ნაძვებისაკენ გაიქცა. ის ვარსკვლავი ისე ახლოს ჩამოვარდა, რომ უეჭველად იპოვნის! წარმოგიდგინათ. რა ბედნიერი იქნება, თუ იმ ვარსკვლავს იპოვნის! ხანდახან ფეხი უცურდება რბილ, სასიამოვნო და სურნელოვან ხავსზე; წაიფორთხილებს, მაგრამ ისევ მალე გაიმართება და ისევ გარბის, გარბის. ფართოდ გახეილი თვალები კიდევ უფრო ფართოდ აქვს გახეილი, კიდევ უფრო მეტად უბრწყინავს. სულ ცოტაც, სულ ცოტაც! ვარსკვლავი აქ თუ არა, აი იმ ბუჩქის უკან მაინც იქნება, აქ თუ არა, აი იმ ბუჩქის უკან მაინც იქნება აუცილებლად. წარმოგიდგინათ, რა ბედნიერებაა ვარსკვლავის პოვნა! შეჩერდება, მიიხედ-მოიხედავს და ისევ გარბის ხეების შვადაღლანდულ ძირებს შორის. ვეება ნაძვები და მუხები კი ერთმანეთს ეჩურჩულებიან აღტაცებით:

— პატარა ლამაზ გოგონას ღამისა არ ეშინია! პატარა ლამაზ გოგონას ღამაში კაბა აცვია, ლამაზად აქვს დაწული თმები! აბა ფრთხილად, კაბა არ დაეუხიოთ, ნაწნავები არ დავეშალოთ!

და ვეება ნაძვები და მუხები შეუმჩნევლად სწევენ მალა ტოტებს, რომ გოგონას კაბა არ დაუხიონ, ნაწნავები არ დაუშალონ. აქეთ-იქით იწევიან ბუჩქებიც. გოგონა კი გარბის, გარბის...

მაგრამ განა როდემდე შესძლებდა სირბილს! დაიღალა და შეჩერდა. უნუგეშოდ იხედებოდა აქეთ-იქით. იყო შავი ხეები, შავი ბუჩქები. ვარსკვლავი კი არ ჩანდა არსად, და მიხვდა, რომ ვერც ვერასოდეს იპოვნოდა მას. საშინლად დასწყდა გული. ხომ შეიძლებოდა, რომ ეპოვნა? ო, რა ბედნიერი იქნებოდა მაშინ. ახლა კი... ცრემლებით აევსო ფართოდ გახეილი დიდი ცისფერი თვალები.

ეს დაინახეს მუხებმა, ეს დაინახეს ნაძვებმა, ეს დაინახა თვით მარადნოდლიანმა ღამემაც... ღამე აქამდე უხმოდ ადევნებდა თვალს. იგი მოხიბლული იყო ამ ღამაში გოგონით, რომელსაც სრულიად არ ეშინოდა მისი, და აი ახლა, როცა გოგონას ცრემლებით აევსო თვალები, დაბალი, ალერსიანი ხმით თქვა:

— ნუ ტირი, პატარა ღამაზო გოგონავ. შენ იმ ვარსკვლავს ვერ იპოვნე. იმ ვარსკვლავს ვერაინ ვერ იპოვნის. ის შორს, შორს ზღვაში ჩაეშვა, უზარმაზარმა ნათელთევზამ დაიჭირა და უკვე თავისი შვილების გასართობად მიაქვს. მაგრამ შენ ამაზე გული არ უნდა დაგწყდეს. აბა დააკვირდი — რამდენი ღამაში რამაა თვით შენს ირგვლივ. აბა დააკვირდი, ახხედე მალა!

გოგონამ მიმოიხედა, მერე თავი მალა ასწია და დიდი ფართოდ გახეილი თვალები ისევ სიამოვნებით გაუბრწყინდა.

წინა წლის ხმელი ფოთლები და წიწვები, რომლებიც მიწაზე სქლად იყო დაგებული, ოქროსფრად ბრწყინავდნენ, ოქროსფრად ბრწყინავდნენ დაბლადაწეული ტოტების ახალი ფოთლებიც და წიწვებიც; ხოლო მალა, სულ მალა, უზარმაზარი ხმელი მუხის დაგრაგნილ ტოტებს შორის დიდი, უცვითელი მთვარე ამოსულიყო, იმ ხმელი მუხის ტოტიდან ტოტზე კი მხიარული ციყვები ხტოდნენ, და ისე მოჩანდა, თითქოს ციყვები მთვარეს ახტებოდნენ ზემოდან. გადახტებოდა ერთი და ტყრც... გაპრეხილი კუდით ნაპერწკლების მთელ გრო-



ვას გაიყოლებდა, ახლა მეორე მხრიდან — ტყრც... და იმასაც ნაპერწყლების გროვა მოჰყვებოდა თან.

უცებ ციყვება გოგონა დაინახეს, შეშფოთებით გადაუსტეინეს ერთმანეთს და ყველანი ერთ ტოტზე გამწკრივდნენ. სხედან ასე მწკრივად და გოცეზული თვალეზით მისჩერებიან გოგონას. გოგონამ ხელი მალლა ასწია, ლამაზად დაუქნია თითები სალამის ნიშნად და თან გაუღიმა კიდეც. ამან ციყვები გაახარა. იმათაც გაუცინეს, სტვენით და თავის ქნევით მისცეს სალამი და მერე ისევ ტოტიდან ტოტზე ხტუნაობა ვანავარძეს. თან ახლა უფრო გულმოდგინედ ხტოდნენ, ხტოდნენ და ჰაერშიც კოტრიალობდნენ სიცილით, რადგან უნდოდათ, რომ ლამაზი გოგონასთვის ეჩვენებინათ — აი როგორი ყოჩაღები ვართო.

ღამე კი ახალ სანახაობას უმზადებს.

სანამ გოგონა მალლა იყურებოდა და ციყვების თამაშს ადევნებდა თვალს, ციციანათელების მთელი გუნდი მოფრინდა და მის ირგვლივ დაიწყეს ფრენა. ზოგმა მეტიც გაბედეს. ისინი გოგონას აქეთ-იქით გაბრეხილ ნაწნავებზე დაასხდნენ მწკრივად, მძივივით ლამაზად და, წარმოიდგინეთ, რა სანახავი იქნებოდა! ირგვლივ ციციანათელების მთელი გუნდი უვლის და ყოველი ციციანათელა თავის წრეს ხაზავს, ნაწნავებზედაც ციციანათელები გამწკრივებიან, ფართოდ გახეული თვალეზი სიხარულით უბრწყინავს და გრძელი წვრილი მკლავები თითქოს ასაფრენად აქვს გაშლილი...

ღამეს თვითონვე მოსწონს თავისი საქციელი, კეთილად ეღიშება და კიდეც უფრო ლამაზი რამის მოგონებას ცდილობს.

— ეხლა წადი წინ, აგერ იმ ბუჩქებში გაიარე, — ალერსით ეუბნება გოგონას. და გოგონაც მიდის. მიდის და ციციანათელების მთელი გუნდიც თან მიჰყვება. ბუჩქები ტოტებს აქეთ-იქით სწევენ, რომ ლამაზ გოგონას ლამაზი კბა არ დაუხიონ, ლამაზი ნაწნავები არ დაუშალონ, რომლებზედაც მძივებივით გამწკრივებულან ციციანათელები. გადის ბუჩქების იქით და აღტაცებული ჩერდება კამყამა ტბის პირას. ტბა ვარსკვლავებით და ოქროს თევზებით არის სავსე. ოქროს თევზები სულ მალლა ამოდიან, ნელანელა ამოძრავებენ ოქროსფერ ლაყუჩებს, გოცეზულები შესცქერიან გოგონას და მერე სიხარულით ხტებიან ჰაერში და ტკიცინით ვარდებიან ტალღებში. ტალღებში მთვარეც ანთია, დიდი ათახთახებული მთვარე.

— შენც ჩაიხედე შივ! — ალერსით ეუბნება გოგონას ღამე. და გოგონაც ფრთხილად მიდის ტბის პირას, იწევს წინ, იხედება შივ და ხედავს ციციანათელების მძივებით შემკულ თავის აქეთ-იქით გაბრეხილ ნაწნავებს, ხედავს გვირგვინს, რომელიც აგრეთვე ციციანათელებს დაუდგამთ, ხედავს ფართოდ გახეული ცისფერ თვალებს...

უცებ ეს ფართოდ გახეული თვალეზი უფრო მეტად უფართოვდება. წყალში ქობულდა ირემი ჩანს. ასწევს თავს და ის ირემიც იხედავს მალლა. აღტაცებულები შესცქერიან ერთმანეთს. ირემს ოქროს რქები აქვს, თვალეზიც ოქროებივით უბრწყინავს. გოგონა ხელს გაუწვდის, და ირემი მოდის, ნელი ნაბიჯით მოდის, მოვა სულ ახლოს და გრილ დრუნჩს შეახებს თითებზე. გოგონა შუბლზე ხელს ჩამოუსვამს. სულ ახლო მიიწევს, ტუჩებს თვალეზთან მიუტანს და ლამაზ თვალეზში ჰკოცნის. მერე კისერზე ხელს შემოხვევს, ლოყით ეხუტება ყბაზე. ირემი თვალეზს ლულავს, ოდნავდა ატოკებს მოუსვენარ ყურებს. ციციანათელები ირმის რქებში ტრიალებენ და ახლა იქ აკათებენ წრეებს. ჩუ!.. საღდაც სულ ახლოს ბულბული წამოიწყებს საგალობელს. ვიღაც იცინის. სია-

მოვლებით იცინის. ეს მარადნაღვლიანი ღამეა. მარადნაღვლიანი ღამე ტყებზე ღამაში პატარა გოგონას მზერით, რომელსაც არ ეჯავრება იგი, არ ეშინია მისი...

მაგრამ უცებ ირემი მძლავრად ასცქვეტს ყურებს, თვალბეჭეში წუხილი უღვება.

— მე უნდა გავქცე, მონადირეები მოდიან! — ეუბნება გოგონას და ორი ნახტომით შეერევა ტყეს. სანამდე ტყეში შეიმალებოდეს მთლიანად, ერთხელაც მოიხედავს, მოიხედავს და გოგონა შეამჩნევს, რომ ოქროსფერი თვალბეჭე ცრემლებით აქვს სავსე.

— ჩვენც უნდა დავიმალოთ! — ეუბნებიან გოგონას ციციანთელებიც და ისინიც ტრთიმეორის მიყოლებით შეერევიან ტყეს.

გაჩუმდა ბუზბუღი. დაბლა-დაბლა მიდიან თევზებიც.

მონადირეები კი ახლოვდებიან. სულ ახლოდან ისმის მათი ხმა:

— ოოო!..

— მეც უნდა დაგტოვო, ღამაში პატარა გოგონავ. ხომ არასოდეს შეგეშინდება ჩემი? — სევდიანი ალერსით ეჩურჩულება ღამე და ნელა-ნელა იწევს უკან. მის ადგილზე კი შემოდის ბევრი, ბევრი ფარნის შუქი, სხვადასხვანაირი ხმები. ამ ხმებში მაინც არჩევს დედისა და მამის შეშფოთებულ ძახილს:

— ოოო!..

— მე აქ ვარ! — უბრალოდ, მშვიდად უბასუხებს გოგონა და ბუჩქებიდან გადის. ბუჩქები ტოტებს ისწორებენ და ცდილობენ აღარ გატოკილდნენ. მათ წინ, ერთმანეთს მიხუტებულ ბალახებზე, დიდ-დიდი მბრწყინავი წვეთებია დაბნეული. და გოგონა ხვდება, რომ ეს ღამის ცრემლებია, ეს მისგან წასული მარადნაღვლიანი ღამის ცრემლებია.

— მე მიყვარხარ შენ, ღამეც!

აღმოხდა ძახილი — ძახილი აღტაცებისა თუ შეშფოთებისა, მაგრამ სულ ახლოს მძსულ ადამიანებთაგანაც კი არცერთს არ გაუგონია იგი.

იმ ღამეს მთელ აგარაკზე თითქმის არავის სძინებია. ყველას ანტრესებდა გოგონას ნახვა, რომელიც ტყეში დაიკარგა და ძლივს-ძლივობით იპოვნეს. ყველას უნდოდა გავიო — რატომ წავიდა გოგონა ისე შორს, ტყეში, და ეშინოდა თუ არა იქ. მაგრამ გოგონა არაფერს არ ამბობდა. დიდი, ფართოდგახეილი ცისფერი თვალბეჭე ცრემლებით ჰქონდა სავსე და არაფერს არ ამბობდა. იცოდა, რომ თუნდაც ეთქვა, რისთვისაც წავიდა ტყეში და რაც ნახა იქ, მაინც არ დაუჯერებდნენ. ის ხომ მართლაც ყველაფერს ცოტა სხვანაირად ხედავდა სხვებთან შედარებით! შენ სულ ასე უცნაურად გეჩვენება ყველაფერი, და არ დაუჯერებდნენ.

ეს კი ძალიან, ძალიან ცუდია, როცა შენ რაიმე გჯერა და სხვები კი არ გიჯერებენ.

შოი კაკასი და მისი სახელჩის ამბავი

ვიცი, რომ ბევრი კარგი ბერიკაცი გინახავთ, მაგრამ იმისთანა კობტა პაპა, როგორც შოი პაპა იყო, არა მგონია სხვა შეგხვედროდეთ სადმე. ისეთი თეთრი, სპეტაკი წვერი ჰქონდა, თითქოს ბამბის ფთილა ამოუკრავთ შოკოლადისფერ ყბებზე და ნიკაპზეო. ისე უციმციმებდა წამოფაფრულ წარბებში შე-

მალული თვალები, თითქოს ცელქი ბიჭია და აი სადაცაა რაღაც სასაცილო
 ოინს ჩაიდენსო. იმაზე კარგი სანახავი ხომ სხვა აღარა იყო რა, როცა ის თავის
 თეთრ სახედარზე ვადავჯდარი, კეზზე გარდიგარდმო თოხგადადებული, სა-
 სოფლო გზაზე გამოვიდოდა და „ვოლგებსა“ და „პობედებში“ გაერეოდა! სა-
 ხედარს ზედ კუდუსუნზე ეჯდა კაპიტანივით წელში გამართული, ფეხებს თით-
 ქმის მიწაზე მიათრევდა და მხიარულ სალამს ურიგებდა გზის აქეთ-იქით ჩამ-
 წკრივებულ სოფლელებს.

- სოლომანას სიცოცხლე!
- ჩემს ძმისწულს გაუმარჯოს!
- როგორა ხარ, ძმისშვილო!

თუმცა ძმა არასოდეს არ ჰყოლია, ვინც კი ასე მისი შვილის კბილად გა-
 მოიყურებოდა, ყველას ძმის შვილს ან ძმისწულს ეძახდა.

რამდენიც უნდოდათ, იმდენი ეყვირებინათ შოფრებს თავიანთი მანქანები,
 შიო შაპა ამით არ შეშფოთდებოდა. არც მისი სახედარი აჩქარებდა ფეხს. სა-
 ხედარმა თავისი პატრონის ამბავი იცოდა, პატრონი კი — ჩვენი კოხტა შიო
 შაპა, ღიმილით მიუბრუნდებოდა გვერდზე ჩავლილ აბუზღუნებულ შოფერს და
 ალერსით ეტყოდა:

— რაო, ძმისწულო, არ მოგწონვართ განა?! მოძრაობის წესებს ხომ არ
 ვარღვევთ მე და ეს ჩემი პატრონის სახედარი? არა, არა? აბა მაშ მე საჩქარო
 არა მაქვს რა. მე რაც შეიძლება დიდხანს უნდა ვუყურო ამ ლამაზ ქვეყანასა!

ამ სიტყვებზე და უფრო კი შიო შაპას სახის კეთილ გამომეტყველებაზე
 შოფერსაც გაეცინებოდა, — დიდხანს გაცოცხლოს, შაპა, დიდხანს უყურე ამ
 ლამაზ ქვეყანასა ეგრე სახენათლადო! — დაუძახებდა მანქანიდან და მერე გახა-
 ლისებული გავარდებოდა წინ.

შიო შაპა და იმისი სახედარი კი ისევ ნელ-ნელა, აუჩქარებლად განაგრ-
 ძობდნენ გზას:

— პაკ-პუქ! პაკ-პუქ!

სოფელი დიდი იყო, სოფელი მდიდარიც იყო: ყველას მანქანა ჰქონდა,
 ყველას მანქანა ეყრა პირზე, და როგორც კი ლაზღანდარა ბიჭები დაინახე-
 დნენ, იმ წუთშივე მთელი ქვეყნის გასაგონად დაუძახებდნენ:

— როგორა ხარ, შიო შაპა! როგორა გყავს ეგ შენი ვირადინი!

შიო შაპას სადღაც გულში სწყინდა, მაგრამ მაინც იბტიბარს არ იტებდა
 და უდარდელად უპასუხებდა:

— მეც კარგადა ვარ და ჩემი ვირადინიცა! თქვენ იჩივლეთ, შვილოსა, რომ
 ხან პაკრიშკები გაქვთ თავშისაცემი და ხან ბენზინი, თორემ ჩვენ რა! ჩემი ვირა-
 დინი ხმელ წალამსაც გემრიელად გეახლებათ და არც თიხიან აღმართზე უტურ-
 დება უნალოდ ფეხი!

აბა ბიჭებს ამაზე რა უნდა ეპასუხათ! ჩაიჩრიდნენ ტურტლიან თითებს პირ-
 ში და უსტვენდნენ.

მაგრამ ზოგნი ამითაც კი არ კმაყოფილდებოდნენ. ზოგნი, აი, მაგალითად,
 ხოფლის ნასწავლები, პირდაპირ მოითხოვდნენ: დრო არის, საბჭომ მოგვაშო-
 როს ეგ სახედარი, სოფელს გვირცხვენს, გვიუწნოებს, რაღა დროს სახედარია,
 სადაცაა რაკეტებით დაიწყებს ხალხი ფრენასო. მაგრამ ამას უკვე შიო შაპას
 ზურგს უკან ამბობდნენ. ეს იმიტომ, რომ, ჯერ ერთი — ისეთი კანონი
 არ არსებობდა მაინცა და მაინც ყველა სახედარი მოსპვით, მეორეც — ამასაც
 ვიქრობდნენ: ბერიკაცია შიო შაპა, განა რამდენი ხანიღა უნდა იცოცხლოს.

მალე, ალბათ, ფეხებს გაფშეკავს და ეგ სახეღარიც თავისთავად მოშორდება აქაურობას; ერთ კბილის გასმად არ ეყოფათ ზოობარკის მგლებსო.

მაგრამ შიო პაპა ფეხების გაფშეკას არ ჩქარობდა. შიო პაპა საერთოდ არაფერს არ ჩქარობდა. დღეებიც მიდიოდნენ ნელა, ნელა. ვაჟიდა წლებიც... შიო პაპა და მისი სახეღარი კი ისევ ერთად იყვნენ, ისევ ყოჩაღად იყვნენ და, როგორც სოფლის ნასწავლებლები ამბობდნენ, ისევ აუშნობდნენ დიდ, მდიდარ, კრიალა მანქანებით აღვსებულ სოფელს.

II

ერთ წელიწადს კი დიდი ზამთარი დადგა. თოვდა და თოვდა. თოვლმა დაფარა ყველაფერი. მთაში მგლები დაიშმუნენ, ითმინეს, ითმინეს და ბოლოს სამგლე ველში შეგროვდნენ. ჩაცუტდნენ აეგრე წრედ და დაიწყეს თათბირი — რა ექნათ, როგორ მოვიქცეთ, ასე შიმშილით ხომ არ უნდა ამოვწყდეთო. სოფელში ჩასვლისა ეშინოდათ. სოფელში დიდსა თუ პატარას თოფი ჰქონდა. თოფმა მეხივით ხმა და ცხელი ტყვია იცის. ცხელი ტყვია კი, ეს თქვენც გეცოდინებათ. პატარებო, თქვენი ცერის სიმსხო ცხელი ტყვია ლომსაც წააქცევს და სპილოსაც. დაეჯახება და წააქცევს. აბა მგელს რას უზხამს, თუ კი დაეჯახა!

ცხელი ტყვიისა ეშინოდათ და ისხდნენ აეგრე წრედ, ჩაექინდრათ თავები და ფიქრობდნენ. ბოლოს წამოდგა ერთი მურა მგელი, გაჰკრა ბრჭყალები თოვლს და მიწაც მიაყოლა ცოტა. მეო, ერთი საკბილო მეგულეზაო. რა საკბილოო — აჩოჩქოლდნენ სხვა მგლები. შიო პაპას სახეღარიო, შიო პაპას თეთრი სახეღარიო; — მთელი დღე ჰალაში დაყალიბებს და ტირიფებსა და ვერხვებს ჰკორტნის, შინ საღამოს ბრუნდება და მერე მთელი ღამე გომურის დერეფანში დგას. გომური სოფლის პირასაა, შიო პაპას კიდევ თოფი არა აქვს. თუ გინდაც ეხლა ეყიდოს, სულერთია, გასროლის თავი მაინც არ ექნება!

— ვინ რას იტყვისო! — გადახედეს მგლებმა ერთმანეთს.

ყველა დაღონებული იყო, ყველას ყურები ჰქონდა ჩამოყრილი — ეტყობოდათ, მაინც ეშინოდათ. როდის-როდის გაბედა ერთმა მგელმა, რომელსაც ყველაზე მეტად გასთხვლებოდა ფერდები.

— ხალხნო, რამ გაგაჩუმათ, თუნდა აქ დავზოცილვართ შიმშილით, თუნდა ადამიანებს დავუზოცივართ. იმას მაინც იტყვიან — ვაქკაცურად დაიზოცენო. უნდა წავიდეთ, აბა მეტი რა გზა გვაქვსო.

და წამოდგნენ, დაიბერტყეს თოვლიანი კუდები, გაებნენ ბილიკზე მწკრივად და წამოვიდნენ სოფლისაკენ. მოდიან და ხან ერთი ამოიხობრებს, ხან მეორე. ფუი, ჩვენი სიცოცხლაც თუ სიცოცხლეაო. თოფისა ეშინიათ. იციან, რომ თოფმა მეხივით ხმა და ცხელი ტყვია იცის.

სოფელს რომ გადახედეს, კიდევ ერთხელ ჩასხდნენ. სოფელში სინათლეები ენთო, სოფელში ელექტროსინათლეები ენთო, მაგრამ ამ სინათლეებისა არ ეშინოდათ მგლებს. იცოდნენ, რომ ეს ელექტროსინათლეები ენთო. ელექტროსინათლეს კი ეხლა ყველა სცნობს — მგლებიც და სხვა ცხოველებიც.

— შენ ასე მოიქცევიო, შენ ისეო, შენ კიდევ ისეო! — არიგებდა დიდი მურა მგელი ყველას. — გომურის დერეფნიდან კი მე გამოვავდებო.

უქნევდნენ თავებს თანხმობის ნიშნად მგლები და თან ყრუანტელი უვლიდათ ზურგში. მაგრამ რას იზამდნენ! ადგნენ და მუხლების კანკალით ჩაჰყვნენ



თოვლიან სერს. წაგრძელებულან ჩრდილებივით და ჩრდილებივითვე უხმოვანდნენ უახლოვდებიან სოფელს.

სოფელს კი სძინავს. ხალხსაც სძინავს და ძაღლებსაც. ძაღლები ღრმა ძილს არიან დაჩვეული. ჰგონიათ, რომ მგლები მთლიანად ამოწყდნენ ქვეყანაზე, ქურობებიც ამოწყდნენ ქვეყანაზე და მთელი ღამე გაუნძრევლად სძინავთ, სძინავთ და სუქდებიან.

სძინავს შიო პაპასაც. გულადმა წევს, სპეტაკი თეთრი წვერი იხვის ბოლოსავით მაღლა აქვს აპრებილი. ფუ-ფუ-ფუ! ფშვინავს არხენიანად და თან სულ ლამაზ-ლამაზ სიზმრებს ხედავს. ხედავს, რომ მისი თეთრი სახედარი პატარა, პატარა ჩოკინაა. თვითონაც პატარაა შიო პაპა. აღარც თეთრი წვერი აქვს, აღარც უღვაშები. დაკუნტრუშებს მისი პატარა ჩოკინა აბრეშუმით რბილსა და სასიამოვნო ბალახებში და კუნტრუშით დასდევს შიო პაპაც უკან. შეხტება პატარა ჩოკინა, გადატრიალდება ჰაერში და ჰოპ! — ისევ კოხტად დგას ოთხივე ფეხზე მწვანე ბალახებში. შეხტება შიო პაპაც, დაპატარავებული შიო პაპა, გადატრიალდება ჰაერში და ჰოპ! — ისიც ისევ კოხტად დგას ორივე ფეხზე მწვანე ბალახებში. გადაკოტრიალდება ჩოკინა, გადაკოტრიალდება შიო პაპაც. იცინის ჩოკინა და იცინის დაპატარავებული შიო პაპაც.

თავებს აქნევენ, იცინიან ბალახებიც.

სწორედ ამ დროს კი შავი დღე ედგა შიო პაპას თეთრ სახედარს. მგლებს უკვე წაექციათ, ჩასქიდებოდნენ აქეთ-იქიდან და ეწეოდნენ. ზოგი ფეხებიდან ეწეოდა, ზოგი ყანყატოდან და ზოგიც ჩიჩვირიდან. იქნედა საცოდავი სახედარი ფეხებს, მაგრამ რაღას განდებოდა! ბუჩქნარი ახლოს იყო, ხელდახელ შეათრიეს იმ ბუჩქნარში და გაჰკრეს და გამოჰკრეს კბილი. თვალის დახამხამებაში ჩლიქები და ორიოდე ძვალისა დატოვეს გასისხლიანებულ თოვლზე, მერე ის გასისხლიანებული თოვლიც შეთქვლიფეს და — აბა, ახლა კი წავიდეთ, ბიჭებო, — წასასვლელად გაემზადდნენ. გაემზადნენ წასასვლელად და ერთმანეთს გადახედეს — აბა, ვინ უფრო გამოძლო. გადახედეს და გაკვირვებისაგან თვალები დაუდიდდათ. ყველანი იქ იყვნენ, დიდი მურა მგელი კი არა ჩანდა.

— მურა რა გვექნა, ხალხო! მურა დაგვეკარგა!

სად, როგორ? განა იმან არ გამოავლო სახედარი ვომურის დერეფნიდან? განა ის არ გვივლიდა ირგვლივ და გვამხნევებდა ძახილით — მიდით, ბიჭებო, მიდით თქვენ გენაცვალეთო! მაშ რაღა იქნა? მიწამ ხომ არ უყო პირი. მოვძებნოთ, აქვე იქნება სადმე!

გაცვივდნენ, გამოცვივდნენ, მიტრიალდ-მოტრიალდნენ და მალე ჩუმი ძახილი შემოესმათ:

— აქეთ, აქეთო.

გაიქცნენ იქით, ტრიალებენ, ტრიალებენ — არავინ არ არის.

— მანდ რას მეძებთ, დაბლა, დაბლა ჩამოიხედეთო.

ნახეს — რაღაც ფიჩხ-ფუჩხი ეყარა, ის ფიჩხ-ფუჩხი გადაყარეს და თქვენს მტერს, რაც იმათ დაინახეს! ერთი ღრმა, ღრმა ხარო იყო და მათი თავკაცი მურა მგელი იმ ხაროში ხტოდა და აწყდებოდა აქეთ-იქით.

— მიშველეთ, ბიჭებო, მიშველეთ, თორემ მარტო ვერას ვხედებო. ამოსძახა მურა მგელმა. მაგრამ რით უნდა ეშველათ! თვითონაც შეეშინდათ — ჩვენც არა ავიტყვობთარაო. ერთი კი ჰკითხეს — როგორ ჩაეარდიო. — როგორ და

ჯანდაბურად და დოზანურად. მიშველეთ, თუ მშველითო! მაგრამ თქვენც იცით, რანაირებიც არიან მგლები. თანაც თენდებოდა. — შენს თავს შენ უშველო, და ერთმანეთისთვის აღარც კი შეუხედავთ, გაცვივდნენ სერისაკენ. ეხლა აღარა ფრთხილობდნენ, ბლარძა-ბლურძით გადადიოდნენ ლობეებზე, ლობეებს ლაწალუწი გაჰქონდა და ეხლა კი გაიგეს გულიძილში წასულმა მსუქანმა ძაღლებმა.

— პარიკა, მგლებიო! პარიკა, მგლებიო! — და მთელი სოფლის ძაღლები უკან დაედევნენ, მაგრამ სოფლის ძაღლები მსუქნები იყვნენ, ქონი ამჟამებდით, აბა გამხდარ მგლებს ისინი როგორ დაეწეოდნენ. გამობრუნდნენ და ხაროში ჩავარდნილ დიდ მურა მგელს წაადგნენ. წაადგნენ თავს და დაგიდნენ სიხარულით, თითქოს იმათ დაღვირვით:

— ჰაე-ჰაე-ჰაე! ეე-უუ! — ყურთასმენა აღარ იყო. ხტოდნენ, ერთმანეთს ახტებოდნენ, გარბოდნენ, ისევე ბრუნდებოდნენ, პატრონებს ეძახდნენ — გამოგვხედეთ, ნახეთ რა ვქენით, ნახეთ ერთი რა ვქენით, რა ყოჩაღები ვართ, მგელი დავიჭირეთო...

პატრონები კი უფრო მსუქნები იყვნენ, ვიდრე მათი ძაღლები. უფრო მსუქნებმა კი უფრო ღრმა ძილი იციან და როდის-როდის ძლივს გაიღვიძეს. პირველად, რა თქმა უნდა, ბიჭებმა გაიღვიძეს. ბიჭების ხასიათი ხომ იცით! ფეხსაცმელებში კი წყვეს ფეხი, არც პალტოები ჩაუცვიათ, არც ქულები დაუხუროვთ და პაიდა პირდაპირ თოვლში თავთავიანთ ძაღლებისაკენ! გაუძღვნენ ძაღლები, მიიყვანეს ხაროსთან და... რა ამბავს ასტეხდნენ მგლის დანახვაზე ბიჭები, ამაზე ჩემი თქმა აღარ დაგჭირდებათ, თვითონვე მიხვდებით... მიხვდებით იმიტომაც, რომ ცოტა ხანში არამარტო ბებრები მორბოდნენ ფრიათით, მასწავლებლის გაქცევა ხომ არ შეიძლება საერთოდ, აქ თვით მასწავლებლებიც კი მორბოდნენ.

— მგელი ჩავარდნილა გეოლოგების ამოთხრილ ხაროში, მგელი! ხალხო, მგელი! დიდი მურა მგელი!

ერთი ზარების რეკვალა აკლდა თორემ, ისე ნამდვილი ომი გეგონებოდათ.

სოფელში დიდსა თუ პატარას თოფი ჰქონდა. თითო თოფის პატრონი ასი ტყვია მაინც ჰქონდა. თითო თოფის პატრონი ათ ტყვიას მაინც მოარბენინებდა იმ ერთი მგლისათვის. იმ ერთ ხაროში ჩავარდნილ მგელს კი, იცით, ერთი ტყვიაც მოერეოდა. და მოერია კიდევ. დაეჯახა ერთი ცხელი ტყვია და მაშინვე წააქცია. მაგრამ ის ერთი ტყვია არ აკმარეს, ვაი თუ ცოცხალიო, კიდევ ცხრა დაახალეს. ამოათრის, დაიმკლავეს ყასბობის მცოდნეებმა, დაჰკიდეს ხის ტოტზე, ჩამოატყავეს, ხორცი ძაღლებს მიუყარეს და ტყავი... ტყავი ვისაო.

და აი, სწორედ ამ დროს გამოჩნდა შიო პაპა. ხელში ჯოხი ეჭირა, თავი ჩაელუნა, მოვიდა სულ ახლოს და მაშინ მიმოავლო თვალი ხალხს. ხალხი გახარებულნი იყო.

— ტყავი ვისაო! — ყვიროდა ყასბობის მცოდნე ვასილა.

— ტყავი მეო, — ძლივს ამოთქვა შიო პაპამ. — ვიფი მე შემიჭამესო.

— მართლა, კაცო?

— მართლა, მამა!

წავიდნენ და თავისი თვალთ ნახეს თეთრი სახედრის თავ-ფეხი. ნახეს და კიდევ უფრო გაიხარეს. ხომ გახსოვთ, როგორ უნდოდათ ამ სახედრის თავიდან მოშორება — სოფელს გვიუშნოვებსო. ატყდა ერთი სიცილ-ხარხარი, თანაც ვითომც და სანუგეშებლად უტყაპუნებდნენ შიო პაპას მხარზე ხელს:

— არა უშავს, შიო პაპა, მაგაზე გადაიაროს შენმა დარღმა და სატყეარმა აი, მგლის ტყავი, წაიღე რაიონში, ფულს მოგცემენ, იმ ფულს კიდევ სხვა ფული დაუმატე და ერთი პატარა, საშენო მანქანა იყიდეო.

სინამდვილეში კი, ხომ გითხარით, ფეხზე ძლივს იდგნენ სიხარულით. ამის შემდეგ მართლა ლამაზი იქნება ჩვენი სოფელი, სახედარი აღარ დააუშნოვებსო.

და მართლაც, ცოტათი გამოიდარა თუ არა, შიო პაპამ ახალი ტანისამოსი ჩაიცვა, ახალი თუშური ქუდი დაიხურა, მგლის ტყავი ლამაზად დაკეცა, მერე ლამაზად გაახვია, ილიაში ამოიღო და რაიონში წავიდა. რა თქმა უნდა, ავტობუსით წავიდა.

რაიონში მონადირეთა კავშირის მალაზია იყო. ამ მალაზიაში ერთი სქელი სახენათელი კაცი მუშაობდა. ადრე ისიც მონადირე იყო. მერე გასქელდა, ვეღარ დარბოდა. თუ ვეღარ დარბიხარ, რალა მონადირე ხარ! იმანაც გაყიდა თოფი და მონადირეთა კავშირის მალაზიაში დაიწყო მუშაობა. მიუტანდნენ მელიის ტყავს — ათ მანეთს აძლევდა, მიუტანდნენ ტურის ტყავს — იმაშიც ათ მანეთს აძლევდა. ხოლო თუ ვინმე მგლის ტყავს მიუტანდა, ისიც დიდი მგლის ტყავს, იმას მთელ ორმოცდაათ მანეთს გადაუთვლიდა, თანაც მხარზე ხელს დაჰკრავდა და ყოჩაღო — შეაქებდა.

შიო პაპამაც სწორედ იმ სქელ კაცს მიუტანა თავისი დიდი მურა მგლის ტყავი. სქელმა კაცმა ხელებიც კი გაშალა სიხარულით — რა მშვენიერ მგლის ტყავსა ვხედავო. იმ წუთშივე გადაუთვალა ორმოცდაათი მანეთი. თანაც, რა თქმა უნდა, მხარზეც დაარტყა ხელი — ყოჩაღ პაპაო, და კიდევ ესაც დაუმატა — შიო პაპა, თუ კიდევ იშოვნო ასეთი ტყავი, სხვაგან არ წაიღო, ისევ მე მომიტანე, ორმოცდაათ მანეთს ხომ მოგცემ, შეგაქებ კიდევ, განა მარტო მე შეგაქებ, შეიძლება გაზეთშიც შეგაქონო.

შიო პაპა დაჰპირდა, კეთილი და პატიოსანი, თუ ვიშოვე, კიდევ მოგიტანო. მაგრამ მალაზიიდან რომ გამოვიდა, სხვა მგლის ტყავის საშოვნელად აღარ წასულა. მალაზიიდან პირდაპირ ბაზარში წავიდა. ბაზარში მასავით თეთრწვერა პაპები ისხდნენ და ზოგი ღვინოს ყიდდა და ზოგიც სხვადასხვა რალაეცებდა.

— გამარჯობათ, ბიჭებო! — დაუძახა შიო პაპამ.

— გაგიმარჯოსო. — უპასუხეს მასავით თეთრწვერა „ბიჭებმა“.

— სახედარს ხომ ვერას მამოვნივებთ, ბიჭებო.

თეთრწვერა „ბიჭებმა“ თეთრი წვერები მოისრისეს, თუშური ქუდეები შეისწორეს და მერე ხელი დაუქნიეს.

— მოდი დაჯექი, ბიჭო, ეგრე დგომელა, როდის იყო რომ საქმე გაკეთებულაო.

შიო პაპაც მივიდა და დაჯდა. დაჯდა და ეხლა ყველა თეთრწვერა „ბიჭმა“ ერთად დაიწყეს ლაპარაკი და ხელების აქეთ-იქით გაშვერა.

— რამდენსო?! — უცებ ხმას აუწია შიო პაპამ.

— ოცდახუთ მანეთსო.

— ი, ბედაური ცხენი ხო არა ჰკონია იმას თავისი სახედარი და ისიც ცალყურა! ოცდახუთი მანეთი ბედაური ცხენი არა ღირსო.

— მა რამდენს მისცემო.

— რამდენსა და ოც მანეთსა.

მამინ ერთი წვერიანი „ბიჭი“ წამოდგა და წინ გაუძღვა.

წავიდნენ, წავიდნენ და მესერს მოეფარნენ. იმას იქით, საღ იყვენ, არ ვი-

ცი. მე მხოლოდ ის ვიცი, რომ ერთი საათის შემდეგ შიო პაპა უკვე ნაცარა სახედარზე იჯდა, რომლისთვისაც ცალი ყური ვიღაც მაიმუნ ბიჭებს მოეჭრათ; კობტად, თავისებურად წელში გამართული იჯდა, და პაკ-პუკ, პაკ-პუკ! — მოდიოდა მოსთვალტებულ გზაზე ის ცალყურა სახედარი და თანაც გვერდზე პატარა ჩოკინაც მოსდევდა.

გზაზე მანქანები ირეოდნენ. შოფერები სიგნალს აძლევდნენ — ჩამოგვეცალეო. შიო პაპა კი დინჯად მიუბრუნდებოდა შოფერს და ძველებურად ეუბნებოდა ღიმილით:

— რაო, ძმისწულო, არ მოგწონვართ განა! მოძრაობის წესებს ხომ არ ვარღვევთ მე და ეს ჩემი პატიოსანი სახედარი! არა, არა? აბა მაშ მე საჩქარო არა მაქვს რა. მე რაც შეიძლება დიდხანს უნდა ვუყურო ამ ლამაზ ქვეყანას! — და მხოლოდ ორიოდე სიტყვას უმატებდა ახალს: — თუ ჩოკინაზე იტყვი რამეს, ძმისწულო, და... ჩოკინა პატარაა. პატარას კი არც შენ გექნებოდა დიდი ჰკუა და არც მე, პატარას ყველას პატარა ჰკუა აქვს — სახედარსაც და კაცსაც. გაუშვით ირბინოს თავისუფლად!..

წინ კი — ცოტაც და თავისი სოფელიც გამოჩნდებოდა. როგორ შეხვდებოდა სოფელი შიო პაპას ცალყურა სახედარს და მის პატარა ჩოკინას — უკვე თქვენ თვითონვე მიხვდებით. ამის მოყოლა აღარ გინდათ, ამას თქვენ თვითონვე მიხვდებით.

რას ვიზამთ, არიან ასეთი ჯიუტი პაპებიც ქვეყანაზე!



მიხეილ ავლივიძე

დაკარგული საფლავი

შენი დაღუპვის ადგილი მიხმობს —
მიწის ბორცვი თუ ქვის ობელისკი.
რალაც ახალი მომელის თითქო,
მაგრამ არ ვიცი, რა მომელის კი...

იქნებ
ვარსკვლავი ძმათა საფლავზე,
ან იქნებ არც ის... მხოლოდ ტრამალი...
და მაინც მინდა ადგილს გადავცე
ჩემი ოხვრა და მამის სალამი.

შენი დაღუპვის ადგილი მიხმობს —
ჩვიდმეტმა წელმა გადაუარა.
მინდა მოვიდე და მინდა გკითხო:
გათავდა ომი, იცი თუ არა?

იცი თუ არა, რომ დედა არ გეყავს,
რომ ბევრს ეწვალა და ძლივს ეღირსა
სიკვდილი,
და რომ საფლავში ჩაჰყვა
იმედი შენი დაბრუნებისა...

შენი დაღუპვის ადგილი მიხმობს...
(ო, ისიც თითქო ჩემი ღვიძლია!)
რადგან კაცნი ვართ, რაც უნდა იყოს,
და დავიწყება არ შეგვიძლია!

შუადღის სიციხე.
ჭილყვავის ზარი.
გადამწვარ ველზე — ბული მტვრიანი...
ბილიკზე მიდის დაღლილი მგზავრი,
წერტილი — არა ადამიანი.

888



ჩაფიქრებული მიდის კაცი და
თითქო ვერაფერს ხედავს,
ირგვლივ კი
თვალუწვდენელი ველი გაშლილა
და იკლაკნება ველზე ბილიკი.

აღარ დაადგა საშველი ამ გზას!
აღარ ეცვლება ველსაც იერი:
აქ მიწას — ზეცის კედელი საზღვრავს
და ზეცას — მიწის დასალიერი.

არსად —
არც ბორცვი,
არც ხე,
არც ჩირგვი, —
მხოლოდ ველი და გზა დამლაღვი...
და მხოლოდ რუხი ბელტები ირგვლივ...
ეს არი, ძმაო, შენი საფლავი!

*

მოგონებები დაცურავენ წყალში თევზივით...
ოჰ, ღმერთო, ნეტავ, ერთი მაინც დამაჰყვრინა!
დილიდან აქ ვარ.

ანკესით ხელში
ქვაზე ვზივარ და ტალღებს დავცქერი.
ჩამავალი მზე, ვით მეომარი
ბრძოლის ველიდან გამოქცეული,
მთის ფართო ბეჭებს ამოეფარა;
უკანასკნელი სხივი ხმალივით
შემოიქნია, დაჰკრა მდინარეს
და დააჩნია ჭრილობის კვალი.

მერე ეს კვალიც ტალღამ მორეცხა...
ჭაღების ჩრდილი დაეცა იორს
და შაბიამნის ფერით შეღება
ჭალა და რიყე...

შესალამოვდა.
სოფლისკენ ზანტად მიდის ნახარი.
ზის კენწეროებს არხევს ნიავი
და შეუმჩნევლად მკრთალდება ზეცა...

სდუმს არემარე... მხოლოდ იორი,
შეფარებული იფნებს და მურყნებს,
გაათრებულნი ვენახებს უყეფს
და კისრისტეხით გარბის თავდაღმა
თბილისის ზღვისკენ.

იქ, სადაც ჩემი

მოგონებების სამოსახლოა
მარადიული...

მას ქერა თმები, როგორც ჩაფხუტი,
წარბებზე ჰქონდა ჩამოფხატული...

მას ღია ლურჯი თვალები ჰქონდა,
ისეთი სველი და გამჟვირვალე,
როგორც კენჭები მდინარის ფსკერზე...

და როგორც მწყურვალს, უდაბნო ველზე
მოხეტიალეს და ჩრდილის მძებნელს,
მზისგან დამსკლარი ჰქონდა ტუჩები...

და იგი უცებ ქუჩაში შემხვდა...

— ო, ჩქარა, ნაცნობს დაუძახეთ! გამაცნოს ვინმემ! —
აღმომხდა უცებ. მიმოვიხედე,
მაგრამ არავინ იყო მახლობლად,
რომ ეს მშვენება გაეცნო ჩემთვის...

და მე განვაგრძე გზა
და ვფიქრობდი,
რომ ამ პატარა დედანიწაზე
ჩვენ, მისი მკვიდრნი და მოსახლენი,
დასაბამიდან ვიცნობთ ერთმანეთს,
მაგრამ, რატომღაც, ამის შესახებ
ჩემს გარდა
ქვეყნად არავინ იცის.

სურათი


გადილო წვიმამ.

ორთქლავდა ოდნავ.
თმის გაღმა შეწყდა ღრუბლის ხველება...
მზე გამობრწყინდა

და ბალახს ჰქონდა
ახლადდაბანილ თმის სურნელება.

თვალს ახარებდა ცის სიხალასე,
ბალებში ლალად სტვენდნენ ჩიტები
და ციმციმებდნენ ლორთქო ბალახზე
აურაცხელი მარგალიტები.

ქველი აბჯავი



ნახატი დ. ერისთავისა

გამარჯობა, ბეჟან!

დიდი ხნის შემდეგ გივინებ, ბეჟან... ბევრჯერ გამხსენებია, სულ მინდოდა შენზე რაღაც დამეწერა, მაგრამ დროს ვერ ვპოულობდი. შენგამო ხშირად ვწუხდი, დროს კი მაინც ვერ ვპოულობდი, თორიდე სტრიქონი რომ დამეწერა შენზე. არასოდეს შეგპირებია, ოდესმე დავწერ-მეთქი. მაშინ ამაზე ვერც კი ვიოცნებებდი. მერმე მიკარგავდა დროდადრო მოსვენებას შენი ღუმელი, შენი უთქმელი სიტყვა და ამიტომ მინდოდა სხვებისთვისაც მომეთხრო შენი ამბავი.

ასე გავიდა დიდი დრო...

აბა, სად გვეცალა შენთვის, იმ კაცისათვის, რომელიც ჩვენს შორის აღარ იყო, რომელიც დიდი ხანია ჩვენგან წავიდა...

ახლა გაზაფხულის საღამო მაგონდება.

ბიჭები ბეჟანთან უნდა მივსულიყავით „გობსეკის“ მოსასმენად. სულ მიკვირდა, რატომ მაინცდამაინც „გობსეკი“ ამოირჩია-მეთქი წასაკითხად. შესაძლოა, ამ მოთხრობაში მართლაც არის ისეთი რამ, რითაც კაცი მხატვრული კითხვის ნიჭსა თუ ოსტატობას გამოამჟღავნებს.

ასე იყო თუ ისე, ბიჭები „გობსეკის“ მოსასმენად მივდიოდით. მე უნდა ღალად მივებოჯებდი, არ მინდოდა არაფრის მოსმენა, რადგან მოწაშე ვიყავი იმისა, თუ რამდენი ძალა შეაღია ბეჟანმა ამ მოთხრობის დასწავლას.

მანამდე პატარ-პატარა მოთხრობებს გვიკითხავდა ხოლმე. მე მომწონდა ბეჟანის ხმა — ოდნავ დაგუბული, რბილი, ხვეწროვანი. ხანდახან მეჩვენებოდა, თითქოს ძვირფასი რაღაც დაჰკარგა და სინანულმა დაუფუბა და დაუნადვლიან ხმა.



დარწმუნებული ვიყავი, სუნთქვა არ ეყოფოდა „გობსეკის“ წასაკითხისთვის. ესეც არ იყოს, ბეჯანი კითხვის დროს ძალიან დელავდა და მისი სუსტი, ავად-მყოფი სხეული ვერ გაუძლებდა ამდენ დელვასა და თრთოლვას.

წინასწარი შიში გამიმართლდა, უფრო მეტიც: ბეჯანმა წაკითხვის დღემდეც ვერ გაუძლო ამ დიდ მოთხრობას. მწოლიარე დაგვიხვდა და არავითარი დეკლამაცია აღარ შეეძლო. გაცრეცილი, გაფითრებული იწვა. სახე დაპატარავებოდა და ისედაც გადმოკარკლული ქალის თვალები გადმოცვენაზე ჰქონდა. დრო და დრო ახველებდა კიდევ.

ასე მწოლიარეს პირველად არ ვხედავდი, მაგრამ მისი დაფეთებული გამოხედვა და დუმილი, ცოტა არ იყოს, მეუცნაურა. ბეჯანი დაუდგრომელი იყო, შემტევი. საწოლიდანაც კი გებრძოდა და გიტევდა, მოსვენებას არ გაძლევდა. ახლა კი ფერდაკარგული მღუმარედ იწვა და შიშნასვამ თვალებს საბრალისად აცეცებდა.

ბეჯანის სასთუმალთან ჩემთვის უცნობ ქალიშვილს მიედგა სკამი. მოკრძალებული იჯდა. პატარა, თეთრი ხელები მუხლებზე უძრავად ეწყო და შეწუხებული დასცქეროდა საკუთარ ხელებს. ჩვენ რომ დაგვინახა, რატომღაც წამოდგა და ბოდიშით გაგვიღიმა. ახლა უკვე ყველანი ფეხზე ვიდექით უხერხულად და არ ვიცოდით, როგორ მოქცეულიყავით.

ეს უხერხულობა მე დავარღვიე.

— დაეხსნეთ... რატომ ვდგავართ ფეხზე? — ვიკითხე და სკამებისაკენ წავიწიე.

— შეილებო, — გავიგონე დედაბრის ხმა, — ბეჯანი შეუძლოდ არის.

აქ შემოსვლისას დედაბერი არ შემემჩნევია და გამიკვირდა, მისი ხმა რომ მომესმა. რა თქმა უნდა, მივხვდით, რასაც ნიშნავდა დედაბრის ნათქვამი და მაშინვე წასასვლელად ავწრიალდით. ბეჯანს წინააღმდეგობა არ გაუწევია, როგორც ჩანდა, აღარც მას უნდოდა ჩვენი აქ დარჩენა და ნელ-ნელა გავლაგდით აივანზე. კართან ბეჯანმა დამაწია ხმა:

— შენ ცოტა ხანს დარჩი, ნუგზარ.

— დაგიცადოთ? — დერეფანში ჩურჩულით მკითხეს მეგობრებმა.

— როგორც გინდათ... თუმცა წადით, ხვალ მაინც შევხვდებით უნივერსიტეტში.

მე ისევ ოთახში შემოვბრუნდი და კარი ფრთხილად მივხურე.

— თუ ძმა ხარ, გააღე! ცხელა, დავიხუთე.

კარი ისევ გავაღე. მერმე ბეჯანს მივუჯექი სასთუმალთან.

— რა მოგივიდა, ბიჭო?

— რა ვიცი... ჯანდაბას ჩემი თავი.

— სიცხე გაქვს?

— კი.

— რამდენი?

— ცოტა ხანს დაგვტოვე რა მე და ნუგზარი მართო... შენი ჭირიმე. — მუდართით მიმართა ბეჯანმა დედაბერს.

უკვე დავიწყებული მქონდა დედაბრის არსებობა და თავს ისე ვგრძნობდი, თითქოს ოთახში მართო მე და ბეჯანი ვიყავით. დედაბერი მორჩილად და უხმაუროდ გავიდა გარეთ, თითქოს წინდაწინვე იცოდა, რომ ასეც უნდა მომხდარიყო.

დღემდე არ ვიცი, რა ნათესაური ძაფები აკავშირებდა ბეჯანს იმ დედაბერ-



თან. მაშინ არ მაინტერესებდა და არც მიკითხავს. ვერც მერმე გავიგე. ვიცოდა, კარგად უვლიდა. ოთახს ულაგებდა, საქმელს უშზადებდა და საცვლებსაც ურეცხავდა. ბიჭები რომ მოვიდოდით, ან გარეთ გათაჩუნდებოდა, ანდა ოთახის კუთხეში მიიყუჩებოდა და თავისთვის იჯდა ასე გაყუჩებული. ყურადღებას არ ვაქცევდით და დამშვიდობებამდე აღარც კი გვახსოვდა, იყო თუ არა ჩვენს გარდა სხვა ვინმე ამ ოთახში. ბეჟანს ჩვენი იქ ყოფნისას არასოდეს ვაუსტუმრებია გარეთ და ახლა მეჩოთირა, ასე რომ მოექცა დედაბერს..

— ცუდად არი საქმე. — დედაბრის გასვლისთანავე მითხრა ბეჟანმა.

— რა საქმე?

— ავალა ვარ.

გაცნობის დღიდანვე ვიცოდი, რომ ბეჟანი ავადმყოფი იყო, მაგრამ მისმა ნათქვამმა მაინც დამაფიქრა. ბეჟანს არ უყვარდა თავის ავადმყოფობაზე ლაპარაკი და წუწუნი.

ღია კარიდან მეორე სართულის გაჩახახებულ აივანი მოჩანდა. კბილებჩაცვენილ, რიკულებიან აივანს მეზობლის მსუქანი დედაკაცი გადმოჰყუდებოდა და, გამწარებული, სასაცილოდ იქნევდა მსხვილსა და მოკლე ხელებს, თან გაუთავებლად ღარღარებდა. დაბლა იხედებოდა და რატომღაც გავიფიქრე. ჩვენს დედაბერს ელაპარაკება-მეთქი. ჩემთვის სულერთი იყო, იქნევდა თუ არა დედაკაცი მსხვილსა და მოკლე ხელებს, მაგრამ ისე მომესმა, თითქოს ბეჟანზე ლაპარაკობდა. ბეჟანზე და ჩვენზე — ბეჟანის მეგობრებზე, რომლებიც კვირასში ორჯერ ან სამჯერ ამ ოთახში ვიყრიდით თავს.

— იცი, რატომ დაგტოვე... ჯერ ერთი, იმ დედაბერს უნდა უთხრა, თავი დამანებოს...

— მე როგორ ვუთხრა?!

— როგორღაც უნდა უთხრა, ნუგზარ... მაგას სიკეთით და კულჩვილობით მოსდის, მე კი ჩემი მემართება.

— ჯერ გამაგებინე, რა მოხდა?

— არაფერი. ძალიან წუხს, სადამოებით სიცხეებს რომ მაძლევს. მე ასე არ შემიძლია. მე ვივიწყებ ხოლმე ჩემს ავადმყოფობას, თითქოს არცა მქირს... ეგ კი თავისი ცრემლებით და ვიშვივით ყოველ წუთს მახსენებს, რომ ცუდად ვარ.

— მაგის თქმა, ალბათ, არ გამიჭირდება.

— ოღონდ ისე უთხარი, თითქოს მე არაფერი ვიცი... სხვათაშორის ჩამოუვდგე ლაპარაკი. თქვი, ბეჟანს თავის ავადმყოფობაზე წუწუნი არ უყვარს-თქო. ანდა, როგორც მოახერხებ...

— შენ რატომ არ ეუბნები?

— ვერ ვუბედავ... მერიდება...

— თუ გინდა, დღესვე ვეტყვი.

— დღეს არა... თუმცა, შეიძლება, არც იყოს საქირო მაგის თქმა... ჩემისთანა კაცმა, ალბათ, არც უნდა იცოცხლოს... რისი მაქნისი ვარ? არაფრის.

— ნუ სულელობ.

— კიდევ, აი, რა, ჩემთან ასე ჯგუფ-ჯგუფად ნულარ მოდიხართ. დღეს ყველანი ერთად რომ დაგინახეთ, კინაღამ გული გამისკდა. — ბეჟანს ხველა აუტყდა, დიდხანს ახველებდა ყრუდ. უცებ თვალები ჩაულურჯდა, სახეზე სანთლის ფერი დაედო. ხველებისაგან დაღლილმა ძლივძლივობით წამოიწია და უღონოდ მიესვენა ბალიშზე.



ხმა არ ამომიღია, მეგობრის ღრმა სუნთქვა მესმოდა, თან იმაზე ვფიქრობდი, ჩვენმა დანახვამ რატომ გაუხეთქა გული ბეჟანს. განა არ იცოდა, ერთად რომ მოვიდოდით? განა ამ საღამოსთვის თვითონ არ ემზადებოდა თვენახევარი? ბეჟანმა სული მოიბრუნა და ხმადაბლა განაგრძო:

— წუხელ გამაფრთხილეს... მოვიდნენ და გამაფრთხილეს...

— ვინ იყვნენ?

— რა ვიცი, იყვნენ...

— რა გვინდაო?

— რახან ასე უნდათ, ნულარ მოხვალთ.

— ჩვენ ხომ არაფერს ვაშავებთ?.. ვიკრიბებით, ვსაუბრობთ, ვმეცადინეობთ. ხანდახან შენ კითხულობ ლექსებს, ან მოთხრობებს და გისმენთ.

— ნუგზარ, შენ ჯერ კიდევ... ერთი სიტყვით, ასეა საქმე... წუხელ მთელი ღამე თეთრად გავათენე... დღეს კი სიცხემ ამიწვია...

— ჩვენ ხომ არაფერს ვაშავებთ? — ისევ ვიკითხე გულუბრყვილოდ. მერმე უცებ მომჩვენა, თითქოს ჩვენი თავშეყრით მართლაც რაღაცა ვაშავებდით, რომ ეს იყო რაღაც საიდუმლო სერობის მსგავსი... ეს მხოლოდ წუთით მომეჩვენა. როცა კარგად დაფიქრდი, ცუდი ვერაფერი აღმოვაჩინე იმ მხიარულად და ბედნიერად გატარებულ საღამოებში.

— ამის შესახებ არაფერი თქვა... ჩვენ შორის დარჩეს...

მე წამოვდექი და ოთახში უახროდ დავიწყე სიარული. საშინლად მომინდა პაპიროსის მოწევა, თავს ძლივს ვიკავებდი. გულ, გამალებით მიცემდა, ვერც კი ვიგრძენი, როდის დამეუფლა მღელვარება, ბეჟანი კი გაუნძრევლად იწვა, თვალები დაეხუტა, მოკაუჭებული ცხვირი გათხელებოდა და უფრო გაზრდილი მოუჩანდა.

მიცვალეხულს ჰკავდა. ფრთხილად მივუახლოვდი და თავზე დავადექი. მივკაყურე... ფრთხილი, მსუბუქი სუნთქვა გავიგონე.

მერმე ნელა გაახილა ბეჟანმა თვალები და შემომხედა.

— მაგიდაზე გუიას მისამართია. — მითხრა ჩურჩულით.

მაგიდას გავხედე. მაგიდაზე მართლაც იდო რვეულის ფურცლის ნახევი.

— თუ ძმა ხარ, ხვალ გაიარე და წიგნები წამომიღე. ჩემი წიგნებია... ჩემი წიგნები ჩემთან უნდა იყოს.

— ვისი მისამართია?

— გუიასი. აქ რომ გოგონა იჯდა... ერთი წელია წაიღო და ძლივს დამიბრუნა. დიდი მეტიჩარა ვინმეა.

— ხვალვე მოვიტან წიგნებს.

მე აღარ შემეძლო იქ გაჩერება, ამიტომ დავეთანხმე ასე სასწრაფოდ. ქალღმრთლის ნაგლეჯი ჯიბეში ჩავიკმუჭენე და თავზარდაცემული გამოვედი ოთახიდან. თავზარდაცემული იმის გამო, რომ ვიღაცას ექვი შეეებარა ჩვენს სიწმინდეში, პატიოსნებაში. ჩემს სულში უჩვეულო შემფთობება ზარივით რეკდა.

აივანზე ბნელოდა. მეორე სართულზე ჩახახა ნათურა უკვე ჩაქართ. კიბეზე ბეჟანის ხელები გავიგონე. ახველებდა ყრუდ და გაბმულად. აღარ შევჩერებულვარ თავქუდმოგლეჯილი დაქვანდი კიბეზე.

— თუ შეიძლება, ერთი წუთით... — ქუჩაში გასვლისთანავე მომესმა ქალის მოკრძალებული, მშვიდი ხმა...

ხმა მშვიდი და წყნარი იყო, მაგრამ რატომღაც შემეშინდა — დაფეთებულმა მოვაბრუნე თავი: ჩემ წინ ის გოგონა იდგა, ბეჟანთან რომ ვნახე. ქუჩის

სიბნელეში სახე ვერ გავარჩიე, მაგრამ ვგრძნობდი, რომ ის გოგონა იყო, რომელიც ბეჟანთან დამხვდა — გუია.

— რამდენი ხანია გელოდებით. არ მეგონა, თუ ასე დაიგვიანებდით.

— ბიჭები წავიდნენ? — მეტი რომ ვერაფერი მოვახერხე, ეს ვკითხე.

— დიახ... ისე დავემშვიდობეთ, არც კი გავგეცნია. მე არ მითქვამს, თუ თქვენ გელოდებოდით... ვუთხარი, აქვე ვცხოვრობ-მეთქი და დავმორდი.

გუია მშვიდად ლაპარაკობდა, დაჯერებით. წელან რომ არ მენახა, ლაპარაკის კილოთი დარბაისელი, ჰკუაღამჯდარი ქალი მეგონებოდა...

ჩვენ უხმოდ გავყევით ბნელ ქუჩას. ერთხანს ასე ვიარეთ, მე ახლა ყველაფერი მალიზიანებდა და მაწუხებდა. მაწუხებდა ისიც, ქუჩა რომ ჩაბნელებული იყო; ისიც, რომ ეს გოგონა გვერდით მომყვებოდა.

— მე ვიცი, რატომაც დაგტოვათ ბეჟანმა.

— შესაძლოა, არ გედავებით, — ვუბასუხე და გამახსენდა ბეჟანის ნათქვამი: „დიდი მეტიჩარა ვინმეაო“, რომ მითხრა, ახლა მაგის მეტიჩრობის თავი აღარ მქონდა და მინდოდა როგორმე მომეცილებინა თავიდან ეს ტიკტიკა გოგო.

— ხვალ, ალბათ, წიგნების წასაღებად შემოვივლით ჩემთან?

— კი, მოსვლას ვაპირებდი. — დავეთანხმე. თან ბეჟანზე ვფიქრობდი. საკვირველია, ვინ მივიდა ბეჟანთან? ანდა საიდან გაიგეს, რომ მასთან ვიკრიბებოდით? ვის შეეპარა ეჭვი? ვაითუ მართლა ვაშავებდით რასმე?.. რატომღაც ტირილი მომინდა.

— ტყუილად გაირჯებით. მე სოხუმიდან არაფერი ჩამომიტანია.

— მე არ ვიცი, საიდან რა უნდა ჩამოგეტანათ. ბეჟანმა მისამართი მომცა...

„ღმერთო, ეს ვის გადავეკიდე. მაინც რამდენს ლაპარაკობს?! ბიჭი რომ იყოს. ერთს მივბერტყავდი ამ სიბნელეში. ახლა დავემშვიდობები და ვეტყვი, აქვე ვცხოვრობ-მეთქი.“

— ბეჟანს წიგნები კი არა, სიმშვიდე და მყუდროება სჭირდება.

— კი, მაგრამ...

— იმ წიგნებს არ დავუტარგავ... მისთვის უკეთესია, რაც უფრო ცოტა წიგნი ექნება.

— კი, მაგრამ ხვალ რა ვუთხრა?

— უთხარით, რომ მე არ დავხვდით შინ.

— მოვატყუო?

— რაც გინდათ, ის დაარქვით, ოღონდ ასე უთხარით. ანდა, უკეთეს რასმე თუ მოიფიქრებთ...

— მე ვერაფერს მოვიფიქრებ.

— მაშინ უთხარით ისე, როგორც მე გეუბნებით.

გაბრაზებულმა აღმაცერად გადავხედე გუიას. გულისამრევად მეტიჩრობდა. არ ვიცი, იგრძნო თუ არა ჩემი აღმაცერი მზერა, ეს კი იყო, ორმოცდაათიოდე ნაბიჯი უხმოდ გავიარეთ. ამ დღემილში გამახსენდა, რა საშინლად მინდოდა წელან პაპიროსის მოწვევა. ხალათის გულის ჯიბიდან ამოვიღე სიგარეტი და ცეცხლი მოვუკიდე. სიამოვნებით ჩავისუნთქე ცხელი ბოლი.

— მე მაინც ვერ გამიგია, — ვუთხარი, — რატომ არ სჭირდება წიგნები ბეჟანს? წიგნს სწორედ სიმყუდროვე და სიმშვიდე უყვარს.

— რა თქმა უნდა, — არც კი დაფიქრებულა ისე მომიგო, — ოღონდ არა ისეთი, როგორც ბეჟანს ესაჭიროება. წიგნი მაინც ღლის ადამიანს, ბეჟანი არ უნდა დაიღალოს.



— იმ წიგნების გარდა სხვაც ბევრი აქვს... მარტო ჩემი სამი თუ ოთხი წიგნი უდევს თაროზე.

— ხვალ რომ მიხვალთ, წამოიღეთ... სხვებსაც უთხარით, ასევე მოიქცნენ. ბეჟანმა მართალი მითხრა — ასეთ მეტიჩარა გოგოს პირველად ვხედავდი. როგორც ჩანდა, გუიას ბეჟანის მფარველობა და მოვლა-პატრონობა გადაწყვიტა. ალბათ, ამ მიზნითაც იყო ჩამოსული სოხუმიდან.

ბეჟანს კი სულაც არ ეპიტინავებოდა ეს გოგონა. თანაც... და ისევ ზარივით დარეკა სულში შემოფოთებამ. მთელი სხეულით ავკანკალდი. აღარ მესმოდა, რას მელაპარაკებოდა გუია. ასე უსიტყვოდ მივყვებოდი. ახლა უკვე მეშინოდა კიდევ; შუა ქუჩაში არ მივეტოვებინე. არ დამშვიდობებოდა, ვებლაუჭებოდი როგორც ბავშვი ებლაუჭება ხოლმე დედის კალთას. მერმე ნელ-ნელა დავმშვიდდი და ვცდილობდი, მხოლოდ იმაზე მეფიქრა, რაზეც გუია მესაუბრებოდა. გუია ისევ ბეჟანის წიგნებზე მელაპარაკებოდა. მე კი ხვალ ბეჟანს წიგნები რომ არ მივეუტანო, გადაირევა, ჰკუეს დაჰკარგავს.

ბეჟანს ავადმყოფურად უყვარდა წიგნები. წიგნებით ცოცხლობდა და სულდგმულობდა, როგორც ცოცხალ არსებებს, თავს ევლებოდა. მისგან წიგნის წაღება არც ისე იოლი საქმე იყო. ყოველთვის სჭირდებოდა ის წიგნი, რომელსაც სთხოვდი. ვასაოცარია, როგორ წაიღო იმ გოგონამ ბეჟანისაგან წიგნი, ისიც რამდენიმე ერთად. თუმცა ისეთი ვინმე ჩანს, რას არ მოახერხებდა.

— დიდი ხანია იცნობთ ბეჟანს? — ვკითხე. თან ვიგრძენი, უკვე დავმშვიდდი და საკუთარ თავს დავუბრუნდი, როგორც ნაბრძოლი მემომარი უბრუნდება თავის კერას.

— სამი-ოთხი წელი იქნება.

— სად გაიცანით?

— თეატრში.

— თქვენ ალბათ მსახიობი ხართ? — გადაეუკარი დაცივით.

— მაშინ მე მაყურებელი ვიყავი.

— ახლა!

— ახლა თითქმის აღარც დავდივარ თეატრში. ბეჟანმა რაც სცენა მიატოვა, აღარ ღირს იქ სიარული...

შარშან ზაფხულში გავიცანი ბეჟანი, უნივერსიტეტში, მისაღებ გამოცდებზე. თითქმის ერთი წელია, რაც ვმეგობრობთ და ერთხელაც არ დასცდენია, თუ ოდესმე მსახიობი იყო. რატომღაც მეგონა. ავადმყოფობის გამო გაუცდა წლები და ამიტომ შემოვიდა ასე გვიან უნივერსიტეტში-მეთქი. თურმე, როგორც სოხუმელი გოგონასაგან შევტყვევ. ავადმყოფობის გამო მიუტოვებია თეატრი. სამი წელი ყოფილა სცენაზე და მერმე მიუტოვებია. ახლა ჩემთვის უკვე ნათელი გახდა ის სადამოები, როცა ბეჟანი მხატვრულად კითხულობდა მოთხრობებსა და ლექსებს. ამით იკლავდა არტისტულ ჟინს. რა თქმა უნდა! ბეჟანს ჩასუნთქული ჰქონია რამპის ბაცილა და ამ ავადმყოფობისაგან განკურნება ისევე ძნელია, როგორც ჭლექისაგან.

— ბეჟანი სცენაზე რომ გამოჩნდებოდა, ტაშით ინგრეოდა იქაურობა.

— მართლა? — ვკითხე. მერმე ისევ დარეკა სულში ზარმა, ისევ დამიარა ერთხანტელმა. „ნუთუ მართლა ვაშავებდით რასმე?..“

— რანაირი მეგობრები ხართ, ერთმანეთის არაფერი იცით? — ასეთი რაღაც მკითხა მგონი.



— ხანდახან ხდება ხოლმე. — ვუბასუხე ისე, კარგად, არც კი გამიგებდა შეშინებულმა.

— არცერთ სპექტაკლს არ ვაცდენდი... მარტო მე კი არა, მთელი კლასი... ჩვენ უკვე მკრთალად განათებული ვიწრო ქუჩით მივდიოდით, ქუჩაში ჩვენს მეტი არავინ ჩანდა. სულ მეშინოდა, გუია საცაა მეტყვის „გმაღლობთ, სახლამდე რომ მომაცილეთ...“ და დამშორდება-მეთქი, მაგრამ არ მეუბნებოდა და ჩვენ მივდიოდით ხან ბნელი, ხან ნახევრად განათებული, ოღრო-ჩოღრო ქუჩებით. ჩემ სახლს დიდი ხანია გამოვცდი. შესაძლოა გავცდით იმ სახლსაც, სადაც გუია ცხოვრობდა. გუია გატაცებით მიყვებოდა ბეჟანის არტისტულ ცხოვრებაზე, როგორ ითამაშა „კრაზანაში“ არტური და მეცხრე კლასელმა გოგოებმა როგორ მიართვეს ყვავილების უხარმაზარი კალათა.

„ოღონდ არა ეს! უფალო, რაც გინდოდეს, ოღონდ არა ეს!“ — ჩურჩულებდა ხანდახან გუია, კრაზანას სიტყვებს ბეჟანის ყრუ და დაგუბული ხმით იმეორებდა და მე ვგრძნობდი, ორიოდ წლის წინათ მეცხრეკლასელ გოგონას რა ღრმად აღბეჭდოდა მესხიერებაში მებრძოლი, ძლიერი მამაკაცის სახე.

სიგარეტს სიგარეტზე ვაბოლებდი და უხმოდ მიყვებოდი გუიას. სულელურად ამეკვიბა და ერთვად ვიმეორებდი უაზროდ: „ოღონდ არა ეს! უფალო, რაც გინდოდეს, ოღონდ არა ეს!“

— დღეს ისე გავბრაზდი, ამბობდა გუია, — როცა გავიგე, ბეჟანს „გობსეკი“ მოუშადავია. სულ არ უფრთხილდებით, ასე არ შეიძლება.

— გუია... — მინდოდა მეთქვა, „გუია, მე ვუშლიდი-მეთქი ბეჟანს“, მაგრამ აღარ მითქვამს.

„გუია“ — პირველად მიემართე სახელით სოხუმელ გოგონას. მას არ გაპკვირებია, სახელით რომ მიემართე. მე კი რაღაც მომეწონა... შეიძლება უბრალოდ მესიამოვნა ამ სახელის წარმოთქმა, როგორღაც დამამშვიდა, დამამყნარა, ამიტომ ვიმეორებდი ფიქრში: გუია... გუია...

— ყველა აღამიანში ზის პატარა გობსეკი, — ასე თქვა ერთხელ ბეჟანმა. მე მგონი არ არის მართალი. ყველაში არც შეიძლება იჯდეს გობსეკი, — პასუხის მოლოდინში გუიამ შემომხედა, მაგრამ მე სიტყვაც არ დამიძრავს, არასოდეს დავფიქრებულვარ იმაზე, თუ ვის სულში იყო მოკალათებული პატარა გობსეკი.

— ბეჟანი ამბობს, ჩვენ ერთმანეთს ყოველთვის რაღაცით ვძარცვავთ, რაღაცას ვართმევთ, შესაძლებელია ძალიან მცირეს, მაგრამ რაღაცას მაინც ვტაცებთო.

„ოღონდ არა ეს! უფალო, რაც გინდოდეს, ოღონდ არა ეს!..“

— არც ეს არის მართალი, ზოგჯერ თუ ვძარცვავთ, უმეტეს შემთხვევაში, ვამდიდრებთ კიდევ ერთმანეთს... ხომ მართალია?

თრიალეთის მთიდან იქეჭა. ქუხილი ზევით წამოვიდა და თბილისის თავზე საშინელი ხმაურით დაიმსხვრა. უნებურად შევკრთი და გული გადამიქანდა. ცას გავხედე: დაბალ სახურავებს მიღმა დროდადრო წითლად ნათებოდა. მერმე ღრუბელს აქა-იქ ელვა დაეკიდებოდა, როგორც მდინარის კბოლეს ხის ფესვები.

— წელს ქუხილი პირველად გავიგონე, — თქვა გუიამ.

— მეც.

— ვიჩქაროთ, თორემ ვაწვიმდება.

— შორს ცხოვრობთ?

— ვაკეში.

ჯერ კიდევ მთელი ქალაქი გვექონდა გასავლელი. გუიამ კი თქვა, — ვინ-ქართო, მაგრამ არ აჩქარებულა, ნელა მიდიოდა. გზადაგზა ვფიქრობდი: ვა-კემდე კი გავაცილებ-მეთქი... ვაცილება არაფერია, იქიდან დაბრუნება თქვი.

გუია წელანდელივით აღარ მალიზიანებდა, ახლა უკვე სახეზეც მინდოდა შემეხედა. ბეჟანთან როგორღაც ვერ დავაკვირდი. ისე კი გადავხედე. წყნარად, მოკრძალებულად იჯდა ავადმყოფის სასთუმალთან და თეთრი, პატარა ხელები მუხლებზე ეწყო. რამდენადაც მახსოვს, ლამაზი სახე ჰქონდა.

წვიმის მსხვილი წვეთი დამეცა სახეზე. ალბათ, მე და გუიას ერთდროულად დაგვეცა, იმანაც ახედა ცას...

უცებ თითქოს ცა ჩამოიქცა. კოკისპირულად დაუშვა და ძლივს მო-ვასწარით სადარბაზო კართან მიუყუევა. მონატრისფრო ასფალტი სწრაფად გა-დააშვა წვიმამ. სადარბაზოს კარიდან ოციოდე ნაბიჯის იქით დიდი მოედანი მოჩანდა, მოედანზე ხალხი გარბოდა და ვისაც სად შეეძლო, თავს აფარებდა. მანქანები თავსხმაში ნელა მოძრაობდნენ და ფარების შუქზე ვხედავდით ჩქარსა და ირიბ წვიმას, რომელიც ნათელი, მოძრავი ხაზებით სერავდა ღამეს.

ჩვენს წინ აკაციის დიდი ხე იდგა. წვიმამ ყვავილები დააყრევინა და ხის ძირი თეთრად გადაიბენტა. ყვავილთან ერთად წვიმას აკაციის სურნელი ჩამოჰ-ქონდა დაბლა და იქაურობას აბრუებდა.

მე და გუია ავიტუხეთ. ზურგიტ, რაც შეგვეძლო, კარს მივეკარით, რომ ას-ფალტზე დაცემულ წვიმის შხეფებს ფესხაცემლები არ დაესველებინა. მოწყე-ნილები გავცქეროდით ქუჩას, მოთმინებით ველოდით წვიმის გადაღებას.

გულმოდგინედ, ჯიუტად წვიმდა.

აღარაფერზე აღარ ვფიქრობდი. ასე დგომა და წვიმის ცქერა დილაამდე შე-მეძლო. თანდათან სიმშვიდე მეუფლებოდა და, როცა კაცი დამშვიდებულია, ალბათ, გათენებამდეც შეუძლია უცქიროს შხააუნას.

გუიას ლაპარაკის ხალისი დაეკარგა, ან სალაპარაკო შემოეღია. რაც აწუ-ხებდა, ალბათ, მითხრა და სათქმელი აღარ ჰქონდა. ერთი ორჯერ საუბრის წა-მოწყება დაეპაირო, მაგრამ არაფერი გამომივიდა. არც პიჯაკი მეცვია, თორემ გავიხდიდი და შევთავაზებდი — მოიხურეთ, არ გაცივდეთ-მეთქი, სხვათა შო-რის, მაინც ვკითხე:

— ხომ არ გცივათ, გუია?

— არა... ისე კი ცოტა აგრილდა.

— ნამდვილად აგრილდა. — დაველასტურე მაშინვე.

ჩვენ წინ ვილაცამ გამოსტოპა ქუჩა. თავზე პიჯაკადაფარებულმა ჩაკვირ-ბინა წინ და სიბნელეში გაუჩინარდა. თვალი გავაყოლეთ და მერმე რა-ტომღაც ერთმანეთს გავუღიმეთ, თითქოს რაიმეს ნიშნავდა, რომ ვილაცამ გაირ-ბინა წვიმაში.

„ოღონდ არა ეს! უფალო, რაც გინდოდეს, ოღონდ არა ეს!“

მე ვცდილობდი, დამშვიდებული ყყოფილიყავი, მაინც რა მაფორიაქებდა, რა მიშფოთებდა სულს? უკვე აღარაფერზე აღარ ვფიქრობდი, თითქოს ყვე-ლაფერი დავივიწყე და აღარაფერზე აღარ ვფიქრობდი... მხოლოდ გუიას ვუმ-ხერდი, ვიზეპირებდი მისი სახის ნაკვთებს და ვცდილობდი დავმშვიდებული-ყავი.

გუიას ოღნავ მოგრძო სახე ჰქონდა, დიდი, წყლიანი თვალები. პატარა სა-ხეზე ასე დიდი თვალები, თანაც ასე წყლიანი, იშვიათად მინახავს. თმა შავად

უბზინავდა, მაგრამ რამდენადაც მასსოვს, შავი თმა არ უნდა ჰქონოდა, იქ სინათლეზე, მგონი სპილენძისფერი გადაჰკრავდა.

— თქვენ გცივათ, გუია... იციოთ რა? ადგილები შევიცვალეთ. ეს უფრო მოფარებული ადგილია.

გუია უსიტყვოდ დამეთანხმა და ადგილები შევიცვალეთ.

— აქ მართლა თბილა... ალბათ, ეს კუთხე თქვენ გაათბეთ.

— შეიძლება.

— ღმერთო ჩემო, როდის გადაიღებს წვიმა.

მსუბუქმა მანქანამ ჩაგვიარა წინ. ალბათ, შოფერმა თვალი მოგვკრა საცოდავად ატუზულებს. მანქანა სულ ნელა გაგვიტარა ცხვირწინ. მე კაპიკი არ მომიძებოდა. გულსჯიბეში დავიწყე ხელის ფათური, უკანასკნელი სიგარეტი ამოვიღე და ნირწამდარმა ცეცხლი მოვუკიდე. გუია გატრუნული იდგა, ხმას აღარ იღებდა. ახალა შევამჩნიე, დაბნეულებით აფახულებდა დიდ თვალებს. შევატყე, სციოდა და ხელზე ხელი მოვკიდე... ზედიზედ მოვქაჩე სიგარეტი, ჯერ ნახევრამდეც არ მქონდა მოწეული, გადავადე. ანთებული სიგარეტი სველ ასფალტზე დაეცა და შიშინით ჩაქრა.

გუიას გრილი ხელები ჰქონდა. უფრო ახლოს მივიწვიე და თვალბში ჩაახედე. შეშინებული შემომცქეროდა. უცებ მომეჩვენა, რომ უმწეო იყო, განწირული და შევლას მთხოვდა. ორივე ხელი სახეზე მოვკიდე, თავი გადავუწიე, უფრო ღრმად ჩავხედე შემკრთალ თვალბში.

გუია მთელი ტანით მომეკრა. მე ხელები მოვხვიე სუსტ, ათრთოლებულ სხეულს და ჩავიხუტე. ასე გაყურებულები დიდხანს ვიდექით ტყეში დაკარგული, შეშინებული ბავშვებივით.

— გუ-იი-აა!

— გუ-იი-აა!

ქუჩაში ჩვენს მეტი არავინ იყო. წვიმა ჯიუტად თქრიალებდა ფოთლებზე. გუია ჩემს მკერდში მალავდა სახეს. ისევ გადავუწიე თავი და დავხედე! გუიასაც წვიმით ჰქონდა სახე დიდი თვალბი, ხოლო ჩემში ვიღაც იძახდა ხმამალლა:

— გუ-იი-აა!..

— გუ-იი-აა!..

მთელი დამე დავეხეტებოდით წვიმიანსა და უკაცრიელ ქუჩებში. ფეხსაცმელები ვავიხადეთ და ფეხშიშველები მივტყაპუნობდით გუბებში. ღამის დარაჯებს ვთხოვდი პაპიროსებს და ნეტარებით ვაბოლებდი. შუა ქუჩაზე, თავსხმაში ვუკოცინდი სველ სახესა და ტუჩებს. თუ სადმე ნიაღვარი გადაგვიღობავდა გზას, გუიას ხელში ავიტაცებდი და ქუჩიდან ქუჩაზე გადამყავდა თავიდან ფეხამდე გაწეწული.

მერმე წვიმამ გადაიღო და განთიადი წამოგვეწია გუიას სახლთან.

— ხეალ მიხვალ ბეჟანთან? — მკითხა გუიამ დამშვიდობებისას.

— რა თქმა უნდა.

— მოდი, ნუ მიხვალ.

— რატომ? — გავკოცდი.

— ასე უკეთესია.

მხრები ავიჩეჩე. გუია დაფიქრდა, მერმე ისევ მე მომიბრუნდა.

— ბეჟანს არაფერი უთქვამს?

— არა.

— რახან დაგტოვა, უსათუოდ გეტყოდა.

„ოღონდ არა ეს! უფალო, რაც გინდოდეს, ოღონდ არა ეს!“..

— ნუ მიხვალ, გეხვეწები, ნუ მიხვალ... ერთ კვირას მაინც...

მე შეეპირდი, რომ ერთ კვირას მოვითმენდი და ბეჯანს არ ვინახულებდი... სამაგიეროდ ამ დღეებს გუიასთან ერთად გავატარებდი. გუიასთან ერთად... დმერძო, რა უცებ ამავსო ამ პატარა, ლამაზმა გოგონამ. ჩემზე ბედნიერი კაცი ქვეყნად არ მეგულებოდა! მე სხეულით მომქონდა გუიას, თრთოლვა და სითბო.

მეორე დღეს უნივერსიტეტში არ წავსულვარ. ღამენათევსა და დადღილს გვიან გამეღვიძა. საღამოს გუიას უნდა შევხვედროდი და მთელი დღე მოუსვენრად ვწრიალებდი, ვერ ვისვენებდი.

შინ ველარ გავქელი და ქუჩაში გავედი. გადაწყვეტილი მქონდა, არ მოვსულიყავი ბეჯანთან, მაგრამ გუიასთან შეხვედრამდე დარჩენილი ორი საათი არ ვიცოდი სად გამეტარებინა და მაინც წავედი.

ბეჯანი ფეხზე დამხვდა. ოთახში რაღაცას ჩალიჩობდა. სახეზე შევხედე და გული გადამიქანდა: ბეჯანი უკვე ამ ქვეყნისა აღარ იყო.

— კიბეზე ხომ არავინ შეგხვედრია? — მკითხა საიღუმლო ჩურჩულით.

— არა.

— ახლახან წავიდნენ...

ჯერ ვერ მივხვდი, რას მეუბნებოდა, მერმე გავშრი და ენა დამეხა.

— რა უნდათ, ვერ გამიგია...

„ოღონდ არა ეს! უფალო, რაც გინდოდეს, ოღონდ არა ეს!“..

— სოფელში წასვლა გადავწყვიტე... მოვშორდები აქაურობას.

— გამოცდები?

— ჯანდაბას გამოცდები!

ბეჯანი ჩემოდანში წიგნებს ალაგებდა. არჩევდა, რომელიც არ სჭირდებოდა, ისევ თაროზე აწყობდა. ხელში ჩემი წიგნი მოხვდა. მეგონა, გადმოამწოდებდა. მეტყოდა — „შენია, წაიღეო“, მაგრამ ისე იყო აღელვებული, რომ უკვე თავისას და სხვისას ველარ არჩევდა.

უცნაურია, რატომღაც ვიფიქრე, რომ ბეჯანს უკანასკნელად ვხიდავდი, რომ უკანასკნელად ვიყავი იმ ოთახში, სადაც ამდენი კარგი დღე მქონდა გატარებული. აქაურობას შეჩვეულს მენანებოდა, გული მწყდებოდა ყველაფერზე, რაც აქ გატარებულ დღეებთან იყო დაკავშირებული. ვერ წარმომედგინა, როგორ უნდა მეარსება იმ ფიქრების, იმ ოცნებების გარეშე.

— როდის მიდიხარ?

— ხვალ საღამოს. ერთ რამეზე მწყდება გული, ბასკების თამაშს ველარ ვნახავ...

— გაგაცილოთ?

— არა. არცერთი არ მოხვიდეთ გასაცილებლად.

— მე და გუია მოვალთ...

— რა დროს გუიაა?

მეწყინა, ასე აგდებულად რომ ახსენა გუია. ვიგრძენი: გავწითლდი, ცეცხლი მომეკიდა სახეზე.

— რა? ცუდი გოგოა?

— კარგად არ ვიცნობ.

— გუია რომ გიცნობს?

— მართლა. რატომ არ გაიარე გუიასთან ჩემი წიგნების წამოსაღებად?

— ბეჟან, როგორი გოგოა გუია?

— გითხარი, არ ვიცნობ-მეთქი.

— წიგნები რომ გითხოვებია?

— ხანდახან მოდიოდა ჩემთან... ვსაუბრობდით. მარტო ეგ კი არა, მთელი კლასი მომადგებოდა ხოლმე.

— როგორი გოგოა გუია?

ბეჟანი ხმას აღარ იღებდა. წიგნებში ფათურობდა. საშინლად უკანკალებდა უღონო, თხელი ხელები. მასთან ლაპარაკი უკვე აღარ შეიძლებოდა. მე მაინც ჩავაჯინდი, მინდოდა გამეგო, რატომ მოდიოდა გუია ბეჟანთან.

— „ოღონდ არა ეს“ ...ფუ! — ჩაეჩინე ხელი. ნამდვილად იდიოტი ვარ. თუ რამე ამეკვიატა, ვერაფრით ვეღარ მოვიშორებ.

თითქოს ოთახში არ ვეგულეობდი, ჩემს დაჯინებულ შეკითხვებს გვერდს უვლიდა და გაბრაზებული თავისთვის რაღაცას ბუტბუტებდა.

ასეთი ზიზღი და გაბოროტება ბეჟანის სახეზე მანამდე არ შემიმჩნევია. უცებ გამიელვა ეჭვმა და მთელი სხეული შემირცოდა. მომეჩვენა: თითქოს ისინი, ბეჟანთან რომ მიდიოდნენ და ეკითხებოდნენ, სტუდენტები რატომ იკრიბებიან, რაღაცით გუიასთან იყვნენ დაკავშირებულნი. მომეჩვენა, თითქოს ეს იცოდა ბეჟანმა და მიმალავდა. ბევრი რამ საეჭვო და დასაფიქრებელი გავისხენე. რატომ მელოდებოდა გუია ჭიშკართან? ალბათ, იმიტომ, რომ ვაგეო, მეტყუადა თუ არა რასმე ბეჟანი იმ უცნობი კაცების შესახებ. ანდა ასე უცებ როგორ მომენდო? სულ ერთი საათის გაცნობილები თუ ვიქნებოდით და მომენდო. ანდა რატომ მიკრძალავდა ბეჟანთან მოსვლას? მე დავიბენი და საკუთარ ეჭვებსა და ფიქრებს თავს ვეღარ ვართმევდი.

ეჭვი თანდათან მერეოდა, მჩაგრავდა, წუხანდელ ბედნიერებას მთელი ძალით აწევებოდა და აძევებდა.

ბეჟანს დავემშვიდობე და წამოვედი.

იმ დღის შემდეგ ბეჟანი აღარ მინახავს. არც გუია მინახავს იმ დღის შემდეგ. ალბათ, დიდხანს მელოდა ოპერის ბალთან...

მე შინ ვიჯექი და არავის ნახვა აღარ მინდოდა. მეჩვენებოდა, ქვეყანაზე მარტოდმარტო დავრჩი. უსიამოვნო გრძნობა სიმარტოვისა გულზე მძიმედ მაწვებოდა... გუია მეცოდებოდა, ეს პატარა, ლამაზი და თვალთმაქცი გოგონა. დე, მდგარიყო იქ, ოპერის ბალთან, დამლოდებოდა. ხომ უნდა მიმხვდარიყო, ბოლოსდაბოლოს, რომ ბრმა ლეკვები არა ვართ...

მეორე დღეს ბეჟანი სოფელში წასულა.

მე არ გამიცილებია.

არცერთ მეგობარს არ გაუცილებია ბეჟანი.

უნივერსიტეტელი მეგობრები (ისინი, ბეჟანთან რომ დავდიოდით) აღმაცერად ვუცქერდით ერთმანეთს, ვერიდებოდით და გავურბოდით. ყველაში მეპარებოდა ეჭვი. ხანდახან ბეჟანიც საშიშ კაცად მეჩვენებოდა. საშიშ ადამიანად მეჩვენებოდა ის დედაბერიც, ბეჟანის ოთახში უხმაუროდ რომ დაფაჩუნობდა; ის დედაკაციც, მოკლე და მსხვილ ხელებს რომ იქნევდა მეორე სართულიდან...

ბეჟანი აბრეშოს ბოლოს წავიდა.

ერთი თვის შემდეგ გარდაცვლილა და ეკლესიის ეზოში დაუმარხავთ — სოფლის სასაფლაოზე...

დიდი დრო გავიდა მას შემდეგ, ბეჟან... მე დავწერე ყველაფერი ისე.

როგორც იყო. შენზე მეტის დაწერა მინდოდა, მაგრამ არ გამომივიდა, ჩემს თავზე უფრო ვილაპარაკე, ვიდრე შენზე. კარგია, თუ ცუდი, სხვანიირად ვერ მოვახერხე. ყოველშემთხვევაში, შენგამო ფიქრმა დამაწერინა ეს პატარა მოთხრობა და მიხარია, რომ მაშინ უმწიკვლონი ვიყავით, ბავშვური ნათელი ოცნებებით აღსავსენი.

ნეტაეი ახლა სად არის გუია? გუია ჭკვიანი ვოგო იყო და ბოლოსდაბოლოს, ალბათ, მიმიხვდა, რატომ არ მივედი იმ სადამოს ოპერის ბაღთან, რატომ დავკარგეთ ერთმანეთი ასე უგზო-უკვლოდ. შესაძლოა, მიმიხვდა კიდეც, თუმცა ეს არც მისთვის, არც ჩემთვის ნუგეში არ არის, ეს საუკუნო დაღია სიყრმის ოცნებებზე დაჩნეული.

ჩვენ გავამდიდრეთ ერთმანეთი და გავძარცვეთ კიდეც. მაგრამ მე მგონია, გუია მართალი იყო, ჩვენ უფრო გავამდიდრეთ, ვიდრე გავძარცვეთ. შე ახლა თქვენით ვარ სავესე. რა გაძარცული და გაქურდული ვიქნებოდი, ოდესღაც თქვენ რომ არ შემხვედროდით — შენ და გუია. ჩემი სიმდიდრე ხსოვნაში აღბეჭდილი მახლობელ ადამიანთა ძვირფასი სახეებია...



შოთა აკობია

ორი დაბადება

ეს იყო მდინარე კოდორის ნაპირას, ზღვის ახლოს...
ქალი იკრუნჩხებოდა... და აი — ხელში მყავს ადა-
მიანი...

დანა ბარაკში მომპარეს — და მე კბილით ვკენეტ
ჭიბს, ბალღი ღრიალებს... დედა კი იღიმება.

მ. გორკი. „ადამიანის დაბადება“.

1

ზღვაურს ფრთები არ ეღლება,
არ ყუჩდება ზღვის ღრიალი.

ტალღა ლოდებს დაეხლება,
თითქოს რაშის წიხლი არის.

გვადა ეძებს აფხაზურას,
ქვიშას აყრის ქარბორბალა...

ჰაუ, ღამე გადასულა,
მთებზე შუქი გადმომდგარა!

სად მონახოს ქანცვაცილიმა,
ლურჯა რაში, საყვარელი;
ალბათ ქარმა გადასილა
მისი ცხენის ნაკვალევი!

მიტოვებულ კარმიდამოს,
გავს ბურუსში ზღვის ნაპირი;
ხმელი მუხა ქარში დაობს,
ვით მოხუცი სიტყვაძვირი.

ვერ იბოვა გვადამ ცხენი,
ველარც ცხენის ნაკვალევი.
შეციებულს გვანან ხენი,
ქარით ანაკანკალები.

ზღვაურს ფრთები არ ეღლება,
არ ყუჩდება ზღვის ღრიალი.

ტალღა ლოდებს დაეხლება,
თითქოს რაშის წიხლი არის.

2

გლეხკაცური, მძიმე ძილი,
ტყბილი არის იმედივით...
და ის იყო, სოფლად ჭრაქებს
თვალი ჰქონდათ მიზნედილი...

ქარს შემოჰყვა აკივლება,
როგორც ელვის ნაპერწკალი;
ეს ხმა სთესდა გაკვირვებას,
აუხილა ჭრაქებს თვალი.

ის კივილი ყველას მიწვდა,
აწრიალდნენ ქონხახებში.
გვადამ სწრაფად გადაიცვა,
რაც პირველად მოხვდა ხელში.

ერთ ეზოში თავი ხელად
მოიყარა ყველა ჭრაქმა...
მელოგინეს ვერ უშველა, —
ფერი მისდის ბებიიქალს.

შავი ბედის შავი მიჯნა,
თითქოს აგერ, ახლოს არის,
აწერინებს ყველას პირჯვარს,
ეს წუთები საოცარი.

ხალხს,
 ბედი რომ განრისხდება,
 უფრო ესმის ერთმანეთის;
 მაშინ ბჭობა დაიწყება,
 მაშინ განზე რჩება ღმერთი.

ამჟამადაც,

პირჯვრის წერას

უცებ, ბჭობა მოაყოლეს:
 — ბებების ნულარ გვეჯერა,
 ნუ ვედებით ღობე-ყორეს!

3

— გადაარჩენს დოსტაქარი.
 თუ მანამდე გადაურჩა!..
 — აბა, ცხენი ჩქარზე-ჩქარი!
 — აბა, გვადა შენი ლურჯა!

...ვერ იპოვა გვალამ ცხენი,
 ველარც ცხენის ნაკვალევით.
 შეციებულს გვანან ხენი,
 ქართთ ანაკანკალეობით.

წასვლა საით დააპიროს?
 ცივი დილა ნისლში ყვინთავს...
 კოდორს აჰყვავ, სანაპირო
 ვკალ-ბარდებს მოეჩითავ.

იქნებ სმენა ატყუებდეს;
 თითქოს ვილაც დაიკვივლებს!
 დაიკვივლებს,

წუთის შემდეგ
 მეორდება ხმა იგივე.

ხისქვეშ რალაც გაარჩია,
 გაოცებამ აიტანა.
 მიეახლა... ზღაპარშიაც
 არ სმენია ამისთანა:

შეხიზნული უკაცრიელს,
 მელოგინე, სიკვდილს ნატრობს;
 მეანობა თუ გასწიე,
 ეს უშველის მარტოღმარტო.

ო, ნეტავი არც ენახა;
 ქალს იღბალი სად გარეიყავს!

ნუთუ საწყალს არც დედა ჰყავს,
 არც მამა ჰყავს,
 არც ქმარი ჰყავს?!

თითქოს ებრძვის ცეცხლს და ღაღარს,
 უპატრონო, უხმობს პატრონს.
 მელოგინეს, ლოგინადაც
 შერჩენია მდელი მარტო.

ქვეშ უგია ნეშობალა;
 არც ზეწარი, არც ბალიში...
 ამ ქალაკში შეუპოვარს
 ალბათ სხვა აქვს ანგარიში!

ალბათ სოფელს ემალება,
 როგორც მნახველს ტანშიშველი:
 „დაგეხმარო მევალება,
 მაგრამ, დაო, რას გიშველი!“ —

გვალამ ასე გაიფიქრა,
 მიტრიალდა გულნატყენი;
 ახლა, ორი ქალის იღბალს
 გადასწყვეტდა მისი ცხენი!

შავი ცელი სიკვდილისა,
 მსხვერპლის ახლოს თამაშობდა.
 ცხენს მოუხმო, ქიხენის ხმა
 მოიტანა ქარაშოტმა.

ლურჯა მოქრის ქალაკიდან,
 ცინცხლებს აჩენს რაშის ნალი:
 — ნატვრისთვალი რალად მინდა,
 ლურჯავ, შენ ხარ ნატვრისთვალი!

არ იკარებს მათრახს ლურჯავ,
 არც სხვა ვინმეს გაიკარებს;
 გვალაც ექიმს შემოუჯდა.
 ო, ბოდში ეთქვა ბარემ!

ვაქვაცს გულით სამართლიანს,
 თავისთავთან კამათი აქვს:
 — ერთი ქოხში იტანჯება,
 ერთმა ცისქვეშ გაათთავ;



ერთისათვის მიშველება
მეორესთვის ღალატია!
ცხენი საით გააქროლოს?
გულში ცხარე კამათი აქვს!

სულ უბრალო ანბანია:
ვისთვის — ქარი საბანია,
ვისთვის — ნემო ბალიშია,
უფრო შესაბარალისია!

— მაგრამ, ტოლი-საიმედო,
როგორ უნდა გავიმეტო?!

მაგრამ... ო, ეს სიტყვა „მაგრამ“
უცებ არევეს ფიქრს და კამათს,
როგორც თოფზე ხელის აკვრა
ტყვიას აძლევს სხვა მისამართს!

როცა ბედი საცდელია,
ფიქრმა შეკრა ქამანდივით:
ო, ახლოდან რა ძნელია,
რაც შორიდან ჩანს ადვილი!

მეზობლობამ
— სამართალთან,
ისევ დავა გამართა და;
სიტყვა „ჩემი“

სიტყვა „სხვისი“
კვლავ შეება ერთუროს რისხვით...

ბოლოს მაინც: „ჩემმა“ — „სხვისი“
გადასწონა თავისთავად!..
ერთი სიტყვა — სინიდისი, —
ნეტავ, რატომ დაისწავლა!

„სად, დავკარგე, გვადამ, იგი?!“..
ლურჯა რაშით მიქრის წყვილი.
მზე ანთია, მაგრამ ირგვლივ
ნისლს იფარებს დარცხვენილი.

ჰა, სოფელი ახლოს არი,
ჰა, ის ქოხიც ახლოს არი,
უცებ თოფმა დაიქუხა,
სიკვილის დასცა შიშის ზარი!

ქოხში ვაჟი დაიბადა! —
აცხადებდა კაჟის თოფი...

ეუბნება ექიმს გვადა:
„მეორეც გვყავს ავადმყოფი!“

„ცხენს ვეძებდი წუხელ დიდხანს,
ეს ჭალები მოვიარე.
და იქ სადღაც, როგორ გითხრათ,
ქალი ვპოვე მშობიარე.“

ქვეყანაზე, ღმერთმა იცის,
უპატრონო რამდენია;
მელოგინე გრძნობდა სირცხვილს.
სიტყვა არც კი დაცდენია.

როცა გთხოვეთ: — დაეხსენით
ჩემი მოძმის ოჯახობა! —
ცოდვის ენით, ტანჯვის ენით,
მისი ჩრდილიც მომძახოდა“

ამ სიტყვებზე ცხენი სწრაფად
შეაბრუნა ჭიშკრის ახლო.
აი, ქარი წეწავს ფაფარს,
ცხენსაც მხოლოდ ფრენა ახსოვს.

აი, შარაც თითქმის მორჩა,
ახლოს არის ზღვის ნაპირი;
უყვავილო ველი მოჩანს,
ვით ხალათი ღილაყრილი.

უკაცრიელ ჭალაკებზე
ბევრგან ჩანდა კაცის კვალი.
ბოლოს ერთგან ალაღბედზე
შეამჩნიეს ნასისხლარი.

და ექიმიც დაქვეითდა,
მოიხარა წელში ოდნავ:
დაუწერელ ნარკვევიდან
თითქოს ბუკარებს კითხულობდა.

იქ, წოლისგან გათელილი
ხმელი ნემოც ჰგავდა დაღლილს.
ერთგან ხატის სანთელივით
ჭიბი ეგდო თოთო ბაღის.

მან ექიმი გაიტაცა,
თითქოს ნახა კვალი ჩვილის:
„ბავშვისათვის, ჩანს, ვილაყან
მიუჭრია ჭიბი კბილით.“

ეს რა ესმის! არცკი ენდო
გვადა ერთხანს თავის ყურებს:
— იქნებ ხუმრობთ?
— ო, ასეთ დროს
კაცი განა გაიხუმრებს?!

გვადს თავი ავიწყდება:
— ო, ის ქალი სად წავიდა?!

მოკამკამე ცვარი წყდება
ბალახების წამწამიდან.

ქვალი ოდნავ დასანახი
უგზო-უკელო გზას მიჰყვება,
ამხელს ქვიშა და ბალახი
უცხო ტერფთან გასიტყვებას.

ჰა, კოდორთან ქვიშა სველი.
წყვილის კვალი ამჩნევია!

თითქოს წიგნი არის ველი
და ეს კვალი სარჩევია.

ერთი არის მამაკაცის
და მეორე არის ქალის...
ლამე იყო მართლა მკაცრი
ცივი იყო ქარიშხალი.

ჰორიზონტზე არვინ არ ჩანს,
ქვიშას შერჩა კვალი წყვილის...
შავი ღამე უკან დარჩა,
როგორც დიდი გაკვეთილი.

დრო გასულა, ახლა იგი
მეასეზე გადასულა.
იმ მინდორზე დგება ფიქრით:
არ კინეზინებს აფხაზურა!..
გაუშლია გორკის წიგნი,
მოგონების დასასრულად.



თამაზ ნაჭკოშვილი

სამყნობა ღმერთს

6

ტკინის რიკულები მედიდურად იცავდნენ ბაღს, რომელიც სიყვარულის მწვანე დარბაზივით ამოცურებულიყო ქალაქის დიდი შენობების და მტვრიანი ქუჩების ხმაურში. ნოდარმა და ნანამ ჩქარი ნაბიჯით ჩაუარეს რიკულებს და ტყულებივით ერთნაირი რიკულები მიბობდნენ ბაღში შესასვლელამდე. რიკულებმა თვალი აუჭრელეს ორივეს, თითქოს მთის მდინარეში გადიოდნენ ფეხით და მზერა ვერ მოეშორებინათ წყლისათვის.

ბაღის ხეივანში ქარი აქანავებდა ელნათურებს და მათი შუქი მოუსვენრად იღვრებოდა მიწაზე.

ისინი ისხდნენ სკამზე თითქოს ერთ სხეულად გადაქცეულები და ერთნაირად განიცდიდნენ აბეზარი გამვლელების მოუარიდებელ შემოჭრას შემოდგომის ფოთლებით გადაყვითლებულ ბაღში. მწვანე ნაძვები აშრიალებდნენ ტოტებს. ერთმანეთს სილამაზეში ეჯიბრებოდა ატეხილი გაზაფხული და მშვიდი შემოდგომა.

ისინი ისხდნენ სკამზე და თითქმის ესმოდათ, როგორ ჩურჩულებდნენ სხვა სკამებზე, და ვნებით გაქლენთილ ჩურჩულს შრიალით იმეორებდნენ ფოთლები...

- გაუშვი, თმებიც მომედოს პირზე, შენი თმები, შენი მხაირული თმები.
- მოიცა, გადავიწვევ...
- არ გინდა, მე შენი თმებიც მიყვარს, ლოყებიც, ცხვირიც...
- სულელო, სურდო მჭირს.
- ყელიც... ტუჩებიც...
- სირცხვილია.
- ხომ გიყვარვარ?
- არა, აღარ მიყვარხარ, მეჯავრები, გამიშვი, გამიშვი-მეთქი, არ გესმის?
- გიყვარვარ?
- არა, მეჯავრები, უხეში ხარ და უსინდისო...
- გაჩუმდი.
- დაგვინახავენ...
- მერე-რა, ხომ გხედავენ ხეები, ცა და არ გერიდება.
- ისინი არაფერს იტყვიან.

- რა იცი, იქნებ ლაბარაკობენ, დაუგდე ყური...
- გამიშვი...
- რა თბილი, თბილი გოგო ხარ.
- აღარ მიყვარხარ.
- ნუ იტყუები.

აყლაყულა მილიციელმა ერთი-ორჯერ ჩაუარა სკამზე ჩახუტებულ წყვილს. სიფრთხილის გამოსახულებასავით დალაჯებდა ბაღში და ეჭვიანი თვალებით ჩაჰკირკიტებდა ბნელ სკამზე ჩახუტებულ წყვილებს.

ნოდარი ამრეზილი იყო.

- რას დაეხეტება ნეტავი, მოგვასვენოს, — ჩაიბუტბუტა მან.
- მიფრთხილდება ჩემი მილიცია, — თქვა ნანამ და გაიცინა.
- ჰო, შენ გიფრთხილდება, მაგრამ მე რალა დავაშავე.
- შენც გიფრთხილდება.

ყველაფერს მიჩვეული სკამი ცივი იყო და ხმას არ იღებდა.

- არ შეგცივდა?
- არა, მე ხომ თბილი გოგო ვარ.
- აბა, ხელები მაჩვენე, როგორი გაყინული ხელები გაქვს, საერთოდ კი თბილი გოგო ხარ...

— გამიშვი, სირცხვილია. არ მიყვარს სხვის მუხლებზე ჯდომა.

— რაო, ბევრჯერ მჯდარხარ? — თქვა ნოდარმა და აღმაცერად შეხედა. ნანამ უხმოდ დაუქინია თავი.

- სერიოზულად?
- ჰო, ბევრჯერ... ბებიას მუხლებზე.

ნოდარს გაეცინა. თითქოს ტყვიამ გაიხუზუნა ჰაერში და ყურებში რეკდა შიში და რამდენიმე წამი ვერ მიმხვდარიყო, მოარტყეს თუ არა ტყვია. მერე იგრძნო, რომ ტყვია ასცდენოდა და გაეცინა. ნანაც იცინოდა.

- სულელო, არ უნდა იეჭვიანო მეათეკლასელი ბიჭივით, — თქვა მან.
 - არა ვარ ეჭვიანი. ვანა გეკითხები, გიყვარდა თუ არა ვინმე ჩემამდე.
- არ მაინტერესებს და თუნდაც მომიყვე, სულერთი იქნება.

— შენ მოყვე, გაიხსენე შენი პირველი სიყვარული და მოყვეი...

- ვიცინოთ?
- ჰო, გაიხსენე და ვიცინოთ.
- ჩემს პირველ სიყვარულს ერქვა ვიოლეტა.

ნანა ხმამალა აკისკისდა.

- დასაწყისი უკვე სასაცილოა, — თქვა მან.
- ეს იყო ათი წლის წინათ, — საზეიმო კილოთი წარმოთქვა ნოდარმა.
- კარგია, მომწონს, მერე?

— ვისვენებდი ზღვაზე და ვიოლეტას გარდა არავინ იყო ჩემი ტოლი.

- ამიტომაც შეგიყვარდა ვიოლეტა?
- ჰო, სხვა არავინ იყო ჩემი ტოლი.
- მერე?

— მეტი არაფერი. ხომ გაგაცინე, ახლა შენ მიაგბე.

— კარგი, ყური დამიგდე. ჩემი პირველი სიყვარული ჩვენს მეზობლად ცხოვრობდა. მორცხვი ბაჭი იყო და ერთი სიტყვის ამოღებას ვერ ბედავდა. მხედებოდა ხოლმე ჩვენი ქუჩის ბოლოს და წერილს მაძლევდა ხელში.

— წერილით გიხსნიდა სიყვარულს?

— არა, დაწვრილებით მიამბობდა, როგორ დაიბანა დილით როგორ გამოირეცხა კბილები, როგორ მიირთვა საუზმეზე თოხლოდ მოხარული ორი კვერციხი, ტბილი ნამცხვარი და ჩაი.

ახლა ნოდარი იცინოდა.

— იცინე, იცინე, შენსავით სულელი იყო. მე რე მიამბობდა, როგორ წავიდა სკოლაში, როგორ გაიძახეს გაკვეთილზე და ხუთიანი მიიღო და შინ დედამ გადაკოცა. ჰოდა, დაწვრილებით აღწერდა თვითეულ თავის ნაბიჯს, და ბოლოში ორი სტრიქონით მიცხადებდა სიყვარულს.

— არ დასცინოდი?

— არა, ის ჩემი პირველი სიყვარული იყო. ყოველთვის სუფთად ეცვა. თმა კოხტად ჰქონდა დავარცხნილი და არასოდეს არ ამბობდა ცუდ სიტყვებს. კაპწია და ბუთხუზა ბიჭი იყო.

— ყველანი სულელები ვართ ხოლმე ათი წლის წინათ, — თქვა ნოდარმა.

— ახლა დავკვივანდით?

— ჰო, ახლა უფრო მეტი ვაგვეგება. ნახე რა უბრალოდ დავმეგობრდით მე და შენ. არავითარი დაბრკოლება, არავითარი ჭოჭმანი და პრანჭიაობა...

— თამარიკოსა და იუზას წყალობით.

— ალბათ გადაგვედო სიყვარული გრიბივით.

— თითქოს ბავშვობიდანვე ვიცნობთ ერთმანეთს, არა?

— იცი, რას ვფიქრობ, ნანა? ჩვენ ლაბირინთებში ბევრი ვიარეთ და უკვე კარგად ვიცით გზა, აღარ აგვებნევა. ამიტოვაც წყნარად და დაუბრკოლებლად გვეყვარს ერთმანეთი.

— იმდღევანდელი დაგავიწყდა, ფეხბურთი რომ იყო...

— ჰო, ფეხბურთი. აღარ მიყვარს ფეხბურთი, ასჯერ ნახული სპექტაკლივით მოსაბეზრებელია.

— იმ დღეს გოჭივით იყავი.

— არც მახსოვს, მაგრამ ყურებში დიდხანს ჩამრჩა საშინელი ღრიალი.

— სასაცილო ბიჭი ხარ.

— გაუშვი ვიყო სასაცილო, სიცარიელეს სასაცილო სჯობია.

7

მიჰყვებოდნენ ვარაზის ხევს. მოჩანდა გამოფიტული კლდეები და ბალახი, ოდნავ გათელილი და გახუნებული ბალახი. უჩვეულოდ ეჩვენებოდა თბილისისათვის ეს კლდეები ნოდარს და ბალახიც ურიცხვ ფიქრს ჰბადებდა.

სატვირთო მანქანები ქშენით ამოდრიოდნენ ვარაზის ხევის აღმართზე. ნოდარი და ნანა ქვევით ეშვებოდნენ და ეხალისებოდათ დღემართი. ხელმარცხნივ, სიბნელეში მიმაღულიყო ზოოპარკი. ერთი ჩქამი არ ისმოდა იქიდან.

— სძინავთ უკვე მხეცებს, — თქვა ნოდარმა, — ივანშმეს და სძინავთ.

ხელმარჯვნივ იყო სახლი, რომელიც ძველებურ ციხე-სიმაგრეს წააგავდა. ეს სახლი გამოფიტულ კლდეებსა და ვერის ხეობის სიღრმეში გადაშლილ ქალებთან ერთად ჰქმნიდა უცნაურ ანსამბლს. ნელ-ნელა, უდარდელად მოსეირნე ნაბიჯით ეშვებოდნენ და ზევით დარჩა უნივერსიტეტის თეორი შენობა და ბაღი. ვარაზის ხევის მთელს სიგრძეზე ქოტის თვალებივით კიაფობდნენ ელნათურები.

— იცი, გუშინ ლექციიდან გამაგდეს, — თქვა ნანამ.

— რამეს დააშავებდი, ჭინკა არა ხარ?!
— დედას გეფიცები, უმიზეზოდ გამაგლო ლექტორმა. ჩემი ამხანაგები ყბედობდნენ და იცინოდნენ. ითმინა, ითმინა ლექტორმა და გაგვაძევა აუდიტორიიდან. სწორედ ასე თქვა: „მე თქვენ გაძევებთ აუდიტორიიდან!“

— შენც ლაპარაკობდი ალბათ.

— არა, მე ჩუმად ვიყავი, მაგრამ მათს გვერდით ვიჯექი და იცის, რომ კარგი ამხანაგები ვართ. ხმაც არ ამომალებინა, ისე გამაგლო. დერეფანში ავზლუქუნდი.

— ტირილი რომ არ გიყვარს.

— ტყუილუბრალოდ გამაგლო სხვისი გულისათვის და მეწყინა, თანაც დამემუქრა, გამოცდაზე გაგაცინებო.

— მე წამოგყვები გამოცდაზე და სამელნეს ჩავაფარებ თავში მაგ შენს ლექტორს.

— ეგლა გვაკლია.

— კაცია თუ ქალი?

— კაცი.

— ქალი მაინც იყოს, თვალს გავუსწორებდი და დამიდნებოდა ხელში.

— მეტიჩარა!

მოედანზე ავტომანქანები მისრიალებდნენ, თითქოს ერთიმეორეზე გადაბმული უხილავი ტროსით. მწყობრად აუვლიდნენ თერთმეტსართულიან სახლს და იწყებდნენ საბურთალოში მიმავალ აღმართს. ნოდარი და ნანა იდგნენ და გაჰყურებდნენ მოედანს.

— ვიციდოთ მანქანა, არ გინდა? — თქვა ნანამ.

— როგორ არა.

— ტარება იცი?

— კი. შენც გასწავლი მერე.

— როდის მერე?

— როცა მანქანას ვიციდით.

— მოიცა, ნუ დამცინი, მართლა ვიციდოთ.

— სამსახურს დავიწყებ, მოვაგროვებ ფულს და ვიციდი. გარაჟის ადგილი

უკვე შევიგულე ჩვენს ეზოში. ერთი გარაჟილა დაეტევა. ოღონდ არ დამასწროს სხვამ.

— სამსახურს მალე დაიწყებ?

— ჰო, მალე.

— რამდენი ხანია ეგრე იძახი.

— ათი წელიწადი, არა?

— ნუ მასხრობ, ტყუილი ვთქვი?

— მპირდებიან მალე მიგიღებთო. ალბათ ახალ წლამდე ჩამრიცხავენ,

შენ რა გაწუხებს?

— რა მაწუხებს და არა მსურს უმუშევარი ქმარი.

— ერთ თვეში დავიწყებ.

— მერე მოაგროვებ ფულს და ვიციდით მანქანას.

— ავაშენებთ გარაჟს...

— იცი, ერთ ჩემ ამხანაგს ძალიან უყვარს მანქანა, თვითონ დაჰყავს

კიდევ ეწევა პაპიროსს და უყვარს ღვინო. ახლა შარვლით აპირებს ქუჩაში სიარულს. მე დამსვამ ხოლმე საჭესთან?

— აუცილებლად.

- პაპიროსს რომ დავეჩვიო, არ გამიჯავრდები?
- არა, აი გაშინჯე.
- არ მინდა, — თქვა ნანამ და ხელი აუკრა ნოდარს. — დალევა?
- უნდა შეგეძლოს დალევაც. ვერავინ დაგათრობს და ვერავინ შეგაც-
დენს.
- სულელი ხარ.
- არა, ექვიანი. კინოში არ გინდა თამაში?
- არა, არ გამოვდგები.
- საით გავუყევთ გზას?
- რა ვიცი, როგორც შენ გინდა.
- გავისეირნოთ სანაპიროზე.
- როგორც გინდა.
- „ყოველთვის ასე ამბობს, — ფიქრობდა ნოდარი, — ყოველთვის ჩემს
ჭკუაზე დადის“. სადღაც არ ესიამოვნებოდა, ნანა რომ ასეთი დამყოლი
იყო. „ნუთუ სიყვარულის ბრალია, რომ მენდობა და ყოველთვის ჩემს ჭკუა-
ზე დადის. თუმცა რას ვბრაზობ. ვუყვარვარ და მენდობა. ასე მიენდობი
ხოლმე შოფერს, რომელიც ღამით მიხვეულ-მოხვეულ გზაზე მიგაქანებს და
გრძნობ ინტუიციით, რომ მარჯვეა შოფერი და არ გელის საფრთხე. ბოლომდე
ენდობი“.
- სანამ მანქანას ვიყიდით, ფეხით ვიაროთ, — თქვა ნოდარმა.
- ჰო, მეც მიყვარს მოგზაურობა, — დაეთანხმა ნანა.
- ზაფხულში მოვიგდებთ ზურგზე რუქაქებს, ჩავსხდებით მატარებელ-
ში და წავალთ.
- საითკენ?
- სულერთია, არა აქვს მნიშვნელობა. რომელიმე სადგურზე ჩამოვხტე-
ბით და მერე — ხეტიალი გაურკვეველი მარშრუტით, საითაც გული გაგვიწვეს.
- რა საინტერესო იქნება ხეტიალი გაურკვეველი მარშრუტით!
- ჩვენ ორნი ვიქნებით და ვივლით, ვივლით, სანამ მოგვენატრება თბი-
ლისი და რბილი საწოლი და შინ დამზადებული კერძი. ვივლით, სუფთა ჰაერი
ავივისებს ფილტვებს, მზით გაგვექლინება სხეული და მტვერში ამოგანგლუ-
ლები ჩამოვალთ თბილისში და დავისვენებთ. მერე ისევ წავალთ რამდენიმე
დღის შემდეგ და არ გვეცოდინება, ხვალ სად გავათევთ ღამეს, ზეგ რომელ
სოფელს გავივლით და რამდენი დღეა თბილისში დაბრუნებამდე. შეგეკითხე-
ბი: „ხომ არ დაიღალე?“
- არა, მე არ დავღლილვარ, — არ დააცალა ნანამ და თავისი პასუხი თვი-
თონ თქვა, — შენ?
- მე გიპასუხებ: „ჯერ რა დამღლის, ოღონდ შენ არ დაიღალო, მთავარია,
შენ არ დაიღალო“...
- ნანა სანაპიროს პარაპეტზე მისეირნობდა.
- ჭინკა ხარ, ნამდვილი ჭინკა.
- ნუ მომდეგ გვერდით, არ გადავვარდები.
- მაინც, ყოველი შემთხვევისათვის.
- ძალიან გთხოვ, მომშორდი, ტროტუარის კიდეზე იარე.
- ნანას ხმაში მუდარა ეღერდა. ნოდარს გაუკვირდა ასეთი ახირება.
- მე მინდა ვიგრძნო, მარტო როგორ ვიქნები, — განაგრძობდა ნანა, —
შემეშინდება თუ არა! შენს გვერდით მუდამ იმედი მეძლევა და არაფრის მეში-
ნია ქუჩაში, ვიცი, რომ დამიცავ...



ნოდარი კუნთებდაძაბული მიჰყვებოდა პარაპეტზე ასულ ნანას და ხელზე აწეული ჰქონდა, გადასარჩენად მომზადებული ხელები. გრძნობდა უჩვეულ ღონეს და ყოვლისშემძლე ეგონა საკუთარი თავი.

— ლიანდაგებზე არ გივლია? ეს უფრო ფართოა.

— გადმოხტი!

— დამიჭერ?

— ჰო, დაგიჭერ, არ გამიძნელდება.

— ძალიან მსუბუქი ვარ?

— ჰო, მსუბუქი და ჰაეროვანი.

— მოიცა, კიდევ ვივლი ასე, იცი, რა კარგია, თითქოს ბეწვისხილზე მივდიოდე.

— გადმოხტი-მეთქი, გეხვეწები, გული მიმდის.

— დამიჭერ?

— ნუ შემიკალი ხელში, დაგიჭერ-მეთქი, მერეც დაგიჭერ ხოლმე, როცა დაბერდები და გასუქდები.

ნანა გადმოხტა. ნოდარმა მკერდზე მიიხუტა:

— არ გასუქდები? ყოველთვის ასეთი წელი გექნება?

— იქნებ დამიწვრილდეს კიდევ.

— არ დაემსგავსები ფქვილით სავსე ტომარას?

— გამიშვი, მეჯავრები ისევ...

განუწყვეტლივ მიედინებოდა სანაპიროზე ავტომანქანების კონვეიერი. ნანა და ნოდარი ყურადღებას არ აქცევდნენ. თითქოს მინის ხუფში იყვნენ ჩაქტილი და ენით აუწერელი ნეტარება ათრთოლებდა სხეულს.

სანაპიროს პარაპეტზე დაყრდნობილები გასცქეროდნენ მტკვარს. მტკვარის მოციმიციმე ტალღები ოდნავ შესამჩნევად მოძრაობდნენ. ვერის ხილთან დაგუბებულივით იყო მტკვარი.

— როცა მიღალატებ, უხმოდ შემოგხედავ და ზიზლით ამევსება თვალები.

— გეტყვი, მაპატიე-მეთქი.

— ვერ გაპატიებ, ნანა!

— დავიჩოქებ.

— არ გაჭრის, ხელს დაგავლებ და გამოგიყვან გარეთ, საშინაოდ ჩაცმულს გამოგიყვან და ჩავსხდებით ტაქსში. წამოვალთ სანაპიროსკენ. შენ ჩუმად იქნები, პირში ბურთს ჩაგჩრი და სიტყვასაც არ გათქმევინებ...

— მერე?

— მერე გავაჩერებთ მანქანას სანაპიროზე. აი, ამ ადგილას. მომიცადე-მეთქი, ვეტყვი შოფერს, გადმოვათრევ, ჩაგქიდებ ხელს მაგრად, აგტაცებ, მიგიკრავ მკერდზე, უკანასკნელად გაოცებ და გადაგავლებ მტკვარში. მერე ისევ ჩვეჯდები ტაქსში, კარს მოვიჯახუნებ და ფანჯარასაც დავკეტავ, რომ შენი კივილი არ გავიგონო...

— რა იცი, რომ ვიკივლებ?

— აბა რას იზამ?

— გავცურავ.

— კარგი ცურვა იცი?

— გენიალურად ვცურავ.

— კიდევ რა იცი?

— ყველაფერი ვიცი.

— ცხენზე ჯდომა?

- არ მიცდია, მაგრამ მეცოდნება ალბათ.
- სადილების კეთება?..
- ბრწყინვალედ. განსაკუთრებით ლობიო შეხერხება.
- სარკის წინ კოხტაობა?
- ეგვიპცი.
- კოცნაც გენიალური იცი?
- ჰო...
- არა მჯერა...
- გეყოფა.
- აბა რას ტრაბახობდი?!

მერე ვილაც მთვრალმა დაარღვია მათი მყუდროება. ავტომანქანა გაჩერდა და ჩინური ფარნის გრძელი შუქი მიანათეს პარაპეტთან ამარცხულ სილუეტებს.

ყველაფერი თვალის ერთ დახამხამებაში მოხდა და მხოლოდ ტანის შერხება მოასწრო ნოდარმა. ნანამ ისევ მიიზიდა თავისკენ. ავტომანქანა მოულოდნელადვე გაქრა. ნოდარს სიცილი აუტყდა, ნანა წარბშეკრული უცქერდა.

- რატომ მოიწყინე?
- სირცხვილია, ნაცნობმა რომ მომკრას თვალი.
- ხომ არ გავეკიდებოდი ვილაც ოხერს.
- წავიდეთ შინ, შემცივდა.
- რატომ არ გაცვია პალტო?
- რა ვიცი.

— გამხიარულდი! გული მიმდის, დაღვრემილს რომ გხედავ.

— ნოდარ, დედას გეფიცები, მართლა შემცივდა.

— კარგი, წავიდეთ. ვერის ხილამდე ფეხით გავისეირნოთ.

ავტოსადგურის შენობაში ტრიალებდა დეზინფექციის სუნი. მოსაცდელ დარბაზში რამდენიმე კაცი თვლემდა. სალაროები დაკეტილი იყო და არ ისმოდა ჩვეულებრივი ჩოჩქოლი უწესრიგო რიგში ჩამდგარი ხალხისა.

გავთბებით აქ, მომეცი ხელები, შენი ყინულივით ხელები...

ნოდარი ათვალეირებდა ავტობუსების მიმოსვლის განრიგს. კითხულობდა რომელი ავტობუსი რომელ საათზე გადის, რამდენი კილომეტრია თბილისიდან ბათუმამდე, რა ღირს ბილეთი კისლოვოდსკამდე. კითხულობდა განრიგს კარგი ლექსივით. ქალაქების მსგავსი სახელები, დასაწყისი ასოთი შეკრულები, ერთმანეთს მისდევდნენ. ქალაქის სახელთან ერთად იყო მკაცრი ციფრები, რომლებიც კილომეტრებს აღნიშნავდნენ და თითქოს მათემატიკური კანონების მიხედვით დაეწერათ ეს ლექსი.

— თეზი, — წაიკითხა ნოდარმა, — სულ რაღაც სამოცი კილომეტრია, რა ნაზი სახელია არა?

— არ ვიცი, რომელ მხარეშია ეს თეზი.

— მოიცა, ვნახოთ.

განრიგის გვერდით გამოჭიმულ სამარშრუტო რუკაზე დაუწყეს ძებნა, ოთხივე კუთხით ეძებდნენ, მაგრამ არსად იყო თეზი.

— თეზი, — ენამოჩლეკით თქვა ნანამ, — თითქოს პატარა ბავშვს ეფერებოიან.

— ამართლებს ნეტავი სახელს?

ნოდარი მოსაცდელ დარბაზში გავიდა და ჩხირივით ხმელ კაცს, რომელსაც

არაფრისმთქმელი გამომეტყველება ჰქონდა, მოწიწებით ჰკითხა:

- უკაცრავად, ხომ ვერ მეტყვი, სად არის თეზი?
- თეზი? — გაიკვირვა ჩხირივით ხმელმა.
- არა, ბატონო, თეზი.

ჩხირივით ხმელმა ქვედა ტუჩი გადმოატრიალა და მხრები აიჩეჩა.

— არ იციან, ნუთუ არავინ იცის.

უნდოდა წარმოედგინა ეს იღუპალი თეზი. „ალბათ ცაცხვების ხეივანია თეზში და გამუდმებით უბერავს ქარი. თეთრი სახლები ცისფერი დარბაზებით. ორსართულიანი კლუბი და ახალგაზრდა ბიჭი უკრავს გიტარას. ჩემსავით ნანობს, რომ ვერ ჩაუგდია ხელში შავი გიტარა და ჩემსავით ჩუმიდ ლილინებს“, — ღიქრობდა ნოდარი.

იხსენებდა ნაცნობ ქალაქებსა და სოფლებს, მაგრამ არც ერთს არ ჰგავდა თეზი. მერე იღებდა ამ ნაცნობი ქალაქებიდან და სოფლებიდან გამოსარჩევ ნიშანს და თეზში მიჰქონდა. მაგრამ ერთმანეთს ვერ მიუსადაგა სხვადასხვა ქუჩები და სახლები, ხეები. მთლიანობაში ვერ წარმოედგინა ეს იღუპალი და აბსტრაქტული თეზი.

- ნაზი და წყნარია ალბათ, — თქვა ბოლოს.
- და მხიარული, — დაუმატა ნანამ.
- შენსავით.
- არა, ჩემსავით ნაზი და წყნარი.
- სუ, კინკა!

8

საჯაფხულო კინოში იყვნენ და შესცივდათ, თუმცა ისე ახლოს ისხდნენ ერთმანეთთან, თითქოს ერთი ბილეთი ეყიდათ და როგორმე უნდა დატეულიყვნენ ერთი ადამიანისათვის განკუთვნილ ადგილზე.

— ამ სიცივეში შეყვარებულებს გარდა ვინ სულელი გაითომება ღია ცის ქვეშ, — თქვა ნოდარმა.

ეკრანზე წვიმდა. ცირკის ტრიბუნები დაცარიელდა. არენაზე მარტოდმარტო იდგა ვაბითურებული ხასინტო და წვიმა სასტიკად ასველებდა მას. მერე ქოლგა მიაშველა ტანისამოსის გამჭირავებელი მალაზიის ნოქარმა, იგი ტორეადორის ბრჭყვიალა კოსტუმს უფრთხილდებოდა...

— მოგეწონა?

— ძალიან. მაგრამ ნერვებს მოგიშლის ასეთი ფილმი, — თქვა ნანამ.

რომ გამთბარიყვნენ, კომუნარების ბალი სირბილით აიარეს. ღიღხანს მიდიოდნენ ჩუმიდ.

— ცუდ გუნებაზე დაგვაყენა კინომ, — თქვა ნოდარმა.

— არა ღირს სერიოზული ფილმების ნახვა, კომედია სჯობია.

— კომედიასაც გააჩნია, გახსოვს „პოლიციელები და ქურდები“? გახსოვს, ტოტო რომ მიჰყავს პოლიციელს ციხეში და ტოტო ევედრება, ფეხით ვავიაროთო სუფთა ჰაერზე...

— მაშინ ისეთი ფილმი, რომელსაც ნახავ და ყურს არ დაუგდებ სანახევროდ. არც შეხედავ. გამოხვალ გარეთ და უმაღვე დაგვიწყდება, მერე ღიღხანს იმტკრევ თავს: რაზე იყო ეს ფილმი.

— ან ცირკი... არ გიყვარს ცირკი?

— კარგა ხანია არ ვყოფილვარ ცირკში.

— იცი რა მშვენიერია. კლოუნები ოხუნჯობენ, იცინიან, ყირას გადადიან, კოტილობენ, ჰაერში შიშველი სხეულების ქროღვაა და სუნთქვა გეკვრის. მერე მოკრივე დათვები...

— ჰო, აცივდა უკვე და გარეთ ხეტიალი არა ღირს. ცივა, შენობებს უნდა შევეფაროთ, თეატრში ვიაროთ.

— არა, ცირკში, კლოუნები, მხიარული კლოუნები...

მერე ტროლეიბუსში ჩასხდნენ. მთელი გზა ხმა არ ამოუღიათ. მერე ისევ ჩაბნელებულ ქუჩებში მიდიოდნენ. ნანას სახლი შორს იყო.

— მოგწყინდა? — თქვა ნოდარმა.

— არა, — მიუგო ნანამ.

— არაფერს ვლაპარაკობთ.

— მე ვლაპარაკობ... ჩუმად, ჩემთვის გელაპარაკები.

— ბარემ მეც გავიგონო, გიპასუხებდი რამეს.

— არა, შენს მაგივრადაც მე თვითონ ვპასუხობ. იცი, რა კარგია!

— არ ვიცი.

— შენ ჩუმადა ხარ, მეც, მაგრამ მაინც ვლაპარაკობთ.

იდგნენ სადარბაზო შესასვლელში. ნოდარი დიდხანს არ უშვებდა ნანას შინ. მერე დაემშვიდობა და გარეთ გამოვიდა. ქუჩაში არაფერი იყო. საათს დახედა და გაიფიქრა: „ჰო-ჰო, რამხელა დრო გასულა!“

ტაქსმა, რომელიც ნელა მისრიალებდა მგზავრის შოვნის იმედით, ცივად ჩაუკრა მწვეანე თვალს. ნოდარმა დააპირა ტაქსის შეჩერება. შოფერს ნელა მიჰყავდა მანქანა, თითქოს ელოდა, როდის დამისტვენენო. მაგრამ ნოდარმა თავი გააქანია და ნანას სახლისაკენ მიბრუნდა. მესამე სართულზე კრთოდა სინათლე.

„ახლა დაწვება ლოგინში და დაიძინებს“, — გაიფიქრა ნოდარმა. რაღაც თბილი და ბუნდოვანი მოაწვა გულზე.

ქინელავდა. მხარზე გადადებული პლაშში გაშალა და ჩაიცვა. საყელო აიწია, დილეები შეიკრა და ხელები ღრმად ჩამალა ჯიბეში. აიარ-ჩაიარა სახლის წინ. მესამე სართულზე ისევ კრთოდა სინათლე. „იქნებ გამოვიდეს აივანზე“. ეზარებოდა შინ წასვლა.

ქუჩის მეორე მხარეს მთვრალი მობანცალებდა, მომცრო ტანის ხეებს ეხვეოდა. ხესთან ჩახუტებული ტკეპნით მღეროდა ერთსა და იმავეს: „ჩემი გახდე; რამდენ რამეს გაჩუქებდი“... ნაღვლიანად იმეორებდა ყოველ ხესთან ამ ერთადერთ სტრიქონს და მრავალწერტილი თითქოს უხმოდ იწყებდა საჩუქრების ჩამოთვლას.

თავისი ქუჩის მთვრალი გაახსენდა ნოდარს. მთვრალები ერთმანეთს ჰგავდნენ და ქუჩაც ჰგავდა მის ქუჩას, და ყველაფერი ნაცნობი იყო, თითქოს ბევრჯერ გაცდილი.

9

მკვდრის მზემ ცეცხლისფერი სწორკუთხედები დახაზა ოთახის კედელზე, ფარდის ნაკვეთები მკრთალ ჩრდილებად იქარგებოდა სინათლეში. მზე თვლებში უჭყიტინებდა წამოწოლილს და თენთავდა.

ბიჯაკის ჯიბეში მოითვალა ხელი. კიდევ ერთხელ შეამოწმა, რამდენი ფული ჰქონდა. ტკიცინა ასმანეთიანი და რამდენიმე თუმნიანი ამოიღო. „გვეყოფა“, — გაიფიქრა და სათუთად შეინახა გულისჯიბეში. „დღეს წავალ რესტორანში და გადავუხდი დაბადების დღეს“. ეხამუშებოდა, რომ არ გააჩნდა



საკუთარი ფული, მაგრამ თავს იმშვიდებდა, მალე დაიწყო სამსახურსო. გეგმებს ალაგებდა, როგორ გაატარებდნენ საღამოს რესტორანში. რესტორანში იქნება მიგრალი ხალხი და გულისშემამწუხებელი ყაყანი. დასხდებიან გვერდი-გვერდზე და გამოეთიშებიან მთვრალ რესტორანს. ჩუმად, ძალიან ჩუმად, ყურში ჩაუჩურჩულებს სადღეგრძელოს. ჭიქას მაგრად მიუჯახუნებს და მერე მაგრად ავოცებს...

მზე მთებს იქით ჩაიძირა და ცეცხლისფერი სწორკუთხედები ფეხაკრებით გაქრნენ. კედელზე ისევ ერთი ფერი დარჩა და იმ სწორკუთხედების ადგილას ოდნავ შესამჩნევი სიბაცე შეესაზღვრა კედლის ჩვეულებრივ ფერს. პორიზონტზე მოჩანდა მზით ფერშეცვლილი ღრუბლები. მათ მორცხვი სიყვითლე მოჰკიდებოდათ.

— ვისადილოთ, — დაუძახა მეორე ოთახიდან დედამ. „სადილის დროც მოსულა“.

— რა ამინდი დაიჭირა, პა? — თქვა ნოდარმა ხმამალა, — წელს იქნებ არც გვეწვიოს ზამთარი.

— დაჯექი, — თქვა მამამ.

ნოდარი დაჯდა.

— ნანას საიდან იცნობ, ვაჟბატონო?

— ვინ ნანას? — შეკითხვითვე უპასუხა ნოდარმა.

— კარგად მოგეხსენება, რასაც გეკითხები და სიტყვას ბანზე ნუ აგდებ. მამა მკაცრად უმზერდა ნოდარს.

ნოდარმა პასუხი დააყოვნა. ტვინში უჩხვლიტა ფიქრმა: „რა მოხდა, რა მოხდა?!“

მამა თვალმოუშორებლივ უმზერდა.

— იუხას ქორწილში გაეციანი, — გაუბედავად წარმოსთქვა ნოდარმა.

— რა კავშირი გაქვს მასთან, თქვი, რას ჩავივარდა ენა მუცელში!

— ნანა ამხანაგია ჩემი, — უპასუხა უბრალოდ და აუღელვებლად.

— ამხანაგებთან ერთად სანაპიროზე არ დასეირნობენ ღამით.

„დამინახეს სანაპიროზე, მაგრამ რა მოხდა მერე“, — ისევ დაიძრა ერთი ფიქრის ნაკადი. ვერ მიმხვდარიყო, რას მოასწავებდა ეს უცნაური გამოკითხვა.

— როგორ ავიხსნათ, ჩვენ კარგი მეგობრები ვართ და...

„მინც რაშია საქმე ნეტა?“ — აკვიატებულმა ფიქრმა თითქოს მესამე სიჩქარეში ჩაავლო ტვინი.

— ჩემი მეგობარია...

— თუ სატრფო?

ნოდარს უგემურად შეაყრჭოლა. ამ სიტყვას ვერ იტანდა შეაჩერებულ ოვინოსავით, არც ხმარობდა ხოლმე. მაგრამ ამ წუთში მინც შეებრალა ასე უხეშად და დაცინვით ნათქვამი, თითქოს წიწილას დაუსვეს კისერზე დანა და აფართხალდა წიწილა.

— არა, საცოლე არის, — უპასუხა გამომწვევად.

— საცოლე! იქნებ უკვე ცოლადაც შეირთე?

— არა, საცოლეა და ძალიან კარგი გოგოა.

ხმა ჩაუწყდა და უაზროდ ჰყვებოდა თითებზე პურის ნაჭერს.

— ბევრს ნუ ლაპარაკობ. მამასადმე საცოლეა, მადლობა ღმერთს, რომ მხოლოდ საცოლეა და მეტი არაფერი, გულს მომეშვა.

„რა მოხდა?“ — ისევ გაიღვია ფიქრმა.

— ცოტა გულს მომეშვა, — გაიმეორა ხანმოკლე დუმისის შემდეგ

მამამ და კოვზი პირთან მიიტანა. როგორც ყოველთვის, საგარეო ტანსაცმელი ეცვა და მკერდზე საღვებტქჩამოფარებული ნებვირად ხერკვდა ბორშჩს.

— რაშია საქმე? — თქვა ნოდარმა.

— მშვენიერი ბორშიია, მაღლობა ღმერთს, ცოლად არ შეგირთავს.

„რა მოხდა? ნუთუ ცული ამბავი შეიტყუეს ნანაზე... არაფერია გასაოცარი. ქალაქში, სადაც ბავშვებზე უფრო მეტი ჭორი იბადება, ნანას ვინ გამოარჩევს“, — ფიქრობდა ნოდარი.

— მაინც რაშია საქმე, გამაგებინეთ, — თქვა, რამდენადაც შეეძლო, მშვიდად და ზრდილობიანად. მაგრამ იგრძნო, რომ დამფრთხალი სიტყვები ამოდიოდა ყელიდან.

— მაგ ქალიშვილს აღარ შეხედები, გესმის?! მორჩა და გათავდა. ერთხელ და სამუდამოდ.

ნოდარმა ვედარ მოითმინა და იყვირა:

— რატომ, რისი გულისათვის?

მამამ არაფერი უბასუხა, მხოლოდ გაეცხვით შეხედა და სახე მოეღრუბლა. დედა სკამის კიდეზე იჯდა დამორცხვებული სტუმარივით და ხმას არ იღებდა. თავჩაჩინდრული იჯდა სკამის კიდეზე.

— მამა, რატომ, რატომ, — ლულულულებდა ნოდარი.

— ჩემს სახლში საროსკიპოს ვერ გავსხნი. არა მსურს, მთელმა თბილისმა ჩემს შვილზე ილაპარაკოს ანგვლოტები. არა მსურს, თითოთი საჩვენებელი შეიქნეს ჩვენი ოჯახი. არა მსურს, იმ ავზორცმა დედაცკცმა თავისი ცხვირმოუხოცელი კავალრები მოიყვანოს აქ და ჩემს საწოლზე ინავარდოს. მაგ ქალს ვერ დავუნათესავდები...

ბორშჩის შუაგულში ცურავდა სქელი არაყანი. მამა ნაპირიდან იღებდა წვეს კოვზით და სქელი არაყანი ხელუხლებლად ტივტივებდა ბორშჩის ზედაპირზე. საღვებტქი ისევ ქათქათებდა.

ნოდარს ზამბარასავით დაჭიმული ნერვები დაუწყნარდა იმ ადამიანივით, რომელსაც ჰგონია, რომ კაცის მოკვლას აბრალებენ და უცებ ხვდება, რომ მხოლოდ ქურდობა დასწამეს. თვითონაც მოხვრიბა გაციებული ბორში. დედა იჯდა სკამის კიდეზე, როგორც უცხო ქალაქში ჩასული მათურებელი და პირისახეზე სიმშვიდის ნიღაბი აეკრა.

ყველაფერი გასაგები იყო.

— მერე ნანამ რა დააშავა?!

— რა იქნება, შვილო, ასეთი ქალის ხელში გაზრდილი გოგო, შენც გაგიმწარებს სიცოცხლეს და ჩვენც, — წყნარი ხმით აუხსნა დედამ.

— პიკასო სად არის?

— რა შუაშია პიკასო?! — წარბები მალა ასწია მამამ.

— კიდევ შეუცვალეთ ადგილი?

— ჰო, სააბაზანო ოთახში ჩამოვკიდეთ, იქ უკეთესია, — თქვა დედამ.

ადრე სასადილო ოთახში ეკიდა პიკასოს ნახატი. ახლად შენიშნა ნოდარმა, რომ აღარ იყო ამ ოთახში პიკასო. ყოველთვის ანციფრებდა ლურჯ ფერში გამოსახული სიბეჩავე და უიმედობა: ბიჭის დიდი თვალები, სუფთა სახე, მოხუცის ნახევრადდახუჭული თვალები (თუ ბრმაა?!) და მკვეთრად გამოჩენილი ძვლები, წვეტიანი მუხლისთავეები. ყოველთვის ანციფრებდა ლურჯ ფერებში გამოსახული სიბეჩავე, მკრეხელობად უთვლიდა პიკასოს. ლურჯი ფერი სხვა ასოციაციებს იწვევდა ნოდარის აზროვნებაში, ახსენებდა შორს

გაწოლილი მთებისა და დაწყნარებული ზღვის სილურჯეს. ოცნებაც ლურჯი ფერისა იყო, სიზმრებიც...

— მერე ნანამ რა დააშავა?

— არ შეიძლება, გესმის, არ შეიძლება იმ ქალთან დანათესაება, — თითქოს ბოდვის იხდისო, ისე თქვა მამამ, — შენს ვარდა მთელმა თბილისმა იცის მაგ ქალის ამბავი. ხალხის ყბაში ჩავარდნა არა გვსურს. გაანძრე ტვინი და მიხვდი, არა გვსურს მთელმა თბილისმა ჩვენს ოჯახზე ილაპარაკოს. შეიგნე ერთხელ და სამუდამოდ, რომ არსებობს რაღაც წესი და კანონი. არ გაგიგონია, კვიცი გვარზე ხტისო. რა უნდა იყოს იმ ქალის ხელში გაზრდილი გოგო!

სიტყვები კრიალოსანის მარცვლებივით აწებობდნენ ერთიმეორეს, დაყვებით ნათქვამი სიტყვები. თითქოს ბავშვის უხსნიდნენ მარტივ ამბავს, უხსნიდნენ, რომ წიგნი წასაკითხავად არის მოგონილი და არა დასაფხრეწად.

ველარ დაღეჟა ნოდარმა ხორცი. ღეჟავდა, ღეჟავდა და მიანიც ყელში ეჩხიბებოდა ქათმის თეთრი ხორცი, ღეჟავდა და გემოს ვერ გრძნობდა.

— ცოლი გინდა და მოიყვანე ახლავე, მაგრამ მაგ ქალიშვილს ოჯახში არ შემოვუშვებთ, სხვა მოიყვანე ვინმე!

— როგორ თუ სხვა, ქული ხომ არაა, მალაზიაში წავიდე და გამოვაცვლივინო.

— ნუ ოხუნჯობ, — თქვა მამამ. ჰალარაშეპარული უღვაში ხიშტივით ყალყზე შედგა, — ნუ ფიქრობ, მართალი ვარო. ისმენ ჩემს სიტყვებს და მამტყუნებ. ჯერ ახალგაზრდა ხარ, რა გინახავს ცხოვრებაში! დაღვარე ოფლი, ნახე ცხოვრება, გაიარე, რაც ჩვენ გაგვივლია, ნახე, რაც ჩვენ გვინახავს და მერე იფიქრე, რაც გინდა, ახლა კი იცოდე, რომ ჩვენა ვართ მართლები და უნდა დავეიჯურო. ფიქრშიაც კი ნუ გავგამტყუნებ, ჩვენ შენთვის კარგი გეწაღია, ცულს არაფერს გირჩევთ, ხომ იცი, როგორ გვიყვარხარ და ხათრი უნდა გქონდეს ჩვენი.

მონოტონური სიტყვები ისევ კრიალოსანის მარცვლებივით გორაობდნენ აქეთ-იქით. ხმამაოულელებივით უსმენდა ნოდარი და უცბათ მოეჩვენა, რომ ფიქრებმაც მიატოვეს, თითქოს დაცარიელდა თავი და წყალიღა დგაფუნობდა ღუნედ. ფიქრებმა მიატოვეს და სასოწარკვეთილებამ შეიპყრო.

მერე რაღაცას ბუტბუტებდა შეცბუნებული, თითქოს იმართლებდა თავს, თითქოს ნანასაც ამართლებდა. მამას ცოტა ყურს აკლდა, მაგრამ ახლა უფრო მეტად იყრუებდა თავს. სახეზე დაიხატა ყურადღება და სმენა გაამახვილა, ხელით იჩრდილავდა ყურს და თავს ხრიდა ქვევით.

— ჰა, არ მესმის...

— არაფერი, არაფერი, — პირში სიტყვა გაუწყდა ნოდარს.

მამას საგარეო ტანსაცმელი ეცვა. ძვირფასი და ლამაზად შეკერილი მომწვანო ფერის კოსტუმი საზეიმო ელფერს აძლევდა სადილს. თითქოს საშვილიშვილოდ დაკრებული ღილები დალაგებულიყვნენ კოსტუმზე დარბაისელი ლოდებივით, რომლებიც მიწას შეხავსებიან და წარმოუდგენელია მათი მიწიდან აგლეჯა. მტერის ნაწილაკები თითქოს ვერ ბედავდნენ ამპარტავან კოსტუმზე დასახლებას. კოსტუმი სუფთა იყო და კრიალა.

ნოდარი ველარ ძლებდა უპაპიროსოდ. მოუნდა მოწევა. თავი ველარ შეიკავა და მაგიდიდან პაპიროსის კოლოფი აიღო. სახეზე ოღნავ მოაწვა სიწითლე და გააბოლა.

— ეს რა ამბავია, გადააგდე პაპიროსი! დიდიხანია ეწევი? — გაჯავრდა მამა.



— არა, პირველად გავშინე. გამიგონია, ნერვებს აწყნარებსო თამბაქო. ჩააქრო. იტენიდა პირში ქათმის ხორცს, ორივე ხელის თითები დაესვარა მსუყე ჩახოხბილით, მერე დასვრილი ხელები აიფარა თვალბზე. რატომღაც ეგონა, რომ ახლა ატირდებოდა, დასძლევდა ცრემლი და ატირდებოდა.

რინგის კუთხეში, თოკებთან მოქცეული უმისამართოდ იქნევდა ტყავის ხელთათმანით შემოსილ მუშტებს, თითქოს ზრდილობის გულისათვის და მხოლოდ ვალის მოსახდელად, იცოდა, რომ საბოლოოდ მაინც წააგებდა. მერე მის მაგივრად ვიღაც შშიშარამ და ფრთხილმა თეთრი პირსახოცი გადმოისროლა რინგზე. ეს იყო ტექნიკური ნოკაუტი...

უტყუარი გუმანით იგრძნო ნოდარმა თავისი უძლურება და ხელები ასწია დამარცხების ნიშნად, თითქოს ტყვედ ჩაიდგეს და უხმოდ დანებდა.

— რას გაჩუმებულხარ? — თქვა მამამ.

ნოდარმა არაფერი უპასუხა.

— რას გაჩუმებულხარ-მეთქი.

— რა ვიცი, მეძინება, წიგნს ვკითხულობდი და მზე მიჰყიტივდა თვალბში, მომთენთა, თანაც გემრიელი სადილი, ძილის გუნებაზე მოვედი.

— წადი და დაიძინე, თუ გეძინება, — თქვა დედამ.

— მოიცა, ჯერ შევთანხმდეთ.

— გეყოფათ, — თქვა დედამ, — სულელი ხომ არ არის.

— ჰო, უნდა დაგვიჯერო. იმ ქალიშვილს თავს დაანებებ. აღარ შეხვდები არასოდეს, კმარა დისკუსიები! არ დაგვიჯერებ და წადი სახლიდან. დაიმახსოვრე, ჩვენ შენთვის კარგი გვინდა, ხმა არ ამოიღო, წადი ახლა და დაიძინე.

წყნარად ლაპარაკობდა თავის სიმაართლეში დარწმუნებული და ნოდარიც გრძნობდა, რომ უაზრო იყო წინააღმდეგობა...

სალამოს შვიდი საათი სრულდებოდა. ნანა უკვე კოხტაობს სარკის წინ, ჩაიცვამს შავ კაბას, ნოდარის საყვარელ კაბას, წელზე შემოირტყამს წითელი ფერის პრილა სარტყელს, ნოდარის ხათრით თმებს უფრო აიწეწავს, ჩაიცვამს მოკლექუსლიან ფეხსაცმელს, რომელიც ძალიან უხდება და მის ანცობას ხელს არ უშლის, მოიხვევს აჭრელებულ თავსაფარს და წელში გამოყვანილი ყვითელი პალტო თბილად ჩაიკრავს მის სხეულს.

— იძინებ? ფეხზე რატომ არ გაიძრე? გააქუჩყიანებ ლოგინს.

ნოდარი თვალბდახუჭული იწვა.

— ნუ ნაღვლობ, გოგოების მეტი რა არის თბილისში, სხვაც შეგიყვარდება. გადმოიღე ფეხები საწოლიდან!

თითქოს სხვა ხმა იყო. დაიცა, ხელი მოჰკიდოს თითებზე, იცნობს გამხდარ და აღერსიან თითებს, უსათუოდ იცნობს. წამოჯდა, თვალბები გაახილა.

— დაიძინე, დაგაწყნარებს ძილი.

ფეხსაცმელი გაიხადა, ისევ წამოწვა და დახუჭა თვალბები.

ბაკურიანში იწვა ერთხელ ტალახიანი სათხილამურო ბატიჩეკებით ახალ-გამოცვლილ ლოგინზე. ორმოცდასამნომრიანი ბატიჩეკები აუთოვებდა თეთრეულს. თხილამურებით შეაბოტა ოთახში, არ დაბერტყა მათზე მიკრული თოვლი, მოიხსნა და კედელთან ააყუდა. ოთახის სითბო აღნობდა თოვლს. იატაკზე წყლის გუბეები დადგა. იწვა და სათხილამურო ბატიჩეკებით აუთოვებდა ზეწარს. ბიჭები ლაზღანდარობდნენ და ვერ გაეგოთ, მთვრალი იყო ნოდარი თუ სიცხიანი, თუ იმას დარდობდა, პირველი ადგილი ვერ ავიღო. ნოდარი კი თავს იმძინარებდა.

სალამოს შვიდი საათი შესრულდა. ნანა უკვე ელოდება კიროვის ბაღის

ჭიშკართან. ყველა მაღალი ტანის ბიჭს ამსგავსებს და მოუთმენლად ცქმუტავს ერთ ადგილზე. გამვლელები ირონიულად უმზერენ. „არ მოვიდა? — ეკითხება ვიღაც ბიჭი. — ვიცნობდეთ ერთმანეთს: ბიძინა, ან ჯაბა, ან ვალიკო, სულეროთია, არა აქვს მნიშვნელობა. მთავარია, რომ ბიჭი მოწადინებულია ნანასთან საუბარს. მართო საუბარს?! თქვენი სახელი? ნანა! რამხელა დამთხვევაა მე კი ზაზას მეძახიან. სასიამოვნოა, კიდევ რას იტყვიო?! თქვენმა მეგობარმა უკვე ხუთი წუთი გადააცილა, რამხელა უსინდისობაა, თქვენნაირ მშვენიერ არსებას ხუთი წუთი ალოდინო, ნამდვილად აღარ მოვა. მე რომ თქვენს ადგილას ვიყო, აღარ მოვეუდლიდი. მე რომ ვიყო იმ ბიჭის ადგილას, ნახევარი საათით ადრე მოვიდოდი პაემანზე. მართლა? ღმერთს გეფიცებით. იცით, როგორ მიყვარს ბიჭები, რომლებიც არ იგვიანებენ პაემანზე. უკვე ათი წუთი გავიდა, დროა გავუდგეთ გზას. რომელ გზას?! გზას ჩემი სახლისაკენ. როგორ. თუ თქვენი სახლისაკენ? სახლში არავინ იქნება, დავუკრავთ ჯაზებს და ვიცეკვებით. მერე? მერე არაფერი. ვიცეკვებით. თქვენ კარგი ცეკვა გეცოდინებათ! შესანიშნავი, გენიალურად ვცეკვავ. სხვა რა იცით გენიალურად? კონცა. ვნახოთ, ვნახოთ“.

ნოდარი დაფეთებული წამოხტა, საჩქაროდ ჩაიკვა პალტო და კისრისტეხით ჩაირბინა კიბე, უზარმაზარი ნახტომით ტოვებდა საფეხურებს. მძიმე პალტო აწვებოდა მხრებზე და სირბილი უჭირდა. ტრამვაის ხაზამდე. დიდი მანძილი იყო. სირბილმა დაღალა. აწყვეტილივით მიდიოდა ტრამვაი. ბედზე კარიც ღია იყო. უკანა ვაგონის კარი. ნოდარი ფეხდაფეხ მისდევდა ტრამვაის. მაგრამ პალტო აწვებოდა მხრებზე, ნაცრისფერი და მძიმე პალტო. ტრამვაი საიმედოდ მიჰყვებოდა სწორ ლიანდაგს. ვაგონიდან ვიღაცამ დაუქნია ხელი: ამოხტი! ამოხტი! მაგრამ ტრამვაიმ სიჩქარეს უმატა. ღონე აღარ დარჩენოდა ნოდარს უკანასკნელი ნახტომისათვის და მანძილი გაიზარდა. ინერციით ავრძელებდა უმიზნო სირბილს. ამ ტრამვაით უნდა წასულიყო და მიუსწრებდა. ახლა ვეღარ მიუსწრებს. ამდენ ხანს აღარ დაელოდება ნანა კიროვის ბაღის ჭიშკართან. ნუთუ გაჰყვა იმ ბიჭს, რომელიც საცეკვაოდ ეპატივებოდა თავის ცარიელ სახლში, ნუთუ ათი წუთი არ აპატია. ისინი უკვე ცეკვავენ ვეებერთელა დარბაზში და ფირფიტები მხიარულად უმღერიან წყვილს. წავიდა, არ აპატია ათი წუთი და წავიდა ვიღაც ბიჭთან, რომელსაც ზაზა ჰქვია, ან ბიძინა, ან ამირანი. არ აპატია ათი წუთი, წავიდა უცნობ ბიჭთან. კვიცი გვარზე ხტისო.

მერე წამით გაიფიქრა, რომ ვიღაც ბიჭი მისი ფანტაზიის ნაყოფია. ნანა არ წავიდოდა, ნანა ისევ ელოდება კიროვის ბაღის ჭიშკართან. დახედა საათს. რვის ნახევარი იყო. „არა, უკვე წასული იქნება“, — გაჰკრა თავში მწარე ფიქრმა.

ღაბრუნდა შინ. გაიხადა მძიმე პალტო, ჩამოკიდა და თითქმის გაიღუნა საკიდი. მერე ფეხზე გაიძრო, დაწვა გულამა და თვალები დახუჭა. ისევ ვეებერთელა დარბაზი ელანდებოდა. ნანა ცეკვავდა უცნობ ბიჭთან, მერე ჩაქრეს სინათლე და ცეკვავდნენ სიბნელეში. მერე ვეღარ არჩევდა მათს სილუეტებს, და მძაფრი ტკივილით წარმოიდგენდა ყველაზე საშინელს.

ტვინი ჯიუტად იმეორებდა აკვიტებულ ანდაზას. სხვა ელფერი ეძლეოდა ნანას თავაწყვეტილ აღქაჯობას, სანაპიროს პარაპეტზე სეირნობას, მის ხმამაღალ კისკისს, როცა აღამიანები თავს აბრუნებდნენ და ათვალწუნებით უმზერდნენ, ყველაფერს სხვა ელფერი ეძლეოდა, თვითოეულ ნაბიჯს, თვითოეულ სიტყვას, ყველაფერს, რითაც გამოიჩინებდა ნანა სხვებისაგან. არ მიყვარს სხვის მუხლებზე ჯდომა. რაო, ბევრჯერ მჯდარხარ? ჰო, ბევრჯერ, ბებიას მუხლებზე... ყოველთვის: როგორც შენ გინდა, როგორც შენ გაგიხარდება, შენი

ნება. საერთოდ, რა ადვილად დაიწყო მათი სიყვარული, არავითარი დახმარება არ იყო. არავითარი წინააღმდეგობა! თვალთმაქცობაა ყველაფერი. ყველა გოგო გგონია ანგელოზი, სინამდვილეში კი ყველა... გართობა და საკუთარ თავზე ბრაზი მოუვიდა. თითქოს სილა გააწნა უმწეო ნანას. მერე გაახსენდა მისი ცხელი სუნთქვა, სუნთქვად გადაქცეული ჩურჩული თუ უსიტყვო კოცნა აღმურივით ეღებოდა ყურზე; მერე გაახსენდა მისი კანის შეხება, უსვამდა თითებს სახის რბილ კანზე და თვითონაც რბილდებოდა, ნახდებოდა, ყვინთავდა გამოუცნობ ნეტარებაში.

ფიქრებიდან ტელეფონის ზარმა გამოიყვანა.

— ნოდარი? სძინავს ნოდარს, — უბასუხა დედამ.

„აღბათ ნანაა. როგორ ჩაგვიშხამდა დღევანდელი საღამო!“

მეორე დღეს ისევ დარეკა ტელეფონმა. შინ არავინ იყო. ნოდარმა აიღო ყურმილი.

— ალო, ალო, ალო...

„ნანაა, ნანა!“

ნოდარი ხმას არ იღებდა.

— ალო, ალო, ალო... — ისევ ესმოდა ყურმილში.

— ტუ, ტუ, ტუ. — მოკლე სიგნალებით პასუხობდა ტელეფონი ნანას. ისევ რეკავდა ნანა.

— ალო, ალო, ალო... — ისევ ესმოდა ყურმილში და სულგანებული იკვ-
ნეტლა ტუჩებს.

— ტუ, ტუ, ტუ, ტუ...

— ისევ რეკავდა ტელეფონი. აღარ მიაქცია ყურადღება. „რეკოს რამდენიც უნდა“. ტელეფონი რეკავდა სასიკვდილოდ დაპირილივით და ითხოვდა შევლას. ნოდარი აივანზე გავიდა. „რატომ იმცირებს თავს“, — ფიქრობდა ერთსა და იმავეს...

მერე დაიწყო ცარიელი დღეები და ნერვიული ღამეები. არ ყოფნიდა გამბედაობა შეხედროდა ნანას. არავის ეკითხებოდა რჩევას. იცოდა, კეთილშობილებაზე დასდებდნენ თავს, შეარცხვენდნენ, გაკიცხავდნენ მაღალფარდოვანი სიტყვებით, ჭკუას დაარიგებდნენ, ზოგიც მოუწონებდა საქციელს; ადვილი იყო მსჯელობა სხვის გასაჭირზე. „სხვა როგორ მოიქცეოდა? ყველა ასე მოიქცეოდა, — იმშვიდებდა თავს, — ყველანი ერთნაირები ვართ“.

ერთ მშვენიერ დღეს ნანას ამხანაგებს შეეჩება ქუჩაში, თავაზიანად მიესალმა, არ აპირებდა საუბრის გაბმას, მაგრამ სამივენი გაჩერდნენ და სამივეს სათითაოდ ჩამოართვა ხელი.

— როგორა ხარ? — ჰკითხა შავქურქიანმა ქალიშვილმა. ჩაფლულიყო ქურქში და ველარ გაიგებდი, მსუქანი იყო თუ გამხდარი.

— გმადლობთ, თქვენ როგორ ბრძანდებით, რასა იქმთ?

— საუცხოოდ, საუცხოოდ, — არავის დააცალა ხმის ამოდება შავქურქიანმა, — ვათხოვებ მეგობრებს, ლამაზა გავათხოვთ, ელისო, ახლა ნანას ვათხოვებთ. ვის მიჰყვება? რა ვიცი, ვის მიჰყვება, მალე გავიგებთ, — ეშმაკურად იცინოდა და თვალს არ აცილებდა ნოდარს.

შეიპყრო გაქცევის სურვილმა, სადმე შორს, დასაკარგავში გაქცევის სურვილმა. „თითქოს სარეცხის თოკი ვიყო, ისე მჭიმავენ აქეთ-იქით; — ფიქრობდა იგი, — თხოვდება შენი შეყვარებული, შენ მოგყვება და...“. დაუნდობლად იყრობდა გაქცევის სურვილი, სადმე შორს, დასაკარგავში.

ნანა დაბნეული უმზერდა. თითქოს ავადმყოფს პირთან მიუტანეს წამალი, სადილის კოვზზე დასხმული სითხე და მერე მოულოდნელად, ხელის უხეში მოძრაობით კოვზიდან ძირს დაიღვარა წამალი.

— ღმერთო ჩემო, ღმერთო ჩემო,—უზაროდ იმეორებდა ნანა.

მათი სკამის წინ საბავშვო ეტლით ასეირნებდნენ პატარა ბავშვს. იგი სამედლოდ შეეფუთნათ და მხოლოდ თვალები უჩანდა. ნანამ ცრემლი მოიწმინდა. ნოდარმა თავს ძალა დაატანა და თქვა:

— შენ იცოდი?

ნანამ უხმოდ დაუქნია თავი.

მზიანი ამინდი დადგა, მაგრამ არ ცხელოდა. ხეებს ფოთოლგაცვენილი ტოტები გაეშვირათ ჰაერში მათხოვრის ხელებივით. ანათებდა მკრთალი, დაღლილი და გრილი მზე.

არსად იყო ქარი.

არსად იყო წვიმა.

არსად იყო ქარხნის მიღების კვამლით ფერშეცვლილი ნისლი.

დეკემბისათვის უცნაური მზიანი დღე იყო. ზამთრის სიცივეს მიჩვეულებს მაინც თენთავდათ ეს დაღლილი და მკრთალი მზე.

— ნუთუ არაფერი გვეშველება? — თქვა ნანამ, — ღმერთო ჩემო, რა დავაშვე ასეთი.

— ნუ ტირი, ძალიან გთხოვ.

— ვიცინო? ძალიან მთხოვ, რომ ვიცინო?

— მე ხომ არ ვიცინი, მაგრამ ცრემლი რას მოგვიტანს.

— გულს გადააყოლებ.

— არ მეტირება.

— ალბათ უკვე გამომიტირე,—ოდნავ შესამჩნევი ღიმილით თქვა ნანამ.

— არა, ცოცხალს როგორ გამოგიტირებდი.

თვალები ორი ახალგათხრილი საფლავივით იყო მის სახეზე. ორმოში ეყარა შავი მიწა და თვალის უპეებიც ჩაშავებოდა. „რისი ბრალია,—ფიქრობდა ნოდარი,—უძილობის თუ დარდის. არა, ეს დარდი არ იქნებოდა. ეს იყო ალბათ განგაში, რაღაც ხიფათის მოლოდინი და გაურკვევლობა“.

— ყოჩალი ბიჭი ხარ, უცრემლოდ უძლებ ტკივილს. ასეთი გაქვავებული სახით აღიოდნენ ალბათ რკინის ნერვებისა და მაგარი გულის პატრონები ეშაფოტზე. როგორი ყოჩალი ბიჭი ხარ, ჭირს წარბმეუხზრელად უმაგრადები, როგორი ყოჩალი ბიჭი ხარ...

— არ გინდა ნანა, გაჩუმდი, ძალიან გთხოვ, გაჩუმდი.

— რამდენი სათხოვარი თქვი: გაჩუმდე; არ ვიტყო, არ ვიცინო, შენსავით გავმაგრდე, არა? გრძნობა დაეუმორჩილო გონებას, არა?

— რა ვიღონო?

— არაფერი. წარმოიდგინე, რომ ზღვის ტალღები გაწყდებიან და გამაგრდი კლდესავით...

— მე ხუმრობის ხასიათზე არა ვარ.

— არაფერია, უნდა გამაგრდე.

ვიღაც ქალიშვილი მიაბიჯებდა ვაჟთან ერთად. მკლავგაყრილები იყვნენ. ქალიშვილი ამაყად მიაბიჯებდა. ვაჟს ნაცნობები მიესალმნენ და ქალიშვილმა ცივი მზერა ესროლა მათ.

უნივერსიტეტის ბალი უდრტვინველად სუნთქავდა. გამიშვლებული ხეები გაშეშებულიყვნენ.

— ნუთუ არაფერი გვეშველება?

— ნანა, მე ვერ დავკარგავ მშობლებს, რომლებმაც გამზარდეს, რომლებიც მარჩინენ. რა უნდა ვიღონო...

— შენ ხომ უკვე დაიწყე სამსახური, გაისად მეც დავამთავრებ ინსტიტუტს, ვიმუშაებ, სადმე ვიჭირავებთ ბინას და ვიქნებით ჩვენთვის.

— ნუ ფანტაზიორობ.

— ან წავიდეთ სადმე, აქედან შორს, წავიდეთ რუსეთის რომელიმე ქალაქში და ვიცხოვროთ. უფრო მოენატრები შენს მშობლებს,—თქვა ნანამ და ნაღვლიანი თვალები მიაპყრო ნოდარს.

— შენ არ იცნობ მამაჩემს.

— რამდენს გეხვეწები, არა?! წამიყვანე-მეთქი ცოლად, ნოდარ, წამიყვანე ცოლად. რა სასაცილო ვარ და საწყალი,—თქვა ნანამ და წამიერი ღიმილით გაუნათდა სახე.

— ნუ ლაპარაკობ ეგრე.

აღღვების დროს ნოდარს უყვარდა წამოდგომა და როგორც იტყვიან, ბოლოს სცემდა ხოლმე. მაგრამ ახლა თვითონაც უკვირდა, რომ მშვიდად იჯდა სკამზე, თითქოს მიღურსმული, და არ შესწევდა ძალა წამომდგარიყო.

— ნოდარ, თვეში ერთხელ მაინც შეეხვედეთ ხოლმე ერთმანეთს, როგორც ამხანაგები. ხომ გყავს ამხანაგი გოგოები, თუნდაც მათთან ერთად.

— იცი, რამხელა თვალები აქვს ქალაქს?

— ნოდარ, მე არ გავთხოვდები, შენც ნუ შეირთავ ცოლს. გავა დრო, იქნებ...

— ზღაპარია.

— გესმის, არ გავთხოვდები და ჩუმად შეეხვედეთ ერთმანეთს, გესმის, გაიგე?

გული აუჩქროლდა ნოდარს. ალერსით მოჰკიდა აწეწილ თმაზე ხელი, ლამობდა დაეღაგებინა.

— აღარ მოგწონს?

— აღქაჯივით ხარ.

— ნოდარ, გაიგე, რაც ვითხარი, ერთხელ ძლივს ვთქვი და როგორ გავიმეორო.

— ეს უარესია შენთვის,—თქვა ნოდარმა და თვალი თვალში გაუყარა.

— გეშინია?

— არა, შენზე ვფიქრობ, მიყვარხარ და შენზე ვფიქრობ,—თქვა და საოცრად გულგრილი მოეჩვენა თავისი ხმაც და სიტყვებიც.

— ვუყვარვარ,—ირონიულად გამოსცრა კბილებში ნანამ.

ნანა არ ქვითინებდა.

არსად იყო ქარი.

არსად იყო წვიმა.

— ჰო, ძველებურად მიყვარხარ,—ისევ გაიმეორა ნოდარმა.

გაუნძრევლად ისხდნენ სკამზე და თითქოს მობეზრებულ ლექციას ისმენდნენ.

— მაინც შენი ბრალია,—თქვა ნანამ,—შენი ბრალია ეს ცრემლები, ეს ყველაფერი...

— გაჩუმდი.

— არ ვითხრა, არაფერი არ ვითხრა?

— ტყუილად მაბრალებ.

— არ ვითხრა, რომ მხდალი ხარ და იოტისოდენა ნებისყოფა არ გაგაჩნია? რომ ამხელა ბიჭი მშობლებზე ხარ დამოკიდებული, რომ უსინდისოდ იტყვი მათი ხათრით...

— ნანა!

— ლაჩარი, ხარ ლაჩარი!

ზამთარი ჩვეულებრივად ზამთრობდა. ხან წვიმდა, ხან მზიანი დღეები იყო, ერთი-ორჯერ მოთოვა. ღამლამობით ქარი დათარეშობდა ქალაქში, მთვრალი სტუმარივით აბრახუნებდა სახურავებს, დროდადრო წყნარდებოდა და სულგანაბული უსმენდა კატების კნავილს.

ნოდარმა სამსახური დაიწყო. დილით ადუღებული ჩაი უთუთქავდა სასას, ცივ წყალს ასხამდა ცხელ ჩაიში და სვამდა. მერე იტყულებოდა გატენილ ავტობუსში, წამდაუწუმ ამოწმებდა საათს, ჩქარობდა, ნერვიულობდა და რამდენიმე წუთით მაინც იგვიანებდა სამსახურში.

საღამოობით ხედავდა ერთი და იმავე სახლის სახურავს, მოპირდაპირე მეზობლის ფანჯრებს, შორს მოჩანდა წყნეთი. ცა მუდმივი იყო და ერთფეროვანი. ნანას ამხანაგები პირს არიდებდნენ ნოდარს.

ქალაქის ცხოვრება ძველად ჩვეულებრივი რიტმით. ქალაქს ეძინა, მუშაობდა, სადილობდა, მოუცულ კაცივით ათას საქმეს გადაყოლილი. თითქოს შორიდან უმზერდა ქალაქის აჩქარებულ რიტმს და მხოლოდ დილით ემსგავსებოდა: მირბოდა, ჯდებოდა გაჭედულ ავტობუსში, წამდაუწუმ იხედებოდა საათზე, მერე ისევ გარბოდა.

წვიმდა თბილისში და ნისლი ეფინა მთაწმიდის კალთებს. ტელევიზორის ანძის წვერილა ამოწულიყო ნისლში. ისიც ბუნდოვნად მოჩანდა. ნისლმა გაახსენა და მოანატრა მთები.

11

— რა ლამაზი ტანი გქონია, ნოდარ, პირდ პირ ქანდაკებასავითა ხარ... აბა, გაიარ-გამოიარე.

ნოდარი ვერ ეტეოდა შიფონერის გრძელ, ვიწრო სარკეში. მისი განიერი მხარბეჭი უფრო დიდი ზომის სარკეებისათვის იყო გაჩენილი. თეატრის ფოიეში ერთმანეთს ამშვენებდნენ ხოლმე კედლისხელა სარკე და ნოდარის განიერი მხარბეჭი.

ქალი კმაყოფილებით ათვალიერებდა ნოდარის დაკუნთულ სხეულს.

— კრივზე დავდიოდი, ტანვარჯიშზე, — თითქოს თავს იმართლებსო, ისე ამბობდა ნოდარი, — უყურე, კბილებით შემიძლია სკამი ავწიო. აი, უყურე... მოეშვი მაგ ჟურნალს ერთი წუთით.

ქალს საოცრად უყვარდა კროსვორდი. ფანქარს შუბლზე მიიბჯენდა და ტუჩების კვანძით ფიქრობდა. როცა მიაგნებდა საჭირო სიტყვას, ახითხითდებოდა და გამარჯვებული სპორტსმენის იერით ავსებდა კროსვორდის უჯრებს. მალიმალ პაპიროსს ქაჩავდა. საფერფლეში მკვდარი თევზებივით ეყარა წითლდმელებილი ნამწვავები. იატაკზე ალაგ-ალაგ იყო ფერფლი. ქალმა რომისეზური დასახა ღვინის ჭიქაში და გადაჰკრა.

— რამდენს სვამ, არ ვათრობს?

— არა, ძალიანა ვსვამ. არაყი ერთი ლიტრა დამილევია ქეიფში. ტაქსით მიმიყვანეს შინ და სანამ გადმომათრევდნენ, მრიცხველმა ათი მანეთი დაწერა,

ათი მანეთი! უგრძობლად მთვრალი ვიყავი, მეგონა თვითმფრინავიდან ძირს მიპირებდნენ გადავდებას, უპარაშუტოდ.

— პარაშუტზე ერთი ანეგდოტი ვიცი...

ქალმა გაიცინა და თქვა:

— ძველია.

ქალს ჰქონდა დხუჭუჭებული თმები და გაბუღრული სახე. პუდრი სქელ ფენად გადაშლილიყო სახის ნაკვეთებზე, მაგრამ ნაოჭები მაინც ემჩნეოდა.

ქალმა ხელი გადაუსვა თმაზე.

— თეთრი თმები... რამ გაგივითორა ასე მალე.

— აზრზე არა ვარ.

— თეთრი თმები დარღმა იცის.

— ჰო, დარღმა.

— რა დროს შენი დარღია.

ნოდარმა არაფერი უპასუხა. ქალმა ფანჯარა გააღო და გარეთ გაჰყო თავი.

— უპ, რა ღამეა... მოდი ერთი. რა მოწყენილი ხარ, ყველაფერი გეზარება.

— გაზაფხულზე ეგრე მომდის ხოლმე, ქალაქში სული შემეხუთა.

— ქალაქი კარგია გაზაფხულზე.

— მაგრამ მალე ზაფხულიც მოვა, წავალ მთაში და სუფთა ჰაერს ჩავკლავ.

— აი, ფანჯარას მთლიანად გავაღებ, გაძლები სუფთა ჰაერით.

შეხედე, როგორ აახრჩოლე კვამლით ოთახი, რამდენს ეწევი, რამდენსა სევამ,—თქვა ნოდარმა.

— მაშ რა ვქნა?!

ოთახში იდგა ძველებური რკინის საწოლი. კედელში შექრილი განჯინიდან, რომელიც თხელი ფარდით იყო დაფარული, ელექტროქურაზე დასკუბებული ჩაიდანის მხიარული სტენვა ისმოდა. მეზობელ ოთახებში ჩამიჩუმი არ იყო. ნოდარს ეგონა, რომ ყური ყველას აქეთ აქვს მომართული და კედელთან მიკრულები ყურს უგდებენ მათ.

— მოდი ჩემთან,—თქვა ნოდარმა.

ნოდარს ავიწყდებოდა, რომ ქალს ჰქონდა რბილი, ძალიან რბილი ტუჩები, თითქოს ცხელ წყალში დამბალი. ეტანებოდა ალერსს და მთელის სიცხადით შეიგრძნობდა მისი სხეულის ყოველი უჯრედი მომქანცველ ვნებას.

ქალი შეწუხებული ხმით იმეორებდა:

— უი, რამდენი თეთრი თმა.

— რას იზამ, დარღმა იცის,—თქვა ნოდარმა და გაიცინა.

— ამოვგლიჯო?

— არ გინდა, დარჩეს. უფრო მიხდება.

— შენ მალე დაბერდები.

— არაფერი შეგეშალოს,—ისევ სიცილით თქვა ნოდარმა.

— ბევრს დარღობ, ყველაფერზე ნერვების გაფუჭება არ ვარგა.

— შემომხედე, როგორი დაწყნარებული ვარ.

— თეთრ თმებზე რაღას იტყვი!

— ბავშვობიდანვე ეგრე მაქვს.

ქალმა კვლავ დალია რომისებური და ნამცხვარი მიატანა.

— რატომ არა სევამ, დალიე, იქნებ მოხვიდე გუნებაზე.

— რაში მეტყობა უგუნებობა?

— დღეს არა ხარ შენებურად, ვერ ამჩნევ?



— არაფერია, ზეალ მოვალ.
— ზეალ სტუმრად მივდივარ ძმასთან, იშვიათად ვნახულობ და წყინო.
ზეალაც რომ არ წავიდე, ველარ გადავურჩები.

ნოდარი მოიღუშა და თქვა:

— რა ამბავია!

— მოდი შემიერთე ცოლად და ყოველთვის შენი ვიქნები.

— სიამოვნებით,—თქვა ნოდარმა და გაიღიმა. „აი, თუ გინდა სკანდალი, გამოიძიონ მერე ამ ქალის გენეალოგია“.

— ერთი ამას დამიხედეთ, განა ახტა-დახტა სიხარულით, როგორ უგულოდ მპასუხობს.

ნოდარი ხმამაღლა იცინოდა.

— ძალიან უფროსი არა ხარ ჩემთვის?

— მერე-რა.

ნოდარმა თბილ ფლოსტებში გაჰყო ფეხი და ღია ფანჯარასთან მივიდა. ნიაზემა შეაქრქოლა. მარტო ფეხები პქონდა თბილი. „ვინ იცის, რამდენს ჩაუტვამს ჩემამდე ეს ფლოსტები“,—გაიფიქრა მან. ეხამუშებოდა სხვისი ნახშირი და გაცვეთილი ფლოსტები.

მერე ორივენი იღგნენ ღია ფანჯარასთან. ნოდარს აძაგძაგებდა. ხმადაბლა მღეროდნენ: მშვიდობით ჩემო ქალაქო, ზეალ უკვე ზღვაში გავალთ...

ნოდარს მოსწონდა ვაჟკაცური სევდით შეფერილი სიმღერა და ველარ გრძნობდა, რომ ნიავე ცივად ეღებოდა მის ტანს.

თითქოს მიეღტვოდა ახალ ქალაქს, თანამედროვე თეთრი სახლებით და მწვანე აივანზე აცოცებული მწვანედ შეფოთილი ხეებით, მიეღტვოდა და ხედავდა ჟამთა სიავეთ გახუნებულ, ჩაყანგებულ ქალაქს, რუხი ფერის ჩამონგრეულ სახლებს და ერთადერთი ის იყო საერთო, რომ ორივეს ქალაქი ერქვა: თეთრსაც და რუხსაც.

12

არ აინტერესებდა რომელი სადგურები უნდა გაეგლოთ. პირველად მზავრობდა თელავამდე მატარებლით, მაგრამ მაინც არ აინტერესებდა. მატარებელი ზანტად მიბაჯბაჯებდა სიბნელეში, სადგურის პაწია სინათლე წუთით აჩერებდა მის ერთფეროვან ჯანჯლარს. ნოდარს არ აინტერესებდა შიშნარე სადგურები. ისინი წუთით აჩერებდნენ მატარებლის ერთფეროვან ჯანჯლარს. ნავთლულში გადახედა სადგურს და მერე აღარ დაინტერესებულა. იწვა და ნატრობდა ძილს. მატარებელი ერთფეროვნად ჯანჯლარებდა. სადგურები გულცივად ეგებებოდნენ მატარებელს, მცირე ხნით აყოვნებდნენ და ისევ უშვებდნენ ღამის სიბნელეში. ნოდარი იწვა და ნატრობდა ძილს. ოდნავ ღია სარკმლიდან ცივი ჰაერი მოიწვედა ვაგონში. მატარებელს მობეზრებული ტვირთივით მიათრევდა ორთქლმავალი.

გაეხვია პირამდე ზეწარში. ცოტა შეცივდა, მაგრამ ეხარებოდა სარკმლის დაკეტვა. ქვედა საწოლზე ხვრინავდნენ. ერთმანეთისაკენ პირშექცეულნი ხმამაღლა და ბრაზიანად ხვრინავდნენ, თითქოს ხვრინვა დღისით დაწყებული კამათის გაგრძელება იყო. ნოდარი იწვა და ნატრობდა ძილს. ხანდახან ჩათვლემდა. მერე ისევ ეღვიძებოდა, მერე ისევ ჩათვლემდა. ორთქლმავალი მობეზრებული ტვირთივით მიათრევდა მატარებელს გრძელ გზაზე. მატარებელი ერთფეროვნად ჯანჯლარებდა. მკრთალად განათებული სადგურები გულცივად ეგებებოდნენ მატარებელს.

დილის ხუთ საათზე ვაგონის გამყოლობა ჩამოიარა ლოგინის ქირის ასაკ-რებად. უკვე გათენებულიყო. სარკმლიდან აღარ მოჩანდა სიბნელე.

მოდულული მაიორი განცვიფრებით უმზერდა, როგორ მოსწია ნოდარმა უნმოზე ზედისედ ორი სიგარეტი და როგორ ჰყრიდა ფერფლს ისედაც დანაგვიანებულ იატაკზე. მაიორი წესრიგის მოყვარული კაცი ჩანდა. მან სწრაფად და ლაზათიანად ჩაიძვრა, თითქოს საბრძოლო სიგნალის ხმა მოესმაო. საიდანაც ფენსაკელის საწმენდი ხავერდი ამოაძვრინა და გაპრილებულ ჩექმებს ერთი-ორჯერ გადაუსვა. ახლა ნოდარი ადევნებდა თვალს განცვიფრებით. მაიორის პეწიანობამ მოხიზლა. მერე დაჰხედა თავის მტვრიან ბატინკებს და გაიცინა.

— ლეიბები არ ვარვა, თითქოს ქვაზე მეძინა,—მკაცრი კილოთი უთხრა მაიორმა ვაგონის გამყოლს.

— მალე გამოვცვლით,—დაჰპირდა გამყოლი.

— საზიზღარი ლეიბებია,—თქვა მაიორმა.

„ეტყობა, კომფორტის მოყვარული კაცია,—გაიფიქრა ნოდარმა,— მე უღლებოდაც მშვენივრად დავიძინებდი და ფულიც შემენახებოდა“.

ამომავალ მზეს ბატკნებზეთ მიჰყვებოდნენ ღრუბლის პატარ-პატარა ნაფლეთები. ჩრდილოეთით იყო ლურჯი კავკასიონი, თეთრი წვეტები სუსხს ურევდნენ გულკეთილ იერში. კავკასიონი ალაზნის ველის ვეება ჯგებირად ავარდნილიყო მალა. ნოდარს გაანსენდა, როგორი იყო ორი თვის წინათ ალაზნის ველზე გაზაფხული, რომელიც სიმწვანის ზღვაში კუნძულებად აფეთქებდა თეთრსა და ვარდისფერ ხეებს. ახლა კი უკვე ზაფხულის პირველი სიცხით სუნთქავდა ალაზნის ველი.

ავტობუსში ნოდარის გვერდით იჯდა ცნობისმოყვარე მოხუცი, თავზე ეხურა ჭილის ქუდი და თეთრი ტილოს კოსტუმი ეცვა.

ცნობისმოყვარე მოხუცი განუწყვეტლივ აცმატუნებდა ტუჩებს, თითქოს კამფეტს წუწნიდა უკბილო პირით.

— ექსპედიციაში მიდისარ?—ჰკითხა მან ნოდარს.

— არა, წყალსადენს ვაკეთებთ ყარაჯალაში,—მიუგო ნოდარმა.

— თათრებმა ალაზნის წყალი უნდა დალიონ?—თქვა ცნობისმოყვარე მოხუცმა გაურკვეველი ინტონაციით და ნოდარმა ვერ გაიგო, მოსწონდა თუ არა მოხუცს, რომ ამიერიდან თათრებმა ალაზნის წყალი უნდა დალიონ.

— შალვას იცნობ?

— როგორ არა, ჩვენთან მუშაობს.

— სადაა ახლა, ხომ ვერ მეტყევი?

— არა, არ ვიცი. ჩვენ მოხეტიალე ხალხი ვართ და დმერთმა უწყის ჩვენი ადგილსამყოფელი.

— თქვენ რესპუბლიკის ფარგლებში მაინცა ხართ, ზოგი პამირზეა და ზოგი კამჩატკაზე... შალვა ჩემი სიძეა.

ნოდარმა თავზიანად გაუღიმა და თქვა:

— ჰო, შალვა... ჰკვიანი ბიჭია.

— ვიქტორი როგორ არის?—დაინტერესდა მოხუცი.

— ვიქტორი დაჰვრილია.

— აუჰ,—დაიღრიჯა მოხუცი და შუბლზე შემოირტყა ხელი,—ეს რა მითხარი! კარგი კაცი იყო, ტყუილად გაიფუჭა თავი,—თქვა მან დანანებით.

მერე რაღაცას ყვებოდა, მაგრამ ნოდარს მობეზრდა მისი ცნობისმოყვარეობა. „ახლა მამაჩემის პროფესიას მკითხავს,—ფიქრობდა იგი,—მერე ცოლის სახელს, ბოლოს ისიც დააინტერესებს, ბაბუაჩემი რომელ სასაფლაოზე

მარხია“. ნოდარი ყურს უგდებდა ცნობისმოყვარე მოხუცის მსჯელობას. თვალი სხვებზე გადაიტანა.

კვირა დღე იყო და ავტობუსი ხალხს ვეღარ იტევდა. კონდუქტორი ყაჩაღად ჰგავდა. შავებში ჩაცმულმა, მოცქუნტულმა დედაკაცმა ორი შაური ხუროდა შეახსენა. კონდუქტორმა ერთი შაური მისცა.

— მითხარი, როცა ჩასვლას დააპირებ და დანარჩენს მერე მოგცემ, — თქვა მან და შავტუხა ახალგაზრდას გადაულაპარაკა. — ძნელია, ძნელია, ამ ბაზრის ხალხში მუშაობა, გაწუწუებული არიან.

მთელი ავტობუსი დააპურა. მერე დინჯად ამოიღო „ყაზბეგი“ და გააბოლა. ავტობუსში ტყვა არ იყო, ცხელოდა. თამბაქოს არაფერი ეწეოდა კონდუქტორის გარდა.

ავტობუსმა გემოზე ამტვერა გზა და ყარაჯალაში ჩავიდა.

ორღობე ნარიყალს მიჰყვებოდა. ორივე მხრიდან აღმართულიყო ქვის ყორღებები. ყველგან ქვები ეყარა. დიდი თუთის ხის ქვეშ ფარდაგი გაეშალათ და ხეზე ამძვრალი ბავშვები ბერტყავდნენ თუთას. ეზოებიდან წითელი ნაკვერჩხალივით ბრიალებდა ბროწეულის ყვავილები.

ნოდარს გაახსენდა, ორი თვის წინათ როგორ მიეშურებოდა ალაზნის პირას ჭალაში, სოფლიდან ხუთი-ექვსი კილომეტრის მანძილზე, სადაც ცენტრალური შურფს თხრიდნენ. იქ, პატარა კარავში, ცხოვრობდა დარაჯი, სახელად მაჰმუდა, საკმაოდ ხანდაზმული კაცი. მას ხოჭოსავით უღვაშები გაეშვა. მაჰმუდა უმზადებდა ლობიოს კერძს ხახვითა და ზეთით. ნოდარი ვერ იტანდა კახურად მოხარშულ ლობიოს, მაგრამ სხვა გზა არ იყო და ნაძალადეგად შეექცეოდა, თან აქებდა მაჰმუდას გასაგონად. მაჰმუდა უამრავ ტყუილს აცხობდა. იგონებდა თავის ახალგაზრდობას, ტრაპაზობდა, როგორი ვაჟკაცი იყო თავის დროზე, როგორ აცურებდა ქალაქელ ჯიბგირებს, როგორ ჰპირდებოდა საროსკიპოს „უნამუსობს“ ცოლად წაყვანას და როგორ მუსრავდა „მტრებს“ ბასრი ხანჯლით. ყვებოდა ტყუილებს მაჰმუდა და ნოდარი აღტაცებული იყო მისი ფანტაზიით. მერე გაახსენდა, რამხელა გაჭირვებით გათხარეს ცენტრალური შურფი. ვეღარ მიმხვდარიყო რა უფრო უხაროდა: ის, რომ თვითონ აკეთებდა წყალსადენის პროექტს თუ ის, რომ ამ სოფელს ბოლოსდაბოლოს ეღირსებოდა კარგი სასმელი წყალი. ყველაფერი რიგზე იყო...

ძველ მასპინძელს მიადგა. თათრის ქალები შეეგებნენ ეზოში.

— გამარჯობათ, როგორა ხართ? — მხიარულად მიმართა მათ ნოდარმა.

— გმადლობთ.

— რა მაგარი სიცხეა...

— გმადლობთ.

ყველაფერზე რატომღაც „მადლობას“ ამბობდნენ. ოჯახის უფროსი ბაქოში წასულიყო გამოცდების ჩასაბარებლად. ნოდარმა თავისი რუქნაკი მეორე სართულზე აიტანა, იმ ოთახში, სადაც ორი თვის წინათ ცხოვრობდა.

მერე წავიდა ალავერდში. თელავის ბაზარზე ძარღვიანი კახური პური იყიდა და ყველი. ალვანის ავტობუსშიც ქედვა იყო. ჩამოვიდა ალავერდის გადასახვევთან. უფრო მაგრად ჩამოცხა. ფეხით გაუყვა გზას, ცხელოდა და გზა არ თავდებოდა.

ალავერდში არაფერი იყო. კარზე ჩამოკიდებული კლიტე უკმეხად იბღვირებოდა. ვარშემო შემოიჭრა ტაძრის გალავანს და არსად ჩანდა ღია შესასვლელი. მერე ალაღებდად ვიღაც ექსკურსანტები მოგრილდნენ ავტობუსით. სოფლიდან ტაძრის დარაჯი მოიყვანეს. ნოდარი ექსკურსანტებს შეერია. ორი

კოჭლი ქალი ერთად მიაბიჯებდა ბოლოში. ერთ მათგანს წითელი ლაქები ჰქონდა უმარილო სახეზე და მოკაუჭებული ცხვირი. „ლამაზი მაინც იყოს, — გაიფიქრა ნოდარმა, — თუმცა საიდან იქნება ლამაზი, დარდი დააუწნოვდება“.

ტაძარში რატომღაც ზოფბარკის სუნი ტრიალებდა, ლომებისა და ვეფხვების გალიისთან რომ იცის ხოლმე საუზმის დროს.

დარაჯმა ხალისით გასწია გიღობა. ექსკურსანტები უდიდესი გულისყურით ათვალიერებდნენ ტაძარს და გამუდმებით იწერდნენ რალაცას უბის წიგნაკში. ნოდარი შეპყურებდა გაქვარტლულ ჰერს. მერე ექსკურსანტებმა დიდი მადლობა გადაუხადეს დარაჯს. დარაჯიც მადლობას იძახდა. მერე ექსკურსანტები ჩასხდნენ ავტობუსში და წაგრაილდნენ. ნოდარი აინუნშიაც არ ჩაუგდიათ, მასაც დაეზარა ხეიწნა. „ისევ ფეხით წავალ“, — გაიფიქრა ნოდარმა.

ონკანიდან წყალი მოუშვა და დალია. წყალი თბილი იყო და უგემური.

— მინერალების ნაკლებობა, მაგნიუმ-ნატრიუმის შენარევეები, — ხმა-მალა თქვა მან.

— რაო, შენი ჰირიმე? — თქვა დარაჯმა.

— წყალი არ გივარგათ.

— კარგი წყალი იყალთოში არის და კარგი ბუნებაც, — ხაზგასმით თქვა დარაჯმა, თითქოს დახლში იდგა და გასაყიდ საქონელს აქებდა.

— იყალთოში ვეღარ მოვასწრებ, შუამთა მიჩენინა...

ცაზე საავდრო ღრუბლები გროვდებოდა. გომბორის თავზე შავად შეიღებოდა ცა. ტაძარს უკვე დიდი მანძილით გამოსცდა და აღარ ღირდა უკან დაბრუნება. ფეხს აუჩქარა. წვიმდა და თავს დასტრიალებდნენ უზარმაზარი ღრუბლები. მერე სეტყვამ წამოუშინა. სეტყვა მსხვილი იყო. ნოდარი მიბრბოდა მახლობლად მდებარე სოფლისაკენ. ირგვლივ კაცის ქაჭანება არ იყო. ატყდა ტკაცანი. ნოდარს ეგონა, რომ სკდებოდა მეხი და აღარ შეეფარა ხეებს. მეხისა ეშინოდა. ორღობეს სირბილით გაუყვა და პირველივე სახლის ეზოში შეჯირდა. ეზო სეტყვის მსხვილი მარცვლებით იყო მოფენილი. სეტყვის მარცვლები ცურავდნენ წყლის გუბებში. აივანზე მთელი ოჯახი გამოსულიყო. ნოდარი საშინლად დასველდა. მასპინძელს მესტები ეცვა შიშველ ფეხზე, კოჭებთან შაბიამისფრად შედებოდა თეთრი, მზედაუკრავი ხორცი. ეტყობა ვენახს წამლავდა და სეტყვამ მოუსწრო.

ტკაცანი გრძელდებოდა.

— ამდენი მეხი აღარ გამოვიდა, არც ელავს, — თქვა ნოდარმა.

მასპინძელმა ქერა ულვაშებში ჩაიღიმა და თქვა:

— ეგ მეხი როდია, თოფებს ისერიან სოფელში.

— თოფებს? ღრუბლების ვაფანტვა ხომ არ უნდათ?

— არა, რწმენაა.

აივანზეც ეცემოდა სეტყვის მსხვილი მარცვლები. ნოდარს წყალი მოსწყურდა.

— წყალს ვერ დამალევიანებთ? — თქვა მან მოკრძალებით.

— მოიტა, გოვ, წყალი, — თქვა მასპინძელმა. პატარა გოგონამ კოკით გამოიტანა ოთახიდან წყალი და ტოლჩაში დაუსხა. ნოდარი ხარბად დაეწაფა წყალს და ორი ტოლჩა დალია.

— ტყუილად იღებენ ხელფასს გეოლოგები, ეგ მკვდარძალები, — ბრაზიანი ხმით თქვა მასპინძელმა.

„რა შუაშია გეოლოგები, — ეწყინა ნოდარს, — ალბათ მეტეოროლოგებს გულისხმობს“.

ოჯახში თითქოს მიცვალბული ესვენა. მსხვილი, ბავშვის მუშტისოდნის მართი მარცვლებით აივსო ეზო. მასპინძელი ივინებოდა.

ბოლოს, როგორც იქნა, გადაიღო სეტყვამ. ორღობეში პროცესია დაიჭრა. ყველას მგლოვიაზე სახე ჰქონდა. ნოდარი უხებრულად გრძნობდა თავს. მერე გაუყვა ატალახებულ ორღობეს...

თელავში წვიმის ერთი წვეთიც არ ჩამოვარდნილიყო. ტალახში ამოგანგლული ნოდარი საკმაოდ დანჯღრეული „მოსკვირის“ ბატრონს გაურიგდა და შუამთაში წავიდნენ. შუამთაში საბავშვო სახლი აღმოჩნდა. „კარგი ადგილი აურჩევიათ“, — გაიფიქრა ნოდარმა.

მონასტერი დაათვალიერა. მერე სამრეკლოზე ავიდა. კიბე ბნელი იყო. მტრედები დაფრთხილებდნენ სიბნელეში. სამრეკლოს კედლები და პერი ექსკურსანტთა წარწერებით იყო აპრვლებული. ზოგს დიდრონი ასოებით ამოკვეთა თავისი სახელი და გვარი, ზოგს მეტი თავმდაბლობა გამოეჩინა. ნოდარი კითხულობდა წარწერებს და ნაცნობს ეძებდა. მთელი ნახევარი საათი შესწირა წარწერების ამოკითხვას, მაგრამ ერთი ნაცნობი სახელი და გვარი არ მოხვდა თვალში. მერე ფანქარი ამოიღო, კედელთან ჩატუტქდა და სასწაულით გადაიჩენილ ადგილზე თავისი სახელი დაწერა. მერე ხელმა მექანიკურად გამოიყვანა მეორე სახელი. ყველგან ერთად წერდა ამ ორ სახელს და ახლაც ხელმა მისდაუნებურად გაახსენა ნანა. ასოები ჩვეულებრივზე მეტად დააშორა ერთმანეთს, რომ თავისი სახელის სიგრძეზე გაქიმულიყო მეორე სახელიც. მერე ზემოდან გადახედა. უღრან ტყეებად ატეხილ მიდამოს.

ტყეში სამარისებური სიჩუმე იყო, უღრანი ტყე ისვენებდა. სიგრილე მარაოსავით უნიავებდა სახეს, კუნძზე დაჯდა და მოსივებული დაეტაკა თავის პურსა და ყველს.

— ნანა! — ხმამალა წამოიძახა მან. ტყე არ პასუხობდა.

ნოდარი დარწმუნებული იყო, რომ ნანას ესმოდა მისი ხმა, ნანა აქ, სადღაც იყო დამალული, გაჩუმებული, და გაბუტული არ პასუხობდა.

— ნანა!

რა ბედნიერები იქნებოდნენ, აქ რომ ყოფილიყო. ირბენდნენ, დაიღვებოდნენ და მერე თვალეში ატკივდებოდათ ცაში ყურებით. ხის კენწეროები მორცხვად დახუჭავდნენ თვალებს.

მერე აუქნია ხელი ფიქრებს. ტყეში სამარისებური სიჩუმე იყო. ნოდარი პურსა და ყველს შეექცეოდა.

მეორე დღეს მუშაობდა. წყალსადენის ტრასას აპყვა თითქმის ალვანის გზამდე. ზაპიდა და ქოსა თხრიდნენ შურფებს. ნოდარი სამკილოიან ნიმუშს იღებდა კოროზიაზე.

სოფელს წყალი უჭირდა. ცხენშებმული ორთვალათი მიჰქონდათ წყალი მინდორში სამუშაოდ გასული ხალხისათვის. წყალი ესხა ალაგ-ალაგ შექყლეთილ რკინის კასრში. კოლმეურნეობის კანტორის წინ, ონკანთან, გრძელი რიგი იდგა. მაღალყლიან სპილენძის თუნგებს ავსებდნენ ძვირფასი და უგემური წყლით და ბავშვივით დედის კისერზე მოჭიდებული თუნგები მისეიარნობდნენ ორღობეში.

— იცოცხლე, — დალოცა ვიღაც ქალმა ნოდარი, როცა გაიგო, ყარაჯალაში მალე იქნება წყალი.

მთელი დღის მუშაობით ქანცგამოღეული დაბრუნდა შინ. თბილისიდან წამოღებული ხორცის კონსერვი გააცხელა ელექტროქურაზე. მასპინძლებმა მწვანე ხახვი მოართვეს. ხახვი ყელს უწვავდა. მერე მასპინძლის ახალგაზრდა ყმაწვილთან თამაშობდა ნარდს. ოთახი ბუზებით იყო საესე. მაგიდაზე გაშლილ მცირეოდენ ხორაგს გაზეთი გადააფარა. ბუზები ბზუილით ასკდებოდნენ გაზეთს და გზას ეძებდნენ.

შემდეგი დღეები ისევ მუშაობამ წაიღო...

— ზაჰიდ, — თქვა ნოდარმა, — ეს ქოსა რა ჩუმი კაცია, არაფერს ლაპარაკობს.

— ქართული არ იცის, — თქვა ზაჰიდამ.

— მართლა. ერთი მითხარი, ნამდვილი სახელი რა ჰქვია?

— ქოსა, — სთქვა ზაჰიდამ.

— ნამდვილ სახელს გეკითხები, კაცო.

— ყველა ეგრე ეძახის. ბავშვობიდანვე ეგრე ეძახიან. დედ-მამაც ეგრე ეძახდა. ნამდვილი სახელი არავინ იცის.

შავი ხალათი ზაჰიდას ჩია ტანს უფრო აპატარავებდა. იგი ბევრს ლაპარაკობდა (თითქოს ქოსას მაგივრადაც), წამდაუწუმ ისვენებდა, გაზეთის ქაღალდში ახვევდა თუთუნს და აბოლებდა ქეაზე ჩამომჯდარი.

— ბეჩავე კაცია ეს ქოსა, — თქვა მან.

ნოდარმა გაჰხედა ქოსას. ქოსა ბულდოზურივით მუშაობდა. მოყვითალო უღვეშები ოფლს დაესველებინა. ოდესღაც მომწვანო ფერის ათასჯერ დაკრებულ შარვალი ეცვა და საშინლად გახუნებული კიტელი. ქოსა მაგრად მუშაობდა.

ნოდარი თავზე ადგა მუშებს და თვითონაც ეხმარებოდა შურფის ამოთხრაში. მერე იღებდა ნიმუშებს და ისევ მიწით ავსებდნენ ამოთხრილ ორმოებს. ამოვსებული შურფები შავი მუწუქებივით დაჩანდა მწვანე ყანას. მიჰყვებოდნენ წყალსადენის ტრასას ალაზნის მიმართულებით და ხელმარცხნივ, თეთრად ბღღვიალებდა ალავერდი.

ერთი-ორ ადგილას ძალიან ღრმა შურფი იყო გათხრილი. ვიღაცას თავი მოექაჩლა. მიწით ავსებდნენ ორმოს, მაგრამ სიღრმე თითქოს იგივე რჩებოდა.

— არ შეიძლება. ლანჩხუთში კოლმეურნეობის ძროხა ჩავარდა და ათი ათასი მანეთი შეგვაწერეს, — აუხსნა ნოდარმა.

— გაუშვი, ეგრე დავტოვოთ, — თქვა ზაჰიდამ.

— ფეხით რომ ჩამოკიდონ, მაინც არაფერი გადმომცვივა. ფულს დაწესებულება გადაიხდის, მე კი მომხსნიან სამსახურიდან.

— კაცი რომ ჩავარდეს და მოკედეს? — არ მოეშვა ზაჰიდა.

— კაცზე ცინება.

ქოსა ჩუმად მუშაობდა...

ალაზნის პირას ახლახანს დარგული ვერხვების ხეივანი იყო. ვერხვები პარალელურ მწკრივებად დაერგოთ. ხეივნის იქით ქვიშა იყო, მერე — ალაზანი. ალაზნის თხელ წყალში კამეჩები იწვნენ. წყნარ ამინდშიც ირხეოდნენ ვერხვები და გაუთავებლად შრიალებდნენ. წყლის სიო ხანდახან მაგრად შეაქანებდა ჯერ კიდევ ნორჩ ვერხვებს.

— რა უქმური კაცი ყოფილა შენი ქოსა, — თქვა ნოდარმა.

— აბა, არც თვითონ იცინის, არც სხვას გააცინებს, — ისევ წაიგრძელა ენა ზაჰიდამ, გახარებულმა იმით, რომ სალაპარაკო თემა მონახა, — თანაც ცოლი გაექცა და პატარა ბალები მიუტოვა.

ორმოში წყლის გუბე იდგა. გუბეში ბაყაყები ჭყუმბალაობდნენ. ზაპიდა კენჭებს ესროდა.

— ცოლი გაექცა საწყალს?—თქვა ნოდარმა.

— ჯერ გაავადეს და მერე გაიქცა. თელავში გაიქცა. ვინა და ქოსას უფროსმა ძმამ გაავადო!

— ძმას ვინ ეკითხებოდა მაგ ამბავს.

— რა ვიცი, ქოსა აქ არ იყო, თორღვას აბანო იცი? იქ მუშაობდა გზის მშენებლობაზე. ჩამოვიდა და ცოლი არ დახვდა.

— მერე?

— დარდობს, თანაც შვილებს ვერ უვლის. მთელი დღე მუშაობს და როგორ მოუვლის.

კამეჩი ვერხვის ფოთლებს შეექცეოდა. ნოდარმა დაუტატანა, კამეჩმა ყურცი არ გაიბერტყა. მერე ქვები დაუშინა და კამეჩი მოშორდა ხეივანს.

ზაპიდა საუბრის მადაზე იყო.

— ერთი არაკი ვიცი, სწორედ მაგაზეა.

— აბა ბრძანე,—თქვა ნოდარმა.

ზაპიდას მეტიც არ უნდოდა.

— ერთი მდიდარი კაცი იყო და მწყემსებს ეძებდა. ორი ძმა მივიდა. მდიდარმა ორივეს ქვიშა ჩაუყარა ჩექმაში და უთხრა, საღამომდე ეგრე იარეთო. ძმები წამოვიდნენ. ერთმა შეიგინა და გაისუფთავა ჩექმა. მეორემ მთელი დღე იწვალა, მაშ!—ნიჩბის ტარს დაყრდნობილი ზაპიდა ღიმილით უმზერდა ნოდარს, რომელიც გაფაციცებით ჰყრიდა ორმოში მიწას. ქოსა ოდნავ მოშორებით მუშაობდა. —ჰოდა, მივიდნენ საღამოს მდიდართან. მდიდარმა გაახდევინა ორივეს და ფეხებდახეთქილს უთხრა. შენ შენი ფეხებისათვის ვერ მოგივლია, ჩემს საქონელს როგორ მოგაბარებო. მეორე ძმა აიყვანა მწყემსად. ეგ არის სულ.

— ქოსაზეა?

— არა, ეს ძველი არაკი არის.

— ქოსაზე არისო რომ თქვი.

— ქოსაც ბეჩავი კაცია.

— არ უნდა ცოლი დაიბრუნოს?

— ცოლი ვერანაა,—განაგრძობდა ზაპიდა,—მიხვალ სამუშაოდან. დაღლილი ხარ. გშია. ბუზღუნებს, ეზარება ბური გაჭამოს, ჩაი ააღუღოს. უნდა სცემო და მორჩა.

— ბიჭოს, შენ ანტიფემინისტი ყოფილხარ!

— არა კაცო,—დაიმორცხვა ზაპიდამ.

— ჰა, ზაპიდ, იცი, ერთი მეცნიერი იყო, გვარად ბიმოფი, ამტკიცებდა, რომ ქალი და კაცი ვერ გათანასწორდებიან, რადგანაც ქალს უფრო პატარა ტვინი აქვსო...

— ქალს მგონი... — იკვნეულად თქვა ზაპიდამ.

ყური დამიგდე, იმ მეცნიერმა ერთ მშვენიერ დღეს ჩვენი ჭირი წაიღო. გაჭრეს და იცი, რა ნახეს: იმ შენი მეცნიერის ტვინი ისე პატარა იყო, რომ ქალი კი არა, ქათამიც დაიწუნებდა.

— ზაპიდამ არაფერი თქვა, მხოლოდ თავი გააქნია და ისევ დაიწყო ქვიშიანი მიწის ჩაყრა ორმოში. ნაჩაბს ქვებიც ხვდებოდა და ერთი ქახა-ჭუხი იყო.

— აბა, ცოტა ავჩქარდეთ, თორემ დაგვადამდება,—თქვა ნოდარმა.



ქოსას არ სჭირდებოდა შეხსენება. მუშაობდა ჩუმად და ორივეზე მეტს აკეთებდა.

მერე დადლილებმა მხარზე ნიჩბები გაიდეს და სოფლისაკენ მიმავალ გზას გაუდგნენ. ნოდარს ორივე ხელისგულზე ბებრები აჩნდა. ნაბიჯს უმატა, რომ მალე მისულიყო შინ და დაესვენა. დასვენება, ვახშამი და ძილი არაჩვეულებრივი ხალისით მოწყურებოდა დაქანცულ სხეულს.

— ფულს ხვალ დილით მოგცემთ,—უთხრა მუშებს.

დილის ეჭვს საათზე მიადგა ქოსა და ტკბილი ძილი დაუფრთხო. ძლივს გაიღვიძა ნოდარმა კარის ბრახუნზე და ოთახში შეიპატიჟა. ქოსამ მესტები გაიხადა და აივანზე დასტოვა.

ნოდარი ნამძინარევე თვალებს იფშვნიტდა. ხელფასის უწყისი შეავსო და ხელი მოაწერინა ქოსას. მერე მისცა ფული.

ქოსამ ფული დაითვალა, ცივად შეხედა ნოდარს და თითქოს რაღაცის თქმა დააპირა, მაგრამ ხმა არ ამოუღია.

„ალბათ ფული ეცოტავა“, — გაიფიქრა ნოდარმა.

— რაო, ქოსა, გეცოტავა ფული?

— ?!

— ფული...—ნოდარმა თითებით ანიშნა.—ცოტაა ფული?

ქოსამ ოღნავ გაიღიმა.

14

რადიოლა აფრქვევდა დადლილ ბლიუზს. ყველანი ცეკვავდნენ. ისვენებდა სუფრა: საგვე ჰიქები და დათხვრილი თევზები. წყვილები ირწყოდნენ ერთფეროვნად, როგორც ნაპირზე ჯაპვით დაბმული ნავეები და ბლიუზის ტალღები ერთ მოტივს კვნესოდნენ.

ნოდარი ძალად მოყვანილი სტუმარივით იჯდა ცარიელ მაგიდასთან. მას არ უნდოდა ყოფნა ამ დღეობაზე, ერიდებოდა ნანასთან შეხვედრას, მაგრამ ბევრ ხვეწნას ვერ გაუძლო და ახლა ღვინომოკიდებული თვალებით უმზერდა, როგორ ცეკვავდა ნანა მაღალ-მაღალ ვაჟთან, რომელსაც ნოდარი ცხვირამდე მიწვდებოდა. მაღალ-მაღალი ვაჟი რაღაცას ეჩურჩულებოდა ნანას. სხვა წყვილები ჩუმად ცეკვავდნენ, ზოგიც ხმამაღლა ლაპარაკობდა და ერთის შეხედვით ჩანდა, რომ ისინი მხოლოდ ცეკვავდნენ.

ნანა და მაღალ-მაღალი ვაჟი ხშირად იცინოდნენ. მათი სახე ერთმანეთს ემსგავსებოდა სიცილის დროს. მაგრამ ნანას სიცილი უფრო მკრთალი იყო იმ ვაჟის სიცილის ნეგატივივით. ნოდარი კი ხედავდა, რომ ჩვეულებრივზე მეტად ეკვროდნენ ერთმანეთს ნანა და მაღალ-მაღალი ვაჟი, რომელსაც ცხვირამდე მიწვდებოდა ნოდარი.

რადიოლა აფრქვევდა დადლილ ბლიუზს. წყვილები ირწყოდნენ ერთფეროვნად. მერე საერთო რწყევას გამოეყო ძალიან ლამაზი და ძალიან მსუქანი ქალიშვილი. მან იცოდა, რომ ლამაზი იყო და სიმსუქნეზე ალბათ თავს იტყუებდა. ცეკვა მშვენიერი წამალი იყო მისთვის, მაგრამ დაიღალა და მეტი აღარ შეეძლო.

ნოდარს გაეხარდა, რომ მსმენელი იპოვა და ჰყვებოდა ათას აბდაუბდას, ხუმრობდა და ერთი-ორჯერ მოწყალებასავით გაიღო ღიმილი მსუქანმა ქალიშვილმა.

— მე თქვენ აღგიქვამთ, როგორც ყურებს,—თქვა ნოდარმა.

მსუქანს ეწყინა.

— არა, ნუ გამიგებთ ცუდად, მე ცას ვეწვევი სიხარულით, რომ თქვენ მისმენთ. თქვენი გაჯავრება ფიქრადაც არ მომსვლია.

მსუქანმა ნახად გაიღიმა და თქვა:

— ყურები ყველაზე მახინჯი რამ არის აღამიანში. ამიტომაც არ ხატავს გულიაშვილი ყურებს!

— მართლა?

— რაო, თქვენ არ გინახავთ გულიაშვილის გამოფენა?! — გაოცებით შეხედა ნოდარს მსუქანმა.

— როგორ არ მინახავს.

— ალბათ არ გახსოვთ.

— თქვენ მხატვარი ბრძანდებით?—ჰკითხა ნოდარმა.

— არა, აკადემიაში ვმუშაობ, მეცნიერ თანამშრომლად,—თქვა მსუქანმა და სერიოზული სახე მიიღო.

— თქვენთან შვეიცარად მაინც არ დამნიშნავენ?

— რა ვიცი, სცადეთ, იქნებ გაგიღიმოთ ბედმა,—თავშეკავებულად იცინოდა მსუქანი.

ნოდარმა თვალი ააჩინა მის საეგე გულმკერდს (დეკოლტე ახალი შემოსული იყო) და ქურდულად გახედა ნანას. ნანა ისევ მაღალ-მაღალ ვაჟთან ცეკვავდა უღარდელი კისკისით. ნოდარი მსუქანს მიუბრუნდა.

— შორს ცხოვრობთ?

— არა, რუსთაველის პროსპექტზე,—თქვა მსუქანმა.

— ეგრეც უნდა იყოს! რა თქვენი საკადრისია ნავთლული ან ნაძალადევი, თქვენ თვითონაც რუსთაველის პროსპექტივით ტურფა და ფართო ბრძანდებით...

— გმადლობთ, უნიჭო კომპლიმენტისათვის,—პირში მიახალა ნოდარს სახეწამოჭარხლებულმა მსუქანმა.

— ეგ არის, რაც შემძლია. მე თქვენ გავაცილებთ და ვნახოთ ახალგაღვიძებული თბილისი. ნებას მომცემთ?

— არ ვიცი, ძალიან მეძინება.

— მოგწყინდათ ჩემი ყბედობა?

— პირდაპირ გეტყოდით, მე ძალიან მიყვარს პირდაპირობა და აღამიანში ყველაზე მეტად ამ თვისებას ვაფასებ.

მისი სახის თვითებული ნაკვთი მიპყვებოდა სიტყვებს და სახეზე დასთამაშებდა ირონიული ღიმილი. თითქოს წინასწარ ამზადებდა ამ ღიმილს ქათინაურების მოსაგვრიებლად. მაგრამ ნოდარი არ იყო ქათინაურების გუნებაზე.

— რაო, აქ ცუდი ჰაერია?

— არა, საიდან მოიტანეთ?

— რა ვიცი, ცხვირი ისე აგიწვევიათ, თითქოს არა გნებავეთ აქაური ჰაერი. მსუქანმა ქალიშვილმა წარბი შეიკრა. ნოდარს ისევ მოცეკვავე წყვილებისაყენ გაუბრბოდა თვალი. წყვილები ირწოდნენ ერთფეროვნად. ნოდარმა თავი ჩაქინდრა.

— ასე რატომ მოგიწყენიათ?—ჰკითხა მსუქანმა დამცინავად.

„ოპო, შეტევაზე გადმოვიდა“, — გაიფიქრა ნოდარმა, ქათმის ბარკაღს სტაცა ხელი და კახურ კილოზე მოუქცია:

— აკი ვჭამ!

მსუქანმა ზრდილობიანად გაიცინა. მერე ისევ საცეკვაოდ გაიწვიეს და ნოდარმა ისევ ჩაჰქინდრა თავი.

მერე ნანასთან ცეკვავდა. მის წელზე მოხვეული ხელის ოთხი თითი ჰაერში გაეშვირა და მხოლოდ ცერით ეხებოდა ნანას წელს. „არასოდეს დაბერდება, არც ვასუქდება, ყოველთვის ასეთი მხიარული იქნება, არ დაემსგავსება ფქვილით სავსე ტომარას. რა მოხდება ახლა რომ ვაკოცო?! ოღონდ ნუ ატყენ ტუჩებს, ისე აკოცე“...

ისინი ცეკვავდნენ ჩუმად.

ისევ აფრქვევდა ბლიუზს რადიოლა. ისვენებდა მიტოვებული სუფრა. დიმილად გადატყეული წყვილები ირწვოდნენ ნაპირზე ჯაჭვით დაბმული ნავეზივით და თითქოს ლამობდნენ ნაპირიდან აწყვეტას. მაგრამ დაღლილი და ერთფეროვანი ბლიუზი აკავებდა სურვილს.

— როგორა ხარ, ნანა? — ბოლოს ძლივს ამოიღო ხმა.

— გმადლობთ, კარგად.

მერე ისევ გაჩუმდნენ.

ნოდარი ღვინომოკიდებული თვალებით ვერ არჩევდა ნანას კარგად თუ ავად ყოფნას. სმენას კი ჯერ არ მოჰკიდებოდა ღვინო.

— კარგადა ხარ? — იქვენეულად ჰკითხა.

— ძალიან კარგად, გიყვირს? — თქვა ნანამ.

— მე აღარაფერი მიყვირს.

— შენ ცუდად ხარ ვითომ?

— ნანა, რატომ არ გინდა, რომ გამოვიგო...

— როგორ არა, მესმის შენი. უკვე გვიან არის, ამდენ ხანს რომ შერჩი დღეობას, დედიკო არ გაგიჯავრდება?

— დედაჩემს თავი დაანებე, გირჩევნია დედაშენს მოუარო.

ნანა გაფითრდა.

— „რა საზიზღარი ვარ, — გაიფიქრა ნოდარმა, — ეს სისუსტეა. რა და-აშავა ნანამ, ან იმ მსუქანს რატომ ჩავაცვიდი. ჯავრს სხვაზე იყრი, ბრყივო?!“

— მაპატიე, — თქვა მან.

ნანამ მხრები აიჩჩია და მხოლოდ თვალებით უთხრა: რა უნდა გაპატიოო. მერე ისევ მსუქან ქალიშვილს ელაზღანდარებოდა ნოდარი. ნანა გვივისთან

ცეკვავდა.

— მზია რატომ არ მოიყვანე? — თქვა ნანამ.

— აღარ ვხვდები. გათავდა. ვერ მამჩნევ, რომ გათავდა? წინათ რომ მიხსენებდნენ, ფერი მეცვლებოდა, ვღელავდი, ახლა სულერთია.

ნანამ ხმას დაუწია და თითქმის ჩურჩულით თქვა:

— სულ აღარ გიყვარს, ნუთუ სულ აღარ გიყვარს?

— არა, ნამდვილად აღარ მიყვარს, — გივი ხმამაღლა ლაპარაკობდა.

— აღრეც არ გყვარებია ალბათ, თორემ ასე არ იტყოდი.

— ნანა, ის ცივია და შენი არაფერი აინტერესებს, მხოლოდ საკუთარი

თავი უყვარს. იცი, რა ცივი თვალები აქვს! დამიჯერე, არ არის სიყვარულის დირსი, გესმის?!

ნანას არ ესმოდა და თავისას იმეორებდა:

— არ გყვარებია, ნამდვილად არ გყვარებია.

— ნანა, ის ცივია, შენ უკეთესი ხარ, ყველაზე უკეთესი ხარ, გესმის? — მერე თითქოს შერცხვა და სიტყვა ბანზე აავლო. — ბევრი ღვინო დალიე?

— არა, მეჯავრება ღვინო.

ერთფეროვნად უკრავდა რადიოლა. ერთფეროვნად ირწეოდნენ მოცეკვავე წყვილები.

ცოტა ხნის შემდეგ გვიმ გაუცინა ნანას და თქვა:

— მგონი წასვლის დროა.

— ალბათ აღარ გაგვიშვებს თამრიკო. დასაძინებელი ადგილის მეტი რა არი! თქვენც დარჩით...

— მე და ნოდარი?

— ძალიან გთხოვ დარჩით და დილით ერთად წავალთ.

— ნოდარი არ დარჩება.

— გეხვეწები!

მეორე დილით ნოდარი და ნანა ერთმანეთის გვერდით იდგნენ ღია ფანჯარასთან. გარედან დილის სიგრილე მოედინებოდა ოთახში. ისინი იდგნენ ერთმანეთის გვერდით და პიჯაკი ეხახუნებოდა შავ კაბას. ნანას ტუჩებს ოდნავ გადაჰკრავდა წითელი საღებავი. ასე უყვარდა ნოდარს. შავი კაბაც უყვარდა ნოდარს და პრიალა ქამარი და დაბალქუსლიანი ფეხსაცმელი.

თამრიკომ ჩაბღუჯა ნანას ხელი და სახეზე მოუთათუნა ნოდარს, ერთი-ორჯერ შემოჰკრა კიდეც. ნოდარი უხერხულად იღიმებოდა. თავი ტკიოდა წუხანდელ ნაჭიფარს და შინ წასვლას არაფერი ერჩინა.

ისინი მიდიოდნენ ქუჩაში მუნჯებივით და ორივე ნანობდა, რომ წუხელივე არ წავიდნენ შინ. ძალიან გულუბრყვილოდ მოეჩვენა ნანას თავისი ახირება, უნაყოფო და ნერვებმომშლელი.

— ხომ არა გრცხვენია, ჩემთან ერთად ხომ ხარ ქუჩაში, — თქვა მან.

— ნუ ლაპარაკობ სისულელეს, — მიუგო ნოდარმა.

ცოტა ხნის შემდეგ ისევ ნანამ დაარღვია სიჩუმე.

— შინ მეკითხებიან შენზე, სად დაიკარგაო?

— მერე?

— ვუთხარი, ჩემი ბრალია-მეთქი ყველაფერი... ახლა გათხოვებას მიპირებენ, მაგრამ არ მინდა.

გადასასვლელზე ხელი მოხვია და უცებ იგრძნო, როგორ გაინაბა ნანა პატარა ბავშვივით, ალერსს დანატრებული ბავშვივით. თვალი აარიდა და ხელმკლავი იკმარა.

იდგნენ გადასასვლელთან და აღარ თავდებოდა ავტომატქანების ნიაღვარი.

— ჩვენს მეგობრობას გაუმარჯოს, — თქვა გვიმ, — ყოველთვის გაგვეტანოს ერთმანეთი, სამარის კარამდე გვახსოვდეს, რომ მეგობრები ვართ, ჭირი და ლხინი გაგვეყოს...

— იცოცხლე, — თქვა ნოდარმა.

სასაუზმის დახუთული ჰაერი თამბაქოს კვამლსა და ცხელი საჭმლის

ორთქლს საშრობივით იწოვდა, დახლში ოთხი თეთრხალათიანი იდგა. ერთი ლუდს ასხამდა, მეორე საჭმელს არიგებდა, მესამე პურს ჭრიდა, მეოთხე ფულს იღებდა. საათივით აეწყოთ თავიანთი საქმე და მარდად უმასპინძლებოდნენ მოწვეულ სტუმრებს. სამზარეულოს პატარა სარკმლიდან ვერცხლისფერი ლანგრით ხინკალი გამოიტანეს. ორთქლი ბოლქვა-ბოლქვად ასდიოდა ხინკალს. დახლთან ჩოჩქოლი ატყდა. ფულჩაბლუჯული ხელები ირხეოდნენ ჰაერში.

— კლასიკური ხინკალია, ძმაო, — თქვა გივიმ.

სახელოაკაპიწებულს ფეხები განზე გაეჩაჩხა და მადლიანად შეექცეოდა ხინკალს.

სასაუზმის კიბეზე განუწყვეტლივ ადიოდნენ და ჩამოდოდნენ ადამიანები. ფანჯრიდან მოჩანდა ტროტუარი. გივი უმზერდა გამველგამომველთა ფეხებს. ათასი ჯურის ფეხები თელავდნენ ტროტუარს. როგორც ეკრანზე, ისე მოძრაობდნენ ფანჯარაში სქელი, წვრილი, მსხვილი და ჩამოქნილი ფეხები.

— ზოგს როგორ უჭერს ფეხსაცმელი, არა? მაგაზე საშინელი არაფერია ამ ქვეყნად, — თქვა გივიმ.

— გამოიცვალოს შერე, რას ელოლიაგება.

— უნდა შეაჩვიოს ფეხი.

ცოტა ხნის შემდეგ ნოდარმა ჭიქა ასწია და თქვა:

— მოდი, ნანას გაუმარჯოს! მართალია, შენ არ გაღელვებს ჩემი ამბავი...

— როგორ არ მაღელვებს, — სიტყვა გააწყვეტინა გივიმ, — მაგრამ ყველაფერი ადრევე ვიცოდი და...

— შენ იცოდი? რა იცოდი... საიდან იცოდი... რატომ არ მითხარი დროზე?

— ძნელია სხვის საქმეში ჩარევა, ნოდარ. იქნებ არავის გავგო, იქნებ კარგად წასულიყო ყველაფერი. რად უნდა მესროლა პირველი ქვა, ან რას გიშველიდა. თანაც არასერიოზული დამოკიდებულება მეგონა, ბევრთან გივლია ეგრე.

— ეჰ, ყველას ცოდნია, ჩემს გარდა. შინაც ჩემზე ადრე გაიგეს. მოულოდნელობამ შემობორკა ხელ-ფეხი, თორემ რამეს ვიღონებდი.

— როცა არ იცი, უფრო ტკბილია ცხოვრება.

— დაიკარგე აქედან შენი რომანტიკით!

— ვიცოდი და კვანძის გახსნისა მეშინოდა. ერთხელ კიდევ ვიფიქრე, რომ შენც იცოდი. მაგრამ ისე უღარდელად და ბედნიერად გრძნობდი თავს და არაფერი გაწუხებდა...

— უყურებდი, არა, კომედიას?

— არა, კომედია არ იყო ჩემთვის. ძალიან მეწყინა, მე ძალიან მეწყინა, რომ ყველაფერი ასე ცუდად დამთავრდა. უაზროდ ისჯება ნანა. ყველანი მართლები არიან: შენც, შენი მშობლებიც, იქნებ ის ქალიც...

— გამიბი ახლა სულელური ფილოსოფია.

— არა, სულელურს ნუ დაარქმევ. გეუბნები, ყველანი მართლები არიან და ერთდროულად დამნაშავენიც, ყველანი, და პირველ რიგში შენ!

— გმადლობთ.

— მხოლოდ ნანა უდანაშაულო და ისჯება ყველაზე მეტად. ესაა სავალალო.

— ნანას გარდა არავინ დაისაჯა? — ხმადაბლა თქვა ნოდარმა.

გივიმ არაფერი უპასუხა. გაჰყურებდა ფანჯარას. როგორც ეკრანზე, ისე მოძრაობდნენ ათასი ჯუჯის ფეხები.

— კიდეც ხომ არ დაგველია, — თქვა გივიმ.

მას არ უყვარდა სმა. რიგიანად ვერც იტანდა სასმელს, როგორც იტყვიან, „მიკროლიტრაჟიანი“ იყო, ძილის გუნებაზე მოდიოდა ან ცუდად ხდებოდა. ამიტომაც არ უყვარდა სმა. მაგრამ პირველ ჭიქას როცა გადაჰკრავდა, სმის ჟინში ჩაფარდნილი ველარ გრძნობდა საზღვარს, სვამდა და სვამდა. განსაკუთრებით კონიაკი ატყუებდა.

— ორას ორმოცდაათი დავლიე და არაფერი მეტყობა, ჩიტვივითა ვარ, დავლიოთ კიდეც.

— არ გვინდა, ჰაერზე გავალთ და მერე მოგვეკიდება, — თქვა ნოდარმა.

— დავლიოთ, ნოდარ, დარდს შეგიმსუბუქებს.

ნოდარმა აღმაცერად გაიცინა და თქვა:

— გავლოთდე?.. დღეს დაღვე, დათვრები, ყველაფერი დაგავიწყდება, კარგი, ბატონო, ხვალ, ზეგ?! ყოველდღე ვსვა?

— ქალი ხომ არა ხარ, მარტო სიყვარულზე იფიქრო...

— სიყვარულში არ არის საქმე. განა თექვსმეტი წლის ბიჭი ვარ...

— ჰო, მესმის, — გააწყვეტინა გივიმ.

— არაფერიც არ გესმის. შენ გონებით გესმის და ვერა გრძნობ, რომ ტიკინები ვართ. მაჰერენ თითს და ვტიკტიკებ. სიყვარული...

— რა სულელური და მოძველებული სიტყვებია: ტრფიალი, ღალატი, მიჯნური... ჰემინგუეს ერთ მოთხრობაში წერია, სიყვარული ნეხვის გროვა არისო.

— ჰემინგუეი არ წამიკითხავს, — მოუჭრა სიტყვა ნოდარმა.

— კაი ერთი — თქვა გივიმ და მერე დაუმატა: — არც სიმფონიურ კონცერტებზე დადიხარ?

— არა.

— ყოჩაღ შენ! — წამოიძახა გივიმ.

— შეხედე, კედელზე წერია, უსაქმოდ ნუ გაჩერდებითო, — თქვა გივიმ.

— წავიდეთ.

დახუთული სარდაფიდან ამოვიდნენ და სუფთა ჰაერი ესიაშოვნათ.

— ცოტა გამხიარულდი, ნოდარ, შეხედე, რა ცაა, ეს მელანქოლია ინგლისელებმა მოიგონეს. სულ ნისლიანი ამინდებია და გული უწუხთ, მაგათი მოგონილია მელანქოლია და პესიმიზმი.

ნოდარმა გაიფიქრა, რომ თვითონაც ასე დაამწვიდებდა თავგზააბნეულ მეგობარს, დაახლოებით ასეთივე სიტყვებით ურჩევდა უდარდებობას და ვალს მოიხდიდა.

მოედანზე, აფთიაქის წინ ავტობუსი იდგა.

— წახვედი? — თქვა გივიმ.

— ჰო, წავალ, მეზარება შინ წასვლა, მაგრამ ერთ ტიპს მოვკარი თვალი და წავალ... გვიყურებს.

— არ გინდა, ჩემი ნაცნობია.

— მერე-რა.

— ტელეფონის ნომერიც ვიცი მაგისო.

— აბა მაჩვენე.



გივიმ უბის წიგნაკი ამოიღო, ხან თავიდან გადაფურცლა, ხან ბოლოდან დაიწყო.

— აი, ტელეფონის ნომერი, დაბადების წელი, და რომელი სკოლა დაამთავრა. მთელი ანკეტა.

გივის ნაცნობმა გამოიხედა ავტობუსიდან. გივი მიესალმა. მაგრამ ნაცნობმა უხერხულად გაიღიმა.

— ვერა მცნობს, ზამთარში გავიცანი, პალტო მეცვა და ქული მეხურა. ახლა ვერა მცნობს.

— წავედი.

— გამოიარე, თუ ძმა ხარ, არ დაიკარგო.

— აუცილებლად.

...ზეპირად იცოდა ყველაფერი თავის ოთახში: მრავალჯერ გაზომილი სიგრძე-სიგანე, აბლაბუდასავით გაჭრილი ბზარები ქერში, იატაკზე დაქცეული მეღნის ლაქა.

ოთახში ენთო სინათლე და შავ ფანჯარაში ნოდარი ხედავდა საკუთარ სახეს, მომაბეზრებლად ნაცნობს. შუბლით მიეყრდნო ცივ მინას. მოპირდაპირე მეზობლებს ეძინათ. ჩაბნელებულ ფანჯრებში არაფერი ჩანდა. დალუქული კონვერტივით იყო მეზობლის ფანჯრები.

ოთახში იყვნენ ნოდარი, ელექტრონის შუქი და მარტოობა. ფანჯარაში კრთოდა ოთახის ანარეკლი. თეთრად ნაღვლობდა გაშლილი ლოგინი და ოთახი მოიცვა მარტოობამ.

უეტრად ატკივდა კბილი. „რა დროს კბილის ატკივება იყო“. — გაიფიქრა გულამღვრევით. უკვირდა, რომ დაღეულზე ატკივდა კბილი. წინათ სწორედ ტკივილს აყურებდა დაღევა, ან პაპიროსი, ან პირამიდონი. მაგრამ დაღეულზე კბილის ტკივილი არ ახსოვდა. კბილი წყნარად და შეუმჩნეველად იყო, ერთგულად ემსახურებოდა პატრონს და პატრონი ვერც გრძნობდა კბილის არსებობას. რაღაცამ გააღიზიანა და მოჰყვა ტკივილი. ერთი წუთით მაინც გამჭრალიყო ტკივილი, რომ ძალდაუტანებლად ეფიქრა. კბილის ტკივილი სხვა მიმართულებით მიათრევდა ფიქრს. ნოდარი მოუსვენრად წრიალებდა ოთახში. მერე კბილის ამოგლეჯა ინატრა. „ხელოვნური კბილი უფრო მაგარი იქნება, ასე ხშირად არ გაგახსენებს თავს და აიტანს ვაღიზიანებას“, — ფიქრობდა ნოდარი. კბილის ყრუ ტკივილი არ ცხრებოდა. თითქოს ჭია შემძვრალიყო და მოთმინებით ხრავდა კბილს. ჭია არ შეეუბა ჯან-ლონით სავსე ვაჟაკს, რომელსაც ჰქონდა მჭედლის მკლავები და მოკრივის ყბები, სიმაღლე: ასოთხმოცი სანტიმეტრი, წონა — ოთხმოცი კილოგრამი. ნოდარი მიხვდა თავის უძლურებას ამ უჩინარი ჭიის წინაშე. მერე მოწყინდა მარტოობა.

— სად მიდიხარ? — ჰკითხა დედამ.

— ჯანდაბაში, — უბასუხა ნოდარმა და კარი გაიჯახუნა.

გაჩერებაზე დაძაბული სახით გაჰყურებდნენ იმ მხარეს, საიდანაც უნდა მოსულიყო ტროლეიბუსი, თითქოს ამით დააჩქარებდნენ მის გამოჩენას. ვიღაც გოგომ ჩაირბინა. თეთრი ფეხსაცმელი ეცვა, თითქო ბინტით შეეხვია ფეხები. ნოდარმა წვიმა ინატრა. სარკესავით აბრწყინდებიან გუბეები ასფალტზე, ჩაივლის მანქანა და ტალახში ამოისვრება თეთრი ფეხსაცმელი.

ქუჩაში დასეირნობდნენ წყვილები. ნოდარი გამართული ნაბიჯით უსწრებდა წყვილებს, მერე თავს უკან იბრუნებდა და გამომცდელი მხერით აკვირდებოდა უცნობ ქალოწვილებს, თითქოს მსგავსებას ეძებდა. ისინი ჰგავდნენ ნანას, ეცვათ ნანასნაირად, კისკისებდნენ ნანასნაირად და მალულად თვალს ავლებდნენ და ელიმებოდათ მარტო ტუჩებით.



იყო ცარიელი ღვინის ბოთლივით. თითქოს დალიეს და გადაადგეს ჩაში ცარიელი ღვინის ბოთლი. ძლივს იგრძნობდა კაცი, რომ ბოთლში ღვინო. მცირეოდენი სურნელი და ფსკერზე შერჩენილი სითხე რაღაც ერთი თითის დადებამზე.

დიდხანს დაეხტებოდა ქუჩაში. ერთბაშად დაავიწყდა განშორების ამბავი. რამდენიმე წუთით ეგონა, რომ საღამოს შეიდ საათზე ისევ პაემანი იყო დანიშნული. თითქოს არაფერი შეეცვლილა მას შემდეგ. თითქოს ნანას მიაცილებდა შინ. წყუროდა მისი ნახვა, მაგრამ ლაგამი ამოსდო სურვილს. ყველაფერი ნაცნობი და მშობლიური იყო ნანას ქუჩაზე.

16

ისინი მასზე უმცროსი ბიჭები იყვნენ. თითქოს რამდენიმე წლით უკან გადაისროლა რამდენიმე წუთმა ამ ბნელ ქუჩაზე. ისინი სამნი იყვნენ, ჯმუხები და პერანგგადღედილები.

— შენ ნანასთან დადიხარ?

ნოდარი უხერხულად შეიშმუნა, პასუხი დააყოვნა, მერე დაინახა მათი დამცინავი გამომეტყველება და თავი დაუქნია დასტურის ნიშნად.

— ჩვენი უბნელი გოგოა, ხელი უნდა აიღო, მე მაქვს მაგისი დილიხორი, — თქვა ერთმა მათგანმა. შარვალზე გადმოწეული ქრელი პერანგი ეცვა. თავი გადახოტრილი ჰქონდა და ჩამქრალ პაპიროსს ათამაშებდა კბილებში.

— რაო, გიყვარს? — თქვა მან.

— სხვა ვინმე შეიყვარე, არა გიშავს, — შეეშველა მეორე.

რაღაც ღიმილისმაგვარმა გადაუარა სახეზე ნოდარს და თქვა:

— გაგიგიათ, თქვე საწყლებო, რას ამბობდა რუსთაველი...

— მე ბორია ხელაძეს მეძახიან, — გააწყვეტინა სიტყვა თავგადახოტრილმა, — მოიკითხე ჩემი სახელი, გეტყვიან, ბევრი ლაილი არ მიყვარს.

— ციხიდან გამოსულებს ჰგეგხართ, რა თქვენი სახსენებელია ნანა.

— მორჩი ახლა ბაზარს, — თვალეში დაუბრიალა თავგადახოტრილმა.

— ეტყობა, ეს არიფი ტყემალზეა, — თქვა მეორემ.

მესამე ხმას არ იღებდა და გულგრილად იღიმებოდა.

— წადი, ძმობილო, სანამ ცოცხალი ხარ, — თქვა თავგადახოტრილმა და ნიკაპზე მოუთათუნა ხელი ნოდარს.

თითქოს გაძარცულს და გახდილს ხელმეორედ უპირებდნენ გაძარცვას. ბრაზმა აავსო ნოდარი. თავი ველარ შეიკავა, თუმცა იცოდა, რომ სამივეს ვერ გაუმკლავდებოდა, თავგადახოტრილს ყბაში სთხლიშა. თავგადახოტრილმა დაიღმუვლა. სამივენი დაესივნენ. ნოდარს ხელი აღარ გაუნძრევია. როგორც მოკრივეები საეარჯიშო „მსხალს“, ისე უბათქუნებდნენ მუშტებს შეუბრალებლად. მერე მიწა გამოეცალა ფეხიდან. იგრძნო, რომ ყელში ჩასდიოდა ცხვირიდან წამონადენი სისხლი.

ვიღაცამ ჩაიარა ბნელ ქუჩაზე, წამით დაადგა თვალი ასფალტზე გაშლართულს, მთვრალად ჩათვალა და გადააფურთხა.

ნოდარმა ძალა მოიკრიბა და წამოდგა. ცხვირიდან ისევ მოსდიოდა სისხლი. უკან გადახნიქა ტანი და თავი მაღლა ასწია. ნაცემი დაბორილობდა ბნელ ქუჩაზე, უანგაროზოდ დაბორილობდა და რეალურად გრძნობდა მხოლოდ საკუთარ სხეულს. ტკივილი იმდენად არ აწუხებდა, რომ ნაბიჯი ველარ გადაედგა. ტკივილი თითქმის გამქრალიყო. განათებულ ფანჯრებს ხან ხედა-



ვდა, ხან ეჩვენებოდა, რომ არაფერი იყო მის გარშემო. ქვებით დატვირთულ ნავით დაცურავდა სიცარიელეში. განათებულ ფანჯარაში მოჩანდა ავეჯი. რომელიღაც ჭიშკართან პატარა, თეთრმა ძაღლმა ყეფა აუტეხა. ძაღლი კოხტად იყო დავარცხნილი, წითელი ბაფთა ეკეთა კისერზე და გაწიწმატებით უყეფდა. ნოდარმაც ყეფით უპასუხა. ძაღლმა იუცხოვა ადამიანის ყეფა, შეტრიალდა და კიბეზე აცუნცულდა.

ნოდარს გაახსენდა, რომ ამ მიდამოებში, რომელიღაც სახლში მისი რომელიღაც ამხანაგი ცხოვრობდა, მაგრამ ველარაფრით ვერ გაიხსენა, სახელდობრ რომელი. დაავიწყდა მათი სახეები, მათი მიხერა-მოხერა, აზრზე არ იყო, რით განსხვავდებოდნენ ისინი ერთმანეთისაგან, ვინ როგორი ჰამა იცოდა, ვის რა ეცვა, ვინ როგორ იცინოდა, ვის რა უყვარდა. ისინი ბევრნი იყვნენ, ზოგს ძმა-კაცი ერქვა, ზოგს მეგობარი, ზოგს ამხანაგი. ერთთან მხოლოდ თეატრებზე მუსაიფობდა ხოლმე, მეორესთან — ფეხბურთზე, მესამესთან — ყველაფერზე. მეოთხესთან — არაფერზე და ხანდახან ამინდზე, როცა შესამჩნევად იცვლებოდა ამინდი: ძალიან ჩამოცხებოდა ან სამხრეთისათვის უჩვეულო სუსხს მოიტანდა ზამთარი. ახსოვდა მხოლოდ მათი სიტყვები. ყველანი სიტყვებად გადაქცეულიყვნენ მის ცნობიერებაში: ძმაკაცები და მეგობრები, თითქოს დაჰკარგოდათ ყველა შეგრძნება და მხოლოდ მეტყველების უნარით აღჭურვილები სიტყვების სქელ ნისლში იძირებოდნენ.

რუსთაველის პროსპექტზე მეტი ხალხი იყო, ვიდრე მიყრუებულ ქუჩებში. „ინტურისტის“ წინ ვიღაც ტყაპუქიანი ახმახი გრძელ ხელებს შლიდა და ბოხი ხმით მღეროდა შირაქელი მეცხვარის სიმღერას. რესტორანში უკრავდნენ „მოსკოვურ საღამოებს“. სასტუმროს წინ ცისფერი ავტობუსი იდგა. ავტობუსს ჰქონდა გამჭვირვალე სახურავი.



ზაურ ბოლქვაძე

ჩემო მიწავ

დიდი იყავ... გფარეთ მკერდით,
გვებეთ სისხლით, ვალბეთ ოფლით,
დღეს ერთად რომ მოვკვდეთ შენთვის,
საფლავებად არ გვეყოფი...

საქართველოს გეტრფით მილიანს,
საქართველოს გეტრფით ახალს,
იცოცხლე და სულერთთა,
დიდი ხარ თუ პატარა ხარ.

და რაც დავგრჩი, — დავგრჩი მარად.
დავგრჩი ზორცად, დავგრჩი ძვლებად,
დაღუბისგან დაგვიფარავს
მარტო შენი დასიზმრება.

უფრო მეტი დაგებადოს
ერის მშვენი, ენის მშვენი,
არ ჰყოფნიდეს აკვნებადაც
შვილთა შენთა ტყენი შენი!

გელათი

როდესაც გლოვობს სიჩუმე გელათს,
ცივი სიჩუმე გარდაცვლილ წლების:
მიდი და ნახე, ნახე და ხელად
წარსულის სულში გადასიზმრდები!..

ქართველმა, ალბათ, ჯერ სიზმრად ნახა
გელათი. მერე იწყო შენება,
ეს გუმბათები აზიდა მაღლა
და მოამთავრა ცის მომშვენება.

მე ვნახე... იღვა საღამო ლურჯი,
ჩასხებილიყვნენ სხივი მზისანი
და იღვიძებდა წარსულის სულში
მისთვის სრულიად უცხო სიზმარი.

ციდან მოესმა ზარების რეკვა,
გაოცებული ღმერთის ლაღადად:
დარწმუნდა, ღმერთი თვითონ რომ
შეჰქმნა.

ქარით მომესმა იმ გრძნეულ ქვათა
აქართულება ჩუმი, ქურდული:
„განადგურება — თქვეს — გელათს
გარდა.

ადგა და ქართულ ცას მიაჩატა.

არაა არსად ასე უძლური!“

ცამ უკვდავება აიღო სესხად
და მიიჩატა მიწიერ შუქად,
ტაძარი მიტომ აგუბებს შენს ხმას
და იმ ღმერთის ხმად გიბრუნებს უკან.

თვალწინ დამიდგნენ, ჰგავდნენ არწივებს
ასი ვამეხ და ასი ლიპარიტ
და დროშასავით მაღლა ასწიეს
დავითვის ხელით ახსნილი კარი.

მივედი, ვნახე და შევიცანი,
მას შემდეგ სული მაღალს შენატრის
და გარდაცვლილი წლების სიზმარი. —
სულ მეღანდება გედი, — გელათი.

ყვავილები

იბადებიან ჩუმად, ერთბაშად
და აბავშვებენ მთებსა და ველებს.
გვეჯიბრებიან წვეში, ვნებაში,
სიყვარულად და სითბოდ გვამხელენ.

ცოცხლობენ — წლებად გვემატებიან,
როცა კვდებიან — სიკვდილს
გვართმევენ.

ჩვენთა ტყვილთა მიზეზს ხვდებიან
და დედებივით ყველგან დავდევვენ:

ერთადერთს გვთხოვენ ყვავილნი კაცთა,
როს იცრემლავენ ვარსკვლავთა ციმციმს:
ისე ლამაზად მიწაში ჩასვლას,
ვით ამოდინა ისინი მიწით.



გიორგი კაჭახიძე

ისე მამლერა ნეტავ თბილისზე

ისე მამლერა ნეტავ განცდილი —
თბილისზე ჩვენი ხალხის სათქმელი,
რომ ბანს მაძლევდეს ერთი კაცივით
ავკარგიანი ყველა ქართველი.

ის, საქართველოს ქალაქთა დედა,
მუდამ გულსავსე დედად გვყოლოდეს.
ასე თვალი აქვს და ყველას გვხედავს,
სადაც არ უნდა ვიყოთ, ვცხოვრობდეთ,

ჩვენთვის ალაღად პურის გამყოფი,
ცას ვარსკვლავებსაც ჩვენთვის აკლებდა.
დიდი ფიქრის და გრძნობის ნაყოფი
მოცემული გვაქვს მისგან საკრეფად.

დედაშვილურად გულს რომ გადაშლის.
მსუბუქდებიან მძიმე განცდებიც.
დაღლა არ ვიცი მე მის კალთაში,
არც არასოდეს დავიქანცები.

ემსზე მოსული იკრებს და იკრებს
მტკვრის მიდამოებს ახალ უბნებად.
უკვდავებისთვის გაჩენილ ფიქრებს
უკვდავებაზე ესაუბრება:

ვალი მაქვს შენი

ჩემს ყველა პაპას, ყველა ბიძას ქალაღზე მელნით
არ გაუვლია არასოდეს ფიქრების კვალი.
წილად ხვდათ ბედით ხარ-კამეჩი. სადგომი ბნელი,
გაუხარებლად დაელალათ შრომაში მკლავი.

იმათგან პირველს მე მომეცა სავალი ფართო,
რაც თავს მოვესწარ, გულის სათქმელს ქვეყნად ვლადებ
იმათგან პირველს შემიძლიან გუთანიც ვმართო
და კაცის ფიქრიც ავამღერო მელნით ქალაღზე.

ვიცი, ეს სიტყვა გეამება, მამულო ჩემო,
შენით მაქვს ასე გამართული დღეთა ჭაბანი.
შენი აპრილით მაგრძნობინე სიმღერის გემო,
ცხოვრების სიბრძნე გამაცანი შენი ანბანით.

თავს დაგტრიალებ, — მაინც დიდი ვალი მაქვს შენი,
როგორ მოვხატო ყველა შენი კორდი და ჭალა!
რომ ხედავ, ასეთ ტვირთს შევები, თვითონვე მშველი —
მაძლევ შენსავე მოსახატად სხივსა და ძალას.

გიორგი და ექნე პაპაშვილები

სწავლ. ყველაფერი შეიქმნა მოხერხ.

- რატომ?
- წავასწარი, როცა ჩემს ძალს მოწამლულ ხორცს აკმევედა.
- გასაგებია. მეტი არაფერი ჩაგიდენიათ?
- არა, სერ.
- ნამდვილად?
- დიახ, სერ.
- თქვენ ნამდვილად დაინახეთ, რომ ეს კაცი ხეს ამტვრევდა? — ჰკითხა „მისმა უმწიკვლოებამ“ პოლისმენს.
- არა, სერ. დარწმუნებით ვერ ვიტყვი, მაგრამ დანარჩენები გამოტყდნენ. ვეგც იმათთან იყო და ხელში ყვავილების თაიგული ეჭირა.
- ოფიცერო, მე მწამს, რომ ეს კაცი გულწრფელი ადამიანია. თქვენ ალბათ, შეცდით. საქმე წარმოებით ისპობა.
- და შემდეგ „მისი უმწიკვლოება“ ჩემსკენ გადმოიწია და იცით რა მითხრა მე უბირს, უენოს, ექვსი თვის ჩამოსულ გამოუცდელ უცხოელს? — ახალგაზრდავ, მე მსურს ხელი ჩამოგართვათ! — და მართლაც ჩამომართვა. მთელი დარბაზი გვიყურებდა.

ნიუ-იორკის ცემენტს ველარ ვიტანდი. ქუჩებში მრავალი მილის სიგრძეზე დიდძალი ცემენტი იყო დაფენილი. უფრო მეტი სახლებად იყო ამართული გზის ორივე მხარეს. ისეთი გრძნობა მქონდა, თითქოს ქვისთაღიან სარდაფში ვცხოვრობდი. ისიც მაწუხებდა, რომ, ალბათ, მავთულით შემოუღობავი არც ერთი ხე, ბალახი და ყვავილი არ იყო დარჩენილი. და ეს მხოლოდ იმიტომ, რომ ახლოს არ გავკარებოდი მათ.

სხვაგან კი სად წავსულიყავი, არსად არაფერი მეგულებოდა. მაგრამ აი ერთხელ, როდესაც სამსახურიდან მეტროთი ვბრუნდებოდი შინ, ორი კაცის საუბარი შემომესმა. რამდენადაც მივხვდი, ერთი მათგანი ახლახან დაბრუნებულიყო დასავლეთიდან, მაღალი მთების გადაღმა მდებარე ქალაქიდან. ეს ტყიანი მხარე თურმე ამერიკის კიდე იყო. ორი დიდი მდინარე ღრიალითა და ზავით თერთდებოდა ერთმანეთს და შემდეგ მეგობრულად აგრძელებდა გზას.

მართალი ვითხრათ, ცნობისწადილმა წამძლია და მივაყურადე. იქ თურმე მრავალი სლავი ცხოვრობდა. ყველანაირი სამუშაო ყელთამდე იყო და გასამრჯელოსაც კარგს იძლეოდნენ. სულ არ მინანია, რომ ორიოდ მილით გავცდი ჩემს გაჩერებას. სამაგიეროდ გარკვევით გავიგონე იმ ქალაქის სახელი.

და აი შაბათს, როგორც კი ხელფასი მივიღე, სადგურში წავედი და იმ შესანიშნავი ქალაქის ბილეთი ვიყიდე. ეს პიტსბურგი ვახლდათ. პენსილვანიის შტატის ქალაქი. როცა ჩავედი, სიმართლე უნდა ვთქვა, ქალაქი მთლად იმნაირი არ აღმოჩნდა, როგორსაც მოველოდი, მაგრამ წუწუნის უფლება არ მქონდა. ახი იყო ჩემზე — ყური არ უნდა დამეგდო უცხო ხალხის საუბრისათვის. რაც იყო — იყო, გულხელის დაკრეფა აღარ შეიძლებოდა. დაეიწყე სამუშაოს ძებნა. ორ თვეს ვიხეტიალე. ბოლოს წებოს ქარხანაში გამოვხანე ადგილი, მაგრამ მხოლოდ სამ დღეს შევრჩი იქ — უფროსი სხაპასუხით ლაპარაკობდა და ვერაფერს ვუვებდი. სამსახურიდან პირდაპირ შინ გავბრდი, რომ კიდევ რამე შემეძინა ჩემი სიტყვების წიგნიდან, მაგრამ შეუძლებელი იყო ოდესმე დავწეოდი იმ კაცს, — მას მთელი საუკუნით გავსწრო ჩემთვის.

შაბათს მომცეს ჩემი ექვსი დოლარი და მითხრეს: თუ ოდესმე უკეთესად ისწავლი ინგლისურს, შეგიძლია დაბრუნდე და იმავე ადგილზე მიგიღებთო. დიდი შეღავათია, არა? და აი, კვლავ ქუჩაში აღმოვჩნდი. ხან ერთი, ხან მეორე ფაბრიკის კართან ვიყავი ატუხული. ერთხელ, ხეტიალის დროს, რომელიღაც საღალაქოს მივადექი. დალაქი უკრაინელი იყო. მაშინ არც რუსული ვიცოდი ხეირიანად, მაგრამ ინგლისურზე უფრო მაინც მეხერხებოდა, და შევძელით გამოვლაპარაკებოდი ერთმანეთს.

— მუშაობ? — მკითხა მან.

— არა-მეთქი, — ვუპასუხე.

— გინდა მუშაობა?

— რაკი ჭამა მინდა, მუშაობაც უნდა მინდოდეს.

— ამ საღამოს 9 საათზე მოდი, შენი ჩემოდანიც მოიტანე. იქნებ ადგილი გიშოვნო.

— რა ადგილია?

— კარგი ადგილია. აი მოხვალ და ნახავ.

ცხრა საათზე საღალაქოში მივბრუნდი. ძვირფას აბრეშუმის პერანგში გამოწყობილი ბრვე კაცი სავარძელში იჯდა და 25-ცენტის სიგარას აბოლებდა. ორი კაცი კი ფეხსაცმელებს უპრიალებდა.

— კიდევ კარგი, რომ რვაფეხა არაა, — ვუთხარი დალაქს რუსულად: — მაშინ ხომ მთელი არმია დასჭირდებოდა გასაპრიალებლად.

— ხმა ჩაიწყვიტე! — რუსულადვე დამიბრუნა დალაქმა. — მისტერ ბლეკ, — მიმართა იმ კაცს ინგლისურად, — ეს ის კაცია, მე რომ მოგახსენეთ. ძალიან უნდა მუშაობა.

— კარგი მუშაა?

— დიახ, სერ, მაგარი მუშაა.

— საიმედო თუა?

— დიახ, სერ, სულ რამდენიმე თვის ჩამოსულია ამერიკაში.

მისტერ ბლეკი ახლა მე მომიბრუნდა და მკითხა: „ლაპარაკობ ინგლისურად?“

„რომ ვიცტყო, ვლაპარაკობ-მეთქი და ეს ადგილიც დავკარგო. არ ივარგებს, ჯობს ამთავითვე იცოდეს ყველაფერი“, — გაეფიქრე და თავი გავაქნიე — არ ვლაპარაკობ-მეთქი.

— ძალიან კარგი, ძალიან კარგი! — მისტერ ბლეკმა ხელები მოიფშვინტა და ისე შემომხედა, თითქოს საშობაო გოჭი ცყოფილიყავი და აქნას მიპირებდა.

მოდი და გაუგე რამე ამ ამერიკელებს: ზოგან მოსწონთ, რომ ინგლისური იცი, ზოგან — არა. აი როგორაა საქმე ამერიკაში.

— ერთი ჰკითხე, შეუძლია თუ არა დღესვე წამოვიდეს, — უთხრა ბლეკმა დალაქს. დალაქმა რუსულად გადმომცა ბლეკის კითხვა.

თავი დაეუჭინე და ჩემოდანზე ვანიშნე.

როგორც კი მისტერ ბლეკი გაპარსეს და უხვად ასხურეს ოდეკოლონი, მის მანქანაში შევძვერით და დავეძარით.

თორმეტცილინდრიანი კადილაკის მტორი ისეთი ხმით მუშაობდა, ეტყობოდა საგანგებო შეკვეთით იყო დამზადებული.

რამდენიმე ადგილას შევჩრდილეთ და ხალხი წამოვიყვანეთ: ორი ჩინელი, ერთი ყრუმუნჯი ბიჭი, ერთი მექსიკელი და ერთიც ხნეირი გერმანელი. სულ ისეთები შევიყარენით, იტყოდით, მოხეტიალე ცირკის ხალხიაო.

გზას ბოლო არ უჩანდა. დალაქმა აკი თქვა, შორი გზა მოგელითო, და ასეც გამოდგა. ცოტა თვალი მოვატყუე. გათენებისას გამომეღვიძა და წინ ქარხნის მიღები, დიდი სახლები და ანთებული ბრძმელები დავინახე. მისტერ ბლეკმა მანქანა შეაჩერა და სამჯერ დააჰყვირა. შემდეგ ადგილიდან მოვწყდით, 70 მილის სიჩქარით დავეშვით დღმართზე და ქარხნის ღია ჰიშკარში შევვარდით. ჰიშკარი მაშინვე მოგვაკეტეს.

მანქანიდან გადმოვედით. გვიჩვენეს, სად უნდა გვებანავა.

ვილაც კაცმა ყავა და ფუნთუშები მოგვიტანა და შემდეგ სამუშაოზე დაგვაყენა.

ვილაცამ სამუშაო იარაღები მომაჩეჩა ხელთ. ახლა უკვე შემეკეთებელ ხელოსნად ვითვლებოდი. ძალიან კარგი. ამასაც ვცდი.

დავიწყე საამქროში მიყრილ-მოყრილი მანქანების შეკეთება. გავიდა რამდენიმე საათი. ვილაც კაცი მომიახლოვდა, დამთავრებული სამუშაო შემომოწმა და რამდენჯერმე დამიკანტურა თავი. ეს ნიშნავდა, რომ საქმე კარგად მიდიოდა.

გულმა მიგრძნო, რომ კარგ ადგილზე მოვხვდი. სამუშაოს თავს მივაკლავ. საღამოობით ვიმეცადინებ, გაკვეთილებზე ვივლი. ადრე მოვალ სამუშაოზე და გვიან წავალ, შემდეგ დამაწინაურებენ. მე უკვე ვხედავდი ჩემს ღიად მომავალს: 30-ცენტთან სიგარას ვეწევი და ძვირფას კოსტუმში გამოწყობილი დავდივარ. მაგრამ ორ კაცს კი არ გავაწმენდინებ ფესსაცმელებს, — ეს ხომ ყოყლოჩინობა იქნება... შუადღის საყვირმა იმ დროს მომისწრო, როცა ვფიქრობდი. პაკარდში დავბანადო ფული თუ კადილაკში-მეთქი.

ეს ჩემი პირველი დღე იყო და, რა თქმა უნდა, საუზმე თან არ მქონდა. ის იყო ქარხნის დუქნის მოძებნა დავაპირე, ლევზელს, ბისკვიტს, სოდიან წყალსა და შემწვარ ხორცს ვიყიდი-მეთქი, მაგრამ დავინახე, რომ ყველა ერთ-ერთ კარში შედიოდა და მეც მათ ავედევნე.

გრძელ-გრძელი გაწყობილი მაგიდები, თხლად დაჭრილი შემწვარი შაშხი. პური, კარტოფილი, ჰყინტი ლობიო, მოხარშული სიმინდი, კარაქის მოზრდილი ოთხკუთხა ნაჭრები... მიირთვი, რამდენიც გენებოს! მუყუყი, მწნილი, — სწორედ ადდგომის სუფრა იყო. მაგრამ სუფრას ხალხის უცნაური კრებული ამშვენებდა — ნამდვილი ერთა ლიგა იყო. ცალ მხარეს ჰოლანდიელი მეჯდა. მეორე მხარეს — ვილაც საყურიანი კაცი, მგონი სიცილიელი, ცოტა მოშორებით მჯდარი კაცი ნამდვილად სირიელი იყო.



ვისადილეთ. შემდეგ მოვიდა ღვეზელი, ყავა და ნაყინი. კვლავ აღრიალდა საყვირი. ჩვენ ოთახიდან გამოვედით. კართან ფული ამოვიღე, საჭმელში გადავიხიდი-მეთქი, მაგრამ არ გამომართვეს და ისევ შევიწახე. ვიფიქრე: ალბათ, ხელფასიდან დამიქვითავენ; ღირს კიდევ, ყოველდღე აქ ვისადილებ-მეთქი.

სამუშაო დამთავრდა და მე იმ კაცთან ერთად მომიხდა გამოსვლა, რომელიც სირიელად შევიცანი. როგორც მივხვდი, მისი მოვალეობა საცეცხლურში გაზეთილი ქაღალდების შეკეთება იყო. უცნაური სამუშაოა, ჭუჭყიანი და კვამლიანი. ორიოდ სიტყვით გამოველაპარაკე. იგი ბეირუთელი იყო, მაგრამ უცხვირპირო და სიტყვაძვირი კაცი გამოდგა; ვკითხე, სად ცხოვრობ, იქნებ შენს დიასახლისს ჩემთვისაც მოეცა ოთახი-მეთქი.

— საცხოვრებლად? — გაიკვირვა მან. — რას ამბობ? ჩვენ აქვე ვათევთ ღამეს.

- ფაბრიკაში?
- რასაკვირველია!
- აქვე ვივანშებთ ხოლმე?
- რა თქმა უნდა!
- რატომ?

პასუხი არ გამცა.

ვანშობა მოვიდა, მოიტანეს ორი დიუმის სისქის ბივშტექსები. შემწვარი კარტოფილი, მწვანე მუხუდო, სტაფილო, სალათა, ნამცხვარი, ხილი. შემდეგ დიდი ყუთით სიგარები ჩამოატარეს.

— სხვები სადღა ჭამენ? — ვკითხე სირიელს გამოსვლისას. ვფიქრობდი. იქნებ ვინმე გამომლაპარაკებელი მენახა, სხვა სასადილო ოთახში რომ მოვხვედარილიყავი-მეთქი. გუნება მიფუჭდებოდა ხოლმე, როცა ჭამის დროს ვერაფერს ვესაუბრებოდი.

- ვინ სხვები?
- სხვა მუშები.
- მეტი არავინაა.

— შენ რა, იმის თქმა ხომ არ გინდა, რომ ამ ვეებერთელა ფაბრიკას ორასიოდე კაცი ვამუშავებთ? აქ ათასებია საჭირო.

ამ დროს სასადილოს გამგემ მანიშნა, გამომყევით. მან საწოლებით სავსე დიდ ოთახში შემიყვანა და ჩემი საწოლი მიჩვენა. საწოლები ღამაზად იყო გაწყობილი. ქათქათა ზეწრები, თბილი საბნები. დავწეკი თუ არა, ჩამეძინა; სიზმარში ვფიქრობდი, ამერიკა მართლაც შესანიშნავი ქვეყანა ყოფილა-მეთქი!

გათენდა მეორე დღე, ორჯერ გაისრიალა ეზოში სანიტრულმა მანქანამ. პირველად ორი ახალგაზრდა გამოიტანეს მანქანიდან და მედპუნქტში შეიტანეს. მეორედ — სამი. სულ ერთიანად სისხლში იყვნენ მოსერილნი. რას იზამ, სახიფათო სამუშაო ჰქონიათ, ჩემი ბედი, რომ შემკეთებელი ოსტატი ვარ!

ბოლოს დადგა შაბათიც. დავინახე, მუშები რომელიღაც ფანჯარასთან მიქუჩებულყვნენ და მეც მათ მოვუდექი უკან. ხელფასის დღე იყო. კონვერტი მომცეს. კონვერტში კი — ღმერთო დიდებულო! — 42 დოლარი ნაღდი ფული იდო. ჭამისა და ღამის გათევისათვის არაფერი დაექვითათ. ეს კომპანიის ხარჯზე ყოფილა. 7 ცინცხალი დოლარი ყოველ ნამუშევარ დღეში.

ისე გამეხარდა, რომ სული კბილით მეჭირა, სანამ ქალაქში წავიდოდი და ფულს დაეხარჯავდი. ის სირიელი მოვინახე და ვუთხარი: გინდა ქალაქში გავისერიროთ? ერთ ბოთლ ღვინოს ვკისრულობ. ცოტა ვისიამოვნოთ-მეთქი.

— რას ამბობ? — მიპასუხა სირიელმა. — სრულ ჭკუაზე ხარ?

ეჰ, ყველაფერს მივხვდი. ასეთი ხალხი ადრეც შემხვედრია, ისინი ჰქვიათ ლენოს არ დაგილევინ. ეშინიათ, მთელი ბოთლის ჩამოდგმა არ მოუხდეთ. ფულის გიყი ყოფილა! ბედნიერებას ვუსურვებ! იქამდე იცოცხლოს, რომ თავის გემოზე მოიხმაროს დანაზოგი. თუმცა, ჩვეულებრივ, ასე არ ხდება ხოლმე.

დავიწყე ხეტიალი, რომ ვინმე სხვა მეპოვნა. კლუბის ოთახში, რომელიც მშვენიერად მოეწყო ჩვენთვის კოპანაიას, ორ ბანქოს მოთამაშეს წავაწყდი. ისინი „დურაკობანას“ თამაშობდნენ. „დურაკობანა“ რუსული თამაშია და ამიტომ გადავწყვიტე გამოვლაპარაკებოდი.

მოთამაშებმა რაღაც დამტვრეულ ენაზე გამცეს პასუხი. ისინი ფინეთიდან, ლატვიიდან თუ სადაც იმ მხრიდან უნდა ყოფილიყვნენ. როგორც საუბრიდან მივხვდი, რუსული ჯარში ესწავლათ და ჩემსავით ცუდად ლაპარაკობდნენ. ბარემ უკეთეს მერინახეებს ვეძებდი, მაგრამ რაღას ვიზამდი, მაინც დავპატიე. მათ ისევე იუარეს, როგორც სირიელმა. „შენ რა, ტვინი არა გაქვს თავში? შენც სანიტარული მანქანით ხომ არ გინდა დაბრუნება?“, — რა დავპართა ამ ხალხს, მე გავგიყდი თუ ესენი?

— აი რა, ბიჭებო, ერთი უბრალო კითხვა უნდა მოგცეთ. გინდათ თუ არა ჩემთან წამოსვლა და ერთი ბოთლი ლენის დალევა ჩემს ხარჯზე?

— გარეთ მოგკლავენ, — მითხრა ფინელმა, — უკან უთავოდ მოგიხდება როსვლა!

— ვინ მომკლავს?

— გაფიცულები, — მიპასუხა მან ინგლისურად, — გარეთ გაფიცულებია.

— კარგი, იყვნენ გაფიცულები, მაგრამ მე რატომ უნდა მომკლან?

— გაფიცულები იმას ჰქვია, — განმიმარტა მან, — ვინც წინათ აქ მუშაობდა და ახლა აღარ მუშაობს.

— მერე, მე რას მერჩიან? ისინი წავიდნენ, მე მოვედი. ხალხი ყოველდღე იცვლის სამუშაოს!

— სულ კი არ წასულან, მათ მხოლოდ იმიტომ შეწყვიტეს მუშაობა, რომ უფროსის მიცემული ფული არ ყოფნიდათ.

— აშენება ხომ არ უნდოდათ? ასეთი სამუშაოს დატოვება შეიძლება? რას იშოვნებთ უკეთესს! როსტბიფი, მუჭით თამბაქო, სუფთა ლოგინი და 7 დოლარი. პირადად მე სიხარულით ვიმუშავებდი აქ კიდევ ერთ წელიწადს.

— მათ ამდენს არ აძლევდნენ, არც აჭმევდნენ და არც აწვევდნენ. მართო ორ დოლარ ნახევარს აძლევდნენ დღეში, ისინი სამ დოლარს თხოულობდნენ.

— მე კი 7 დოლარი ვუჯდები უფროსს, რატომ არ აძლევს მათ 3 დოლარს? ვერ ყოფილა კარგი ბიზნესმენი.

— უფროსი 7 დოლარს მანამ მოგცემს, სანამ გაფიცულები ლოდინით დიდლებიან და კვლავ ორ ნახევარ დოლარად არ დაიწყებენ მუშაობას. ან იქნებ ორ დოლარს და 25 ცენტსაც დაჯერდნენ, — მაშინ ჩვენი უფროსი სხვანაირად წავგიყვანს.

— სად სხვანაირად?

— სადაც სხვა გაფიცვა იქნება.

— ეს ჩვენი უფროსი რომელია? ის კაცი, ჩვენ რომ მოგვიყვანა? მისტერ ბლეკი?

— ჰო, ისაა!

მე ჩაფიქრდი.

ისინი კვლავ თამაშობდნენ: ტყაბ, ტუზი, ტყაბ, ვალეტი.

— ბოდიში, რომ თამაშს ვაწყვეტინებო, — მიემართე მათ ცოტა ხნის შემ-

დგ, — მაგრამ იქნებ გახსოვდეთ, როგორ ითქმის ის სიტყვა რუსულად „გა-ფიცული“?

— ზაბასტოვიჩი!

ზაბასტოვიჩი? აჰა! ზაბასტოვიჩი! ახლა კი გამახსენდა. ჩემმა მეგობარმა არსენამ, იქ, საშობლოში, კარგად იცოდა გაზეთების კითხვა. იგი ყველა საყურადღებო შემთხვევას მიყვებოდა ხოლმე. გასაგებია. ზაბასტოვიჩი!

— ეს ადგილი არ მომწონს, — ეტყვი მე, — ახლავე მივდივარ აქედან. მაგრამ ის სად არის? მისტერ ბლეკის ოთახი?

— მთავარ შენობაში.

— საწყობების გაყოლებაზე?

— ჰო. პირველი სახლი, აგურის.

ეზო გადავჭერი და კიბეზე ავედი. „დააკაუნეთ!“ — ეწერა კარზე. მეც დავაკაუნე.

— შემოდით.

ეს მისტერ ბლეკის ხმა იყო. იგი იჯდა, ფეხები მაგიდაზე დაეწყო. კბილში კბილის ჯაგრისი ჰქონდა გაჩრილი.

— მე მივდივარ, — მივმართე ბლეკს, — ოღონდ ჯერ ქალაღი უნდა მომცეთ, სადაც ეწერება, რომ არ ვიცოდი, თუ ვქურდობდი.

— აა, ეს შენა ბრძანდები? — მისტერ ბლეკმა ჯაგრისი ყურზე ჩამოიდო. — მე კი მეგონა, ინგლისური არ იცოდი. კარგი მაიმუნი ყოფილხარ!

— ამდენი კი ვიცი, — ვუბასუხე მე. — ისეთი ქალაღი მომეცით, სადაც ნათქვამი იქნება, რომ აქ შემთხვევით მოვხვდი, რომ არ ვიცოდი, თუ ვქურდობდი. აი შემდეგ კი წავალ. აქ საკამათო რა არის?

— კარგია! აი თქვე ტილიანო ჩამოთრეულეზო! ყველანი ერთნაირები ხართ. ათიოდე დოლარს მოიგდებთ ხელში და ქვეყანა თქვენი გგონიათ!

— „ჩამოთრეული, მაიმუნი, ტილიანი?! უკაცრავად, მაგრამ თქვენი ხნის კაცი ასე არ უნდა ლაპარაკობდეს.

— ახლავე გამეცალე აქედან!

— დამიწერეთ ქალაღი და წავალ.

— აი, შე გამოთაყვანებულ ნაბიჭვარო! — მისტერ ბლეკი სავარძლიდან წამოხტა. — არაფერსაც არ დაგიწერ. წადი, წაეთრიე. თორემ აქედან გისვრი. — მან მაგიდაზე მუშტის ბრახუნი დამიწყო. — არ გესმის?! გაეთრიე!

გვერდითა ოთახის კარი გაიღო და იქიდან მალალი, გამხდარი, ქალარა კაცი გამოვიდა. მისტერ ბლეკმა მუშტების ბრახუნი შეწყვიტა და კრავივით უწყინარი გახდა: „რას მიბრძანებთ, სერ? ბრძანეთ, სერ“. „აჰა! ეს, ალბათ, ყველას უფროსია“, — გავიფიქრე მე.

— რას ნიშნავს ყოველივე ეს?! — უფროსი ალუბლის კურკებივით ისროდა სიტყვებს. — მე მგონი იცი, რომ აქ შენი მაწანწალები არ უნდა შემოუშვას! მე უკვე აღარ შემეძლო ამდენი ლანძღვა-გინების ატანა.

— ნუ მეძახით მაწანწალას, მე ეს წუთია ამას ვეუბნებოდი თქვენს მეგობარს, მისტერ ბლეკს. თქვენ, მით უმეტეს, დროული კაცი ხართ და მეტი უნდა გესმოდეთ. ლანძღვა-გინება ხომ ლაწირაკების საქმეა. თქვენ კაცი ხართ და კაცურად მოიქეცით!

— მომამორეთ ეს კაცი!

მისტერ ბლეკმა ქალაღის წერა დაიწყო.

— ეს კი იცოდეთ, — უფროსმა გრძელი თითი ჩემსკენ გამოიშვირა, —



პირადად მე ვიზრუნებ, რომ თქვენი სახელი შეერთებული შტატების ყველა საწარმოს შავ სიაში მოექცეს.

— მილიონობით ადამიანს, ალბათ, არც კი გაუგონია თქვენი სახელი. თქვენა შავი სია მათთვის ჩალადაც არა ღირს. ისინი მომცემენ სამუშაოს.

— ანასაც ვნახავთ!

მისტერ ბლეკმა წერა დაამთავრა.

— აჰა, შენი ქალაქი, ოლონდ, როცა ალაყაფის კარს გაცდები და გოფიცულეები ნაწლავებს დაგაყრევინებენ, მე ნუ დამემღურები! ნახე სანიტრული მანქანით მოყვანილი ხალხი? როგორ ფიქრობ, სამართლიანად მოექცენენ მათ?

— თუ ვინმეს ცოლს, ფულს, სახლს, ბავშვებს მოვტაცებ, — ვუბასუხე მე, — მაშინ მას უფლება ექნება ყოველნაირად შემიშალოს ხელი.

— კმარა, წაეთრიე! — გაცოფდა ბოსი. — ახლავე, თორემ ქარხნის მცველებს დავუძახებ. მათ იციან შენისთანების მოვლა!

— არ მიყვარს, როცა მაშინებენ, — ვუთხარი მე, — ახლა უკვე მეძნელება წასვლა, ეს გაქცევას ემგვანება. თქვენი სიტყვები უკან წაღეთ, მაშინ წავალ და ბარი-ბარში ვიქნებით.

— იცი რას გიზამენ მცველები?!

— რას? მომკლავენ? ომის დროს ყოველდღე ვხედავდი, რომ ჩემზე უკეთესი ბიჭები ეცემოდნენ და აღარ დგებოდნენ. ერთხელ დაბადებული ერთხელ მოკვდება, დღეს თუ ხვალ, რა ბედენაა!

მისტერ ბლეკი ტელეფონის მილს წასწვდა, მაგრამ მე მოველოდი ამას, ტელეფონს ხელი ვტაცე და ჩემს უკან მაგიდაზე დავდე.

— თუ გინდა დავარტყათ, — ვუთხარი მისტერ ბლეკს, — სადაც გინდა და როცა გინდა. ვამჯობინებდი კი ახლავე. ოლონდ ვაყკაცურად. მცველები? ეგ რა კაცობაა? სიმამაცე გინდა იყიდო, ისე როგორც წინდებს ყიდულობ ხოლმე? ფული გადაუხადო ვინმეს, რომ შენთვის გამოიჩინოს ვაყკაცობა?

დიდ ბოსს სახე მარჯნისფერი გაუხდა და თვალების პარპალი დაიწყო. იგი ჯანმრთელ კაცს არ ჰგავდა. ალბათ, ბევრი ჭამა-სმა უყვარდა.

— ინანებ, — თქვა მან.

— რა თქმა უნდა ვინანებ, უკვე ვნანობ კიდევ. როგორ ფიქრობთ, მესიანოვნება, რომ ასე უხეშად გელაპარაკებით ამ ქალარა, მამისტოლა კაცს? რა თქმა უნდა, არა! ჩემი თავისა მრცხვენია, მაგრამ თქვენი ბრალია იმიტომ, რომ მლანძღავდით და მემუქრებოდი.

მისტერ ბლეკმა რაღაც წაუჩუჩრჩულა დიდ ბოსს.

— არა, — უბასუხა მან, თან ყბა ისე უცხაცხებდა, რომ ძლივსღა აბამდა სიტყვას სიტყვაზე. — ალაყაფიდან გავიდეს, ეს უფრო იოლი გზაა.

— მშვიდობით! — მე უკვე კართან ვიყავი. — ყველა ერთნაირად არ უყურებს ცხოვრებას.

მათ არაფერი მიბასუხეს.

კვლავ კლუბში დავბრუნდი, ქალაქი ავიღე და ოთხი წერილი დავწერე — თურქულად, რუსულად, სპარსულად და ქართულად:

„პატივცემულო ბატონებო!

გთხოვთ მაპატიოთ ჩემი შეცდომა. ისე მოხდა, რომ არ ვიცოდი, თუ სამუშაოს გტაცებდით. აი იმიტომ გამოვდივარ!

თქვენი გულწრფელი...“

და ხელი მოვაწერე.

პიჯაკის ორივე მხარეს ორ-ორი წერილი დავიმაგრე ქინძისთავით, მისტერ ბლეკის წერილი შლაპის ბაფთაში გავიბრქე, ჩემოდანი ავიღე და პირველი ჭიშკარი გავიარე. მთავარ ჭიშკართან რომ მივსულიყავი, დაახლოებით 200 ფუტის სივანის ეზო უნდა გამევილო. გავიგონე, როგორ დაიწყო ხალხმა ღრიალი, როცა ამ ეზოზე მივდიოდი. „გააღე!“ — მივაძახე დარაჯს, რომელიც მთავარ ალაყაფთან ამართულ სადარაჯო კოშკურაზე იდგა. მან თავი გააქნია და ბრბოზე მანიშნა. „გააღე!“. საკეტმა გაიტკაცუნა, მე ღრმად ჩავისუნთქე და გავედი.

გონს რომ მოვედი, ტახტზე ვიწექი და ვიღაც ლედი სისხლს მწმენდა. ირგვლივ რამდენიმე კაცი შემომხვეოდა და მომჩერებოდა.

— ჩვენი ძალიან ვწუხვართ, — მომმართა რომელიღაც სლავურ ენაზე ცალთვალა კაცმა, — ჩვენი ბიჭები ფიცხები არიან.

— არაფერია, — მე თავი და ხელ-ფეხი ავამოძრავე. დაზიანებული არაფერი მქონდა. — რა მოხდა?

— შენ გარეთ გამოხვედი. ბუნებრივია, პატარა არეულობა მოხდა. ვიღაცამ მოგცხო და დაგავდო. როცა დაეცი, მათ ბლეკის წერილი ნახეს და მაშინვე შენი მოკვლა დააპირეს.

— რატომ?

— წერილი ამბობს: „ამა წერილის წარმომდგენი ჩემი პირადი რწმუნებული არის, კეთილ ინებეთ და შესაფერისად მოექცეთ“. მაგრამ ერთმა თქვა: — მოიცათ, მოიცათ, მაგ შტრეიკბრეხერების დალაღს ჩვენთვის არასოდეს არ უთქვამს სიმაართლე, ახლა რატომღა უნდა დავუჯეროთ. რაღაც მახეს გვიგებენ. ერთი ენახოთ სხვა წერილები რას ამბობენო. მაგრამ ვერაფერ შეძლო მათი წაკითხვა და ამიტომ აქ მოგიტანეს.

ყველაფერი წვრილად მოვუყევი და დავმეგობრდით. სანამ გამოვეჯობინდებოდი, იმ სლავ კაცთან და მის ოჯახობასთან დავრჩი, შემდეგ კი მეც სხვებთან ერთად, გაფიცულთა პიკეტებზე ვდარაჯობდი. აღარც თამბაქო მქონდა, აღარც ბივშტექსი, აღარც 7 დოლარი. სამაგიეროდ არც მისტერ ბლეკი იყო აქ. ასე, რომ სრული წონასწორობა სუფევდა.

ერთი კვირის შემდეგ დიდმა ბოსმა გადაწყვიტა შეთანხმებოდა გაფიცულებს. მე ვფიქრობ, მობეზრდა ყოველდღე 7 დოლარის ძლევა იმ სირიელი-სათვის, რომელიც იმისათვის უკეთებდა საცეცხლურში გაზეთილ ქაღალდებს, რომ გაფიცულები მოეტყუებინა — ბრძმედები მუშაობსო; ბოსს კი შეეძლო 3 დოლარად ემოვნა ისეთი ხალხი, რომლებიც ნამდვილ ცეცხლს დაანთებდნენ, — რაც უნდა იყოს, ის ხომ გაქნილი ბიზნესმენი იყო.

ასე რომ, ჩემმა მეგობრებმა მუშაობა დაიწყეს და მეც კი მომიინახეს ადგილი იმავე შემკეთებელ საამქროში. მაგრამ გადავწყვიტე, ეს სამუშაო არ ამეღო. მართალი ვითხრათ, გული არ მიშვრებოდა ამისთანა უფროსის ხელში მუშაობას — ამ კაცს ზრდილობის ნასახი არ გააჩნდა და ყველაზე ცუდი კი, ჩემი აზრით, ის იყო, რომ სამუდამოდ ასეთი დარჩებოდა.

მინის ძახილი

ამის შემდეგ ემბრიჯში წავედი. პირველად დეპოში ვმუშაობდი, მერე გარაჟში ვიშოვე ადგილი. თვე თვეს მისდევდა. უკვე სამი წელი იყო, რაც თბილისის დავტოვე. სამი წელი! ამ ხნის განმავლობაში, თუ ნიუ-იორკში გატარებულ პირველ თვეებს არ ჩავთვლით, ერთი ქართული სიტყვაც კი არ ვა-
 შიგონია.



სადაც არ უნდა მოვხვდრილიყავი, სულ სომხის, ასურელის და სპარსელის ძებნაში ვიყავი, — ერთიც ვნახოთ ქართული ესმოდეთ-მეთქი, მაგრამ ბედი არა მწყალობდა.

პიტსბურგში რომ ვმუშაობდი, ერთმა თურქმა მითხრა, ჩემი ბიძაშვილი უილინგში ცხოვრობს და ქართულად მოლაპარაკე კაცს იცნობსო. როცა დასვენების დღე დადგა (ჯერ კიდევ არ ვიყავი გამოგდებული წებოს ქარხნიდან), ავტობუსით წავედი და თურქის ბიძაშვილი მოვნახე. მაგრამ გამოირკვა, რომ მის მეგობარს სულ ერთი თუ ორი კვირა ეცხოვრა ბათუმში 1918 წელს. მას ახსოვდა ხილის გამყიდველები, ახსოვდა ბულვარი. ენა კი... რაღა კითხვა უნდა, ორ კვირაში ხომ ვერ შეისწავლიდა.

კარგახანს შევრჩი მასთან. ძეგვი და პური ვიახელით და რამდენიმე ჭიქა დღინოც გადავკარიო.

— მე არ მიკვირს, — მითხრა თურქის ბიძაშვილმა (ასლანი ერქვა), — კარგად მესმის, რაც გემართება. ერთხელ ინდიანას შტატში წავედი მზარეულად. ექვსი თვე ვმუშაობდი იქ. ღმერთმანი, ერთი კაციც ვერ ვნახე. რომ გამოვსაუბრებოდი. ათასი დოლარი ნაღდი ფული რომ მომეცნ, ამას აღარ ჩავიდენ.

სულ ასე მემართებოდა, მაგრამ მაინც ხელახლა ვიწყებდი ისეთი კაცის ძებნას, რომელსაც ქართული ეცოდინებოდა. ეკლესიაში, სასაუზმესა და რუსულ კლუბში რომ მოვხვდებოდი, პირველად იმას ვკითხულობდი, ქართული ხომ არაყინ იცის-მეთქი. ეს უკვე ჩვეულებად გადამქცა.

ერთმა სომეხმა დიაკვნამა ვაიგო ჩემი გასაჭირი, ღამით შინ მომადგა და მითხრა. ერთ სომეხს ქართველი ცოლი ჰყავს, წაგიყვან და იქნებ შესძლოს შენთან ლაპარაკიო.

წავედიო. ის ქალი მართლაც ქართველი გამოდგა, მაგრამ ქართული არ იცოდა. ბოდიშიც კი რუსულად მომიხადა — ერთი წლისა ყოფილიყო, მშობლებს რომ ოდესაში წაეყვანათ: მამაკითვ, გეთაყვათ, ერთი სიტყვაც არ ვიცი ქართულადო.

ერთხელ გავიგე, რომ უნივერსიტეტში დიდი მეცნიერები ყოფილან, რომ ისინი წერენ წიგნებს და ბევრ ენაზე ლაპარაკობენ, რომ ქვეყნის ყველა კუთხიდან უამრავი სტუდენტი მოდის მათთან სასწავლებლად. ვიფიქრე, ასეთი ნასწავლები თუ არიან, იქნებ ქართულიც იცოდნენ-მეთქი. დასვენების დღეს საგანგებოდ გამოვეწყე და უნივერსიტეტში წავედი. ორ პროფესორთან ამგზავნეს ზედა სართულში. მარმარილოს კიბით ავედი მათთან. სირიული გინდა, რუსული, ბერძნული, სპარსული, სომხური თუ თათრული, — ყველა ინგლისურით იცოდნენ. ქართული? არა, ქართულისა არაფერი არ გაეგებოდათ.

კარგახანს აკანტურეს თავი. შემდეგ ერთმა მათგანმა თაროდან უზარმაზარი წიგნი გადმოიღო.

— იცით თუ არა, რომ თქვენ ერთ-ერთ იშვიათ ენაზე ლაპარაკობთ, რომ იგი არ უკავშირდება ენათა არც ერთ ჯგუფს? — მკითხა მან.

— მგონი, სუმერულის კვალი შეინიშნება მასში, — თქვა მეორემ. შემდეგ მოხოვეს რამე მეთქვა ქართულად, მაგრამ არ ვქენი. რა აზრი ჰქონდა? მელაპარაკა და პასუხი არ მიმელო? წყალი მენაყა? დავემშვიდობე და წამოვედი. ხელი ჩავიქნიე, არაფერი მეშველება-მეთქი, გადავწყვიტე და დიღინი დავიწყე გულის გადასაყოლებლად (როგორც კრიალოსანს მარცკლავს ხოლმე ზოგი გულის გადასაყოლებლად).

ქუჩაში ვიყავი თუ სამუშაოზე, სულ სიმღერებს ვდიღინებდი, თავში სულ



სიმღერები მიტრიალებდა. „ჩონგური საქართველოა, სიმები ჩვენ ვართ...“

ქუჩაში მომიხედავდნენ ხოლმე, დუქნის ბიჭები დამცინოდნენ, მაგრამ გაჩუმება არ შემეძლო. მემღერებოდა...

იმ დღესაც ღლინით მივედი სამრეცხაოში პერანგების გამოსატანად. „რომ არ გაფუქდეს ჩონგური, ოღელა, დელა, დელოა“.

დახლში მდგომ ქალს ქვეთარი გავუწოდე. შევამჩნიე, რომ გოცებული მომჩერებოდა, მაგრამ ყურადღება არ მივაქციე, — უკვე მიჩვეული ვიყავი ამას.

— თქვენ რომელია ც უცნაურ ენაზე ღლინებთ, არა?

— დიახ, ქალბატონო!

— მაშაჩემმაც იცის ერთი უცნაური ენა, ძალიან უცნაური. ერთხელ, ამ ათი წლის წინათ, განცხადება გაუგზავნა „სან ტელეგრაფს“: „გუზდი 1000 დოლარს, ვისაც ჩემი ენა ეცოდინება“. აი ასეთი განცხადება მოათავსა და ხელი მოაწერა: ალ. მონტო. რამდენიმე კაცი მოუვიდა, მაგრამ ის ენა არავინ იცოდა. ძალიან უცნაური ენაა.

— ქალბატონო, ყველა ენა, რომელიც არ იცი, მე უკონი, უცნაურად მოგეჩვენებათ, — ვუთხარი მე და წავიღლინე: „ნურც გაფრინდები, ნურც მოფრინდები, დელია რანუნია...“

— მოდი დაუძახებ. მამა! მამა!

— მა-მა!

— წყალს ნაფოტი, ჰარალო, წყალს ნაფოტი ჩამოქონდაა...

გვერდითა ოთახის კარი გაიღო და იქიდან პატარა მოხუცი გამოხტა.

— „წყალს ნაფოტი“? ვინ მღერის „წყალს ნაფოტი“? — იკითხა მან (წყალს ნაფოტი“ ისე წაიმღერა, თითქოს დაუსაბნავმა ურეშმა დაიპირიალაო).

მე მოხუცს მივაშურე:

— გამარჯობათ, ბატონო!

მან ხელები გაშალა, გულში ჩამიკრა და გადამკოცნა. ლოყებზე მსხვილი ცრემლები ჩამოუვრდა.

— გაგმარჯოს, შვილო! ეს რა ბედნიერი დღე გამოითენდა!

— მეშველა! სამი წლის შემდეგ კვლავ გავიგონე მშობლიური ბგერები...

ქალიშვილმა სკამი მოუტანა მამამისს. მე მის გვერდით იატაკზე მოვიკა-
ლათე.

— სამი წელი! — თქვა მოხუცმა ქართულად. — სამი წელი და წუწუნებ? მე რაღა ვთქვა, შვილო, 30 წელია მშობლიური ქართული არ გამიგონია!

მოხუცმა მიაბამო თავისი თავგადასავალი: ორი წლისა ყოფილა, როცა დედნამა (მამა გემის კაპიტანი ჰყოლია) ციებ-ციხელებით დაღუპვია ბათუმის ნავსადგურში. ბავშვი ერთ ქართველ ოჯახს აუყვანია. როცა დავაქაცეებულა, მეზღვაურობა დაუწყია. პიტსბურგში მოხვედრილა, მოსწონებია და საბოლოოდ აქ დარჩენილა საცხოვრებლად.

ამის შემდეგ თითქმის ყოველ საღამოს მოხუცს გავუვლიდი ხოლმე სამრეცხაოში. ვიყიდდით ზეთისხილს, მარილიან ყველს, კიტრებს, ძია მონტოს ერთსართულიან სახლში მივდიოდით და ღვინის კასრს მოეუხსნებოდით ხოლმე, ძია მონტოს თუმცა 30 წელი არ გაეგონა ჩვენი ენა, ჩვენებური ღვინის დაყენება მაინც არ დავიწყებოდა.

ყოველ საღამოს დავსხდებოდით ხოლმე მისი სარდაფის კართან გამართულ

ფანჯატურში, ვმღეროდით, ვყვებოდით კინტოების ანექლოტებს, არაკებს, რიგ რიგობით ვისხენებდით ადგილებს „ვეფხისტყაოსნიდან“.

ვლაპარაკობდით... ვლაპარაკობდით...

არ ვიღლებოდით. სიტყვები მოდიდებული მტკვარივით მოედინებოდა და ჩანასაგით ესალბუნებოდა სმენას.

გულისმომკვლელი სურათია, როცა ავადმყოფი თვალდათვალ გადნება ხელში, მაგრამ ბევრად უფრო საშინელი სანახავია ქალაქი, რომელიც შენს თვალწინ კვდება.

ასე დაემართა დეტროიტს 1932 წლის ზამთარში. ეს ქალაქი, წინათ მხიარული და სიცოცხლით სავსე, მოკვდა.

ჯერ ფაბრიკა-ქარხნებს მოელო ბოლო, შემდეგ ზედიზედ მიიკეტა პატარა დუქნები, რომლებიც ცოტაოდენ შემოსავალს მაინც უტოვებდა მედუქნეებს. გამოცარიელებული ვიტრინები ცხედრის თვალეზივით მისჩერებოდნენ უკაცურ ქუჩებს. ყველგან მოჩანდა დაუმთავრებელი საცხოვრებელი სახლები და სახელმწიფო დაწესებულებები. ქვეყანა ისე იცლებოდა ფულისგან, როგორც დაჭრილი სისხლისგან.

ჯამაგირის მიღების დღეს სულ უფრო და უფრო მეტ მუშას აძლევდნენ ჩეკზე ქინძისთავით მიმავრებულ ვარდისფერ ქალაღს, — ეს ნიშნავდა, რომ მუშები უკან აღარ უნდა დაბრუნებულიყვნენ. ძალიან ხშირად ვხედავდი ასეთ სურათს, როცა ჯამაგირის რიგში ვიდექი. დათხოვნილები ისე გაიცრიცებოდნენ, თითქოს ტიფმა შეამციენათ. ეს დებარესია მართლაც ტიფსა ჰგავდა, ოღონდ კვდომის პროცესი იყო შენელებული.

ნეტა რატომ მოხდა ასე? მიზეზი არავინ იცოდა. ვითომ ნიუ-იორკის ბირჟის ბრალი იყო? ზოგი ასე ფიქრობდა. ზოგი კი ამბობდა, ნიუ-იორკის ბირჟა სადღაც დაკარგულშია, როგორ მომწვდებოდა დეტროიტში, როგორ წამართმევდა ლუკმა-პურსო. ვერც მე მივმხვდარიყავი, რა მოხდა. იმას კი მივხვდი, რომ სირცხვილი იყო დავრჩენილყავი სამუშაოზე, რომელიც ცოლშვილიან ხალხს ესპირობოდა, ამიტომ ანგარიშის გასწორება მოვითხოვე. აღებულ ფულს შავი დღისთავის გადანახული ორასიოდე დოლარი დავუმატე და ჯართის მოგროვება დავიწყე. ვყიდულობდი ძველ ავტომანქანებს, ვამტკრევედი და ნაწილებსა და ჯართს ვყიდდი. ფასზე არა ვჯანჯლობდი.

ჩემს მეზობლებსაც ცუდად წაუვიდათ საქმე. ყოველ საღამოს, სამუშაოდან დაბრუნებისას, ვხედავდი ანა ფიოდოროვნას, იგი ჩაის სვამდა სასადილო ოთახში. ვატყობდი, რომ დღეს გუშინდელზე უფრო შეწუხებული იყო.

პარასკევს ბინის ქირა გადავიხადე და ცოტა ხანს შევყოვნდი ანა ფიოდოროვნასთან.

— დაბრძანდით, გიორგი ივანიჩ, — მოთხრა მან და ჩაი დამისხა. — საშინელი დრო დადგა, საზარელი. უკვე თქვენმა მეგობარმაც დაკარგა ადგილი, ვალოდიამ. მაღამ გრეშკინას არც ერთი მოწაფე აღარა ჰყავს.

— ეგ მოსალოდნელიც იყო, — ვთქვი მე, — ვიღასა სცხელა მუსიკისათვის. ტრა-ლა-ლა მშვიერ კუქზე?

— ერმაკი და ის მოხუცი სპარსელი ჯენტლმენიც მიდიან ორშაბათს. მთელი ეს უზარმაზარი სახლი თქვენი ქირის ანაბარა მრჩება. რა უნდა ჰქნას კაც-მა?

— იქნებ დრო შემოტრიალდეს, — დავამშვიდე ანა ფიოდოროვნა.

— ეჰ, არა მგონია. მე თუ მკითხავთ, რაც თავი მახსოვს, ცხოვრება სულ



უკან-უკან მიდის. მე კი მეგონა, ამერიკა მდიდარი ქვეყანაა და აქ ყველაზე საყრელია-მეთქი.

— სამწუხაროდ აქაც არიან დატაცები, ისინი ყველგან არიან.

ოთახში ანა ფიოდოროვნას მამა — „მისი აღმატებულება“ შემოვიდა. ანა ფიოდოროვნამ ნამცხვარი დაჭრა და შემებატიყა:

— მიიროთვით, გიორგი ივანიჩ, ერთი ნაჭერი. დღეს მამაჩემის დღეობაა. ვინ იცის გაის ამ დრომდე მიაწევს ჩემი მამიკო, ან ვინმე ჩვენგანი? ნამდვილად აღარა ღირს ბრძოლა. ხშირად მზიფიქრია ამაზე. სიკვდილი ჯობს ყველაფერს.

— გააჩნია: იქნებ ვერც მავაში ნახოთ სიამოვნება. ერთხელ ხომ სცადეთ?

— რაღაც უნდა ვილონოთ, — თქვა „მისმა აღმატებულებამ“ და გულიანად ამოურია ჩაის ჭიქას. — სწორად არ მოდის საქმე. ხომ დაგვიპირდნენ, ამერიკაში ყველას ექნება სამუშაო! ასე არ იყო?

რატომ წუხდა ასე, ვერა ვხედებოდი. მას ერთი დღეც არ უმუშავია თავის სიცოცხლეში. (თუმცა ეს რა ჩემი საქმეა).

— ჰო, მაგრამ რა ვილონოთ, რა შეგვიძლია? — იკითხა ანა ფიოდოროვნამ.

— სადმე სხვაგან გადავიდეთ. — თქვა „მისმა აღმატებულებამ“. — ან თვალსაზრისით ამერიკა კარგი ქვეყანაა: რამდენ ადგილსაც არ უნდა იყო ნამყოფი, წასასვლელი მიანც დაჩეხა.

— ოღონდ ისეთი მხარე მოვნახოთ, სადაც სამუშაო იქნება. სწრაფად თუ ვივლით, მამიკო, ძალიან სწრაფად, იქნებ გავასწროთ ღვთის რისხევას. (ანა ფიოდოროვნამ პირჯვარი გადაიწერა), დეტროიტს რომ დასტენია თავს.

— დრო მინდა მოსაფიქრებლად, — თქვა „მისმა აღმატებულებამ“, — ყველაფერი უნდა ავწონ-დავწონო. — მან თვალზე ხელი აიფარა და ჩაფიქრდა.

ამ დროს ანა ფიოდოროვნას ქალიშვილი ლუბა მოვიდა, თხუთმეტი-თექვსმეტი წლის კულრაქა გოგონა. ანგელოზივით ლურჯი თვალები, ვარდისფერი ლოყები და იხვის ჭუკივით ყვითელი კულულები ჰქონდა. ხასიათიც შეეფერებოდა მის გარეგნობას — ჯოროვივით ჯიუტი და თავნება იყო; საშინელი გაწიწმატება იცოდა და თუ ტირილით ვერაფერს გახდებოდა, კბენასაც კადრულობდა. მე ლუბას ძმა მეცოდებოდა, არტაშა. იგი მშვენიერი 12 წლის ბიჭუნა იყო. ხშირად მიფიქრია, ნეტა თუ გაიზრდება ლუბას ხელში-მეთქი?

— გამარჯობა, ლუბა. რა გასწავლეს დღეს სკოლაში?

— ნუ მეძახი ლუბას, — მან ფეხები დამიბაკუნა. — ათასჯერ გითხარი. განგებ მეძახი — ლუბა! ლუბა! მე ახლა ლუსეტი მქვია.

— ზრასტვითე, ლუსეტი პეტროვნა, გამარჯობათ, მის ლუსეტი, სასიამოვნოა თქვენი გაცნობა. ასე გირჩევენა?

— ვარდა ამისა, მე სკოლაში აღარ დავდივარ. თავი დავანებე. ვმუშაობ.

— რას აკეთებ?

— ადგილებს ვუჩვენებ მაყურებლებს კინოში.

— მერე მაგისათვის დატოვე სკოლა? რა გამოჩენა გაქვს?

— ყველა სურათი შემიძლია ვნახო, სამი, ოთხი, ხუთი — რამდენიც მომესურვება. ესაა ჩემი გამოჩენა.

— თეატრის ბრალია, — თქვა ანა ფიოდოროვნამ. — ვერ გავამატყუნებ, ამაში მე მგავს. ეჰ, თეატრი! როგორ მიყვარდა! პეტროვგრადში ჩვენი ლოყა გექონდა...

„მისმა აღმატებულებამ“ რიხიანად ჩაახველა. ეს იმას ნიშნავდა, რომ რაღაცა მოიფიქრა. — მამე შევთანხმდით, — თქვა მან. — ეს ერთი. მეორე...

კარი გაიღო და ოთახში ბორბლებიან ციგურებზე შემდგარი არტაშა შემოვიდა. მან სკამი დაითრია და მოშორებით დაჯდა — ლუბა არ მომწედეს საჩქმეტადო.

— რაში შევთანხმდით? — იკითხა არტაშამ.

— სანამ შემაწყვეტინებდნენ, — თქვა „მისმა აღმატებულებამ“, — მე ვაპირებდი მეთქვა, რომ სხვაგან გადავიდვართ. ამერიკაში ჩამოსვლისას ჩვენი შეცდომა ის იყო, რომ ისეთი ადგილი ავირჩიეთ, სადაც არავინ იცოდა ჩვენი ენა. ეს შეცდომა აღარ უნდა გავიმეოროთ. ამჯერად წავალთ იქ, სადაც ყველა რუსულად ლაპარაკობს. ჩვენ ალიასკაში მივდივართ.

— ალიასკაში? კარგი იქნება! — თქვა არტაშამ, ბუფეტთან მიგორდა და თეფში აიღო. — მაგრამ ვინ ასწავლა ესკიმოსებს რუსული? — ანა ამერიკულ განათლების შედეგად, — უთხრა „მისმა აღმატებულებამ“ ანა ფიოდოროვნას, — ხომ კმაყოფილი ბრძანდებით? მაქვს პატივი გაცნობოთ, ჩემო ბიჭუნავ, რომ ალიასკა წარმოადგენდა მისი მოწყალე უდიდებულესობის, აწ განსვენებულ იმპერატორ ნიკოლოზ ალექსანდრეს ძის სამფლობელოს. უნდა იცოდეთ, რომ იქ ყველა რუსულად ლაპარაკობს და ეგ ციგურები უნდა მოიხსნა.

— ალიასკა მეფემ ამერიკას მიჰყიდა, — ვთქვი მე.

— ჭორია, შუმი ჭორი.

— ბანქოს ვალის გასასტუმრებლად, ამბობენ.

— სიცრუეა, — მან მუშტი დაჰკრა მაგიდას. — მისი იმპერატორობითი უმადლესობა ასეთ რამეს თუ გააკეთებდა, ხალხსაც არ დაუშალავდა. სულ ტყუილია. ასე რომ, ალიასკაში მივდივართ.

— კი, აუცილებლად, — ანა ფიოდოროვნამ თვალეზი დახუჭა. — ალიასკაში წავიდეთ. იქ განუწყვეტლად ითოვებს. ფარფატიტ ჩამოცვივა თოვლის ფიჭვები და სახლებისა და ეკლესიების სახურავებზე მიეყინება ნამცხვარზე მოსხმული კრემის მსგავსად. ზარბებს დარეკავენ. ჩვენ კვლავ დავინახავთ ჩვენებური გლეხების გაბრწყინებულ სახეს. კი! ყველანი მივდივართ!

— კი მაგრამ ჩემი ჯვართის საწყობი რატომ უნდა დავკარგო? ლუკმას იმი-თი ვჭამ! — ვთქვი მე.

ანა ფიოდოროვნამ თვალეზი გაახილა და ამქვეყნიურ ცხოვრებას დაუბრუნდა.

— მოითმინეთ, ვიორგი ივანიჩი. მე არაფერი მინდა, ხმელი პურის ქერქი და ერთი ჭიქა წყალი მეყოფა, მაგრამ ჩემი ბავშვები, თქვენ გავიწყდებთ ჩემი ბავშვები და მათი მომავალი.

— მართალია, მაგრამ მე მაინც არ მინდა ალიასკაში წასვლა.

— უკაცრავად, — შემაწყვეტინა „მისმა აღმატებულებამ“. — ერთი შეკითხვა: ყოფილხართ როდესმე ალიასკაში?

— რასაკვირველია, არა ვყოფილვარ.

— მეც მანდა ვარ. მაშინ როგორღა ამბობთ, წასვლა არ მინდაო?

— ეგეც რომ არ იყოს, — თქვა ანა ფიოდოროვნამ, — ჩვენი მარტო წასვლა შეუძლებელია. მე, ავადმყოფი, უსუსური ქალი, როგორ გავუდგე მარტოდ მარტო ამოდენა გზას, თანაც ბავშვებით, ორი პატარა ბავშვით.

ლუბამ ტორტს ნაჭერი ჩამოაჭრა და ჭამას შეუდგა.

— თეთრი დათვები, — თქვა არტაშამ, — ვეშაპები, სელაპები. ვიორგი ივანიჩი, სელაპები ტაშს დაუკრავენ ფარფლებით. ზვალ სკოლიდან გეოგრაფიის წიგნს მოვიპარავ და გაჩვენებთ.



— კი მაგრამ მაგას ყველაფერს ათ ცენტად ვნახავ ბელ აილის სამხეტეში.

— ქვრივებს ღვთის რისხვა დაატყდათ თავზე, — დაიწყო ტირილით ანა ფიოდოროვნამ და ცრემლები ღვართქაფად ჩამოედინა ლოყებზე. — თქვენ თუ უარს მეტყვით, რა ქვას ვახალო თავი, არ ვიცი.

— ჭიქაში ნუ იცრემლები, დედიკო, — უთხრა არტაშამ და ხელი მოუთათუნა ხელზე, — ჩაი დაგიმლავდება. მე ძაღლებშებმული მარხილით გასეირნებ, როცა იქ ჩავალთ. მე და გიორგი ივანიჩის ძაღლები გვეყოლება და ქარივით გაგაქროლებთ. — არტაშა ფეხებით მიაწვა მაგიდას. — გასწით, გაფრინდით, მე წამალი მიმაქვს ნომში, აბა, ყოჩაღად!

ლუბამ კიდევ აიღო ნამცხვარი.

— *ოქრო!* — *თქვა* „მისმა აღმატებულებამ“, — სულ ოქრო მიტრიალებს თავში. ერთი მიგნებაა საქმე, თორემ მერე ხვეტე და ხვეტე.

— ზღვის ლომებიც — თქვა არტაშამ — სელაპებს ჰგვანან, ოღონდ უღვაშები აქვთ, გიორგი ივანიჩ. ვიცი, მოგეწონებათ.

— კარგი, კარგი, ნულარ ტირიხართ, ანა ფიოდოროვნა, მე მოვდივარ.

ლუბამ ნამცხვარს ბოლო მოუღო, თითები გაიღოკა და განაცხადა:

— მივდივართ, ოღონდ ალიასკაში კი არა, მე მსურს კინოვარსკვლავი გავხდე. ამიტომ გადავწყვიტე ჰოლივუდში წაგიყვანოთ.

— ახლა ამაზე აგვიტყდა დავა — ალიასკა თუ კალიფორნია. ჩემს სიცოცხლეში პირველად დაუჭირე მხარი ლუბას; თუკი სადმე წავიდოდი, ყველას კალიფორნია მერჩია. ძია ვანო ამ ექვსი თვის უკან წავიდა კალიფორნიაში და სულ მწერდა, ჩამოდიო; ამერიკელებთან საუბრიდანაც დავასკენი, რომ კალიფორნია ძვირფასი მხარეა. ბოლოს და ბოლოს თოვლი მაინც არ იქნება.

დავიწყეთ მზადება გასამგზავრებლად. ჩემი ხარახურის საწყობში მივედი, საუკეთესო ნაწილები ამოვარჩიე და ავტომობილი შევაკოწიწე. ცოტათი დილიდან წაავაგდა, ცოტათიც — ბალდახინს.

— საბარგო მანქანაც დაგვჭირდება, — მომახალა ანა ფიოდოროვნამ, როცა ჩემი „შემოქმედება“ შინ მივავორე თავის მოსაწონებლად.

— რათა? თქვენ, მისი აღმატებულება, ბავშვები და მე ხალვათად დავეტყვით. ერთი ადგილიც დარჩება.

— ჰო, მაგრამ მაღამ გრეშვინაც დავიყოლიე. ისიც ისიამოვნებს ჩენი ექსკურსიით. ერმაკიც ფიქრობს წამოსვლას.

— კეთილი, მაგრამ საბარგო მანქანა რაღად გვინდა?

— რა საკითხავია, ჩემი ავეჯისათვის.

— ანა ფიოდოროვნა, ხომ არ გინდათ თქვათ, რომ ავეჯის კალიფორნიაში გადატანა გსურთ, მე მგონი ამას არ ამბობთ?

თქვენ წარმოიდგინეთ, ანა ფიოდოროვნა სწორედ ამას ამბობდა.

ვიშოვე საბარგო მანქანა. 150 დოლარად. იაფად გამოვედი. ტონანახევრიანი ფორდი იყო. დავიწყეთ დატვირთვა. საწოლებზე, მაგიდებზე, სკამებსა და ხალიჩებზე ხმა არ ამომიღია. მაგრამ შემდეგ კაუჩუკის ხის შეფუთვა დაგვჭირდა, — კაუჩუკის ხე კალიფორნიაში მიგვექონდა! შემდეგ ტომრით 50 გირვანქა ბუმბული გამოიტანეს.

— ეს ბუმბული ბეზიაჩემის დედის ნაშთივია, — აგვიხსნა ანა ფიოდოროვნამ. — ჩემი წმიდა მოვალეობაა ლუბას შევუნახო სამზითოდ.

— ლუბამ ჯერ ქმარი მონახოს, ისა სჯობს, — ვუთხარი მე.

ბასუხის მაგივრად ჩიტის გალია მომაჩჩა, მანქანაზე დადგო. დიდი გაღმა იყო. ჩიტი გზაში მომკვდარიყო, როცა რუსეთიდან მოდიოდნენ.

— ამ გალიას ვერაფრით ვერ შეეღვევით?

— რად გინდათ, ვთაყვათ, გამაწბილოთ? ჩემი სიამოვნება ასეთი უბრალო, პატარა რაიმეთი შეიძლება. რატომ მატოვებინებთ გალიას? რად გინდათ მომისპოთ იმედი, რომ ოდესმე მომღერალი იადონი მეყოლება, რომ მისი გალობით დაეტკებო?

გალია მანქანაზე დადგე. ბოლოს, როცა სამცხენა მარხილის ეყენებიანი მოსართავეები და ის სკა დაუდეს, არტაშას უკანა ეზოში რომ ედგა, მივხვდი, ლაპარაკით ვერაფერს გავხდებოდი. რაც უნდათ ისა ჰქნან!

— მე დავამთავრე ჩვენი ექსპედიციის გეგმების საბოლოო ვარიანტი, — თქვა „მისმა აღმატებულებამ“ ერთ დღიას, თავის დიდ პორტფელს თასმები შესხნა და მოგროძო ქალაქი ამოიღო: — მსუბუქი მანქანით წაველენ ჩემი ქალიშვილი, ბავშვები, მადამ გრეშინა და ერმაკი. ერმაკი — დამცველად. საბარგოთი მე და თქვენ წავალთ, გიორგი ივანიჩი: გზას გავკვალავთ.

— ერთმანეთს უნდა მივხედოთ, ერთად უნდა ვიყოთ, ესაა მთავარი, — თქვა ანა ფიოდოროვნამ. — თუ დავცილდით, ნამდვილად ვიცი, მხოლოდ ზეცაში შევეერთდებით.

— მე რე როგორ მოვასერხობთ, — ვთქვი მე, — რუქის ცნობა რომ არ ვიცი? როცა ქალაქზე უყურებ გზას, სულ ბრტყელია, როცა მიდიხარ, გზა აღმართზე და დაღმართზე გადის, ხან უხვევს, ხან ნაკადულებს ჭრის. დიდი განსხვავებაა.

— მაგას მე ვკისრულობ, — დამპირდა „მისი აღმატებულება“. — ინსტრუქციებს მე მოგცემთ. უზარმაზარი გამოცდილება მაქვს. მთელი სიცოცხლე ვმოგზაურობდი — ტრანსბაიკალიდან თურქეთში, პეტროგრადიდან ვლადივოსტოკში. ნურაფრისა ნუ გეშინია.

ყველაფერი მზადა?

არა, ანა ფიოდოროვნას დრო სჭირდებოდა საგზლის მოსამზადებლად. მთელი კვირა ნამცხვრის სუნი ტრიალება სახლში, მაგიდები დახორცილი იყო დატენილი ქათმებით, მოხარშული ლორით, სალათიანი, ჭარხლიანი და მწინიანი ქილებით, ყველგან ტკბილეული ელაგა და დაჯდომისას დიდი სიფრთხილე გამართებდათ.

— გამაგიჟებთ, ანა ფიოდოროვნა, — ვუთხარი მე, — რას სჩადიხართ, აღდგომა ხომ არ გვისწრებს გზაში?

— დამაცადეთ, დამაცადეთ, ნუ მიშლით. ხუმრობა ხომ არა გგონიათ იმდენი საგზლის მომზადება, რომ შეიდ კაცს კალიფორნიამდე ეყოს.

— მე კი მეგონა რესტორნებში ვისადილებდით.

„მისმა აღმატებულებამ“ თავი გამოჰყო საკუქნაოდან, სადაც „პირაშკებს“ ამოწმებდა.

— ჩემო საწყალო ბიჭუნა, ნუთუ იმედი გაქვს, რომ სადაც ვაჩერდებით, ყველგან გამზადებული საჭმელი დაგვხვდება? ეს იმის მაჩვენებელია, რომ სულ არ გქონია მოგზაურობის გამოცდილება. იქნებ რკინიგზის სადგურებს გულისხმობ? მაშინ მართალი ხარ — აღუღებულ წყალს ვიყიდით, რომ ჩაი დავლიოთ. მაგრამ ჩვენ ხომ ღარიბი ხალხი ვართ, აბა ვინ უნდა დავაწინაუროთ, რომ შევატყობინოთ, მოვდივართ და საჭმელი დავგვიმზადეთო?

მის აღმატებულებასთან კამათს წყლის ნაყვა ჯობდა, ამიტომ აღარ შევეპასუხე.



ბოლოს, ოქტომბრის ერთ მზიან დილას, როცა სუსხი შამანურივით
 •კბინებოდა, მზადება მოვითავებ და გავემგზავრეთ. დასამშვიდობებლად
 მოვიდნენ ანა ფიოდოროვნას მეგობრები — ოცი-ოცდახუთი ქალი, „მისი აღმა-
 ტებულების“ კლუბის წევრების უმეტესობა, ორიოდ ჩემი ნაცნობი ბიჭი და
 უამრავი მოსწავლე — ლუბას და არტაშას ამხანაგები. ყველა ერთად შეჯგუ-
 ფულიყო და თვალდაჭყეტელი შემოგვეცქეროდა. საბარგო მანქანა დატვირთუ-
 ლია. ბენზინი და ზეთი მსუბუქ მანქანაშია. მზადა ვართ?

— არა, — თქვა ანა ფიოდოროვნამ და მანქანიდან გადმოვიდა, — არა. ასე
 წასვლა არ იქნება. მეგობრებს მარტო გამოცარიელებული სახლი უნდა და-
 ამასოვრდეთ?! ეს საშინელი დანაშაული იქნება. დაე, ყველას ახსოვდეს ანა
 ფიოდოროვნას ხელგაშლილობა, დაე ყველამ ილაპარაკოს, ყოველთვის გულუ-
 ხვი იყრ და წასვლის დღესაც ასეთი დარჩათ. გადმოიღეთ სამოვარი!

— სამოვარი საკერავი მანქანის ქვეშიდან გამოვათრიეთ, კოვზები — ნახერ-
 ხიდან (ნახერში არ დაიფხაჭნებოდა), არტაშა სარდაფში გაიქცა და ერთი
 ტომარა ნახშირი მოიტანა, ან ფიოდოროვნამ მთელი საგზალი გადმოალაგა, რომ
 ნამცხვრამდე მიეღწია. ჩემს მოვალეობას შეადგენდა ჩაის ჩამორიგება და ანა
 ფიოდოროვნას მეგობრების ლაპარაკის მოსმენა. ისინი დაწვრილებით ყვე-
 ზოდნენ თავიანთი მოგზაურობების ამბებს. მოგზაურობათა უმეტესობა უბე-
 დურად დამთავრებულყო.

შუადღეზე ყველამ მოათავა ჭამა და ტირილი, ჭიქები გავრეცხეთ, სა-
 ბარგო მანქანა ხელახლა დაეტვირთეთ და ახლა კი ნამდვილად წავედით.
 ნახვამდის! ნახვამდის! ნახვამდის!

ხელმძღვანელობა „მისმა აღმატებულებამ“ იკისრა: — მარჯვნივ! მარ-
 ცხნივ! პირდაპირ! — და მიხვეულ-მოხვეულ, ტალახიან, ვიწრო გზაზე აღმო-
 ვჩნდით.

— დეტროიტიდან მეთორმეტე შარავით ვადიან ხოლმე. რატომ იმ გზით
 არ წავედით? — ვკითხე მე.

— ეჰ, ჩემო ბიჭუნა, — გადააქნია თავი „მისმა აღმატებულებამ“ — შენ
 ხელ ასეთი დარჩები. გამოცდილი მოგზაურები ყოველთვის ერიდებიან მთა-
 ვარ გზებს: ქურდებსა და ბანდიტებსაც აცდები და არც ბაეს გადაიხდი.

ხან ტლაპოში მივდიოდით. ხან ყანბში, ხან ნახირს ჩაუქროლებდით გვე-
 რდზე, ხან მაყვლიანებს. ღამით ეკლესიის ეზოში დავბანაკდით. მეორე დილას
 კვლავ დავადექით გზას. ჩემი ვარაუდით კალიფორნიამდე ჯერ ბევრი გვაქ-
 ლდა.

მეორე დღეს, საღამოს, საგზალი გაგვითავდა. მადლობა ღმერთს! — ახლა
 შეგვეძლო რესტორანში შევსულიყავით და ადამიანურად გვეჭამა. მისი აღმა-
 ტებულების ვარაუდი არ გამართლდა, — რესტორნებს თვლა არა ჰქონდა (მე-
 ტი არც დეტროიტში დაგვიტოვებია), ყოველ ნაბიჯზე გვხვდებოდა.

მშვენიერი სუფთა სასადილო ავირჩიეთ, ყველანი შევედით, მაგიდას შე-
 მოვუსხედით და კერძები შევეუკეთეთ. მაგრამ ნეტავ რამდენი გამოვიარეთ?
 ცნობისმოყვარეობა მიღრჩობდა. ავდექი და დახლთან მივედი. სარკმელს გადა-
 ღმა კაცი დავინახე. იგი ძეხვს წვადა.

- თუ არ შეწუხდებდ, მითხარით რომელ ქალაქში ვარ?
- იანგსტაუნში.
- იანგსტაუნში? ჩვეულებრივ რომელ შტატში ითვლება ეგ იანგსტაუნი?
- ოჰაიოს.
- ეს ოჰაიოა?! — დამეცხლა. ნამდვილად მახსოვდა, რომ ეს შტატი გა-

მოვიარე, როცა პიტსბურგიდან დეტროიტში მივდიოდი. ესე იგი მხარი გვეცე
 ვია.

— მაპატიეთ, კიდევ ერთი შეკითხვით უნდა შეგაწუხოთ: თქვენი აზრით, კალიფორნიაში რომელი გზით უნდა წავიდეთ აქედან?

— დასავლეთით. — მიიხრა მან და მამაკაცთა საპირფარეშოზე მიმითითა.

მე იქით წავედი, სამზარეულო და უკანა ეზო გადავკერი და ნაგვის ყუთზე ჩამოვჯექი. კარგა ხანს შევეყურებდი ზეცას და ბოლოს ვარსკვლავების მეოხებით კარგად ჩავიბეჭდე თავში მიმართულება. შემდეგ დაებრუნდი და ერთი ლურჯი თევზი შევქაამე (ეს ინგლისურად ნიშნავს მხოლოდ იმის შექმას, რასაც ამ თევზით მოგართმევენ — თევზი, რა თქმა უნდა, ოფიციალტს დაუბრუნე).

მეორე დილას ხელმძღვანელობა მე ვიკისრე:

— ორი დღე გავფლანგეთ, — ვთქვი მე, — ორი დღე, რომელსაც ვერაფრით ვეღარ დავებრუნებთ. გაშალეთ რუკები. არტაშ, ახლა კალიფორნიის გზას გააყოლე ჯოხი. ო'კეი. ახლა ჩამომიწერე ის შტატები, რომლებიც უნდა გავიაროთ.

არტაშამ ლამაზად, თანმიმდევრობით ჩამომიწერა: ოჰაიო, ინდიანა, მისური, კანზასი, კოლორადო...

— ახლა კი, — ვთქვი მე და მანქანა ავამუშავე. — ყველა მომყევით. სულ ასე ვივლით, პირდაპირ. ნამდვილ კვალს მივაგენი. კალიფორნია იქ გვიცდის, სადაც მზე ჩადის.

(გავრძელება იქნება)

ინგლისურიდან თარგმნა ანდრუჟაფარ ჭეიშვილმა



თეიმურაზ ჯანგუღაშვილი

გზა-გზა მოკრეფილი ყვავილები

ბაქოს სანაპიროზე

ცა დაუშენს ზღვის მკერდს ვარსკვლავების ისარს,
ტალღის სასთუმალზე მიუარე გაგორდება.
ჩემი სანაპირო, სანაპირო მტკვრისა
ამ კასპიის ზღვასთან რატომ მაგონდება.

გული ისე იწვის, იტყვი, გვალვაშია,
ვდგავარ მარტოდმარტო, ზღვას გავყურებ ხარბად,
ბნელ კუნჭულში, ხესთან ვილაც ქალვაჟია...
ეხ, მტკვრის სანაპიროს მეც ვახსოვარ ალბათ.

მტკვრის კამკამა სარკემ მეც დამხატა ქალთან
და გამტაცა მტკვარმა იმა ტალღის სარკე...
დღეს კასპია ჩემს წინ ამრიალებს კალთას
და ჰა, მარტოდმარტო მივალ ბალისაყენ.

აქ თუ მოიტანა, აქ, კასპიის ზღვაში
ტალღის იგი სარკე კალმახიან მტკვარმა...
დაუბერა ქარმა, ზღვამ შემოჰკრა ტაში,
ვერც იმ ტალღას ვხედავ. ვერც იმ გულის კალმახს...

ბნელ კუნჭულში, ზღვასთან ვილაც ქალვაჟია,
ეხ, მტკვრის სანაპიროს მეც ვახსოვარ ალბათ...
გული ისე იწვის, იტყვი, გვალვაშია,
ვდგავარ, ვლელავ ზღვისებრ და ზღვას გავცქერ ხარბად

ბაბრის ბახსენება

როგორ ჩავვიქროლა, როგორ გაქრა ის დღე...
წამოჩოქილ ზღვაზე თოლიები ისხდნენ.

ძმაო ალიოშა, მეგობარო ჩემო,
მლაშე წყალი მოსვა მოწყურებულ მზემო,
იმ მზის ახლო წამო, მაღალ მთების ზემოთ.

მგვრამ... როგორ დავთმობთ ამ საზღაპრო ნაპირს,
ქვიშამ ხარბად შესვა ქარვისფერი ქაფი,
ზღვისპირ დადგა ქალი მაისისფერ კაბით.

...გაგრა, მოქნეული შვლის მშვენიერ ყელად,
შვ ზღვას შემოჰკვრია მზისფერ ცისარტყელად.

მავნოლის ფოთლებს ჰკვეთს მზის სხივთა სვეტი
და ორთქლდება უცებ ჩეხურ ლუდის წვეთი...

როგორ გაჰქრა ის დღე, ჩვენ რომ შევაქეთო,
გაგრის ბაღში ალბათ ისევ შევა ქეთო...

ქეთო-ქეთევანი, ჩემი სულის ვანი,
ღამისფერი თვალი და დღისფერი ტანი.

მე სად დაუზხედები, ბაღის რომელ კართან...
დღეს თბილისის ზეცა ზედ მამბერტყავს კალთას.

სად წავიდა, მითხარ, შორს წასულო გემო,
ის თაფლივით ბაგე და მარლის გემო...

რუსთაველზე ახლა ფრთას შლის შემოდგომა,
გვზიბლავს მთაწმინდაზე მთვარის შემოდგომა.

შეგვიმოკლდა წლები, მოიმატა დღემო,
ძმავ ალითშა, მეგობარო ჩემო.

ხვა ზღვის ტალღის ხმა რეკს, ეს ზღვა მართლაც სხვაა...
ათასფერი ზღვაა! ვანა შავი ზღვაა.

შავ ზღვაო, ალბათ აღარც გაგონდებით,
ხვა ზღვამ აგვიტაცა როგორც ნაფოტები.

და ჰაი, რომ უკვე მიგვეფარა ის დღე...
წამოქოჩრილ ზღვაზე თოლიები ისხდნენ.



ზუკაპ კუხიანიძე

შენ დაგვენოღეს

ჩაყუჩებულხარ ნექტარნასვამი,
საბანს ამშვენებს შენი ხელები.
ტუჩზე ღიმი ხტის თაგუნასავით,
ფეთქავს სიცოცხლე დაუძლეველი.

შენი ლამაზი თმების ლივლივი
საამბორებლად მიწვევს, მაქებებს...
ეჰ, რაც დამაკლდა ქვეყნად ღიმილი,
შენ დაგვენოღეს, შეილო, ბაგეზე.

მესკიას გუღე სასაფლაოზე

ამ მიდამოს მოღუშულს და იღუმაღს
გადაუფრენს რიდიო არწივიც.
შენ კი, შენ კი, მესკიელა ჩიტუნავ,
მითხარ, სიკვდილს ზომ არ დასცინი.

დასწიწკინებენ ციციქნა ფრთების ფათქუნთა
სასაფლაოს ბუჩქნარს ეკლიანს.
მაყვლიანში ბუღეცა გაქვს ჩადგმული
და ბარტყებიც დაგაჩეკია.

დამცხრალი მზე შუბის ტარზე დასულა
სამარენი ჩანან კორღებად...
შენ თუ გინდა შეჩვეულხარ ამ სურათს
ეგ ბარტყები არ გეცოდება?

ჩიტო, ჩიტო მოუარე პატარებს,
გაუფრთხილდი ყოველ ცისმარე.
ზუღდეს ფოთლის ფარდა ჩამოაფარე,
ჩომ არ ნახონ ცული სიზმარი.



იანკა კუპალა

მემკვიდრეობა

მე გაღმომეცა დასაბამიდან
აურაცხელი მემკვიდრეობა
და ბედმა ჩემს სულს არ აარიდა
დედის სინაზე, მამის მხნეობა.
ეს ბუნებაა ჩემი სიმდიდრე, —
მემკვიდრეობის განძი უღვევი.
დასაბამიდან მე დავემკვიდრე
ოქროს ზღაპრები,
გაზაფხულები.

ჩემია ეს უა,
ეს ძეძვის ღობე,
ყარყატი ცისკენ დრუბლად წასული,
ნისლი — კაბად რომ აცვია სოფელს,
ღელესთან ძეწნა —
ტურფა ასული.
ჩემია ჩემი ყვავების გუნდიც
სასაფლაოზე მოყაშყაშენი.
მე ვარ მემკვიდრე
და მე მეკუთვნის
ეს ღედამიწა — ჩემი გამჩენი.

და დღემდე ერთი მაქვს საზრუნავი,
ერთი რამ მექცა დღეს საფიქრალად
ჩემზე არაფერ თქვას სამღურავი:
მემკვიდრეობა ვერ მოიხმარა.
ჩემი სიმდიდრე შეამაყება,
მეც მუდამ მასზე ზრუნვას ვუნდები
და სადაც წავალ — ყველგან დამყვება
ეს დიდი განძი — ფასდაუღებო.
ის შვილებისგან არ იყიდება,
ჩვენ მას ვწირავდით სიზმრებს უცოდველს.
ის არი ჩვენი ავლადიღება,
ჩვენ მას ყველანი მამულს ვუწოდებთ.

თარგმნა შოთა ნიშნიანიძემ



მიხეილ კაკაბაძე

ბონდი ექი

ნაწილი ბონდს მიაღდა. საიდანღაც ქვევიდან ისმოდა მდინარის ხმაური. უკუნეთში ხანდისხან მთვარე გამოანათებდა, მაგრამ ღრუბლები უმაღლ ვადაფარებოდნენ და ისევ ფისივით სქელი ღამე ჩამოწვევბოდა. წამით გამოჩნდა ყუმბარებითა და ნაღმებით ტოტებგაპარსული ვეებერთელა ხეები, რომლებიც ახლა ტელეგრაფის ბოძებს უფრო გვანდნენ; გამოჩნდა დაკიდებული ვიწრო ხიდიც, მაგრამ გიორგიმ ცივად განათებული ბაგირის მხოლოდ ნახევარი დაინახა, ამ თავში.

ბონდიდან სულ ახლოს წინა ხაზი გადიოდა. მაგრამ ახლა გარშემო ისეთი სიჩუმე გამეფებულიყო, როგორც მხოლოდ სოფელში იცის ხოლმე ამ დროს. ნდინარე კისრისტენით გარბოდა სადღაც და მხოლოდ ეს არღვევდა ღამის მყუდროებას.

ლეიტენანტ გიორგი გიგაურის ოცეული ბონდზე გასვლის რიგს ელოდა. ფარაჯებში გახვეული ჯარისკაცები ყუმბარით ამოთხრილ ძაბრისებურ ორმოში ისხდნენ და ხმადაბლა საუბრობდნენ, თან გაზეთის ქაღალდში გახვეულ წეკოს მალულად აბოლებდნენ. ისინი ერთმანეთს ეკვროდნენ, რადგან წინა ხაზზე გასვლის ღამე იყო და ზამთრისპირის სიცივე.

გიორგიმ კარგად იცოდა, რომ გავიდოდა თუ არა ამ მერყევ და ჭრიჭინა ბონდს, კვლავ დაუბრუნდებოდა ერთი თვის წინანდელ ფრონტულ ცხოვრებას, რომელიც ამ ხიდივით ეკიდა ცასა და დედამიწას შორის და მასავით ქანაობდა, ქანაობდა, ქანაობდა... უკან რჩებოდა მეორე ეშელონში გატარებული დღეები (რომელთაც რატომღაც დასვენებას უწოდებენ), მისი ნაწილიდან სავსე ჰოსპიტალში გადასული ქერათმიანი ფერშალი ელისო, რომელთან განშორებასაც მწვავედ განიცდიდა...

— მაღე წავალთ, ამხანაგო ლეიტენანტო? — იკითხა ერთმა.

გიორგიმ სიბნელეში ხმაზე იცნო ბოგვერაძე, ახალბედა მებრძოლი.

— რა გეჩქარება, ძამიავ? — ლეიტენანტის ნაცვლად გაეპასუხა ბოგვერაძეს ათმეთაური საჩანელი. — მოესწრები. ამ ბონდს კი თვალსუქულა გადახვალ, ამის მეტი რა გიკეთებია ზოვრეთში, მაგრამ მერე ვნახოთ, რა ვაქკაციც ხარ.

— ვაქკაცობა რა შუაშია? — იწყინა ბოგვერაძემ. — ორმოში ასე უქმად ჯდომას ისევ სიარული ჯობია.

— სიარულიცაა და სიარულიც, — არ ეშვებოდა საჩანელი, — გააჩნია სად მიდისარ. ორმოში ჯდომას რას უკადრისობ? დავით გურამიშვილიც კი იჯდა ორმოში, მაგრამ კაცი გამოვიდა.

ორმოში გაიცინეს. „ბედნიერი კაცია, — გაიფიქრა გიორგიმ საჩანელზე, — მუდამ ხუმრობის გუნებაზეა“. მან კარგად იცოდა ბოგვერაძის ამგვარი მოუსვენრობაცა და ამ სიცილის ფასიც.

მდინარის ხმაურს რაღაც უტყვო ხმა შეერია. ახლა მიაქციეს ყურადღება ტალღების დგაფუნს და ამ ხმას: ზევით, ძალიან მაღლა, მტრის მზვერავი თვითმფრინავი გუგუნებდა. მონოტონურმა გუგუნმა თანდათან იმატა — „ფოკ-ვულფ 198“ დაბლა ეშვებოდა.

უეცრად დღესავით განათდა: თვითმფრინავმა გამანათებელი ბომბი გადმოაგდო და იგი ახლა პარაშუტით ნელა ეშვებოდა ძირს. რამდენიმე კაცი ტყისკენ წელში მოხრილი გაიქცა. გიორგის არ გამოპარვია, რომ მის ოცეულშიც აწრიალდნენ ახალბედები.

— ფეხი არ მოიცვალოთ! — გასცა ბრძანება.

დაკიდებულ ხიდს გახედა. ახლა ის კარგად მოჩანდა, თავიდან ბოლომდე. ბონდი ძალიან ირყეოდა, — ერთ ოცეულს ზედ უშაში მოუსწრო გამანათებელმა ბომბმა და გიორგი ხედავდა, როგორ გარბოდნენ ჯარისკაცები მეორე ნაპირისაკენ. თვითმფრინავიდან ტყვიამფრქვევის ჯერი დაადევნეს ხიდზე გაქცეულებს, მერე უეცრად ჩაქრა ბომბი და კვლავ ღამემ დაისადგურა. ერთხანს ზევიდან ალაღბელზე ისროდნენ ტყვიამფრქვევს, მაგრამ მალე თვითმფრინავის გუგუნმა იკლო და თანდათან სულაც შეწყდა. გიორგის თითქოს თვალეზში ჩარჩა ამ ბორცვიანი მიდამოს, გასხეპილი ხეებისა და მთის ძირში შეფენილი წიწვიანი ტყის კონტურები, — ახლა, კუპრისფერ ღამეშიც არჩევდა ყოველივეს. ისიც კარგად დაინახა, როცა თვითმფრინავმა ბონდს ტყვიები დაუშინა, ერთი ჯარისკაცი წყალში გადავარდა.

გიორგი ფიქრობდა ელისოზე, თავის ახალბედა ჯარისკაცებზე, თბილისზე, ბონდიდან მდინარეში გადავარდნილ მებრძოლზე, ამას წინათ დაღუპულ ახალგაზრდა მფრინავზე, ისევე ელისოზე, იმ საოცარ უმწეობასა და დამამცირებელ უსუსურობაზე, რასაც განიცდის განათებულ მიწაზე გამშლართული კაცი ჰაერიდან თავდასხმისას, ფიქრობდა თავის ოცეულზე, ასმეთურ ციმილიანსკიზე, მომავალ ბრძოლებზე, დედაზე... სახეზე რაღაც სისველე იგრძნო, ერთხელ, მეორედ. წამოჯდა და ხელისგული გაიშვირა, — ფიფქი დაეცა, ერთი, მეორე.

— ბიჭებო, თოვს, — თქვა ვილაცამ.

— თოვლში კარგია ომი, — უმაღ გაეპასუხა საჩანელი. — რბილად ეცემა კაცი.

ჰაერში შურთხივით გაიშხილა ნაღმმა და სადღაც ახლოს გასკდა. მას მეორე მოჰყვა, მერე ზედიზედ იქუხა რამდენიმემ.

— ბონდს უშენენ, — თქვა ნიკომ.

— არ ჯობდა ახლა გაღმა ვყოფილიყავით? — ნიშნის მოგებით ჰკითხა ბოგვერაძემ საჩანელს.

— მოიცა, ჯერ სად ხარ!

მკრთალად გამოანათა მთვარემ, იგი ბანდის გამჭვირვალე ფარდაზე დახატული ჩანდა, ხოლო გაპარსული ხეები სცენაზე დადგმულებსა ჰგავდნენ.

გიორგის ასმეთურის მეკავშირე მიუახლოვდა.

— ამხანაგო ლეიტენანტო, თქვენი ჯერია, — უთხრა მან.

ლეიტენანტი წამოდგა და სერჟანტს ხელი გაუწოლა.

— როგორაა საქმეები, გუსაროვ?

— არ არის ურიგოდ, ამხანაგო ლეიტენანტო. უმჯობესი კი იქნებოდა, ეს სროლა არ აეტეხათ.

— ვისი ოცეული იყო ბონდზე რომ მოუსწროა განათებამ?

— ბაგრიჩისა. მე წავალ, ამხანაგო ლეიტენანტო.

გერმანელები მეთოდურად ისროდნენ. ნაღმები ნაპირზე ცვიოდა. ხანდის-ხან მდინარე ამოიოხრებდა. — ნაღმი წყალში მოადენდა ზღართანს და იქ სკდებოდა.

ოცმეთაურის თანაშემწეს ნაკოს უკვე მოეწყო ოცეული. გიორგიმ დაკვირვებით შეათვალიერა თავისიანები. სულ რაღაც ორმოცდაათ მეტრზე სკდებოდა ნაღმები, მაგრამ ყველანი მშვიდად გამოიყურებოდნენ. აღეღვება ახალბედებსაც კი არ ემჩნეოდათ. ლეიტენანტმა იცოდა თუ ნებისყოფის როგორი დაძაბვით ახერხებდნენ ჯარისკაცები შიმის დათრგუნვას. „კარგები ხართ, ბიჭებო“. — თბილად გაიფიქრა გიგაურმა.

— ამოცანა ყველასათვის ნათელია? — ივითხა მან.

— ნათელია.

— წინა ხაზამდე ოთხი კილომეტრია. ვივლით ათეულების მიხედვით, ერთ მწკრივად. ბონდს გადავალთ სირბილით. მატერიალურ ნაწილს გაუფრთხილდით. ჩემი თანაშემწე პირველ ათეულთან იქნება. ახლა ისმინე ჩემი ბრძანება!

ლეიტენანტმა ყური მიუგდო ნაღმების შხეილს და როგორც კი ერთი ზალნი ხვნეშით დაასკდა მიწას, რამდენიმე წამი შეიცადა და პირველი ათეული სირბილით გაისტუმრა ხიდისაკენ. მერე ისევ სიჩუმე ჩამოწვა, მხოლოდ მდინარისა და ბონდზე გაქცეულთა არეული ფეხის ზმა ისმოდა ყრუდ. ისევ ღონივრად მოფხოვნა ოდნავ დაფიქტული მიწა ლიოონის წვეტიანმა ფრჩხილებმა და ისევ სირბილით გაისტუმრა ლეიტენანტმა ბონდზე თავისი მეორე ათეული. მერე მესამე, მეოთხე...

ათასეული მთლიანად არც კი იყო გაღმა გასული, როცა გერმანელებმა ერთბაშად ძლიერი საარტილერიო და სანალმტყორცნო ცეცხლი გახსნეს. გიორგიმ ხევში ჩაიყვანა ოცეული და ასე ხეხეხე, ჩქარი ნაბიჯით გაუდგნენ გზას წინა ხაზისკენ.

გიორგი მიწაზე დამჯდარ მებრძოლს წაადგა. ჯარისკაცს ფეხზე გაეხადა და ტოლაღებს ფერთხავდა, იქვე ათასეულის ნაღმსატყორცნის ლულა დაეყუღებინა.

— რომელი ოცეულიდან ხარ?

ჯარისკაცმა აუჩქარებლად ამოხედა და უცნობი ლეიტენანტი რომ დაინახა, შეშფოთდა, აწრიალდა და წამოდგომა სცადა. ხანშიშესული იყო, ხშირად სუნთქავდა, ალბათ, დილაღა. გიორგიმ გუნებაში შეუკუთრთხა იმას, ვინც ამოდენა სიმძიმე აჰკიდა ამ ხნის კაცს და ლულის სამხრეებს წამოავლო ხელი, უმაღლესამოიგდო ზურგზე.

— ცოცხლად ჩაიცივი და მომყევი, — თქვა და წავიდა.

მაღე ჯარისკაციც წამოეწია.

— ქუსლები გადავიტყავე, ეს ოხერი, — თავს იმართლებდა იგი. — მომეცით, ამხანაგო ლეიტენანტო, ეგ სამოვრის მილი.

— მოგცემ, აბა მე რა ეშმაკად მინდა!

მტერი მიხვდა, რომ მოწინააღმდეგის განლაგებაში ნაწილები ერთმანეთს



ცლიდნენ და შეტევაზე გადმოვიდა. გერმანელთა საარტილერიო ცეცხლმა ზურგში გადაინაცვლა, სამაგიეროდ, ტყვიამფრქვევები აკაკანდნენ უფრო გაბნულად და ნაღმები წამოვიდა სეტყვასავით. დათოვლილ ველზე გამოჩნდნენ გერმანელ ჯარისკაცთა პატარა ფიგურები, — ცოტას გამოირბენდნენ და თოვლიან მიწაზე გაწვებოდნენ, გამოირბენდნენ და გაწვებოდნენ...

გიგაურის ოცეულმა მისთვის განკუთვნილ სანგრებადღე ვერც კი მიაღწია. ახლა მისი ჯარისკაცები მტერსაც იგერიებდნენ და სახელდახელო სანგრებსაც თხრიდნენ.

— არ გერჩინა, ბაბაია, იმ ორმოში ჯდომა? ეს გინდა აბა? — დაუყვირა საჩანელმა ბოგვერაძეს, რომელიც პატარა ნიჩბით გამაღებით ქრიდა სანგარს. გიორგის გაეცინა, თუმცა სასაცილო არაფერი იყო: სამი ტანკის საფარქვეშ შეტევაზე გადმოსული მტრის ჯარისკაცები ახლა უფრო მკაფიოდ ჩანდნენ.

გიორგიმ ადრევე შეამჩნია, რომ ხევი გერმანელთა მხარეს გრძელდებოდა. „რა იქნება, რომ ფლანგიდან დავარტყა?“ — გაიფიქრა მან, მაგრამ ერთხანს ყოყმანობდა, მერე ნიკოს გაუზიარა ნაფიქრი და ციმლიანსკისთან გაგზავნა ნებართვის სათხოვნელად. მალე ასეულის მეთაური მასთან გაჩნდა და გვერდში მოუწვა.

— ძალიან კარგი გადაწყვეტილებაა. გიგაურო, — თქვა ციმლიანსკიმ. — ოღონდ მარტო შენი ოცეული არ ეყოფა ამ საქმეს. ხევი გამაგრებული ექნებათ. შენს დასახმარებლად ხუთ წუთში ბაგრიჩისა და დუბინსკის ოცეულები ხევში იქნებიან. ჩვენც აქედან დავიჭერთ მხარს. გასაგებია?

ხევში ფრთხილად მიდიოდნენ. ბნელოდა. მარცხნივ პატარა დეღე ჩხრიალებდა. შედგნენ და დაწინაურებული დაზვერვის ნიშანს დაელოდნენ. უეცრად წინ ავტომატის მოკლე ჯერი დაეცალა, მერე ხელყუმბარამ იქუხა...

— წავედით! — ხმადაბლა დაიძახა გიორგიმ.

ჩქარობდნენ, რადგან ყველა მიხვდა, რომ დაზვერვის მოწინავე ჯგუფი მტერს გადაეყარა. ხანმოკლე, მაგრამ მძაფრი შეტაკების შემდეგ გზა გაეხსნათ. გიორგი ფრთხილობდა, — ისევ მხვერაძეები გაუშვა წინ. მალე შეტევაზე გადასული მტრის ნაწილს ფითქმის ზურგში მოექცნენ, ხევიდან ამოფოფხდნენ, სწრაფად ჩასანგრდნენ და ტყვიამფრქვევები და ნაღმსატყორცნები გამართეს. დათოვლილი ველი უცნაურად ლაპლაპებდა.

— ო, როგორ ჭიკოკონსავით ანთია ეგ შეჩვენებული! ტანკი იწვის, ბიჭებო, ტანკი! — იყვირა ნიკომ.

— ცეცხლი! — დაიძახა გიორგიმ.

— ცეცხლი!

— ცეცხლი!

გიორგი ტყვიამფრქვევს მიუწვა და გაშმაგებით დაიწყო სროლა. დუბინსკის სანაღმტყორცნო ოცეულმაც სწრაფი ცეცხლი დააყარა მტერს. გერმანელები ერთხანს ვერ გაერკვნენ, მაგრამ მალე შედრკნენ, მხოლოდ ორი ტანკი სროლით მიიწვედა წინ. უცებ ერთი ტანკი ადგილზე დატრიალდა და ლულა დაუშვა დაბლა.

გაიშხულია ნაღმა და ხევში იფეთქა. მეორე ნაღმი ბაგრიჩის საცეცხლე პოზიციების წინ დაეცა, თანაც ტყვიებმა თოვლის მტვერი დააყენა ბრუსტერზე.

— შეგვაშინიეს, კოსტია? — გადასძახა გიორგიმ ბაგრიჩს.

ჯოჯოხეთურ ხმაურში გიორგის „უაშას“ ძახილი მოესმა. სროლა არ შეუწყვეტია, ისე გაიხედა მარჯვნივ: ათასეული კონტრშეტევაზე გადავიდა და



შავდ დაიძრა მტერზე. მესამე ტანკმა პირი იბრუნა, მერე კვლავ შეტევა დაიწყო. გაბმულად ააკაანა ტყვიამფრქვევი, მაგრამ ისევ შემობრუნდა და ხევისაკენ წამოვიდა. „ნუთუ ჩვენზე მოდის?“ — გაუელვა გიორგის და ტანში უსიამოვნო ყრუანტეგმა დაუარა.

— ტანკსაწინააღმდეგო ხელყუმბარები მოამზადეთ, — დაუყვირა გვერდზე გაწოლილ ჯარისკაცს. მაგრამ ტანკმა ისევ იცვალა მიმართულება, — იგი ბრძოლის ველს ტოვებდა. და როდესაც გიგაურის ოცეულის განლაგებას გაუსწორდა, გარკვევით მოისმა მისი ძრავის გუბუნი და მუხლუხობის ღრქიალი. უეცრად ვიღაც წამოიჭრა და ტანკისკენ გაიქცა.

„რას შვრება!“ — გაიფიქრა გიგაურმა. ჯარისკაცი დაეწია ტანკს, ხელყუმბარა ტყორცნა და თოვლში მოსხლეტით დაეცა. გაისმა გამაყრუებელი აფეთქების ხმა. რამდენიმე წუთის შემდეგ ჯარისკაცი უკან მოხობხავდა... ყველამ იცნო, ბოგვერაძე იყო. ტანკმა კი რამოდენიმეჯერ ამაოდ სცადა ადგილიდან დაძვრა.

— არ მერჩინა, ბაბაია, იმ ორმოში ვდგომა, არა! — აღგზნებით უთხრა ბოგვერაძემ საჩანელს.

— შე კაცო, რა ვიცოდი, ასეთი მხეცი თუ იყავი, — იხტიბარს არ იტენდა საჩანელი.

სროლა თანდათან მიწყდა. გიორგი ბოგვერაძესთან მიხობხდა და უსიტყვოდ გადაკოცნა.

დუბინსკიც მათთან მივიდა.

— მომილოცავს, ამხანაგებო, მომილოცავს, კარგი დრო ვატარებინეთ ფრიცებს, — მხურვალედ, სიხარულით ლაპარაკობდა და მაგრად ართმედა ხელს ბაგრიჩს, გიგაურს, ყველას, ვინც კი ახლოს იყო — სხვათა შორის, ეს ჩემი საბრძოლო ნათლობაა. ის მაჩვენე, თუ ღმერთი გწამს, გიგაურო, ის გმირი...

დასაძინებლად გიორგი მხოლოდ ალიონზე წავიდა ბლინდაეში. გასაკეთებელი ბევრი რამ იყო და მთელი ღამე სანგრებში გაატარა. საიკოხოვ წერტები გამართეს, ტრანშეები და დამაკავშირებელი გასასვლულები ამოწმინდეს და გააღრმავეს, სათვალთვალო პუნქტი მორებით გადახურეს... ოცეულით კმაყოფილი იყო.

მთვარის შუქზე ვერცხლისფრად ბზინავდა დაბარდნილი მინდორი, რომელიც პატარა ბორცვებით იყო მოფენილი: გვამებს ათოვდა...

ახალი, 1943 წლის დადგომამდე რამდენიმე დღე იყო დარჩენილი. ბოლო დროს მძიმე პოზიციური ბრძოლები ჰქონდათ. ორჯერ გადავიდნენ შეტევაზე, მაგრამ სასურველ შედეგს ვერც ერთხელ ვერ მიადწიეს, — მტერი ძალიან კარგად იყო გამაგრებული, თანაც პაერში უპირატესობას ინარჩუნებდა. „ფოკე-ვულფი“ ხომ მაინც სულ ცაში იყო აბაყურივით ჩამოკიდებული.

მესამე დღე იყო გადაუღებლად ბარდნიდა. თოვლმა ჭრილობები მობანა მიწას და მერე ზედ გადაფარა. როცა სიმშვიდე ჩამოწვებოდა, მხოლოდ დათოვლილ ველზე გაჩიმული შავი მავთულხსლართების ორი გრძელი მწკრივი ახსენებდათ, რომ ომი იყო.

გიორგი ბლინდაეიდან გამოვიდა და ვიწრო ხერხლით სათვალთვალო პუნქტისაკენ წავიდა. აღარ თოვდა. გერმანელთა განლაგებისაკენ ყვაეები მიფრინავდნენ ჩხავილით.

სათვალთვალო პუნქტში ნიკო და ბოგვერაძე დახვდნენ. ნიკო მტრის პოზიციებს გაპყურებდა, ბოგვერაძე კი მიწაზე მოხერხებულად დამჯდარიყო და



რალაცას წერდა. აქედან ყვაეები არ ჩანდნენ, მხოლოდ შორიდან ისმოდა მაფრეხილი უსიამოვნო ყრანტალი.

— ყვაეები იქით მიფრინავენ,—თქვა გიორგიმ.

— ყვაეის ჩხავილს რომ გაიგონებდა, ბებიაჩემი იტყოდა: წერილი მომივაო. აი, მეც ვწერ,—თქვა ბოგვერაძემ.

— ვითომ ამ ყვაეების ჩხავილს გაიგონებს ბებიაშენი? — სიცილით ჰკითხა ნიკომ.

— ბებიაჩემმა შარშანწინ წეილო ბარათი.

— მერე საიქიოში უგზავნი წერილს თუ? — გაეხუმრა ბოგვერაძეს გიორგი.

— თალიკოს ვწერ, ამხანაგო ლეიტენანტო. არის ამფერი გოგო ზოვრეთში.

— შენი ვაჟკაცობის ამბავს ხომ ატყობინებ?—ჰკითხა გიორგიმ.

ბოგვერაძე წამოწითლდა, ფეხზე წამოდგა და ლეიტენანტს უთხრა:

— ერთი სათხოვარი მაქვს თქვენთან, ამხანაგო... გიორგი. კი ვწერ იმ ტანკის ამბავს, მარა მეშინია თავის ქება არ გამომივიდეს და, თუ არ დეიზარებთ, წეიკითხეთ ეს ჩემი ნაწერი.

გიორგიმ წერილი გამოართვა.

„წინა ხაზი. 21 დეკემბერი 1942 წლისა.

ვიღებ კალამს და გითვლი, ჩემო თალიკო, ფრონტულ სალამს. რავა ხართ, თალიკო, რას შევებით? მომიკითხე შორიდან ხელის ჩამორთმევით დედათქვენი და მამათქვენი—ქეთო დეიდა და ამბროსი ბიძია. ასევე მომიკითხე თქვენი ოჯახის წევრები მაცაცა, ნათელა, ფუსია და რეზიკო. კიდევ მომიკითხე ვანია ფოსტალიონი, თედორე ბაბუა, ნიკაია მეწისქვილე, შუტუნეი, ვენერა, ფუტუცია, მაკო და არველოდი. კიდევ მომიკითხე, ჩემო თალიკო, ყველა, ვისაც კი ახსოვს ნოდარია ბოგვერაძე.

ძალიან გასახარია კარგი მოსავალი რომ მოგიწევიათ. ერთობ შეწუხებულ კი ვიყავი, ქალებს რომ დაგვრჩათ ამდენი საქმე საყეთებელი, ჰირნახულის მოწვევა და დაბინავება, საქონლის მოვლა-პატრონობა და სხვა ათასი სოფლური საქმე. მარა, მადლობა ღმერთს, ყოლიფერისათვის კარგად გაგირთმევიათ თავი. შენი წერილით შევიტყვერე ის ამბავი. ავაშენა. ღმერთმა, ჩემო თალიკო, წერილი რომ გამომიგზავნე, მართლაც რომ დიდად გამახარა შენმა წერილმა.

საწყალ დედაჩემთან სშირად რომ გადადიხარ, კის შევები ძალიან, ჩემო თალიკო. შენ ქე იცი, რავა უხარია დედაჩემს შენი დანახვა, ჩემო კაი თალიკო. დარჩა ქალი ცარიელ-ტარიელი და შენი ხელშეწყობა თუ ექნება, ეგება ქე იცოცხლოს ერთ ხანს და ჩემი დაბრუნებით გეიხაროს და ჩვენი ოჯახის შექმნით მთლად ცას ეწიოს სიხარულით. იმ ჩვენს საზიარო ყორეზე ერთხელ ჩხუბი რო ქნეს მამათქვენმა და საწყალმა დედაჩემმა, სულ ცუდად მახსენდება და ხასიათს მიწამლავს შაბიამანივით. მე ქე მივწერე დედაჩემს და შენც იცოდე, მოშალეთ ი დასალუპავი ყორე, მაინც ქე იქნება ჩემი ჩამოსვლის მერე მოსაშლელი. ასე ქენით, ჩემო თალიკო.

ახლა ჩემს ამბავს თუ იკითხავ, მე არაფერი მიჭირს. ვარ წითელი არმიის რიგებში და ვებრძვი ფაშისტ დამპყრობლებს. ახლა ერთი ამბავი უნდა მოგწერო და ტრაბახი არ გეგონოს. შენ, ქე იცი, თალიკო, არ უყვარს ტრაბახი ნოდარია ბოგვერაძეს. ამწინებზე ნამდვილი ტანკი ავაფეთქე, ნამდვილი იმიტო ვწერ, რომ სანამ წინა ხაზზე გამევედით, ფიცრის ბევრი ტანკი გვაფეთქებდეს. გვასწავლიდნენ, ჩემო თალიკო. ნამეტანი ფიცხელი შეტაკება გვქონდა ფაშისტებთან და იმგენმა ტანკები მეჩხარჩეს. ჩვენ ტანკებს ვერ ვხმარობთ, იმიზარომე ჩვენი პოზიცია ძალიანს მთავორიანია, იგენი კი მინდორში არიენ ჩასაფ-



რებული, სულძაღლები. ხო და სიტყვა გამიგრძელდა, ჩემო თალიკო. სულ სამი ტანკი იყო, ორი მოსპეს ჩვენმა არტილერიისტებმა, ერთმა კი გაქუსლა უკან. აგი რომ დევიანახე, ვიფიქრე, თუ კი თალიკოს ჩემი სიყვარული აქვს, ეს უნდა ავაფეთქო-თქვა. ძალიან მაგარი სროლა კი იყო, მარა გავბედე, გადვიწერე პირჯვარი, გამევენთე იმ ტანკს და ვესროლე ბომბი. გავრბოდი და სულ შენზე ვფიქრობდი, ვამბობდი, აბა თუ ვუყვარვარ თალიკოს, არაფერი არ მეწევა-თქვა. და მართლაც რომ არაფერი მეწია.

ასე ამგვარადაა ჩემი ცხოვრება, თალიკო. ჩემს ნაწილში ნამეტანი კაი ხალხია. მეთაურით დაწყებული, ლეიტენანტია იგი, და რიგითი ჯარისკაცებით გათავებული, ყველა კაია. შენ ეგება ქე გეიფიქრო. ასე საგანგებოდ რავე მოუყრია ყველა კაი ადამიანს ნოდარის ნაწილში თავიო, მარა ასეა და რა ვქნა, ჩემო თალიკო. ახლა ერთი უნდა გავცინო, თალიკო. არის ჩვენთან ერთი ჯარისკაცი, უმაღლესის მეორე კურსის. რავარც კი იშოვნის თავისუფალ დროს, ლექსებს წერს. დედისერთაა და მხოლოდ არაფერს ყავდა ხელისშემშლელი ლექსების წერაში. ცოლი შეურთავს ამ თალიკონ, მარა იმასაც ნაყვარება ლექსები.

ამ წერილს რომ მიიღებ, ახალი წელი ქე იქნება უკვე. გილოცავ ახალ წელს, ჩემო თალიკო, და ვისურვებ იმ ახალ წელში დეგვემარცხებისო გერმანელი ფაშისტები.

ახლა ვამთავრებ წერილის წერას. კარგად იყავი, ჩემო თალიკო, თავს გაუფრთხილდი. დედაჩემს ყურადღება არ მიმიკლო. ნოდარია“.

— ყველაფერი კარგადაა თქმული, — თქვა გიორგიმ. — მაგრამ ერთი შეცდომა გაქვს დაშვებული: ვიღებ ხელში კალამსო და წერილი კი ფანქრითაა დაწერილი.

სამივეს გაეცინა. ბოგვერაძე ისევ წამოწითლდა და რატომღაც ქუდი მოიხადა.

— კარგი წერილია, კარგი, — ღიმილით თქვა გიორგიმ. ბოგვერაძეს ქუდი გამოართვა და მაგრად ჩამოაფხატა თავზე. — კი, მაგრამ, მედალზე რატომ არაფერი მიწერი? — ჰკითხა ბოლოს.

— გულზე რო დევიბნევე, მერე მივწერ, — უპასუხა ჯარისკაცმა.

— ვინა გყავს, ნიკო, პოეტი? — ჰკითხა გიორგიმ მცირე დუმილის შემდეგ თანაშემწეს.

ნიკო სათვალთვალო ხვრელში იხედებოდა. უკან არ მობრუნებულა. ისე უპასუხა:

— ზამთარაძე, ამხანაგო ლეიტენანტო. ისინი ყვავებს ესვრიან, აი, იმ ხეზე. წეხედეთ, წეხედეთ...

ისეთი ძლიერი ყინვები დაიჭირა, რომ სუნთქვა ჭირდა. მებრძოლებს იარაღი გაჭირვებით ეჭირათ ხელში — ლითონი მწარედ იკბინებოდა. ტყვია რომ გაიწულილებდა, ჰაერი ერთხანს ისე რეკდა, თითქოს ბროლის ჭიქები ერთმანეთს მიუჭახუნესო.

ათასეულის მეთაურს მაიორ კაბანოვს თავის ბლინდაჟში შეეკრიბა პოლიტმუშაკები და მეთაურები. წინა ღამით გერმანელებმა ერთ-ერთ საგუშაგოდან გუშავი მოიპარეს, იქვე კუნძზე კარგად შებრაწული მთელი თეთრი პური დადეს და ზედ წერილი დაამაგრეს: „თქვენნი დღეები დათვლილია, შიმშილობთ, ჩვენ კი აი, ასეთ პურს მივირთმევთ. გადმოღობთ ჩვენს მხარეზე“.

მართლაც, ერთი კვირა სრულდებოდა, რაც ათასეულს სურსათი არ მიე-

დო. უღელტეხილი დიდმა თოვლმა და ძლიერმა ქარბუქმა დანამქრა, გზა ჩაიკეტა. ამაოდ ცდილობდნენ პატარა თვითმფრინავები ნაწილისათვის პურიითა და შაქრით, ხორციითა და არყით, ფქვილითა და თამბაქოთი გატენილი ტომრები ჩამოეყარათ — „მესერუმტები“ გამუღმებით დაძრწოდნენ ცაში და ღირფერისფრთებიან მანქანებს ასანთის კოლფეფებით ანთებდნენ... მხოლოდ სამმა გამაღწია როგორღაც და ორცხობილით სავეც ტომრები ჩამოყარა ჩვენს პოზიციებზე.

— მდგომარეობა ძალიან სერიოზულია, ამხანაგებო, — დინჯად ლაპარაკობდა კაბანოვი. — ეს ყველას კარგად გესმით. მაგრამ მე დიდი იმედი მაქვს თქვენი. ათასეული ბრძოლისუნარიანია, ჯანსაღია და თუ აქა-იქ გვევლებიან მერყევი, მოწუწუნე ელემენტები, იმათ უნდა გაიფუშარტოთ, რომ ეს დროებითი მოვლენაა... თქვენ ალბათ იცით, რომ ამ დღეებში რამდენიმე კაცი გადავიდა მტრის მხარეზე, — განაგრძო კაბანოვი. — კუქს გადაჰყვენ ის მამაძაღლები! ეს ყოვლად დაუშვებელია... ამ მძიმე დღეებში განსაკუთრებული სიფხიზლე გვმართებს. ერთი ნაბიჯიც კი არ უნდა გადადგას უთქვენოდ არაფერი, რადგან არასწორი ნაბიჯი პირდაპირ სამხედრო ტრიბუნალში მიდის.

— ჩემი ოცუელიდან გაიპარა წუხელ ერთი, — ყრულ თქვა გიგაურმა და წამოდგა. იგი თავის თავზე იყო გაბრაზებული და აღელვებისაგან ადგილს ვერ პოულობდა. შიმშილს, რომელსაც სულ ცოტა ხნის წინ მწვავედ განიცდიდა, ახლა სულაც არ გრძნობდა.

— ვიცი, — თქვა კაბანოვი, — შენ როგორ მოგივიდა ეს?

გიორგის საშინელი გულისცემა აუვარდა, რადგან კაბანოვის საყვედურს ტყვიის მოხვედრა ერჩია.

— მეორედ მოგივათ ეს და სამშობლოს ღალატში დაგედებათ ბრალი! — ჩაესმა გიგაურს და უმალ გამოერკვა. ვინა თქვა ეს? კაბანოვის გვერდით ათასეულის კომისარი სტრეპიხევევი წამოდგარა და მგონი თითსაც კი უქნევს. გიორგი ბუნდოვნად ხედავს ამას, რადგან თვალეში ჩამდგარ ცრემლებს მისთვის მზერა დაუწილავს. სტრეპიხევევი თანდათან დაემსგავსა სტრეპიხევეს, — გიგაურმა თვალეში მოიფშვინტა. სისხლი შემოაწვა სახეზე.

— ამას როგორ დამიმტკიცებთ? — ბოღმა ყელში ჰქონდა გაჩხერილი და ამიტომ ძლივს გასაგონად გამოცრა ეს სიტყვები.

— დაგხვრეტ!

კაბანოვს ჩუმი სიცილი აუვარდა. ამ სიცილმა გიორგი ერთბაშად მოაღბო...

გიორგი ბლინდაჟში იწვა, თვლემდა და, ბურანში წასული, ელისოზე ფიქრობდა. იგი დარწმუნებული იყო, რომ ელისოს ვერადროს ვედარ შეხვდებოდა, მაგრამ ამ ბოლო დროს ძალიან ხშირად ფიქრობდა მასზე. ეს ფიქრი შიმშილსაც ავიწყებდა, ძალასა და მხნეობას მატებდა, მშვიდობით დაბრუნების რწმენას უძლიერებდა.

ბუხარში მოგიზგიზე ცეცხლის ტკაცატკუცი მშვენიერ მუსიკად ესმოდა. ოდნავ წამოიწია და კედელზე ამოძრავებული ჩრდილებით მიხვდა, რომ ბლინდაჟში სხვებიც იყვნენ. მაგრამ არავის გამოხმაურებია, ისევ გაიშლართა და კვლავ ელისოზე ფიქრებს მიეცა: „გამოქანდებოდა კია ჩემსკენ? იქნებ აღარც კი... ყველაფერი გადის — სიყვარულიც. მაგრამ შიმშილი რომ არ გადის? თუმცა ეგვეც გადის... მკვდარს არ შია! ელისო, რომ იცოდე ახლა რა დღეში ვარ, ჩემსკენ გამოქანდებოდი. ვითომ? მარტო შიმშილს — ჭამის მოთხოვნილებას — ალბათ აიტანდა კაცი, რომ სხეულთან ერთად ნებისყოფა და აზროვნება არ სუსტდებოდეს. გამაგრდი, გიგაურო, თურმე საინჟინრო ათასეული გამალებით მუ-

შაობს უღელტეხილის გასაწმენდად და ამ ორ დღეში პურ-მარილს გვპირდებიან. ვაშა! ელისო, გუშინ ერთმა თვითმფრინავმა გადმოგვიყარა პურები, ბევრი, ძალიან ბევრი მთელ-მთელი პური. ერთი მთელი პური შეეჭამე, სულ-მოუთქმელად. ვფიქრობდი, ვაი თუ ახლა ატყდეს სროლა და თუ სიკვდილია, გამძღარი მაინც მოვკვდე-თქო. ჟღისო, ძალიან მჭირია შენი თავი, მაგრამ შორსა ხარ. თუმცა არც ისე შორს... ჩემზე საშინლად იმოქმედა ერთი ჩემი ჯარისკაცის გადასვლამ იმათ მხარეზე. კარგი, დავუშვათ მოვივდა, ძალიანაც აეწვა კუჭი, იმ შეჩვენებულს. მაგრამ თავისი სამშობლო, თავისი სახლი და მშობლები არ სწყუროდა?“

შორიდან „კარმენის“ უვერტიურის მხნე მელოდია ჩაესმა. გაცოცდა, თვლები გაახილა და სმენა დაძაბა. „ნამდვილად მეჩვენება. ცუდადაა ჩემი საქმე, ალბათ ჰალუცინაციები დამეწყო“,—გაიფიქრა, მაგრამ ნაცნობი მუსიკის ხმა ახლა უფრო გარკვევით მოესმა. წამოდგა და ჯარისკაცებს გაკვირვებით შეხედდა.

— ახლავე გავიგებ რაშია საქმე, ამხანაგო ლეიტენანტო, — თქვა ზამთარაძემ და ბლინდაეიდან გავიდა.

„კარმენის“ უვერტიურას შობენის ნაცნობი ნოქტიურნი მოჰყვა და გიორგის ისედაც მოშლილი ნერვული სისტემა მთლად აუფორიაქა. მას ძალიან უყვარდა შობენი და ამ ჰანგებმა ბევრი რამ გაახსენა, მშვიდობიანობის დროინდელი. ყელში ძალუმად მოაწვა ბოღმა და პირველად თავის სიცოცხლეში მწვავედ დაეუფლა ფიქრები სიკვდილზე.

— როგორ ხარ, ამხანაგებო?—უჩვეულოდ ხმამაღლა ჰკითხა ჯარისკაცებს.

— არც ისე ცუდად. აი, ზეგ საჭმელიც მოგვივა და სულ კარგად ვიქნებით,—თქვა მანოშინმა.

— მომკლა ქამარზე ნახვრეტების კეთებამ. ებრაელების მაცას ჰვავს ახლა ჩემი სარტყელი, — თქვა საჩანელმა.

— შენ ქამარს ატარებ თუ?—სერიოზულად გაიკვირვა ბოგვერაძემ.

— ვითომ რაშიაო საქმე? — იკითხა საჩანელმა.

— ჭიკაძეებსაც არც შენ გატყვია წელი და...—მხრები აიჩეჩა ბოგვერაძემ.

— უყურეთ ერთი ამ გლახას, — გაბრაზდა საჩანელი, — შენ გერმანელების ტანკი ხომ არ გგონივარ?!

ბლინდაეში ხარხარი ატყდა.

— მაცა გემრიელი საჭმელია,—ჩაილაპარაკა ვილაძამ.

ბლინდაეში შემოსულ ზამთარაძეს ქარი და თოვლი შემოჰყვა.

— რეპროდუქტორი გამოდგეს, კონცერტს გადმოსცემენ ჩვენთვის, — სიცილით თქვა მან.

— ერთი სიმღერა უნდა დოუკვეთო ფრიცის რადიოკომიტეტს,—თქვა ბოგვერაძემ და წამოდგა.

— დააკვირდი, სად დგას რეპროდუქტორი,—უთხრა გიორგიმ და სმენა დაძაბა: შორიდან კვლავ ისმოდა რაღაც მელოდია. მერე ფიქრებმა და ბუხრის საამო გუგუნმა თანდათან დაფარა მუსიკის ხმები.

გიორგის რატომღაც ერთი ძველი ამბავი გაახსენდა. ოთხი წლის წინანდელი. იმ წელს შევიდა უნივერსიტეტში. ის წელიწადი იმითაც იყო სამახსოვრო, რომ ახალი ბინა მიიღეს ვაკეში. ლექციებიდან დაბრუნდა და გაუთავებელ კი-



ბებებს აუყვამე მეხუთე სართულისაკენ. მარდად არბოდა, თითქმის მისულიც კი იყო შინა, რომ უცებ მონუსხულივით შედგა: კიბეებზე კარის მეზობელი — ძია დიმიტრი დაინახა, აკვანზე როგორღაც უცნაურად გადამხობილი. სწრაფად მიიჭრა. ძია დიმიტრი უჩვეულოდ, გაუგებრად სუნთქავდა და მისი თვალები სადღაც სხვაგან იხედებოდნენ. საშინლად შეშინებულმა, ძია დიმიტრის წამოყენება სცადა, მაგრამ აკვანზე ჩვარივით გადაკიდებული სხეული მოულოდნელად ძალიან მძიმე აღმოჩნდა.

ჯერ ერთ ზარს ეცა, მერე—მეორეს. დედაც გამოვიდა ზარის ხმაზე და ძია დიმიტრის ახალგაზრდა, ლამაზი ცოლი თინაც. ატყდა ერთი ჩოჩქოლი და წივილ-კივილი, მაგრამ სანამ რაიმეს იღონებდნენ, ძია დიმიტრი იმ აკვანს დააკვდა, რომელიც თავისი თოთო ბიჭისთვის მიჰქონდა.

— დამანახეთ, ჩემი მკვდარი შვილი მაჩვენეთ, — ცივი ხმით გაჰკიოდა ბებია მარო — ძია დიმიტრის დედა, თან ჩამიჩივით დამჰქნარ ხელებს ჰაერში ასაქსავებდა.

„ცოცხალს ვეღარ ხედავდი და მკვდარს აბა როგორ დაგანახებენ...“ — გაიფიქრა მაშინ გიორგიმ. ბებია მარო სიბერეში დაბრმავდა.

— აი, ეს არის ჩვენი წუთისოფლის დიალექტიკის შესანიშნავი ილუსტრაცია... ერთი წავა და სხვა მოვა, ესე იგი ცხოვრება გრძელდება! ასეთია ამჟვეყნიური კანონზომიერება, ასე ვთქვათ, ცხოვრების ესტაფეტა, — თქვა მაღალმა, გამხდარმა მეზობელმა, რომელიც ფილოსოფიის კათედრის გამგელ მუშაობდა პედაგოგიურ ინსტიტუტში... — ნუ სტირით, თორემ ზედმეტმა ნერვიულობამ ძუძუს გაშრობა იცის. — უთხრა მან თინას.

— რაღად უნდა აწი ძუძუები თინიკოს? — ჩაილაპარაკა მეორე მეზობელმა კაცმა, რომელიც შინ ძალზე იშვიათად იყო, — მეტ დროს ფსიქიატრიულ საავადმყოფოში ატარებდა.

...რატომ გაახსენდა ეს ძველი ამბავი?

ბებია მაროს კივილი ახლაც ყუმბარასავით უწიოდა ყურებში.

„რა საშინილება იქნება, რომ თუნდაც მხოლოდ დღეს დახოცილთა ჭირისუფლებმა აქ მოიყარონ თავი და ჩვენებურად, მოთქმით დაიტვირონ შვილები, ძმები, ქმრები, სატრფოები...“ — იფიქრა გიორგიმ.

რატომ გაახსენდა ეს ძველი ამბავი?

ეს ამბავი ამასწინანდელმა შემთხვევამ მოაგონა.

...ნაწილი მაშინ მეორე ეშელონში იდგა. უკვე ერთი კვირა გადაუღებლივ წვიმდა და შემოღოამის ამ უსიამოვნო დღეებში გიორგის ეჩვივებოდა, რომ თითქოს ჰაერის მაგიერ წვიმის უხილავ, სველ ბუსუსებს ისუნთქავდა ფილტვებში. წვიმამ და ნესტმა მიწა, გასუნებული ბუჩქნარი და გაძვალტყავებული ხეები ერთიანად დაალობო და აღამიანების განწყობილებასაც და გუნებასაც წყალი შეუყინა და როგორღაც დაანესტიანა. კაპიონენიან საწვიმრებში გამოწყობილი, წვიმის ნაცრისფერ ბურუსში მოჩვენებებივით დადიოდნენ, ლაპარაკიც კი ეზარებოდათ. ერთადერთი კაცი, რომელსაც ავადარმა ვერაფერი დააკლო, ამმეთაჟრი საჩანელი იყო. „უზარმაზარი პიროვნებაა, — თქვა ვიღაცამ, — ცულ ამინდშიც კარგ ხსიათზეა“.

გიორგი უგუნებოდ იყო, თანაც მკბენარები აწუხებდნენ. გადაწყვიტა მახლობელ სოფელში წასულიყო და იქ ტანი დაეხანა. ტყეში შეფარებულ ამ პატარა სოფელს უცნაური სახელი ერქვა — რეჟეტი. გიორგიმ განაპირა ქოხის კარზე დააკაკუნა. ერთხანს არაფერს გაეპასუხა. მერე კარი შავ თავშალში გახვეულმა, სანთელივით დალეულმა მოხუცმა ქალმა გააღო.

— რა გნებავს, შვილო?—ჩემად ჰკითხა მან.

გიორგის ვაენარდა ამ სათნო დედაბრის დანახვა. ახალგაზრდა ქალს ალბათ ვერც კი ვაუბედავდა იმის თქმას, რაც ახლა უთხრა დედაბერს:

— დედი, შეგიძლიათ წყალი გამითბოთ ტანის დასაბანად?

მოხუცი ერთხანს გარიწყებული იყო და გაცრეცილი თვალებით ლეიტენანტს აკვირდებოდა. მერე ერთბაშად აწრიალდა, თითქოს წელშიც კი გაიძარბა და კარი ფართოდ გააღო.

— ტანის დაბანა გინდა, შვილო? კი, კი, რატომაც არა. მობრძანდი, გეთაყვა, შემოდი, ნუ გერიდება,—სხაპასხუბით ალაპარაკდა და წინკარში შეუძღვა.

— აი, ჩამოჯექი, შვილო. მოისვენე. წყალს ახლავე გაგიცხვლებ, არაა ეგ ძნელი საქმე. მე, შვილო, ვაჟი მყავს ფრონტზე, აი, ის, ჩემი ტოლინკა. — მიუთითა სურათზე.

გიორგის მთელ ტანში საამოდ დაუარა გაკრიალებული ოთახის სითბომ და ოჯახურმა მყუდროებამ. უეცრად მოითენთა, დუნედ დაეშვა სკამზე, ფეხები წინ გაიშვირა და მორიდებით გაიზმორა. მერე თვალები დახუჭა და ამ უცნობი, კეთილი რუსული ქოხიდან ფიქრებმა მშობლიური ქალაქისაკენ გაიტაცა, თავისი ბინა წარმოუდგა თვალწინ და გულზე მწვავე ნალექი შემოაწვა.

— მოისვენე, შვილო, დაასვენე გატანჯული სხეული. საკინძე შეიხსენი, ჩემებში გაიხადე. აი, ჩემი ტოლინკაც შენი ხნისაა. სად არის ახლა ნეტავი, იმას ენაცვალოს დედა,—შეუჩერებლად ლაპარაკობდა დედაბერი. მერე ფარდის იქით გავიდა, ოთახის ერთ კუთხეში. იქიდან ჩუმი ლაპარაკი მოისმა,—დედაბერი ვიღაცას ეჩურჩულებოდა. მერე ფარდა ოდნავ გაიწია და თეთრწყვრა მოხუცი გამოვიდა. გიორგიმ წამოდგომა დააპირა, მაგრამ მოხუცმა არ აცალა—მხარზე დაადო ხელი და უთხრა:

— არ გინდა, შვილო, ნუ დგები. ისედაც ფეხზე დგას მთელი ქვეყანა. დიდი უბედურება დაგვატყდა თავს, დიდი უბედურება!

მოხუცმა მძიმედ ამოინუნუნა, კიდევ თქვა „დიდი უბედურებაო“ და წინკარში გავიდა. გიორგის თითქოს ენა წაერთვა, ხმა ვერ ამოიღო.—მოხუცს ნამტირალევი სახე და უსაზღვროდ სევდიანი თვალები ჰქონდა.

წინკარში რაღაც ახრიგინდა, ალბათ ქვაბი, როფი, თუ ტაშტი... მერე ხმაური შორიდან მოისმა, რადგან გიორგი ერთბაშად ძიღმა წაიღო.

თვალები რომ გაახილა, ოთახში უკვე საკმაოდ ბნელოდა. შუაგულში ვეებერთელა როფი იდგა, იქვე ტაბურეტზე ეწყო სარეცხის საპნის დიდი ნაჭერი და ნეჭა.

—კარგად გეძინა, შვილო. ძილი კარგია, სხეულს ძალღონით ავსებს,—თქვა ფარდიდან გამოსულმა დედაბერმა და რატომღაც პირჯვარი გადაიწერა.

— ბევრი მძინებია, — უხერხულად იგრძნო თავი გიორგიმ.

— არც იმდენი. — თქვა ბერიკაცმა. — სადღა გაქვთ ახლა ძილის დრო... მოდი, შვილო, ქვაბი შემომატანინე...

სასიამოვნოდ ცხელმა წყალმა როფში მჯდარი გიორგი ერთიანად მოადუნა, ძარღვებში სისხლმა თბილად იწყო ღინება და რომ არ ჩასძინებოდა, გამალებით ისვამდა საპონს და მაგრად იხეხავდა ტანს ნეჭით. ბერიკაცი უხმოდ ასხამდა წყალს და აღერსიან. თანაც სევდიან მზერას არ ამორებდა. თბილმა წყალმა მაინც თავისი ქნა.—გიორგი ისევ ბურანში ვაენავა. სანეტარო თვლემაში გამუდმებით ესმოდა რაღაც ძალზე შორეული ლაპარაკი, მაგრამ ვერ გაერჩია—სიზმარი იყო ეს, თუ ცხადი.



— ზურგი შენ დაუზილე, კუზმა. მე ღონე არ მეყოფა. — თქვა დედაბებმა და გასაპნული ნეჭა ბერკაცს გადასცა. — აი, ახლა ჩვენ ტოლინკასაც თუ ჰბანს ტანს ვინმე მაღლიანი.

— იყუჩე, დედაკაცო, არ გაეღვიძოს.

— არა, მე ჩუმად ვლაპარაკობ. ალბათ ისიც ამასავით მოქანტულია და უძინარი, იქნებ სულაც მშიერ-მწყურვალაია, ან იქნებ დაჭრილიც კია, ის უბედური.

— წყალი დამისხი, დედაკაცო, ენად ნუ გადაიქეცი. აი, ასე. ცოტა ბლომად ასხი, ნუ გეშინია. მღუღარე ბევრი გვაქვს.

— აბა რილასი უნდა მეშინოდეს, გათავდა ჩემი ცხოვრება.

ბერკაცმა ამოიხსრა და ძალიან თბილად და ნაღვლიანად უთხრა თავის მეუღლეს:

— ჰო, მაშენკა, მართალი ხარ: გათავდა ჩვენი ცხოვრება.

გიორგი ამ ბოლო სიტყვებმა გამოაფხიზლა. „ვისი ცხოვრება გათავდა?“ — თავის თავს ჰკითხა და თვალები გაახილა, თან ისე გააქნია თავი, ამოყვინთვისას რომ იცის კაცმა.

— აი, თავიც მოვრჩით. რამე ხომ არ გატკინე, შეილო, ასე უეცრად რომ გამოგეღვიძა? — ჰკითხა დედაბებმა.

— არა, დედი.

დედაბერი თავს ადგა, დაკაბიწებულნი, ძარღვიანი, სველი ხელებით როფს დაყრდნობოდა. გიორგი სულ გამოფხიზლდა და გაუკვირდა — ორც უცხო ადამიანის წინაშე ასე ურცხვად რომ იჯდა, გამიშვლებული, წყლით სავსე როფში. მაგრამ სირცხვილი და უხერხულობა ტალღასავით მოზღვავებულმა აუწყრელმა სითბომ, ნეტარებამ და ამ მოხუცებისადმი მაღლიერებისა და სიყვარულის გრძნობამ წაღეკა. გაახსენდა ბავშვობის წლები, წყლით სავსე აბაზანა და ხელებგასაპნული დედა, და თვალები დახუჭა.

— თვალები ხომ არ გეწვის, შეილო? ძალიან ვეცადე საბონი არ ჩაგსვლოდა, — უთხრა დედაბებმა. აკი დედაც ასე ეუბნებოდა: „თვალეები მაგრად დახუჭე, თორემ საბონი ჩავივიაო“.

გიორგის ყელში მოებჯინა ამ მწვავე მოგონებით გამოწვეული სევდა თუ ამ ხალხისადმი მაღლიერების გრძნობა... ფრთხილად დასწვდა დედაბერის მიწვეულ, ნაჯაფი ხელის მტევანს და რამდენჯერმე აკოცა. დედაბერი უხერხულად შეიმშუშნა და ხელის დამალვაც კი სცადა წინსაფარში.

— რა იყო, შეილო? აბა, რა არის აქ სამადლობლო? — ხმადაბლა თქვა მან.

— გაკოცოს, მაშენკა, გაკოცოს მაგ ხელებზე. მაღლობა რა შუაშია! ეს დარდიანი გულის კივილია, მისცეს გამოსავალი მწარე ფიქრებს, — უთხრა ბერკაცმა.

დედაბებმა ზეწარი მიაწოდა გიორგის. — „ტანი ამით შეიმშრალეო“ და წინკარში გავიდა. გიორგი ტანს იმშრალებდა და თავში მოხუცის სიტყვები უტრიალებდა: „ეს დარდიანი გულის კივილია...“ მართლაც, ერთბაშად მოეშვა გულზე, დედაბერს ხელი რომ დაუკოცნა. ბერკაცი არც ახლა ეშვებოდა. — ზურგის შემშრალებაში ეხმარებოდა, თან თავისთვის რაღაცას ბუტბუტებდა.

— ესეც ასე, მოვრჩით, — თქვა მან ბოლოს.

გიორგიმ სუფთა ტანსაცმელი აიღო და ფარდას მოეფარა.

ჭერიდან ჩამოშვებულ თოკებზე დაკიდებულ, ყუთის მსგავს აკვანში ბავში იწვა. ბნელოდა და გიორგიმ კარგად ვერ გაარჩია მისი სახე, ის კი შეამჩნია, რომ თვალეები დახუჭული ჰქონდა, ალბათ ეძინა. ფრთხილად დაიწყო ჩაკმა. მაგრამ სწორედ მეტისმეტი სიფრთხილის გამო ქამარი გაუვარდა და ხმა-



ურით დავარდა იატაკზე. გიორგი შეერთა და ფრთხილად გადადგა ნაბიჯი რის ასაღებად.

— მაგას არ გაელვძიება,— თქვა ბერიკაცმა და აკვანთან მივიდა.

— შვილიშვილია?

მოხუცმა თავი დაუქნია, თმაზე ხელი გადაუსვა ბავშვს, მერე დაიხარა და შუბლზე აკოცა.

—ო, რა საშინლად ცხელი იყო, პირდაპირ ცეცხლი ეკიდა. ახლა კი ყინულივითაა, საცოდავი...

— ავად არის?

— იყო, შვილო, იყო. ახლა კი მორჩა, ყველაფერს მორჩა ჩემი უკანასკნელი ნუგეში, ჩემი იმედი. — მოხუცს ხმა ჩაუწყდა, მხრები აუტოკდა და აქვითინდა. დედაბერი შემოვიდა და ბერიკაცს დამშვიდება დაუწყო, მხრებზე უთათუნებდა ხელებს, თან ეჩურჩულებოდა:

— იტირე, კუზმა, იტირე, ჩვენი საბრალო ბიჭუნა. ცრემლი კარგია, კუზმა, ბოდმას გულს არ ვაახეთქინებს. ტოლინკას რა პასუხი გავცეთ, ბებერო? ვერ მოვუარეთ მის პირმშოს, დედამისთან წავიდა, საბრალო...

გიორგი თავზარდაცემული შეჰყურებდა დარდით წელმოწყვეტილ მოხუცებს. „გათავდა ჩვენი ცხოვრება“, — გაუელვა თავში ბერიკაცის ნათქვამმა. „აი, თურმე ვისი ცხოვრება გათავებულა: სამივესი, ამ კარგი, შურუნველი ქოხისა“.

დიდხანს ტიროდა ბერიკაცი და დიდხანს ამშვიდებდა დედაბერი. მერე ერთბაშად შეწყვიტა ქვითინი. ქალმა ხელებით მოსწმინდა ცრემლიანი თვალები, ბავშვს ზეწარი გაუსწორა და სკამზე ჩამოჯდა, გულზე ხელები დაიკრიფა. დასხდნენ ბერიკაციცა და გიორგიც და ოთახში სამარისებურმა სიჩუმემ დაისადგურა. მხოლოდ შორიდან ისმოდა ზარბაზნების ქუხილი და ტყვიამფრქვევის კაკანი.

გიორგი არასდროს არ მჯდარა პანაშვიდზე ჭირსუფალთა გვერდით. ყოველთვის უჭირდა მისამძიმრება, ეზოში ან ქუჩაში მოითავებდა ხოლმე პანაშვიდს. მაშინაც კი, როდესაც სამხედრო სასწავლებელში გაწვევის წინ მამიდა გარდაეცვალა, პანაშვიდები მეტწილად დერეფანში გაატარა. ახლა კი, შესფოთებული და სევდიანი, მდუმარედ იჯდა მოხუცი ცოლ-ქმრის გვერდით. გრძნობდა, რომ მისი აქ ყოფნა აუცილებელი იყო და სიმებიანი ორკესტრის სამგლოვიარო მელოდიის ნაცვლად ომის სიმფონიის შორეული გუგუნე უფორიამებდა ისედაც აშლილ ფიქრებს. „რა უცნაური და უაზრო პანაშვიდია, საწყალი ბავშვი, ესეც ხომ ომის მსხვერპლია...“

— ვერც ექიმს მივაგენით და ვერც წამალს, ოთხ დღეში დალია სული, — თქვა დედაბერმა და ცრემლი მოიწმინდა.

მეორე დღით გიორგი ძალიან ადრე მიადგა ქოხს. მას ასეულის მეთაური ცილიანსკი და რამდენიმე მებრძოლი მოჰყვნენ. ცილიანსკიმ ორდენებისა და ჭედლების გაკეთება უბრძანა ბავშვის დასაფლავებაზე წამსვლელებს და თვითონაც გადაიხნია ახალ გიმნასტურზე წითელი ვარსკვლავის ორდენი და სამი მედალი. ალბათ ამიტომაც უთხრა ასმეთაურმა გიორგის: „შენ, გიგაურო, კარგი ბიჭები შეარჩიე იქ წასაყვანად, კარგი გამორჩეული ბიჭები, ვისაც რაღაცა აქვს მკერდზე დასაბნევი, და უჩემოდ არ წახვიდეთ“.

კარგა ხანს იდგნენ ბავშვის აკვანთან, საპატიო ყარაულში გარინდებულეები და სახეებზე უზომო მწუხარება აღბეჭდვოდათ. საჩანელი დროადრო თავს მიაბრუნებდა და ცრემლით სავსე თვალებს იწმენდდა მუჭით. გიორგის ნაღველი ყელს უკაწრავდა და საჩანელს ცრემლები რომ დაუნახა, თვითონაც



ატირდა. მხერადანისლულს ეჩვენებოდა, თითქოს ამ ერთ ღამეში მოხუცები კიდევ უფრო დააბატარებულნიყვნენ. ბერიკაცი გამშრალი, მადლიერი თვალებით შეჰყურებდა ორდენოსან და მედალოსან მებრძოლებსა და ოფიცრებს და თავის მტირალ დედაბერს მხარზე უსვამდა ხელს. „ხედავ, რა პატივი დაგვდეს...“—წამდაუწუმ ეუბნებოდა ცოლს.

— გიგაურო, შენ აქ ჰირსულფალივით ხარ; შევეუდგეთ საქმეს,—გადაუჩურჩულა ციმილიანსკიმ.

გიორგი მოხუცებთან მივიდა და მათ შორის დაჯდა.

— სად დავასაფლაოთ? — ყრუდ იკითხა გიორგიმ.

— მე უკვე დანიშნული მაქვს ადგილი,—თქვა ბერიკაცმა.

გარეთ გავიდნენ და საქმეს შეუდგნენ. მიწა სველი იყო და საფლავი ადვილად ითხრებოდა, ეს პატარა საფლავი.

ქოხში რომ შებრუნდნენ, გიორგიმ ჩუმად იკითხა:

— კუბო?

ბერიკაცმა თავი გადააქნია.

— ამ აკვანში დავასაფლაოთ. კუბოს სად იშოვნის ახლა კაცი?

დედაბერმა წინკარიდან ფიცარი შემოიტანა და თქვა:

— თავზე ეს დავაჭედოთ.

— ეს აკვანი მაინც აღარ არის საკურო. წერტილი დაესვა ჩვენს ოჯახს, მაშენკა, გათავდა ჩვენი ცხოვრება.

— ცოდვას რატომ ჩადიხარ, ბებერო. წერტილი რას მიქვია! ტოლინკას ცოცხლად მარხავ?!

ბავშვის ცხედარი გარეთ გაიტანეს და საფლავთან, მიწაზე დაასვენეს. ბურუსი დაბლა ჩამოწოლილიყო და მთაზე შეფენილი ტყის კენწეროები ნისლის ზღვაში გაფანტულ კუნძულებს ჰგავდნენ. წერილად წვიმდა. ბავშვს წამწამებზე წვიმის ბუსუსები ცრემლივით უბრწყინავდა. „რა პატარაა და უკანასკნელად აწვიმს“, — გაიფიქრა გიორგიმ და თავისი თბილისელი მეზობელი — ფილოსოფიის კათედრის გამგე გაახსენდა, რომელსაც მაღალფარდოვანი ლაპარაკი უყვარდა, განსაკუთრებით პანაშვილებსა და გასვენებებზე, „ამქვეყნიურ კანონზომიერებაზე, ასე ვთქვათ, ცხოვრების ესტაფეტაზე“. ესეც შენი ესტაფეტა...

— გათავდა ჩვენი ცხოვრება,—ისევ თქვა ბერიკაცმა.

ყუთს ფიცარი დააჭედეს და საფლავში ჩაუშვეს, მერე სველი მიწა დააყარეს, მუხლებზე დამხობილი დედაბერი მწარედ ქვითინებდა და სუსტ ხელებს მიწას ურტყამდა. საიქიოდან გამოჰყეტილი თვალის—პატარა სამარის ადგილას მომცრო ზორცვი გაჩნდა, რომელთანაც წამით კვლავ ქანდაკებებივით გაქვავდნენ მებრძოლები. მერე ავტომატები და პისტოლეტები აღმართეს ღმერთისაკენ და ისროლეს. ბერიკაცი ატირდა.

საჩანელმა ფირფიცრის ნაჭერი მოიტანა წინკარიდან, რომელზეც გიორგიმ დაწერა: „აქ განისვენებს საბჭოთა მეომრის ვაჟი გოვა, რომელმაც სულ 3 წელი იცოცხლა“. მერე ეს ნაჭერი პატარა სოლზე დააჭედეს და საფლავის თავზე დაასვეს.

გაახსენდა, რომ ციმილიანსკიმ ხელით მოსინჯა სოლი,—მისი სიმაგრე შეამოწმა: „რა მნიშვნელობა აქვს ახლა ამას?“ — გაიფიქრა მაშინ გიორგიმ და თითქოს მისი აზრის საპასუხოდ ასმეთაურმა თქვა: „საკუროთა მამამისის დაბრუნებამდე მაინც იდგეს და არ წაიქცეს“.

„ეს ფიცარი შეიძლება მართლაც არ წაიქცეს, მაგრამ ეს მოხუცები?...“ — გაუელვა თავში გიორგის.

გარედან ავტომატის გაბმული სროლა მოისმა და მცირე ხნის შემდეგ ბლინდაჟში ბოგვერადე შემოვარდა ტყვიასავით. მეტისმეტად აღელვებული იყო. ერთხანს ენაც კი ვერ ამოიღო, მერე დაიყვირა:

— ის შობელძალდი გამოუშვენ რადიოში! ვესროლე...

ყველანი გარეთ გავიდნენ. რეპროდუქტორიდან ისმოდა ლეიტენანტ გიგაურის ყოფილი ჯარისკაცის ხმა: „...მოგმართავთ თქვენი ყოფილი მერიცე, ამჟამად ძლევაძისილი ჰიტლერის არმიის ეფრეიტორი. სულ მეორე დღეა, რაც თავი დავაღწიე წითელი კომისრების ბორკილებს და თავისუფლება მივიღე. თავისუფლება კი ადამიანისათვის ყველაზე დიდი ბედნიერებაა. ძვირფასო ყოფილო თანამებრძოლებო, თქვენ შიმშილობთ და გცივათ, ისევე, როგორც გუშინწინ მე მშოიდა და მციოდა. ომი რუსეთმა უკვე წააგო. ნუ ჩადიხართ უაზრობას, ტყუილად ნუ წირავთ კომუნისტებს თქვენს სიცოცხლეს. მისმინეთ, მისმინეთ! ჰიტლერის არმიის რიგებში მე პირველ დღესვე დამაწინაურეს და ამჟამად ეფრეიტორის წოდებას ვატარებ. გავა სულ მცირე დრო და ახალ ჩინს მომანიჭებენ. ამავე დროს, განსაკუთრებით აღსანიშნავია, რომ ჯარისკაცს ესპერიობა ყურადღება. მზრუნველობა, საჭმელი, სასმელი და თბილი ტანისამოსი ამ ცივ ზამთარში. მე აქ გარემოცული ვარ დიდი მზრუნველობით, მივირთმევ თეთრ პურსა და ცხელ კერძებს, ესვამ არაყსა და კონიაკს, მაცვია ახალთახალი თბილი ტანსაცმელი და ფეხსაცმელი. ხვალ ერთი თვით კურორტზე მაგზავნიან დასასვენებლად. სადაც ძალიან ბევრი ღამაში ქაიღიშვილია. ისინი ჰიტლერის ვერმახტის ჯარისკაცთა სასიყვარულოდ და საამებლად არიან გაჩენილი. გესმით მე-2 ათასეულის მე-9 ასეულის მე-3 მსროლელი ოცეულის ჯარისკაცებო? მე ხომ კარგად ვიცი, რომ თქვენ შიმშილით იხოცებით. ნუ იკლავთ თავს, გადმოდით ჩვენს მხარეზე. თქვენ აქ მოგელით დიდება და პატივი, თქვენ აქ მოგელით მშვენიერი ცხოვრება. გადმოდით ჩვენს მხარეზე. გესმით, ნიკო, საჩანელო, მანოშინო, ბოგვერადე... თქვენ ხომ გშიათ? ჰაილ, ჰიტლერ!“

გიგაური თითქოს გავარვარებულ თონეში გადაეყუდა.—სახეზე აღმური შოედო. თავის მებრძოლებს გადახედა: სანგარში ყველა გაქვავებული იდგა.

— რა ბრტყელი ლაპარაკი უსწავლებათაა ერთ დღეში.—თქვა ვილაცამ.

— ო, რას გავაბრტყლებდი მაგ ურწმუნოს.—თქვა ნიკომ. მერე ხელები რუპორივით შემოიწყო პირზე და ხმამაღლა გასძახა:

— მშოია, მშოია, შენი დედა... ხელში ჩამივარდებოდე, მაშინ გიჩვენებდი როგორცა მშოია.

—მე საჩანელი ვარ, საჩანელი, გესმის? — აყვირდა ათმეთაური.—გამოდი ერთი, თუ ვაჟკაცი ხარ. შე გაჭირებულო: გამოდი. შე თეთრი პურით გაბერილო, დამეჭიდე ამ დასუსტებულ კაცს.

— როგორ თხასავით გაგვიცა ამ ურჯულომ.—თქვა ზამთარაძემ და სანგრის კედელს მიეყრდნო.

— ნუ ყვრით, ბიჭებო, დასუსტდებით.—თქვა მანოშინმა.

— რეპროდუქტორი თუ ჩანს?—იკითხა გიგაურმა.

— მე ჩევინიშნე, ამხანაგო ლეიტენანტო.—უპასუხა ბოგვერადემ.—აი, ეგერ ბრტყე მეჩხერ ტყეს ხომ უმზერთ. მარჯვნივ, იმ დიდ წაბლზე ყვავის ბუდესავით გამოჩანს.

— უნდა მოვშალოთ! — თქვა გიორგიმ და ხელის ტყვიამფრქვევს მიუღდა.



ერთხანს უმიზნა და მერე მოკლე ჯერი დაცალა. სხვებმა შაშხანები დაუტრეს, მაგრამ როგორც კი მიწყდებოდა სროლა, რეპროდუქტორიდან ისევ ისმოდა ლაპარაკი და მუსიკა. გიორგის კაბანოვის სიტყვები მოაგონდა: „შენ ეს როგორ მოგივიდაო?“ და რეპროდუქტორის მოსპობა გადაწყვიტა.

— შენ გინდოდა, მგონი, საჩანელო, იმასთან დაჭიდება?—ჰკითხა ათმეთაურს.

— დიხაბ, ამხანაგო ლეიტენანტო! აბა რა. თავი მოგვეკრა იმ შეჩვენებულმა.

— აქედან სროლით არაფერი გამოდის. შორი მანძილია, — თქვა გიორგიმ.

— ყველაფერი გასაგებია. ორი კაცი მომეცით, — უთხრა ნიკომ.

— ერთი პლაცკარტი დაკავებულა, — იხუმრა საჩანელმა.

— მეორე მე ვიქნები. მაგას ვაყურებივთ სეირს ბოგვერაძის დაძახებია.

— მე გამიშვით, ამხანაგო ლეიტენანტო, — თქვა ზამთარაძემ, — რომ მოვევდე, იმ რადიოს მაინც მოვშლი. ეჰ, ერთი შვილი მაინც დამრჩენოდა გვარის გამგრძელებლად.

— არა, ჩემო კარგო, ასეთი გუნებით ვერ გაგიშვებ, — უთხრა გიგაურმა.

— ძალიან გთხოვთ, ამხანაგო ლეიტენანტო. მერე ლექსი მინდა დაეწეროს ამბავზე, — მუდარით სთხოვა ზამთარაძემ.

— აი, ეს მესმის... წადით! ნიკო, ფრთხილად იყავით.

ნიკომ თავი დაუქნია და მალე სამივენი სანგარის ხვეულებში გაუჩინარდნენ.

— მანოშინ, სათვალთვლო პუნქტში ვიქნები და როგორც კი ნიშანს მოგცემ, ძლიერი ცეცხლი გახსენით.

სათვალთვლო პუნქტიდან კარგად ჩანდა გაძარცვული მეჩხერი ტყე. მარჯვნივ წაბლის ხეს გაჩახხული თითებით ეჭირა შავი რეპროდუქტორი, რომელმაც მთელ სამყაროს ამცნო, რომ ლეიტენანტ გიგაურს ერთი მოლაღატე აღმოაჩნდა ოცეულში. მთელ სამყაროს ამცნო... ყოველ შემთხვევაში, ასე ეჩვენებოდა გიორგის. „შენ როგორ მოგივიდა ეს?“ — თავის გულის ძვერასთან ერთად ჩაესმოდა მაიორის სიტყვები და მისი ჩუმი ხითხითი. პაპიროსს მოუკიდა და რატომღაც ელისოს თხოვნა გაახსენდა — თამბაქოს თავი დაანებეო. მაგარი ნაფაზი დაარტყა და ხმამაღლა თქვა:

— დავანებებ თავს, თუ ახლა ყველაფერი კარგად დამთავრდება.

— მე მითხარით რამე, ამხანაგო ლეიტენანტო? — იკითხა გუშაგმა.

— არა, ელისოს.

გუშაგმა გაკვირვებით აიჩეჩა მხრები.

მარჯვნივ გამოჩნდნენ ნიკო, საჩანელი და ზამთარაძე. ისინი თოვლში ნავთულხლართებისაკენ მიხობხვდნენ.

— გავარდი და მანოშინს უთხარი, გახსნან ცეცხლი!

გიორგიმ ვერ შეამჩნია, როდის მოხვდა ზამთარაძეს თავში ტყვია. მხოლოდ მაშინ მიხვდა, როცა ნიკომ და საჩანელმა ზამთარაძეს ფეხებში მოკიდეს ხელები და ხოხვა-ხოხვით გამოასრიალეს უკან. „დაჭირილი ასე არ მოაქვით“, — გაიფიქრა გიორგიმ და თვალები ყინულივით ცივმა ოფლმა აუწყა. ისევ პაპიროსს მოუკიდა, ყურებიანი ქუდი მოიხადა და ოფლიანი შუბლი მოიწმინდა. „არ უნდა გამეშვა“. — გაიფიქრა და ყელში ბურთივით მოაწვა ბოლმა. „ეჰ, ერთი შვილი მაინც დამრჩენოდა გვარის გამგრძელებლად... ენამ უყვილა, სა-



ცოდავს...“. წაბლის ხეს დააკვირდა კიდევ ერთხელ: გაძვალტყავიბოლ...
ჩაჩხული თითები ცარიელი ჰქონდა. მარჯენივ, დაბარდნილ ველზე საჩანელი
და ნიკო მოხზავდნენ და მარხილივით მოასრიალებდნენ ზამთარაძეს.

მეორე დღეს ოცმეთაურის ბლინდაქში საჩანელი შემოვიდა. გიორგი ბუ-
ხართან იჯდა და ზამთარაძის ლექსების რვეულს კითხულობდა.

— შეიძლება, ამხანაგო ლეიტენანტო?—მორიდებით იკითხა საჩანელმა.
გიორგის ერთბაშად არ მოუხედავს, ლექსი ჩაათავა და მერე მიუბრუნდა
ათმეთაურს. საჩანელმა რვეულის ოთხად დაკეცილი ფურცელი გაუწოდა.

— წუხელ ლექსი დაწერე, პირველად ჩემს სიცოცხლეში. იმ შავ რადიო-
ზე, — ხმადაბლა თქვა საჩანელმა.

ლეიტენანტმა უსიტყვოდ ჩამოართვა ფურცელი და გაშალა. ხელი უკან-
კალვდა.

— ჩადეთ მის რვეულში ეს ბოლო ლექსიც, — თქვა საჩანელმა.
გიორგიმ რვეული გადაშალა და პირველ ფურცელზე მხოლოდ ახლა
ამოიკითხა ზამთარაძის მინაწერი: „ჩემს ერთადერთ შვილს, რომელიც უნდა
გაჩენილიყო და არ გაჩნდა“.

ბუხარში ნელა ქრებოდა ცეცხლი.
— საქმელი მოგვიტანეს, — სიხარულით დაიყვირა ბლინდაქში შემოჭრი-
ლმა ჯარისკაცმა.

ცამ ძლიერად დაიგრგვინა, მერე ელვამ მოტრასირე ტყვიასავით მოხაზა
ტრაექტორია და განაცრისფერებულ თოვლზე აქა-იქ შიშინით დაეცა დიდრო-
ნი წვეთები. მალე წვიმამ იმატა და ბოლოს ირიბად წამოვიდა თქეში. სათვალ-
თვალო პუნქტის ხვრელიდან ნეიტრალური ველი ძირს დაგდებულ შავ დაფას
ჰგავდა. წვიმა მორიგესავით შლიდა შემორჩენილი თოვლის პატარა კუნძუ-
ლებს, ხეთა კენწეროები დაბლა გაწოლილ ღრუბლებს წყლით გასიებულ
მუტელებს უკაწრავდნენ.

— გაზაფხული დადგა, ხეში წყალი ჩადგა, — ჩილაბარაკა ნიკომ. მერე
თავის კანტურით დაამატა: — რა სახნავი მიწა ფუჭდება... აფსუს...

— მაგასაც მოესწოები, — უთხრა გიორგიმ.
— ხისა რა მოგახსენოთ და მე კი ჩამიდგა წყალი, — თქვა საჩანელმა.

— მამ დროდადრო ხელ-ფეხი გაიწურე, — ურჩია ნიკომ.
— იმათ იკითხოვნ, თორემ მე კი მოვახერხებ ამას, — თქვა საჩანელმა და

მინდერისაკენ გაიშვირა ხელი, სადაც გერმანელთა გვამები ეყარა.

წვიმამ უეცრად გადაილო. სანგარში გავიდნენ. მანოშინს ფარაჯა წაეხურა
და, კედელზე მიყრდნობილს, ტყვიამფრქვევთან ეძინა. გიორგის ბოგვერაძე
მოავონდა: ეს იარაღი იმ ზოვრეთელი ჰაბუკისა იყო. „...მოშალეთ ი დასაღუ-
პავი ყორე, მინც ქე იქნება ჩემი ჩამოსვლის მერე მოსაშლელი“, — გაახსენდა
ბოგვერაძის სურვილი, თალიკოს რომ წერდა წერილში. „ნეტავ, როგორ
არის?“ — გაიფიქრა და ნიკოს მიუბრუნდა:

— ბოგვერაძე არც ისე მძიმედ დაიჭრა, არა?
— აბა რა გითხრათ, ამხანაგო ლეიტენანტო. დროულად თუ ჩაიყვანდნენ

საველე ჰოსპიტალში, ეშველებოდა. თორემ ბევრი სისხლი დაკარგა.
„რა ბედნიერია, იქნებ ელისოს შეხედეს“, — ფიქრა გიორგიმ და თავის თავ-
ზე გავცინა: ელისოს ნახვა ბოგვერაძისთვის აბა რა ბედნიერება იყო?
მზემ გამოიხედა. მდინარის პირზე ალვის ხეები ჩოხის მასრებივით ჩაწ-



ყობილიყვნენ. ბეჭობზე შეფენილი მეჩხერი ტყე ისე საცოდავად გაძარცულა, — აღარ გამოიყურებოდა, — მზის სხივები ახალამოფეთქილ ფოთლებზე მწვანედ ლიცილიცებდნენ.

— გახსოვთ ის წაბლის ხე? — იკითხა გიორგიმ.

— იმათი რადიოკომიტეტი?

გიორგის გაეცინა, მაგრამ უმალ მოიღუშა: ზამთარაძე გაახსენდა.

— აღარ ეკონცერტებათ, — თქვა საჩანელმა.

გერმანელებმა უკვე კარგა ხანია ფრონტის ამ უბანზე მოქმედი თითქმის მთელი ავიაცია და მძიმე არტილერია მოხსნეს და ვოლგის ნაპირზე დევგმირივით გაწოლილი ქალაქისკენ გადაისროლეს. პაერს საბჭოთა თვითმფრინავები დაეპატრონენ. მხოლოდ „ფოკე-ვულფი“ დმუოდა კვლავინდებურად — ხან ორ-სამ ბომბს ჩამოაგდებდა, ხანაც ტყვიამფრქვევს აკაკანებდა. მაგრამ გამოჩნდებოდნენ თუ არა საბჭოთა გამანადგურებლები, „ურემი“ უჩვეულო სისწრაფით ღრუბლებში ინთქმებოდა.

ასლა „ურემი“ დაბლა მოფრინავდა და სასენიტო ზარბაზნებმა და ტყვიამფრქვევებმა ცეცხლი გახსნეს.

სანგარში ათასეულის მეთაურის მეკავშირე გამოჩნდა. გიგაურს მიესალმა და კაბანოვის ბრძანება გადასცა.

— მნიშვნელოვანი თათბირია, ამხანაგო ლეიტენანტო, — თვალი ჩაუკრა მან გიორგის, მერე ყურში უთხრა დამარცვლით: — შე-ტე-ვა!

დაბინდდა თუ არა, ზურგიდან გვარდიული ნაწილი წამოვიდა და ცოტა ხანში ბლინდაყებსა და სანგრებში ხალხის ტევა არ იყო. როგორც მოსულთა, ისე ღამხედურთა შორის, შეტევის წინა ღამისთვის დამახასიათებელი ზეიმური განწყობილება სუფევდა, რადგან გვარდიელები თვეზე მეტ ხანს იყვნენ ზურგში, ხოლო მასპინძლები უზომოდ მოქანცა ვიწრო სანგრების ერთფეროვანმა ცხოვრებამ და თვალწინ გადამლილმა ერთმა და იგივე პეიზაჟმა. „დამიანმა მხოლოდ ზღვას შეუძლია უყუროს გამუდმებით“, — იფიქრა ერთხელ გიორგიმ, როდესაც სათვალთვალო ხერხიდან მტრის პოზიციას გაჰყურებდა. როგორც გუშინ, როგორც გუშინწინ, როგორც ერთი თვის წინათ ისევე მოჩანდა: მარცხნივ ხევი, პატარა მდინარე (რომელშიაც ჩინარები იბანდნენ ფეხებს), წინ — მავთულხლართები და გაშლილი მიწოდორი, მარჯვნივ — ბეჭობზე შემჯდარი მეჩხერი ტყე... „ალბათ იმიტომ, რომ ზღვამ არ იცის მოსვენება...“ — დაასკვნა მან.

გიორგიმ მთელი ღამე უძილობასთან ბრძოლაში გაატარა. თივაზე წამოწოლილმა, ერთხანს ბუხარში ცეცხლს უყურა, შემდეგ კედლისაკენ მიბრუნდა, მაგრამ ძილი მაინც არ მიეკარა. დიდხანს იტრიალა. მერე შეშინდა — სტუმარი არ გაავლიძოო. გვერდით გვარდიის ლეიტენანტი იწვა და უზრუნველად ფშვინავდა. გიორგი პაპიროსს პაპიროსზე ეწეოდა, მერე ასამდე დაიწყო თელა დინჯად... ყოველივე ამაო იყო. „ნეტავ, რა ეყოლება ელისოს, ბიჭი თუ გოგო?“ — რატომღაც გაუელვა დამძიმებულ თავში და ზამთარაძე წარმოუდგა თვალწინ: „ეჰ, ერთი შვილი მაინც დამჩინოდა გვარის გამგრძელებლად... ბიჭი თუ ეყოლა, ჩემს გვარს თუ მისცემს, ნეტავი?“ — საოცრად მოუნდა ფეხმძიმე ელისოს დანახვა, თუნდაც შორიდან. „შენც გვარის გამგრძელებელი გინდა?“ — ჰკითხა თავის თავს ბურანში წასულმა და უმალ გაახილა ფეხები, ცივმა ოფლმა დაასხა. „რა შუაშია ეს?!“ — ხმამაღლა თქვა და წამოჯდა. ბუხარში ისევ



ბუბუნებდა ცეცხლი და ბლინდაჟის კედლებზე ჰინკებოვით დახტოდნენ ღრღინებდა.

— არ გეძინება, ძმობილო? — მოულოდნელად ჰკითხა გვარდიის ლეიტენანტმა და ისიც წამოჯდა.

- ვერაფრით ვერ დავიძინე.
- პირველად მიდიხარ შეტევაზე?
- არა, ბევრჯერ ვყოფილვარ.

— მე კი პირველად მივდივარ, — ღიმილით თქვა გვარდიის ლეიტენანტმა. „იმიტომ გძინებია, ძმობილო, ასე შშვილად“, — გაიფიქრა გიორგიმ და მსაც გაეღიმა.

— ერთი თვის უკან მოვხვდი ამ ნაწილში, პირდაპირ სამხედრო სასწავლებლიდან, — თქვა გვარდიის ლეიტენანტმა.

სადღაც შორს, ზურგში, ღონივრად ამოასველეს ქვემეხებმა. გიორგიმ საათს დახედა — პატარა ისარი ექვსს უჩვენებდა.

— გათენებულა, ავდგეთ, — თქვა და წამოდგა.

გვარდიის ლეიტენანტმა დახედა საათს, შეწუხდა: „ორი წუთით ჩამორჩენილაო“, გაასწორა და მსუბუქად წამოხტა. ახალ, კარგად მორგებულ ტანსაცმელში კოხტად გამოწყობილი, ჭაბუკურად გამოიყურებოდა.

— მშობლები გყავს? — ჰკითხა გიორგიმ.

— დიახ. და კიდევ ორი და.

— მაშ შენ მშობლებს და დებს გაუმარჯოთ, დედაჩემსაც გაუმარჯოს, — თქვა გიგაურმა და არყით სავსე კარდალა მოიყუდა, მოსვა და გვარდიის ლეიტენანტს მიაწოდა.

— მშვენიერი სადღევრძელოა, — გაიღიმა გვარდიელმა, კარდალა ტუჩთან მიიტანა, მაგრამ სანამ მოსვამდა, ზემოთურად წარმოთქვა: — მაგრამ, მოდი, ჩვენი შეტევის წარმატებისა დავლიოთ...

— მაგას იქ შევსვამთ, ბრძოლის ველზე, — თქვა გიორგიმ და მხარზე დაჰკრა ხელი.

საარტილერიო მომზადება ზუსტად ერთ საათს გაგრძელდა. ირიქრაჟა. თანდათან გამოჩნდა: მარცხნივ ხევი, პატარა მდინარე, წინ — დაგლეჯილი მავთულხლართები და გაშლილი ველი, მარჯვნივ — ბექობზე შემჯდარი მეჩხერი ტყე... ოღონდ განმარტობებული წაბლის ხე ველარ დაინახა გიორგიმ — ყუმბარამ თუ მოთხარა ძირფესვიანად.

ცაში შუბილით ავარდა მწვანე მაშხალა.

— აბა, ბიჭებო, მოვემზადოთ, — ხმამაღლა თქვა გიგაურმა და თავის ოცეულს გადახედა, თან ავტომატი მოიმარჯვა და ჭამარზე დაკიდებული ხელყუმბარები მოსინჯა მექანიკურად.

წითელმა მაშხალამ ცისკრით შევერცხლილ ცის ტატნობზე მოხანა რკალი.

— წავედით, — დაიქანა გიგაურმა და სხარტად ამოხტა სანგრიდან. დაინახა, რომ მოშორებით გვარდიის ლეიტენანტი ამოუძღვა თავის მებრძოლებს და ხმამაღლა გასძახა:

— ვანია, სადილზე ჩემი სტუმარი ხარ, სადღევრძელოები უნდა გავავრძელოთ.

გერმანელებმა ძლიერი ცეცხლი შეაგებეს შეტევაზე გადასულებს.

შუაღღეზე მეჩხერ ტყეს მიაღწიეს და კაბანოვის ათასეულმა ახლა აქედან შეუტია მტერს. პირველი სანგრები ცარიელი იყო, მხოლოდ რამდენიმე მუზარადი ეგდო ძირს და თბილი საბნები და კონსერვის ცარიელი კოლოფები ეყარა ფსკერზე. სანგრების თავზე გიორგიმ სამი დაღწილი ქვემეხი დაინახა, ერთი ამოყირავებული იყო და ლულა აეშვირა ზევით ცალხელა ტყვესავით. სანგრების იქით ხშირი ტყე იწყებოდა და სწორედ იქით იხედდა მტერი გაშმაგებული სროლით. გიორგი კუნძს ამოეფარა და თავისი ოცეულის ხალხს მოხედა. რამდენიმე კაცი ვერ დაითვალა, მათ შორის ნიკო, საჩანელი და მანომინი. საშინლად წყურთდა და ამ ამბავმა სულ გაუშრო პირი, გახურებულ ტუჩებზე ისვამდა წამდაუწყებ ენას. „რა დაემართათ?“ — ერთი კი გაუელვა თავში, მაგრამ ფიქრის დრო არ იყო. წინ, ოცდაათ მეტრზე, რამდენიმე გერმანელი დაინახა — ხეებს ეფარებოდნენ და სროლით შედიოდნენ ტყის სიღრმეში. წამოიწია და ორი ხელყუმბარა ზედიზედ ტყორცნა.

სროლის ხმა უეცრად ზურგიდან მოესმა. გულმა რეჩხი უყო, მაგრამ არ მოუხედავს, ოდნავ წელში მოხრილი მირბოდა და ისროდა. უცბად თითქოს ვიღაცამ ღონიერად ჰკრა ხელი ზურგში, — უფრო სწრაფად გაიქცა. მერე მუხლები მოკვეთა, ინერციით გაირბინა კიდეც ხუთიოდე ნაბიჯი და წინ გადავარდა, გულადმა დაეცა, გახურებული პირი მიწით ავესო. უმალ თავისი ეზოს ტოლბიჭებთან დანასობანას თამაში გაახსენდა... არც ერთხელ არ უჭამია მიწა გოგის, მუდამ იმარჯვებდა და სიცილით დაჰყურებდა წაგებულთა ჯახბრობას და მოთხუპნულ სახეებს.

— აი, თურმე რა გემო ჰქონია მიწას, — ჩაილაპარაკა და გაპირვებით ამოფურთხა მიწა. მოეჩვენა, რომ ტყეში თანდათან წვეჭოდა ნისლი. „რა დროს ნისლია ამ მზიან დარში?“ — გაიფიქრა და ოდნავ წამოიწია. წინ, სულ ახლოს, გერმანელი დაინახა, რომელიც ნელა უახლოვდებოდა და პისტოლეტს უმიზნებდა. ავტომატის მომარჯვება სცადა, მაგრამ ხელები არ დაემორჩილა. „აი, ახლა მომკლავს“, — გაიფიქრა და თვალები დახუჭა. გასროლის ხმა რომ ჩაესმა, თვალები ისევ დახუჭული ჰქონდა, მერე თავი ასწია და დაინახა: გერმანელი როგორღაც უხერხულად მიეყუდა ხეს, მერე ჩამოსრიალდა, ხის ძირას მოსხლეტით დაჯდა და თავი ჩაქინდრა.

ბურანში წასულს რაღაც ლაპარაკი ჩაესმა.

— არ მოკვდე, არ მოკვდე, გამაგრდი, გიგაურო, გამაგრდი, გეთაყვა, — ეხვეწებოდა ათასეულის კომისარი სტრეპინევი.





პახვანხ ძნეიძე

სიყვარული მეძახის

წუთისოფლის სტუმარი
ვეტრფი სიტყვის მწველ სახმილს,
მარად უბერებელი
სიყვარული მეძახის.

ვკოცნი გმირთა საფლავებს.
მოწმეთ ბევრი მეხ-წარღენის. —
მამულის გადამრჩენი
სიყვარული მეძახის.

გლახიკაცის ლილინით,
სუნთქვით მწიფე ვენახის —
სამყაროსებრ უსაზღვრო
სიყვარული მეძახის.

სადაც ადამიანი
კეთილ საქმეს თესავს, მკის —
ყველგან ძლევამოსილი
სიყვარული მეძახის.

ბავშვის ტკბილი ტიკტიკი
გულში გრძნობებს ზედ მალგრის,
და ჩვილივით უმანკო
სიყვარული მეძახის.


ვაჯანსაღებ ძველ წიგნებს —
დაფურცლულებს, მტვერწყაყრილს. —
მათვენ ჩაუქრობელი
სიყვარული მეძახის.

ჯადოსნური სიმებით
იმ დიდებულ მეჩანგის, —
იგავმიუწვდომელი
სიყვარული მეძახის.

ქართლის მიწავ, გამთბობო
ჩემი ლექსის ფესვ-ძარღვის —
შენს სამკობად დიადი
სიყვარული მეძახის.

შარიშურით ნათელას
ოცნების და ლეჩაქის —
მტრობის მომგერებელი
სიყვარული მეძახის.

თუმც ნათელი დავკარგე,
ვარ მმუსვრელი მე ჯანღის,
რადგან მზისკენ სიცოცხლის
სიყვარული მეძახის.





მოგზაყრობა აქროცში

დამთავრდა ჩვენი მოგზაურობა ლოს-ანჯელოსში და ორშაბათს, ოთხ ივლისს, დღის 11 საათზე უკვე აეროპორტში ვიყავით. აქ დაეინახეთ გაფიცულ ინჟინერთა ვიკეტები აეროპორტის საღაროებთან. ვიკითხეთ რა მოხდათო და ავციხსნეს შემდეგი: ერთერთ საჰაერო კომპანიას რეაქტიულ თვითმფრინავებზე ხარჯების შემცირების მიზნით გაუუქმებია ბორტ-მექანიკოსის თანამდებობა და ეს საქმე თვით პლოტებისათვის დაუვალებია. ახლა, ბორტ-მექანიკოსთა სოლიდარობის მიზნით, გაფიცულნი ამ კომპანიის საჰაერო ინჟინრები, გადაუკლდიათ გულზე და ზურგზე პლაკატები წარწერებით: არ იყიდოთ ბილეთები ამაღამ კომპანიის საღაროში, გაფიცულია ამ კომპანიის ინჟინრებიო. ჩვენ გადავიღეთ გაფიცულ მოპიკეტეთა სურათები, გამოვესაუბრეთ მათ, რაზედაც გულმოსულმა პოლისმენმა მოპიკეტეს მკაცრად შენიშნა და უბრძანა ერთ ადგილზე წუ გაჩერდებითო.

ჩვენ მაინც არ შევეხუეთ პოლიციეს. მოპიკეტეს სამკერდე ნიშანი ვაჩუქეთ. ჩვენებური პაპირისებით გავუმასპინძლდით და „გულბანის“ ძახილით დავემშვიდობეთ.

დღის პირველ საათზე ოთხმოტორიანი რეაქტიული თვითმფრინავი შერდელივით ავარდა ცაში და კურსი ჩიკაგოსაკენ აიღო. ფანჯრიდან კარგად მოჩანდა დედამიწა და რასაც ვხედავდი, თვალებს არ ვუჯერდი. მთელი ეს სამოთხისებური ზღვის სანაპირო, სადაც მდებარეობს ლოს-ანჯელოსი და საერთოდ ეს ნაყურთხი კალიფორნია, თურმე არცთუ ისე ფართო ზოლს წარმოადგენს, ხოლო ამ ზოლის შემდეგ იწყება ყავისფრად გადარუჯული, უტყეო და უწყლო უდაბნო ცისკიდურიდან ცისკიდურამდე. თვალუწვდენი და შემზარავად მოსაწყენი. აი, ამ უდაბნო ადგილების მორწყვის პრობლემა მართლა რომ გადუტყერო ამოცანაა. ჩვენ გადავუარეთ შტატებს: უტას და კოლორადოს, რომლებიც ერთმანეთს ეჯიბრებთან უდაბნოებით. გადავფრინეთ გრან-კანიონს, რომელიც მართლაც რომ ზღაპრულ სანახაობას წარმოად-

გენს, მიუხედავად იმისა, რომ მას წარბოვდგენლად დიდი სიმალდიდან დავეყურებთ.

მხოლოდ აიოვასა და ნებრასკას შტატების ტერიტორიაზე გამოჩნდა სიმწვანე და თვით ჩიკაგოს მიდამოებში მართლა მოგვებობლა ტყის კორამებმა.

ხუთი საათის ფრენის შემდეგ დავეშვიტ აეროდრომზე. აქაც მოედნებზე მანქანათა გაუთავებელი მწყრივები და ავტოსტრადაზე ასეთივე გაუთავებელი მდინარეებაა ფერადფერადი ლიმუზინებისა.

ჩიკაგოს გარეუბნები ესაა აგურის ორსართულიანი მყუდრო შენობების გაუთავებელი მწყრივები. ტროტუარები დაჩრდილულია ცაცხეებით და სხვა დეკორატიული ხეებით. შენობები საოცრად მოვლილია და ერთმანეთს ეჯიბრებიან შნოსა და ლახათში. აქაც სახლების წინა ბაჭნები მოფენილია თითქოს თარგში აჭრილი მთლის ოთხკუთხა ხალიჩებით. ქუჩებში იშვიათად დაინახეთ გამვლელებს და უფრო ნაკლებად ბავშვებს.

გაჩერდით სასტუმრო „ჰამილტონში“, ქალაქის ცენტრში. ზედ სასტუმროს შესასვლელთან მტროპოლიტენში ჩასასვლელი, ვიწრო და უზრალ კიბეა, ისეთი როგორსაც ჩვენში აკეთებენ სახლის მეპატრონენი სარდაფში ჩასასვლელად. სასტუმროს წინ კი ამართულია ცათამბჯენები, მათ შორის თვალსა გვეკრის უქანავი ფოლადისაგან და შუშისაგან ნაგები მრავალსართულიანი შენობა, მგონი ფოლადის მრეწველობის ტრესტისა... საერთოდ უნდა ითქვას, რომ სიღამაზის მხრივ თავისი ამ ცათამბჯენებით, ქუჩებით, სანაპიროებით, მდინარით და მდებარეობით ჩიკაგო გაცილებით ლამაზია და მიმზიდველი, ვიდრე ნიუ-იორკი.

ისევ ნიუ-იორკში ვართ. ხვალ ჩვენ უნდა დავათვალიეროთ უოლსტრიტი, გაერთიანებული ერების ორგანიზაციის შენობა და ბოლოს უნდა ავიღეთ ემპაიერ სტეიტს ბილდინგის კენწეობა. ას მეთრე საართულზე.

დღეს კი, ამდენი სანახაობით გაბრუებულნი, ქუჩებში ხეტიალსაც აღარ ვაპირებთ. წამოვიყ-

დასასრული. იხ. „ცისკარი“, № 6.



ქით სასტუმროში, ჩაერთო ტელევიზორა და მოულოდნელად მართლა სასიხრო სანახობას წავაწყდით, ვადაცემდნენ ამერიკულ კიდაობას.

სანამ ეს კიდაობა მიმდინარეობდა, პარტერიდან ისმოდა განუწყვეტელი ღრიალი, ხარხარი, ტაშის გრიალი, გამამხინვეებელი შეძახილები, სტეგა და ერთი ვაი-უშეელებელი.

გადაცემის დამთავრების შემდეგ მე და ნიკოლოზმა ერთმანეთს გადავხედეთ და უნებურად მოგვაგონდა ჩვენი, უფრო სწორად ჩემი თანატოლი მოჭიდავე ნიკოლოზ ქვარიანი, რომელიც გავიწყდა მქონდა, ამერიკაში კიდაობდა ერთ დროს და ახლაც იქ არის.

— იქნება, ბიკო, ნიუ-იორკში ცხოვრობს. — ეთქვი მე და ტელეფონის წიგნაკს მივწვდი, გადავშალეთ, დავაყოფეთ თითი და ვხედავთ „ქვარიანი ნიკოლი“.

ქვარიანს მე მოწაფეობის დროს შორიასლოს ვიცნობდი. იგი ათას ცხრაას ცხრაშეტსა და ოც წლებში ქუთაისის ცირკში გამოდიოდა ხოლმე საიტილოდ და თვრამეტე წლის ქაბუკი გოლიათებს ერკინებოდა. ის, ცხადია, მამინ ჩვენი ნამდვილი კუმირი იყო და მისი სახელი ყველას პირზე ეყრა. მახსოვს, ერთხელ ვიღაც მოჭიდავის, მგონი თათარ გენჯა-ალის ბენეფისზე უნდა დაქიდებოდა ბენეფიტციანტს. საციკო ტრადიციის მიხედვით ბენეფიტციანტს აუცილებლად უნდა წაექცია მოწინააღმდეგე და ეს იმიტომ, რომ წაქცეულს რევანშზე გამოეწვია წამქცევი და საკუთარ ბენეფისზე ახლა ის დაემარცხებია. ჩვენ, რამდენიმე ამხანაგს საოცრად გვიწოდოდა დავსწრებრბით ამ კიდაობას, მაგრამ ჯიბეში გრამი არ აღმოვაჩინა. ავიღეთ და წერილი მივწერეთ ქვარიანს, აგერ იქესი მოწაფე ვლგავართ და გვიშველე რამეთქო.

ვხედავთ, თვითონ გამობაჯბაჯდა და გვიძახის, მოდი თ ბიკებო, მოდი, დღეს შეიძლება შეგარცხინოთ, მაგრამ გული არ დაეწყლეთო. მიქსივე შეგვიშვა პარტერში და თვითონ კულისებისკენ გაემართა.

მართლაც, იმ დამეს ჩვენი კოლია, ბენეფიტციანტმა ძირს გაშალა და ყველას გული ისე დაგვწყლო, თითქო ნამდვილად პატიოსანი კიდაობით წაქცეულყოს. მან მაშინვე გამოიწვია რევანშზე მოწინააღმდეგე და თავის ბენეფისზე ქუთაისელების გულის ვასახარად იგი ხუთ წუთში ბიკიზე დასცა.

ისიც მახსოვდა, რომ ქვარიანი მოწაფეობის დროს ბოლშევიკური ახალგაზრდობის „სპარტაკის“ ორგანიზაციაში ებუტულობდა მონაწილეობას, შემდეგ კიდაობდა საბჭოთა კავშირის ქალაქებში, როსტოვში მიიღო მსოფლიო ფლავინის სახელწოდება და 1927 წელს გაემგზავრა საზღვარგარეთ. იქ, როგორც ეტყობა, სახელზე უფრო ფულის მოხვეჭამ გაიტაცა და საბოლო-

ოდ ამერიკაში დაჩა საცხოვრებლად.

— მოდი დავუტოკოთ, — მეუბნება პაინაშვილი.

— ალბათ აღარ ვესომეები. — ვუთხარი მე-უხერბულია.

— დავუტოკოთ. გაეხარდება საქართველოდ ჩამოსული ადამიანის ნახვა. იგი ჩვენი მეზობელი იყო ქუთაისში და ჩვენს ოჯახში ხშირად ყოფილა. იქნებ მე გავახსენდე. — თქვა ნიკოლოზმა.

ავიღეთ ტელეფონის მილი და რუსულ-ინგლისური „რაზლოვონიის“ დახმარებით ჩავახეთ ტელეფონის ქაღალდის ნომერი.

— აალო! — მესმის ტელეფონში, თუმცა მილაკი პაინაშვილს აქვს ყურზე მიდებული.

— ქვარიანი ბრძანდები? — ეკითხება აქედან.

და უცბათ ისმის რაღაც გაურკვეველი ქუხილი მილში. პაინაშვილი ძლივს ასწრებს პასუხების გაცემას და ასე მგონია მიკროფონში რაღაც ატონური რეაქცია ხდება და სადაც არის აფეთქდება, ისეთი გრიალ-ქახანის მოდის იქიდან. მართალია მილაკი მე არა მაქვს მიღწეული ყურზე, მაგრამ ყოველი სიტყვა გარკვევით მესმის.

— შენ რომლის შვილი ხარ, — ვარჩევ სიტყვებს ამ ქუხილ-გრიალში — ტერენტი რა იყო შენი? მამაშენი? მახსოვს, როგორ არა, ცამეტე წლის ბაბილინა რო შეირთო ცოლად, ულამაზესი ქალი, შენ იმის შვილი ხარ? რამდენჯერ ამიყვანიხარ ხელში...

ქვარიანი დიდხანს ლაპარაკობს. მერე მე გამესაუბრა და ტელეფონით სცადა ეამზნა ჩემთვის, თუ როგორ დაატყავა მან ქართველების ნათესაობა შოტლანდიელებთან... ჯერ ერთი ამით, რომ რაქველებს და შოტლანდიელებს ერთნაირი გუდასტვირი აქვთ, მერე ჩვენი და მათი ენის რამდენიმე სიტყვა ერთმანეთს გმს-გავსება თორმე...

ერთის სიტყვით მთელი ლექცია წაიკითხა და მერე, ორთვეთ, მეორე დღისათვის მიგვიწვია სადილად. ჩვენც აღუთქვით, რომ მოვიინახულებდით.

ნაშუადღევის სამი საათი იყო, როდესაც მე, ნიკოლოზი და ფელიქსი ქვარიანს ვესტუმრეთ.

იგი სასტუმრო „შოტლანდში“ ცხოვრობს, სულ ზედა, მეოცე თუ მეოცდაორე სართულზე. უჭირავს ორი პატარა ოთახი. ერთ ოთახში კაბინეტი აქვს, მეორეში საწოლი. როდესაც ხარი დავრკეტო, კარი გაიღო და ვხედავთ ჩვენს შესახვედრად მობაჯბაჯებს ნაწილი გოლიათი. ჩვენ მხოლოდ ის გვიკვირს, როგორ არ იქედება იგი ამ თავისი ბინის ვიწრო ღერე-ფანში. სამთავეს გადაგვეხვია, გადაგვიცნა, მერე ნამდვილი ქუთაისური აქცენტით გასიხა:



— სიღონა!

და ინგლისურად დასძინა, ჩემი თანამემამულენი მოვიდნენ, მოდი, გაიციანო.

მას უცხო ეროვნების ქალი ჰყავს ცოლად, მაგრამ სახელი კი ჩვენივეს ნაცნობი და ნამდვილი ქართულია.

დაესხედით, მიმოვიხედეთ, მთელი კედლები მოფენილია მხატვართა ნამუშევრებით, და თაროები გაქედილი წიგნებით. მაგიდაზედაც წიგნები, მათ შორის რამდენიმე ქართული, და რაც ყველაზე მეტად გამოვიყირა, ჩემი, სულ ახლამან გამოცემული მოთხრობების კრებული.

— ბიჰოს, ეს საიდან? — გამოვიყირა მე.

— ეგ ილიკო სუხიშვილმა ჩამომიტანა. — მოთხრა მისპინქელმა. ამის შემდეგ კი... მე მგონია, ჩემი შევითხვა იყო ის ორიოდ სიტყვა, რომლის თქმაც მოვასწარი. ჩვენმა კოლიამ, რაც ამ ოცდაცამეტი წლის განმავლობაში ქართული სიტყვა არ ეთქვა, სუყველას თქმა ახლა მოინდომა. ხმა არ ამოგვადებია. გვეკითხვდა რამეს და მაშინვე თვითონ განაგრძობდა ლაპარაკს.

— სხვა რა ამბებია საქართველოში, ქუთაისი რას ჰყვება, ჩემი ქუთაისი? ბალის კიდებზე თუა ის რკნები, მე რომ ვუფლავდი?

— ქუთაისს ველარ იცნობ... — ეცუბნები მე.

— გასოვს, მე რომ ვვიდაობდი, გამყრელიძის ცირკი თეთრი ხილის გაღმა, თუა კიდევ?

ალარ არის? მე ჩემ ცოლს დაეუბარე ანდერძი, რომ მოკვდებოდა დამწვარი, ფერფლი წაიღოს და ქუთაისის ქუჩებში მოაბნოს. აჰ, ამის ბიძა იყო — პიპინაშვილზე მითითებს — რა ვეკაცი, რა შესახედავი. ესენი ჩვენს ვეერდით ცხოვრობდნენ მეზობლად, ამას ბიძა ყავდა, ტერენტი, ის რომ ჩოხას ჩაიცვამდა და გაივლიდა, იმის ნახვას არაფერი ჯობდა. გესმის, მე სულ ვოცნებობდი, ნეტავი ამისთანა ვიქნებოდე ცხოვრებაში და მეტრ არაფერი მინდათქო. იმას რა მოუვიდა, იცი შენ? ცოლს რო ირთავდა, ქორწილში ჩხუბი მოხდა. დიდი ვეკაცი იყო, მართალია ნეფე იყო. მაგრამ რას ქვია შეურაცხოვას მაყენებნო. იბრო ხანჯალი, ამ დროს დედოფალმა ხელი გაიწვინდა, უნდოდა შეეჩერებოდა და ნეფემ კი... შემხვევით. თავის ამ მოთავად მუდუღლეს ხელი მოჭრა. დიდი ტრაგედია იყო. მერე ის ხელი სპირტში ჰჭინდა ჩადებულნი, ცოლს კი მოსამსახურე დაუყენა და მთელი სიცოცხლის განმავლობაში თავს ევლებოდა.

— როდესაც ბიძაჩემი გარდაიცვალა — დასძინა პიპინაშვილმა — ცოლმა თავისი მოჭრილი ხელი თან ჩააყოლა.

— პო, ეგ ალარ ვიცოდი. — განაგრძობ ქვარინამა — ეჰ, კარგი ვეკაციები იყვნენ ქუთაისში. თუ ხმა ხარ, სანდრო როგორაა, მხეიძე, ვახსოვს, მე რომ გაეღახე...

— შენ კი არა, იმან გცემა, — ვუბნობდი ღმილით — ახლა თბილისში ცხოვრობს.

— ის „დეარჩინისტი“ იყო, მე კლასიკურში ვსწავლობდი, პოდა, დამხვდა ერთხელ, გამართა და გაიქცა...

— კარგა, ახლა, ნუ ტრაბახობს შენ ღონიერი ბიჭი იყავი, მაგრამ სანდროს ვერ გალახავდი. ქვარინა კი განუწყვეტლივ იოგნებს ჩვენს მოწადეობისდროინდელ ქუთაისს, რიონის საბანაოებს, ალელოვის საცეკვაო სკოლას, კინო რადიოსს, ტერკის ველოსიედების მალაზიას, მწვანე ბაზარზე გამოტანილ სამშომდგომო ცრემლიან ლეღებს და აბეებს, „ზავედუნებს“ და „ეპარხილისტებს“, პოეტ კოლხე ნადირაძესთან შეჯიბრებებს ცურავში; სკოლის ამხანაგებს ლელიკო ხტიტივას და ნეკოლოზ სანიშვილს; თეთრი ხილიდან ხტომას რიონში, თავისი ჰიდაობის ისტორიას, და უცბათ ეს სამოცი წლის მოხუცებული გადაიქცა თერამეტი წლის ახალგაზრდად, თითქოს გუშინ საღამოს ჩამოვიდა ქუთაისიდან, თითქო არც კი გაველოს ის ათეულ წლებს, რომელიც მან უცხოეთში ხეტიალიში გაატარა, იმ წლებს, რომელიც უნებურად ასე ადვილად ითმობა მისი სიცოცხლის და საყოფაცხოვრებო მოღვაწეობის ისტორიდან და ახლა იგი კვლავ დაქროდა თავისი ოცნებით ქუთაისში, ახალგაზრდა გოლიათი, ქუჩაში პატარა ბავშვები გუნდგუნდად რომ ახლდებოდნენ და თვალბეჭდში შესციონებდნენ, სკოლის ამხანაგებში, ძველ მეგობრებში და ხან მწვანე-ყვავილაზე არბოდა, ხან ქვიტირში ან კახიანოურში გაიჭრებოდა, ხან ფარკის ბაღებში, ხან საფიზიაზე, ხან ისევ ბალის კიდეს „უდალოვის და ვევილოვის“ მალაზიის წინ აიტუზებოდა. ხან ჯაპქის ხილზე სვანებთან ჩხუბობდა, ხან სანაძლოდ უქანა დიბრში ხელებს ჩასჰიდებდა ეტლს და ჯაგლაგ ცხენებს ადგილზე დააბამდა.

— გესმის შენ, გესმის, ერთხელ თავის მოკვლა გადაწყვიტე, მივედა თეთრი ხილზე, ვდგავარ და ვერ გადამიწყვეტია, გადავვარდე თუ არა. რატომ ახლა, ალარ იტყვი? ცურვა ვიცი და ვეიჭრობ. არ დავიხრჩევები-მეთქი. ისევ ჯობია კლდეებზე დავეხეთქო... ახლა რატომ ვიკლავ თავს?! მაშინ ხომ ვახსოვს, ვტილიაობდი. ერთი მანკო რაიკოვიჩი იყო, მოკიდავი, ჩემპიონატს ხელმძღვანელობდა ქუთაისში. გაქვიდავებო, მითხრა, მხოლოდ მოჭიდავე არ წამიქციო, რბიტომ რომ ასეა საჭირო! მე ვუთხარი, ნი ხანტო, თუ ჰიდაობაა, უნდა წაეაქციო-მეთქი. კიდევ მოთხრა, გუბუნები, ასე მოიქციე. გაიგეს ახლა სკოლის ამხანაგებმა კოლია ჰიდაობსო, მთელი ცირკი გაიგესო. გამოვედი, ვეცი ჩემს მოწინააღმდეგეს და ალარ მახსოვს, მგონი ხუთ წუთში



დავლევდი ორივე ბეჭე. ამხანაგებმა დაანგრის ტომით ცირკი. ამხანაგებმა კი არა, მთელმა ხალხმა გამოვედი კულისებში, მანკო მეუბნება, შენ მართლა ღონიერი ყოფილხარ, კიდაობა გცოდნია. ხვალ დილით ექვს საათზე მოდი ცირკში, მე ვაგარჯიშებ. ორ ხერხს გასწავლი, ღურ დეტეს და ბრა რულეს, მერე ნახავ, როგორი ჭიდაობაც გეცოდინებაო. მთელი დამე არ მიძინია სიხარულით. დილას, მამლის ყვილზე უკვე ფეხზე ვიყავი, მოვუსვი. წამიყვანა ცირკში. გამიყვანა მანქნეზე, მომიკლა ხელა, ცინდლივით ამიტაცა და რამდენჯერაც მოისუსტვა, იმდენჯერ დამეცა ბეჭებით ძირს. ნემსადე გაუძალიანებოდი, მოგეროდი, ვეცი, ნემსადე კისერზე ხელი და ისევ ლავაშოვით გამაყრა ძირს. მერე გაიციხა და მითხრა, შე წვინტილიანო, თავი მართლა მოკიდავე გგონია, გუშინ კაცი ავად იყო, გუუბნებდი ნუ წააქევე, მთელი პროგრამა და გეგმა გამოფუტეო. ეპ, მაშინ კი ეთქვი მომეკრა თავი, ამას რომ ჩემი ამხანაგები გაიგებენ, საცინად ამიგდებენ და თავის მოკრას სიკვდილი მიჩინებენია-მეთქი. გამოვედი ცირკიდან, მივაღდექი თეთრ ხელს და ადვილს ვირჩევი, სად გადავადდე. კიდევ კარგი, შემთხვევით ამხანაგებმა გამოიარა, წამიყვანეს პურის საქმელად, ხუმრობით, ლაღობით დარდი გამაქარებენ და განზრახვა მისდაუნებურად გადავადევიყვეს. მერე იმ მანკო რაიკოვიჩმა მავარჯიშა და დავიწყე ჭიდაობა. მაშინ ჭიდაობდნენ: მეღელაური, მაჩაბელი... ეან დეკოლონი თუ გახსოვთ, იმან ლამაზი ჭიდაობა იცოდა და ქუთაისელებს უყვარდათ, მერე ეროვ მორა, კლემენტი ბული, ვახტროვი, კოსტა მაისურაძე... მართლა, სანდრო კანდელაკი როგორაა?

— გარდაიცვალა. — ვუთხარი მე.

— უპ, მეწყინა. ფანტასტიური ღონის პატრონი იყო. შენ მამ ქიათურელი ხარ? მეც იქაური ვარ, დედა მყავს შუქრუთიდან. — გადავარდა ისევ მოგონებებში ქეარინი — მამაც იქ ცხოვრობდა...

— მე მახსოვს მამაშენი, პატარა, ტანმორჩილი კაცი იყო და სულ გამბოზდით, ამხელა შვილი როგორ გააჩინა ამ ერთმა ციქვან კაცმაო.

— სწორია. ჭიათურაში ისევ ის პატარა მატარებელი დადის?

— არა. ის გზა გაასწორეს, ახლა იქ ფართოლიანდაგიანი გზაა და ელმავლები დაჰქრინა.

— რკეისის სადგური თუა კიდევ, ნიყვები გამოჰქონდათ ხოლმე ბავშვებს გასაყიდად, შუტრი, შუტრო, შიახოლდენ, ბოსლევი კიდევ „პირაქეუბ“ აყუთებდნენ გემრიელს. არის კიდევ თუ არა? ჭიათურაში, თუ გახსოვს. სიმონოვის ქარხანას აუზი ჰქონდა დიდი, მარგანეცის სარეცხი წყლის მარაგი იყო შიგ დაგროვილი.

მაშინ ქარხნები არ მუშაობდნენ და ჩემს დროს სახანაოდ დავდიოდით.

— ჭიათურას ახლა ვეღარ იცნობ. ასფალტით დაგებული ქუჩები, ავტომანქანები, დიდი თეატრი, ახლა მთავრდება კულტურის სისახლე, სტადიონი. ყველას აოცებს საპაერო-სამაგირო სამგზავრო ვაშენ და სახელგანთქმული ჭიათურელი პურმარაილი.

— შუქრუთში მყავდნენ ნათესავეები. ქუთაისი კი მაინც ყველაზე მეტად მიყვარდა და მიყვარს.

თარიღებზე წიგნებს დავუწყე თვალთვება. მერე მივუბრუნდი და ვკითხე:

— კოლია ჩემო, პაპაშვილის წიგნი ხომ არა გაქვს. მიჩნდოდა მუშოვა. ამ მწერლის შესახებ საქართველოში მთელი ლეგენდები დადის...

— პაპაშვილის? მოიცა — ტელეფონს ხელა ავადლო, ნომერი აკრიფა და ჩასძახა — ალლო, გიორგი, გამარჯობა შენი... ჰო, კოლია ვარ... როგორ ხარ კაცო, სად დაიქარგე? ავგარ ჩემთან საქართველოდან არიან ჩამოსული, მწერალია, ბელიაშვილი, რეჟისორი პიპინაშვილი, მეკითხებთან, ერთი დაგვანახე ეს პაპაშვილაო... რაო, გეწვიოთ... არა, ესენი ვერ წამოვლენ, ხვალ დილით მიფრინავენ... მოდიხარ? ახლავე წამოხვალ? აი. შენ თვითონ დაელაპარაკე.

ტელეფონის მილი მე მომმაჩნა. დავიბეჩე. რა უნდა ველაპარაკო უცხო კაცს. მაინც ძალაუნებურად ავიღე მილი.

— გამარჯობათ, პატივცემული გიორგი. გელაპარაკებათ ბელიაშვილი.

— გამარჯვებათ, ბატონო ბელიაშვილი. ძალიან გთხოვთ, თქვენი ამხანაგებით მეტუტუროთ. კოლიამ იცის სადაც ვცხოვრობ. სამი საათიც არ დაგვირდებათ მანქანით.

— არ შეგვიძლია, პატივცემული გიორგი. ჩვენ ხვალ დილით მივფრინავთ. ძალიან მინდოდა თქვენი წიგნი მჭონოდა, ჩვენში კიდევაც დაიბედა თქვენი წიგნის თარგმანები ქართულად...

— ვიცი, ქურნალი „დროშა“ მივიღე, ენახე, იქ არის. ჩემ წიგნს მოგართმევთ. მამ მე, წამოვალ თუ დამელოდებით, კოლიასთან მოვალ. — გელოდებით, ნახვამდის.

მილი დავდე და ქეარინს ვეკითხებო:

— განა ის ნიუ-იორკში არ ცხოვრობს?

— არა, პენსილვანიაში ცხოვრობს. აქედან ასი მილია. მოვა, მალე მოვა. სულერთია არსად გაგიშვებთ. მაგის წიგნი ძალიან პოპულარულია ამერიკაში. სურათიც დალდვა მაგის მოთხრობის მიხედვით.

— ერთი ეს მითხარი, ქართველები ზეკრი არიან ამერიკაში?

— ცოტა. სულ თითებზე ჩამოსათვლელი თუ იქნება.



ოთახში დისახლისი შემოვიდა. იგი გერმანელი ქალია და, ცხადია, არცერთი სიტყვა არ იცის არათუ ქართულად, არამედ რუსულადაც. ჩვენ ძალაუნებურად მისა ქმრის თარჯიმნობა გვპირდებოდა. დისახლისმა გვითხრა, რომ მისი ოცნებაა ხახოს საქართველო, რომლის შესახებ ბევრი კარგი გაუგონია.

— მე თქვენ ქართველი ქალი მეგონეთ. — ეუთხარაი მე — იმიტომ, რომ საქართველოში სიღონია ძალიან გავრცელებული სახელი იყო ძველად. იცით, როდესაც საქართველოში ქრისტიანობა ვრცელდებოდა, არსებობს ლეგენდა, მცხეთაში ჩამოვარდა ქრისტეს სისხლიანი კვართი, რომელიც სასოებით გულში ჩაიკრა ვინმე ებრაელმა ქალმა, სახელად სიღონიამ და იქვე გარდაიცვალა. იგი მცხეთაში დასაფლავეს ქრისტეს კვართთან ერთად, შერიცხეს წმინდანად და იმ ადგილზე აგებული იქნა მეთუ საუკუნეში უშვენიერესი ტაძარი, რომელსაც ეწოდება სვეტიცხოველი. ამ ტაძარში ახლაც დგას პატარა ძეგლივით ის პირველი სამლოცველო, რომელიც სიღონიას საფლავზე აუგიათ. სხვათაშორის საქართველოს მეფეების, ბაგრატიონების საგვარეულო გერბზე გამოსახულია ქრისტეს კვართი და ეს ტაძარიც ითვლება სამეფო კათედრალად. აქ იდგამდნენ ვერგვის საქართველოს მეფენი.

ჩემმა ნაამბობმა გასაოცარი შთაბეჭდილება მოახდინა დისახლისზე.

ღერეთანში ხმაური გაისმა, დისახლისი გაეგება და ოთახში ცოლქმარი პაპაშვილები შემოვიდნენ. გიორგი პაპაშვილი საშუალო ტანის, ხმელი აგებულების შვედერქმანი კაცია, ტიპური მთიული. მისი მეუღლე ელენე კი მაღალი, თეთრად ჩასუქებული ამერიკელი ქალია. საოცრად ჭკვიანი თვალებით.

გავიცანით ერთმანეთი, დავსხვიეთ. — სასიამოვნოა თქვენი გაცნობა, პატრუცემლო გიორგი. ჩვენში, საქართველოში, იციან თქვენი მწერლობის შესახებ...

— რისი მწერლობისა, კაცო, — მითხრა მან ტანტური კილოთი — მე რისი მწერალი ვარ. ჩემი ცოლი სწერას. მე ვუამბობ ხოლმე და ეტყობა, მე კი არა. მწერალი კი არა და კითხვაც კი მიპირს, ამას წინათ უფრანლი „დროშა“ მომიტანეს, ვეღარა ვეითხულები, დაეიწყებ ასო-ასო, სანამ სიტყვის ბოლომდე ჩავალ, თავში რომელი ასოც ამიკეითხე, უკვე მაეწყვდება.

— ერთი ეს მითხარით, გიორგი, ამერიკაში როგორ მოხვდი?

— როგორა კაცო და ათას ცხრაას ოცდაერთში ჯარში ვმსახურობდი, ბათუმში რომ ჩავედით. გამზე ქონება ავზიდეთ და მენშევიკურ მთავრობას გადავყოლეს. იქ კიდენა სტამბოლ-

ში დაგვტოვეს. ოცდასამ წლამდე გაპირდნენ განათრით ცხოვრება. მერე იქ ერთი სანამ ჯაყელი იყო, შავი ქვის მრეწველი. წერილი დამიწერა და მითხრა, ნიუ-იორკში ჩახვალ, ამ წერილს ერთ ჩემს ნაცრობს მიუტან და იქ სამშაოს მოგეცემნო, გამიკეთეს ეიზა, წავედი გემით, ჯიბეში შაური არ გამაჩნდა. ჩამოვედი ნიუ-იორკში, სწორად ამ ორმოცდაორ ქუჩაზე მოვედი იმ წერილით, მალაზია იყო ერთი იქა. წაიკითხა წერილი, ვისთანაც მიველ, მეკითხება, ინგლისური იცი? არ ვიცი-მეთქი. მაშაო წადიო, რაიცა ინგლისურს ისწავდი, მერე მოდი და სამუშაოს მოგეცემო. გამოვდი ამ უზარმაზარ ქალაქში, ენა არ ვიცი, ჯიბეში გროში არ გამაჩნია. მე ვთქვი, სად წაივდე, თავი რომელ ქვას ეახეთქო-მეთქი. წაველ ბაღში, სკამზე წამოვიწვი და იქ დავიძინე. აი, ასე დაიწყო ჩემი ცხოვრება... რამდენი მე გაპირება მინახავს...

ქვარიანმა ყველანი ბერძნულ რესტორანში დაგვაბატეა და შეეცადა ისეთი ღვინოთი გავემსპინძლებოდა, რომელიც ყველაზე მეტად ემგვანებოდა ქართულს. მოგვიტანეს რაღაც ძიმწარე, რომელიც ღვინო იყო თუ ვაშლის წვენი ვერ გაარჩევდი. მაინც ვადავჯარით, ქართველურად, მაშაპურად ვაღდეგრძელეთ ჯერ სამშობლო, მერე დისახლისები.

— აი, ხომ ხედავთ, ჩვენი ცოლები ვავაქრთველეთ. — ევითხრა ქვარიანმა.

მაშინ პაპაშვილის მეუღლემ ღმილით მოუჭრა:

— თქვენი გაამერიკელება შეუძლებელი აღმოჩნდა და ჩვენც მეტა რა დაგვჩვენოდა, რომ არ გაგქართველებულეყავითო.

გვიან ღამით დივემშვიდობით ერთმანეთს. პაპაშვილი ჩაჯდა თავის შვეროლეს მარკის ლიმუზინში და გაუდგა გზას პენსილვანიის შტატისაკენ. კარგა შეპოლიკებული ქვარიანი კი ოღნაეი ბარბაცით წავიდა თავის სასატუროში.

— მოკითხვა ჩემს ქუთაისს, ჩემს თბილისს, ჩემს მიწაწყალს... — გვეუბნებოდა იგი გამოთხოვების წინ და როდესაც გავხედე მიმავალს, ასე მომჩვენება, თითქო მისი გოლიათური ზურგი დარღისგან მოხრილიყო.

ღამთავრდა ჩვენი მოზაზურობა ამერიკაში. იგი არცთუ ისე ხანგრძლივი იყო, მაგრამ სრულიად საქმარისი იმისათვის, რომ ზოგადი წარმოდგენა მაინც გექნოდა ამ ქვეყანაზე. ჩვენი ვიღები ცხადია, ცდილობდნენ ეჩვენებინათ ჩვენთვის მხოლოდ და მხოლოდ კარგი. მართლაც, გარეგნულად ეს უზარმაზარი ქვეყანა, თავისი შენობებით, ვაჭრით, ხელებით, მალაზიებით, ავტომანქანებით გასაოცარი შთაბეჭდილებას სტოვებს. მაგრამ ჩვენ ვერ შევიძლით ჩაგვხედლა



ამერიკელთა ცხოვრების, მათი ყოფის, ადამიან-
თა ურთიერთობების საიდუმლოებაში, დაგვე-
ნახა მათი ავი და კარგი.

თავისი სიხალის ერთფეროვნებით ამერიკა
მეტად მოსაწყენია. ასე გგონია მთელი ეს გზე-
ბი, სახლები, ეზოები, თვით ზეებიც კი ამ ავტო-
მანქანებთან ერთად ქარხანაში დაუმზადებიათ,
შეუღლებათ და მზეზე გამოუწყევიათ გასაშრო-
ბად. ამერიკის ორი ქალაქი: ჩიკაგო და ნიუ-
იორკი, ჩემის აზრით, თანამედროვე ქალაქების
სახლმშენებლობის ზღვარს წარმოადგენს და
ამაზე ზევით უკვე შეუძლებლად მიმაჩნია ადამი-
ანანმა შენობის კედლები აიყვანოს. ნიუ-იორკი
ამ მხრივ თანამედროვე ბაბილონია ცამდე ატ-
ნორცინილი თავისი უამრავი გოდლებით.

ამერიკელთა გულდია და მხიარული ხალხია,
ცხადია, მათ შორის ბევრი იქნება ცხოვრები-
საგან ვაბოროტებულზე და ბრაზიანიც, მაგრამ
საერთოდ მათი ყოფაქცევა, ერთმანეთში მას-
ლაათი, იუმორის გრძობა, უცხო ადამიანებთან
უბრალოდ და შინაურულად თავდაპირა კარგ
შთაბეჭდილებას სტოვებს. მთელი ჩვენი მოგზა-
ურობის განმავლობაში ჩვენ არ წავეტეხივართ
ქუჩაში ან რესტორნებში არც მთვრალი ხალხის
ღრინაცელს, არც ჩხუბსა და კინკლაობას, არც
სხვა რაიმეს უსიამო სცენას. ერთადერთი მთვრალი
მიმაკია შეგვეჩვენა ნიუ-იორკის ქუჩაზე
და იმანაც გულდია იუმორით გვითხრა: ამ სა-
ზიზღარ ქალაქში რამ მოგეყვანათო. რასაკვირ-
ველია, არც იმის თქმა შეიძლება, რომ ამერი-
კაში თითქოს არც ლოთობდნენ და არც ჩხუ-
ბობდნენ. მუშტი-კრივი და იაბაღის ბათქაშუთ-
ქი აქ მარტო კინოეკრანებზე კი არ იციან, მაგ-
რამ სადაც არ ვიყავით, რესტორნებში, კაფეებ-
ში თუ ოჯახებში, ყველგან უმეტესად ზომიერ-
ების და თავდაპირის სურათებს ვაწყდებოდით
და როდესაც ვიგონებდი ჩვენს რესტორნებს,
თუნდაც ჩვენებურ საოჯახო სუფრას, ყველა-
ფრის და განსაკუთრებით ღვინის დაძალების
ტრადიციას, როდესაც ჩვენი სუფრიდან უმეტე-
სად, რომ იტყვიან, გაბრანგულ-გათრიქებული
წამოვიშლებით ხოლმე, ვერ ვიტყვი, რომ დიდი
თავმომწონების გრძობით ვყოფილიყავ შეზუ-
რობილი.

ამიტომ ამ გარეგნულად და ერთის თვალის
შეგლებით დანახულ ამერიკაში ბევრი რამ და-
ვინახე მოსაწონი და მისაბაძი.

მე არ მიყვარს ისეთი ადამიანი, რომელიც
სხვის თვალში ბეწვს დაიქებს და თავის თვალ-
ში ღვირვსაც ვერ ხედავს. ასეთები ჩვენცა
გვყავს და უფრო მეტი ამერიკელებს. მათი

პრესა თავგამეტებით ცდილობს თვალსაზრ-
თავის მოსახლეობას და არ დაინახოს საბჭოთა
ხალხის უდიდესი მიღწევები, როგორც მრეწ-
ველობის, ისე სოფლის მეურნეობის დარგში.
მაგრამ ჩვენს ქვეყანაში ჩამოსული ამერიკელი
მოგზაურები ნათლად ხედავენ, რომ არც ისე
ყოფილა საქმე, როგორც მათ უხატადნენ პრე-
სის მოსყიდული აგენტები.

და მე თვითონ, თუ ჩვენი ზოგიერთი მეტი-
ჩარა კონკრეტულდენტის წყალობით, თავისი კალ-
მით რომ ცდილობდა, რაც შეიძლება შავი სა-
ღებავით შეემურა ეს ქვეყანა, მე პირიქით, რა-
დაც არაჩვეულებრივი დიდი წარმოდგენა მქონ-
და ამერიკაზე (ასეა ხშირად, ტენდენციურობა
საწინააღმდეგო გავლენას ახდენს ადამიანზე).
საკუთარი თვალთ ნახვის შემდეგ უფრო დიდი
წარმოდგენა შეექმნა... ჩვენს ქვეყანაზე!

— არა, არც ისე დიდებულადაა საქმე ამ
კონსერვის კოლოფებით გაწკრივებულ ამერი-
კაში. ბევრი ამ კოლოფთაგანი გარედან მართლა
ლამაზად ლაღალებს, მაგრამ შიგნით არც თუ
ისე, ცოცხალსა და ჯანსაღ პროდუქტს შეიცავს.

და აი, გოლიათი თვითმფრინავი „ბონგ 07“
ღრუბლებს ზემოთ წარმოუდგენლად დიდ სი-
მაღლეზე აჭრილი თავისი ოთხი რეაქტიური
მოტორის ღრიალ-გუგუნით მიპარის პარიზისა-
კენ. თვითმფრინავში სიმშვიდეა. სტიუარდესა
გვიხსნის, როგორ ვიხმაროთ ქანგბაღის ნიღაბი,
თუ რაიმე მიზნებს გამო სუნთქვა გავაყენებდა.
ჩვენ უკვე აღარ გვაინტერესებს მისი ახსნა-გან-
მარტებანი, რადგან საექვო რაიმე გვიხსნას,
თვითმფრინავს რომ ავარია მოუვიდეს.
სამი საათის ფრენის შემდეგ ჩვენ უკვე მოს-
კოვში ვიყავით. მეორე დღეს მთელი საქმეები
მოვიტოვე და მესამე დღეს უკვე თბილისისაკენ
მივპროდი.

აი, გადავუარე თბილისის ზღვას, სატელევი-
ზიო კოშკი, ქოროლის ციხეს, კუმისის ტბას,
ილლოჯის მთებს, სადაც სამოცილომეტრი-
ანი სიშორიდან დაეუარეთ აეროდრომის დასა-
ფრენ შარაგზას და დავეშვიით.

აქაც მიკრული ვარ დევჯარას და როდესაც
აეროპორტის სადგურის წინა ბაქანთან დამხ-
დურებს შევაველე თვალი, ვხედავ... მარტო მას
ვხედავ... ჩემს შვილიშვილს... ხელში აუყვანიათ
და თვითმფრინავისაკენ ახედებენ.

ფუსფუსით ჩამოვიდევარ ტრაპის საფეხურებ-
ზე, მივიჩქარა, ეუხალოვდები, ვხედავ დამინახა,
მიცნო და მესმის მისი:

— ბაბუ კაყო!...



ბოგის შავგეგმვისი

მწვანე ჩარღახმების ქვეშ

ადამიანებს არ შეუძლიათ გულგრილი იყვნენ ბუნების, მისი მრავალფეროვანი სიმდიდრისა და სილამაზის მიმართ. როგორი ცივიც არ უნდა იყოს კაცი, ბუნების დიდებულ სურათებს მიიწევს შეუძლიათ შეეხონ მისი სულის უხილავ სიმებს, დაამზვიდონ ან უნაპირო მღელვარებით მოიცვან იგი. მღუშარე ტრამა-ლის უსაზღვრობისა თუ თოვლიანი მწვერვალების ხილვა ადამიანს აიძულებს თავი ბუნების განუყოფელი მშვენიერების ნაწილად იგრძნოს.

ჩვენ ვალდებული ვართ კარგად ვიცოდეთ ადამიანის სულსა და ჩასაბრუნებელი ბუნების დიდი ძალების ზემოქმედების შესახებ, უნდა გვესმოდეს მისი განუყოფელი მრავალფეროვნებისა და მშვენიერების ფასი, რადგან მშობლიური ბუნების ცოდნა და სიყვარული მისდამი ნაწილია იმ მძლავრი და კეთილშობილური გრძნობისა, რომელსაც პატრიოტიზმს ვეძახით.

არის დედამიწაზე ადგილები, სადაც საკმაოდ ბევრად — ადამიანის თვალისა და გულის გასაბარებლად — თავმოყრილია ჩვენი გარემოცველი ბუნების მრავალფეროვანი სიმდიდრე. ერთი ასეთი ადგილთაგანია ლაგოდეხის ნაკრძალი, განუყოფელი თავისი სილამაზით, მომზბლავი პეიზაჟით, მცენარეთა და ცხოველთა მრავალფეროვანი ჯიშებით. იგი მრისხანე კედლადაა აღმართული კავკასიონის მთავარი ქედის თვალწარმტაც კლდეებზე, ალაზნის ვრცელი და ნოყიერი დაბლობის ზეგით.

სხვებთან შედარებით ლაგოდეხის ნაკრძალი არაა დიდი. იგი მოიცავს 13,3 ათას ჰექტარს, მაშინ, როცა, მაგალითად, ნაკრძალი სისოტე — ალინის მთებში (შორეული აღმოსავლეთი უზარმაზარ ტერიტორიაზეა გადაკიმული. მისი ფართობია 1,5 მილიონი ჰექტარი.

მაგრამ პატარა ტერიტორია სრულიადაც ვერ ამცირებს ჩვენი ნაკრძალის მნიშვნელობას. რადგან იგი თვითონ ბუნების მიერ შექმნილი ხელთუქმნელი მუზეუმი. მის წარმოქმნას,

ეტყობა, სხვადასხვა პირობები უწყობდა ხელს. ერთი ასეთი პირობაა მრავალფეროვანი ჰავა. მაღალი მთებიდან მოდენილ ცივი ნაკადი ჰაერისა აქ ვერწყმის კასპიის მხრიდან წამოსულ თბილ დინებას, რომლისთვისაც ალაზნის ველის საშუალებით გზა გახსნილია.

თავისებურია ნაკრძალის რელიეფიც. გორები სწრაფად მაღლდებიან და საცხებით მოულოდნელად ვერწყმიან დიდებულ კბოდეებს, დახე-რილებს ხეობებითა და ჩანჩქერებით. ზოგიერთ ადგილას აქ ჰაერი ტემპერატურითა და ტენიანობით მშრალი სუბტროპიკულია. ლაგოდეხის რაიონი თავისებური კენამია, სადაც ერთმანეთთან წარმოუდგენელი ბუნებრივობითაა გადანას-კეული ნიადაგისა და ჰავის სხვადასხვაგვარი თავისებურებანი.

ნაკრძალი მცენარეთა 1500-ზე მეტ ჯიშსა და სახეობას ითვლის. და მიუხედავად იმისა, რომ ნაკრძალი აგერ 50 წელზე მეტია არსებობს, ბოტანიკოსებმა ჯერ კიდევ ვერ მოახერხეს ამ ადგილების ფლორის ზუსტი აღწერა და ანალიზი.

ნაკრძალი — ეს ნამდვილად მწვანე საუფლოა. საითაც უნდა გაიხედო, ყველგან სხვადასხვა შუქითა და ჩრდილით დამწვანებული კენჭებია. ნოყიერი და მცენარეთა მასაზრდოვებული ადგილებიდან ვალდებულად მწვერვალთა უნაყოფო ფერღობებამდე — ყველგან იგრძნობა ცოცხალი ბუნების ეს შეუბოროტავი ძალა, რომელიც ახალი ღონითა და რწმენით ავსებს კაცის გულს და თვალს.

ბუნებას, თითქოს მზრუნველი დასახლითა. თავისი ადგილი მიუჩენია ყველასა და ყველფრისათვის. ნაკრძალის ტერიტორია ორ ძირითად ზონად — ტყისა და ალპურ ზონებად იყოფა. ისინი გადაკიმულია ზღვის დონიდან 400-დან 3500 მეტრამდე.

ორივე ამ ზონათაგანს თავისი მშვენიერება და სილამაზე ახლავს. ქვედა ზონაში ძირითადად



ალაზნის სანაპირო ველებსათვის დამახასიათებელი მცენარეულობა თავმოყრილი

მშვენიერად გრძნობს აქ თავს სუბტროპიკული ფლორის წარმომადგენელთა მთელი ოჯახი — ბერძნული კაკალი, ჯოჯოხეთი. ისინი სადმე კოლხეთში ან კასპისპირეთის სამხრეთ სიმაღლე უნდა ბინადრობდნენ და არა ყვავისიონის მკაპრ ფერდობებზე.

თუ უფრო ზევით ავალოთ, რცხილა — მუხების ტყეთა ზონაში მოეხვედებით. მუხა დიდი ხანია „ლიტერატურულ გმირად“ იქცა. იშვიათად თუ ასხენებენ მას უბოთებების „პლიერიას“ და „დიდებულს“ გარეშე. ვერც ჩვენ ვულკატებთ აღნიშნულ ტრადიციას, რადგან სხვა სიტყვებით ნამდვილად გაპირდება ლავოდების ნაკრძალის ამ ნამდვილი მშვენიერების — ქართული მუხების დამახასიათებელი, მათ შორის ცოტა როდია ხუთასწლიანი „ვეტრანი“, რომელთა ტანის სისქე ერთობლივად მეტრს ჰგავს. ტანან და ამაყად შროალებენ მრავალსაუკუნოვან ტყეთა საიდუმლოს ეს დიდებული მოწმენი.

ავყვეთ მთის ბილიკს ზევით. ჩვენ უკვე წიფლნარის ზონაში ვართ, რომელიც ზღვის დონიდან 2200 მეტრის სიმაღლემდე უწევს. საქართველოს მცხოვრებთაგან ვინ არ იცნობს და პატივს არა სცემს წიფელს?! ვის არ უჩრდილებია მისი ფართოდ გადაშლილი ტოტების ჩრდილი?! წიფელი სამართლიანადაა მიჩნეული ჩვენი ტყეების ფუძედ და სიმდიდრედ. ფუძედ იმით, რომ საქართველოს ტყეების საერთო ფართობის 2 მილიონი ჰექტარი ნახევარი სწორედ წიფელს უჭირავს, ხოლო სიმდიდრედ იმისთვის, რომ იგი იძლევა ერთს მხრივ მშვენიერ მასალას და მეორეს მხრივ თხილისებრ ნაყოფს, რომელიც 35 პროცენტ ზეთებს შეიცავს.

წიფლნარის ზონის ნამდვილი მშვენიერება დიდებულ, ტანადი ბოყვი, რომელსაც მსუბუქად, მაგრამ ამაყად დაუფენია მიწამდე თავისი ძლიერი ტოტები. მცენარეთა დღევანდელ სამყაროში ბოყვი მილიონობით წლებს ვადაღმა ებოქიდანაა მოსული. და თითქოს ამიტომაც შემორჩენია „განდევლის“ ხასიათი — ბუნებრივი ხანით იგი მხოლოდ ორ ადგილას იზრდება: ალაზნის ველზე და კასპისპირეთის სამხრეთით. ბოყვს ერთი არაჩვეულებრივი თვისებაც აქვს. მის ტანს შესანიშნავი რეზონანსული თვისებები ახასიათებს, რაც მუსიკალურ ინსტრუმენტს სუფთა და მშვენიერ ელვადობას ანიჭებს.

ბოყვისა და წიფლის მგზობლად ხარობს უთხოვარი, ცაცხვი, თელა.

რამდენიმე ასეულ მეტრს კიდევ ავღივართ შალა და ჩვენ თითქოს გვიხდება გაუთვალისწინებელი მოგზაურობა ცივ და შორეულ მხა-

რში. ავერ არყის ხე, ავერ ცირცელი, ხეჭვიხალი. თუ კიდევ უფრო შორს წავალოთ — იქეთ, სადაც ნისლეები დაბორილობენ და ღრუბლებია ჩამოწოლილი, წაფაყდებით ზუტუნარებს, საცოდავ ტყეპრეცილას, განთქმულ კავკასიურ როდოდენდრონს. ამ თავბრუდამხვევ სიმაღლეზე იგი ასევე მშვენიერად გრძნობს თავს, როგორც სხვა მცენარეები თბილ და ტენიან დაბლობებში.

ნაკრძალის ფლორის საოცარ სპექტრს სუბალპური და ალპური ზონები ამთავრებენ. აქვერ შევხვებით ტანშალა ზეგებს ხშირი ტოტებით, მაგრამ ეს მშას როდოდენდრონს, თითქოს აქაურობა ღარიბია მცენარეული სამყაროთი. ისიც თავისებურად მდიდარი და მრავალფეროვანია. 2500 მეტრიდან 3200 მეტრამდე ზონში და ზოგჯერ უფრო ზევითაც გადაშლილია ზღაპრული სამყარო ბალახებისა და ყვავილებისა, რომელიც გვაოცებს ჯიშებისა და ფორმების სიჭრელით.

ბუნება აქ უკეთ, ვიდრე სხვაგან, გვიჩვენებს, თუ რა შეუდარებელი და ჯადოქრული შემოქმედია იგი და რა ამოუწურავი შესაძლებლობები აქვს მას, შეუხამოს ფლორა ყოველგვარ სასიცოცხლო პირობას.

საქმარისია ითქვას, რომ ალპური ზონის უმაღლესი სარტყელის ხალიჩა ასე სხვადასხვა სახის ბალახითა და ყვავილითაა მოქსოვილი.

ლაგოდების ნაკრძალის ყვავილები დაწვრილებით საუბრის ღირსია, რადგან სწორედ მათ მოუხეხებს ნაკრძალს მსოფლიო სახელი. ზოგიერთი მათგანი, ე. წ. ენდემები, არსად მსოფლიოში არ გვხვდება.

დიდებულ სანახობა

ლაგოდების ნაკრძალში ფლორა და ფაუნა საოცარის მრავალფეროვნებით ერწყმის დაუვიწყარ პეიზაჟს.

მთის სწრაფი ნაკადულები თავიდან ბოლომდე სერავენ ნაკრძალს, ისინი განსაკუთრებულ კოლორიტს ანიჭებენ მას და შემოფარგნს მხიარული ხმაურით აცხებენ. მდინარეებში შრომა და ლაგოდები მშვენიერ ჩანჩქერებს ქმნიან. ამ ჩანჩქერთაგან ყველაზე ლამაზი და დიდი მაინც ლაგოდებსხეა. საინაშ მასთან მიხედვით, უნდა გრძელი და მოქანცველი გზა გაიაროთ. სამაგიეროდ, ჩანჩქერთან ახლოს მისულს და მისი მშვენიერების მაცქერალს გავიწყდებათ დალა. თქვენს წინ დაუყოყნარი სურათი იშლება. ას მეტრზე მეტი სიმაღლიდან ქუხილით ეშვება ქათქათა წყალი. ეხლება კლდეებს, კამკამებს შვის სხივებში, იმსხვრევა და ციაგებს.

ნაკრძალში არის ადგილები, რომლის მხა-



ველს ისეთი გრძნობა ეუფლება, თითქოს ზღაპრულ სამყაროში მოხვედრილიყოს. ესაა პირველყოფილი, მთველმარე და გაუვალი ტყეების უბანი. ტყე ისე ხშირია, რომ მის სიღრმეში მარადიული წყვილია და ბუდეტულია.

ნაკრძალში, როგორც თავისებურ ფოკუსში, თავმოყრილია კავკასიის ბუნების მთელი სილამაზე, მაგრამ განსაკუთრებულ და განუმეორებელ მშვენიერას მაინც 3000 მეტრის სიმაღლეზე მოთავსებული ტბები ქმნიან. ესაა შავი მთების ტბები. სდუმან და კამკამებენ რუხი კლდეებით გარშემორტყმული ეს თვალები შავალი მთებისა. მათ გამჭვირვალ სიღრმეებში, როგორც სარკეში ისე ისახება მაღალი ცა და ალპური მდელოების სილამაზე.

თუ მდინარეების ლავოდებისა და მაციმას სათავეებამდე ავალწევთ, ჩვენს თვალწინ გადაიშლება ნაკრძალის მთელი პანორამა თავისი მომხიბვლელი და შორის წასული შემოგარენით.

ჯაკვცივი ერთმანეთზე გადაბმული მთები ნელა, სულ ნელა დაბლდებიან, თანდათან იქცევიან ალაზნის დაბლობისაკენ მსტოლვარე მწვანე კორდებად, ხოლო თვითონ ალაზნის ველი თავისი სახნავ-სათესით, ზერებითა და მინდვრებით თვალისმოშორდება ელვარებს მათა ამ დიდებულ ქარაგნის ფეხით.

ველზე მიდუღუნებს წყალუხვი ალაზანი და მის გარემომცველ სივრცეებს არა აქვს საზღვარი.

ბაღმინა ირმაზი

მატყუარაა ნაკრძალის სიჩუმე. ვისთვისაც უცხო არაა ტყის ხმაური, ვისაც ბუნების წიგნის კითხვა შეუძლია, იგი დარწმუნდება, რომ ნაკრძალში ცხოვრება დღეს და გადმოდღეს.

ხშირი მცენარეული საფარით შემოსილი ეს ვორები, მასში მრავლად რომ არ იყოს ცხოველი და ფრინველი, მოკლებული იქნებოდა თავის მთავარ სიმდიდრეს.

— ნაკრძალის ცხოველთა სამყარო — მოვეთხორობს ნაკრძალის თანამშრომელი — საოცრად მრავალფეროვანია. მათი ჩამოთვლა ძალზე გაკვირდებოდა. ყველაზე ლამაზები მათ შორის, რა თქმა უნდა, ჩლიქოსანი ცხოველებია.

ჩვენ ნაკრძალის დათვალიერება ოქტომბრის შუა რიცხვებში მოვიხსნა. მთაში ამ დროს ოქროს შემოდგომაა და მიდამო ოქროს ფერადობითაა მოთქვილი. დალილები შებინდებისას ებრუნდებილიდ ღამის გასათევად. ირგვლივ ჩამოქოლილ ღუმელს მიდინარის დუღუნი არღვევდა მხოლოდ. და უეცრად ღამის სიჩუმე გააპო საყვარების დაბალმა ხმებმა. კლდეებზე

ასხლეტილი ამ ბგერების ეხო კარგახანს ასხლეტილი ბოლა ხან აქეთ, ხან იქით და ისეთი შთაბეჭდილება ექმნებოდა მსმენელს, თითქოს თავად მთებმა ჩაბებრეს უხილავ საყვირებს. ჩვენი გაოცება რომ შეამჩნია, ვამცილებელმა ავიხსენა:

— ეს კავკასიური ხარირმები ვაპყვირიან. დილაზე ვერ მოისვენებენ ახლა ისინი. ყოველი მათგანი სასიკვდილო ორთაბრძოლაში იწვევს თავის მეტოქეს.

მეორე დღეს ტყეებში ჩავედილ პაწია მინდორზე ჩვენ თვალ მოკვარით ხარირმებს. ამაზე ღამაში სანახავი ძნელად რომ რამე მოიძებნოს ბუნებში.

კავკასიური ირმის კეთილშობილებას სამართლიანად უსეამენ ხაზს. განიერი მყერდი და მოღრებული, მაღალი კისერი, ბარჯღალარქები და კუნთებიანი, მაღალი ფეხები ბუნების ამ ლალ შვილს საოცრად მომხიბლავს ხდის.

ჯერ კიდევ ამ რამდენიმე წლის წინათ ირმები თითქმის მთლიანად გადაშენებული იყო. საყმარისია აღინიშნოს, რომ 1938 წლისათვის ნაკრძალში 10-12 ირემი ძლივ იქნებოდა.

მაგრამ ადამიანის მზრუნველმა ხელმა ვადაარჩინა ეს მშვენიერი ცხოველი. ზამთრობით იმ ადგილებში, სადაც ირმების ჯოგს უყვარს ხეტიალი, ტოვებენ ნოყიერ საყვებს, თივას, კარტოფილს, ქვამარილს. აგებულია აგრეთვე საგანგებო ფარდლები, რათა უამინდობისას ცხოველებმა თავი შეეფარონ. ამ ღონისძიებებს მალე შედეგიც მოყვა და ამჟამად ნაკრძალში ასობით კავკასიური ირემი დანაყარდობს.

მთებში ყველაზე მაღლა ამყავ, მაგრამ მფრთხალი დაღესტნური ტური ბინადრობს. ზაფხულის თვეებში ტურებს შეხედვებით თავებრუდამხვევ ფერდობებზე, ალპური ზონის მდელოებზე მოჯირითევენ. ისეთ ადგილებში, სადაც კაცის თვალი ვერაფერს ამჩნევს ფეხმოსაკიდებელს, ტური თავისუფლად პოულობს საყრდენს. იგი სწრაფად და მოქნილად ხტება კლდიდან კლდეზე. იგი იმდენად ფრთხილია, რომ გამოცდილი მონადირეც კი ვერ მოახერხებს სათიფქვ მანძილზე მოუახლოვდეს.

კაცის თვალი ვერაფერს ნახავს ტურების ჯოგზე უკეთესს. როცა ჯოგი დაიძვრება, შორიდან გგონია, თითქოს ვეება რქების რწყევით ფერხული გაუმართავთ მრეღ მდილოზე. მთების ამ ნამდიღ მშვენიერას იოცა ხედვით, უნებლიეთ ფიქრობთ: რომ მთელი მისი ძალა და ღონე ამ ვეებერთელა რქებშია თავმოყრილი. ზოგიერთი ტურის რქა სიგრძით მეტრზე მეტია და სიმძიმეში ფუტს სკარბობს.

ხალხური სიბრძნე ვააწავლის: „ტყე რაც



უფრო ხშირად, შიგ მტეი ნადირია. ასეა ლავოდების ნაკრძალშიაც. აქაური ტყეების წამდელი მბრძანებელია მრისხანე, მაგრამ სასაცილო კავასიური დათვი. ცხოვრობს იგი ლალად და თავისუფლად. საკვები ბევრია, საშვებ სრული. ბუნებას უხვად დაუჯილდობია მისი სამყოფელი ყველაფრით, რითაც იგი არსებობს — აქ თავზე საყრელადაა პანტა, მსხალი, შინდი, ქოლო, მაყვალი.

რამდენ სასაცილო და ზოგჯერ სამწუხარო ამბავს ყუებიან ნაკრძალის მეთვალყურენი დათვებზე. მართლაც ძნელია დიმილი შეიკავო ვაშლის კენწეროში მოქცეული დათუნის დანახვზე, რომელიც გულმოდგინედ აჩხვეს ტოტებს და ბერტყავს ნაყოფს ბეღებისათვის, რომლებიც ხის ძირას მხიარულად დაბაჯბაჯებენ.

ხილისა და თაფლის უზომო სიყვარული დათუნისათვის ხშირად ტრაგიკულად მთავრდება. ერთხელ ხეზე ვეებერთელა დათვის ჩონჩხი ნახეს, ყუები ღრმად ჰქონდა ჩაყვდილი ფულუროში. ეტყობა ნადირი თაფლისთვის ამოკოცებულა და თავი ისე ღრმად შეურგავს ფულუროში, რომ შემდეგ უკან ვეღარ გამოუტანია. ასე გაბმულა ბუნებრივ მახეში თაფლის მოყვარული მხეცი.

ლალ და თავისუფლად ცხოვრობენ აქ გარეული ღორებიც. მათი „მენიუ“ მრავალფეროვანი და ნოყიერი საქმელებისაგან შედგება, დაწყებული ტყის ნაყოფით და გათაყებული სიმინდითა და მიწის თხილით, რომელსაც საკანგებოდ მათთვის თესვენ. ამგვარი მოვლა-პატრონობის შედეგია, რომ ზოგიერთი ტახი ათ ფუთზე მეტს იწონის.

მოკლე ნარკვევში ძნელია დაწვრილებით ილაპარაკო ტყისა და მდელოების ყველა ბინადარზე. მწვანედ გაფოთილ ტოტებზე გადარბის ციყვი, ფულურო კედლებს გულმოდგინედ უკაკუნებს კოდალა, გუგული გასძახის თავის გუგუს, მალა კი ამაყად ირბოს არტყამს არწივი...

ციცხალი ბუნების ლაბორატორიაში

ზოგიერთს ნაკრძალი ბუნების ერთგვარ ტაძრად მიაჩნია, რომლის ერთადერთი დანიშნულებაც, მათი აზრით, ისაა, რომ გაუფრთხილდეს და ხელუხლებლად შეინახოს პირველყოფილი ბუნების ქალწულებრივი მშვენიება. მაგრამ ცდება ყველა, ვინც ასე ფიქრობს. ნაკრძალი ტაძარი კი არაა, არამედ უდიდესა ბუნებრივი ლაბორატორიაა, რომელშიც ადამიანი სწავლობს ციცხალი ბუნების დიად ხაოტრებებში უფრო ღრმად და კარგად ჩაწე-

დომას, მისი განვითარების კანონზომიერებას შეცნობას.

ნაკრძალს ამ საქმის ერთუნიასტების მტკიცრიცხოვანი კოლექტივი ემსახურება, მათ შორის არიან მეცნიერბუნებები და მეთვალყურენი, რომლებიც თვალყურს ადევნებენ მცენარულთა და ცხოველთა სამყაროს დაცვას. ერთსაც და მეორესაც თავისი წვლილი შეაქვს ბუნების წიგნის შესწავლის საქმეში. ამის გაკეთება კი ადვილი როდია. ამ წიგნის ფურცლები რომ წაიკითხო, უნდა მახვილი თვალი გქონდეს, უნდა შეგეძლოს ფაქტების დაგროვება და განზოგადება.

ნაკრძალის მეთვალყურენი ვალდებულნი არიან გაიარონ ერთგვარი ტექნიკური, რომლის პრაგმაა ზოგს შეიძლება უჩვეულოდ მოეწვევოს. მასში, მაგალითად, შეხედებით ასეთ თემას „პერბარბის შევროება და გამრობა“.

ადვილი როდია მეთვალყურის შრომა. მთელი წლის განმავლობაში, სიციხესა და ყიამეთში იგი თავის პოსტზეა. ეს გასაგებია. რადგან საჭირო ჩანაწერის გასაკეთებლად ხშირად აუცილებელია ძნელი გზების გადალახვა. კლდეებზე ცოცვა, მფრთხალი ნადირისა თუ ფრინველის დევნა.

როგორც მოთმინებით და სიბეჯითით, როგორი სიყვარულით და ვატაცებით ემსახურება ამ საქმეს ყველა მეთვალყურე. 30 წელზე მეტია ამ საქმეს ემსახურება გორგი თამაზაშვილი. მასთან საუბარში თქვენ ბევრ ძალზე საინტერესო რამეს გაიგებთ მცენარულ და ცხოველთა სამყაროზე, ტყის ბინადართა საოცარ ცხოვრებაზე, მათ ქვეყასა და ჩევეებზე.

ცოცხალი ბუნების საოცარი ლაბორატორია — ლავოდების ნაკრძალი მეცნიერთა შორის დიდი სიყვარულით სარგებლობს. თვეობით უმუშავიათ მის წიაღში ბუნების ცნობილ მკვლევარებს.

ერთი შეხედვით შეიძლება მოგვეჩვენოს, რომ მეცნიერული მუშაობა, რომელსაც აქ აწარმოებენ, ნაკლებადაა დაკავშირებული პრაქტიკასთან და, მაშასადამე, არა აქვს პრაქტიკული მნიშვნელობა. მაგრამ ეს ასე როდია.

ჩვენთვის აუცილებელია დავადგინოთ ნიშნები წარმოქმნაზე ტყეების გაყენის კანონზომიერება, იმავე ტყეების როლი მდინარეების ხასიათის გამომუშავებაში. ჩვენ ვალდებული ვართ ვიცოდეთ საუკუნეთა მანძილზე ბუნებაში მომხდარი ცვლილებების შესახებ. უნდა მოვიპოვოთ ზუსტი მონაცემები მცენარულთა განვითარების სხვადასხვა ფაზების შესახებ.

ყველა ამგვარი საკითხების გადასაწყვეტად ნაკრძალში ძალზე საინტერესო და ამოუწუარავი მასალა მოიპოვება. აქ წარმოებული



დაკვირვებების შედეგად ცხადი ხდება, თუ რა ჯიშად მიიწევს მცენარეული საფარი ზევით და ზევით, როგორ თანდათანობით ეუფლება და იმორჩილებს იგი შიშველ კლდეებსა და გორებს. ლაგოდები ხომ ტყეთა გავრცელების თვალსაზრისით ყველაზე მაღალი ზოლია მთელს აღმოსავლეთ კავკასიაში.

ბევრი ძალზე საინტერესო ცნობა იქნა ნაკრძალში მოპოვებული იმის გასარკვევად, თუ აღამიანს მგობარი ტყე როგორ ესმარება მწირი ნიადაგის გამოხიერებას, — ბარქიანი მოსავლის საფუძველის ჩაყრას.

ხშირად გვიშვრია გულისტკივლით ეროვნით დაქმული კლდეებისათვის, უსიცოცხლო ფერდობებისათვის, რომელზედაც ოდესღაც მწვანე ხალიჩა იყო გაფენილი. თუ აღამიანი გულისყურით მოეკიდება ტყეების დაცივის საქმეს, მსგავს სურათებს ვეღარასად ვეღარ შევხვდებით.

ტყეს, სამწუხაროდ, ბევრი მტერი ჰყავს. ყველაზე შეუბრალებელი მათ შორის მიაჩნთავალით უხილავი მიკროორგანიზმებია. ნაკრძალის მუშავეებმა დიდი მუშაობა ჩატარეს ტყეების დაცივის ღონისძიებათა გამოსაძებნად. დიდი მწიშნელობისა ამ მხრივ ი. შავლიაშვილის გამოკვლევები ტყის სოცოვანი დაავადების საკითხზე.

კავკასიის მთები — ეს მარტო სილამაზე და ეგზოტიკა კი არაა, არამედ შესანიშნავი სამეურნეო სიმდიდრეც, რომლის სრული ათვისება და გამოყენებაც მომავალში უნდა მოხდეს. ამ სიმდიდრიდან ერთი პირველად გიგანტური უქირავის მშენებელი ალბურ საძოვრებს.

— მთის საძოვრები — გვიტბრებს ნაკრძალის თანამშრომლებმა; — ჩვენი საკოლმეურნეო მეცხოველეობის წარმატებების ნამდვილი გასაღებია. მაგრამ მისი გამოყენება, სამწუხაროდ, ყოველთვის გვეგმაზოიერად და გონიერულად როდობს.

ალბური საძოვრების შესწავლა მეცნიერ-მუშაკთა ყურადღების მთავარი საგანია. ამ საკითხის დამუშავებისადმი მიძღვნილი, კერძოდ, გ. ნახტურიშვილის სადისერტაციო შრომა.

ნაკრძალს თურმე უშუალო კავშირი ჰქონია არა მარტო მეცხოველეობასთან, არამედ ავრთვე მედიცინასთანაც. ამის შესახებ ჩვენ თბილისის ქიმიურ-ფარმაცევტული ქარხნის ლაბორატორიებში გაიგეთ. და ეს შემთხვევითი

არცაა. ლაგოდებში 80 მეტი სახის სამკურნალო მცენარეა აღრიცხული, რომელთა სამკურნალო თვისებებით დიდადაა დაინტერესებული ჩვენ ფარმაცევტული მრეწველობა.

ძალზე საინტერესოა აგრეთვე მუშაობა, რომელიც ამ მცენარეთა აკლიმატიზაციის საკითხების დასამუშავებლად სწარმოებს. ნაკრძალში აუცილებლად განეყენებენ პატარა ნაკვეთს, სადაც ალბური ზონის მკვიდრი მცენარეულობა გაუხარბიათ. თვალშეუდგამი სიმალღებებიდან გადმონერგული მცენარეები მშვენიერად შეგუებია დაბლობის პირობებს. თავდაპირველად ბევრი ფიქრობდა, რომ ალბური სტუმრები ვერ გადაიტანდნენ „გადასახლების“ სიმწარეს და სუბტროპიკულთან ახლოს მღვთვ პირობებში დაიღუპებოდნენ, მაგრამ ასე არ მოხდა, ისინი მშვენიერად შეეწყვნენ ახალ გარემოს. მხოლოდ ესაა, რომ ხასიათი ერთგვარად შეიცვალეს. ასე მაგალითად, დაბლობში მოხედრილმა მთის მშვენიერმა ბეტონიკამ დათქმულ ვადაზე ორი თვით ადრე გაფურჩქნა ყვავილები.

ჩატარდა საპირისპირო ცდებიც. დაბლობის ბინადრებმა მაღალ მთებს მიაშურეს, რათა იქაურ პირობებს შეგუებოდნენ. სათუთი და ჭირვეული „სიცოცხლის ფესვი“ — ქენ-შენი მშვენიერად გრძნობს თავს ზღვის დონიდან 1500—1600 მეტრის სიმაღლეზე.

ნაკრძალში თქვენს ყურადღებას აუცილებლად მიიქცევს ხე გიგანტური, თითქმის ერთი მეტრის სიფართის ფოთლებით. ეს ხეებურაა. მას, გარდა დიდი ფოთლებისა, კიდევ ერთი განმასხვავებელი თვისება აქვს — საოცრად სწრაფად იზრდება. წლის განმავლობაში იგი სიმაღლეში საშუალოდ 5-6 მეტრს იმატებს. ხუმრობით ამბობენ, რომ ერთხელ მის ჩრდილქვეშ თურმე კაცმა დაისვენა. მან ქული ტოტზე ჩამოკიდა, თვითონ კი დაიძინა. როცა გამოეღვიძა, ქუდს ვეღარ შეწვდა, ისე გაზრდილიყო ხე მის ძილში.

ბევრი, ძალიან ბევრი შეიძლება ითქვას ლაგოდების ნაკრძალზე. სტოვებთ მას, ემშვიდობებთ მის მშვენიერ მთებსა და მდღეობებს და მიგყვებით ერთი გრძნობა: ამ უქვედაი და მაცოცხლებელი სილამაზის დაფასების და დაცივის სურვილი.

მოუტარიო და დაეცვათ მშობლიური ბუნების ეს ფასდაუღებელი სიმდიდრე!



ლილია ბაიღოვსკაია

მადრიანი აღმონაცენი

— რომ არაფერი მაქვს, რითი გავაგზავნო. მანქანა ველზეა... გახურებული მუშაობაა, შენც კარგად იცი, — ბოდიშობდა კილურტის კოლმეურნეობის თავმჯდომარე ამირან ფეიქრიშვილი, როცა დღეშეთში ისტუმრებდა ლადო წიკლაურს — დღეშეთის საწარმოო სამმართველოს ინსპექტორ-ორგანიზატორს.

იმ კოლმეურნეობებში, რომლებზეც მიმაგრებული იყო ლადო, მისი სტუმრობა აღარავისთვის იყო მოულოდნელი, ხოლო ამ ბოლო დროს ისე დაუხშირა ჩასვლა, რომ ფაქრადაც არავის მოსლიოდა, სტუმარია და როგორც სტუმარს ეკადრება, ისე უნდა მივიღოთ.

— ვიცი, ვიცი, ნუ სწუხარ, ამირან, ჩემს ხაკუთარ მანქანას — მან ფეხებზე დაიხედა — ჯერ არ უღალატნია ჩემთვის. პირველად ხომ არ მივედივარ! იქნებ სულაც გზაში წამომეწიოს რამე და მიმიყვანოს. აბა, ნახვამდის!

კაცმა რომ თქვას, ახლა მაინცდამაინც არ ეხალისებოდა ფეხით სიარული — დილადრიან მინდვრად გასული გვარიანად დიდილა და მოშივდა კიდევ. მზე აშკარად არად აგდებდა კალენდარს და თუმცა მაისის დამდეგი იყო, უმოწყალოდ აცხუნებდა. გზად შემოხვედრილ მანქანაზე ფიქრიც ზედმეტი იყო — გახურებული თესვავა, ყველა მინდვრადაა გასული, და უნდა არ უხნა, თერთმეტი კილომეტრი უნდა გაააროს ფეხით თვალეზე.

ლადო გზას გაუდგა, მაგრამ ორმოცდათი ნაბიჯიც არ გეწებოდა გავილი, რომ უკან მომავალი ამირანი შეამჩნია.

— ცოტას გავაკლებ და კანტორაშიც შევივლი.

— გაგეკრა შენი კანტორის კარზე განცხადება: მნახველებს მინდვრად ვღებულობთო. მე ხომ დილიდან მოგაკითხე კანტორაში, მეგონა მოგისწრებდი. ძალზე ტკბილად მიმიღო შენმა ერთგულმა თანამემწემ დალაგების დარკში...

— ვინა, დამლაგებლმა მარომ? — გაღიხარხარა ამირანმა.

— სწორედ იმან. დოქით ცივი წყალა მოიტანა, დამალეგინა და შემომთავაზა — გავიქციევი მინდვრად, მოენახე და კანტორაში მოვიყვანო. მე ვუთხარი, არაფერი გამოგევა-მეთქი; შენ ხომ ახლა ტრაქტორითაც კი ვერავენი გამივათრევეს მინდვრიდან.

— მართალს ამბობ, — ისე ამოიხენეშა ამირანმა, თითქოს მიუტყვევებელ სისუსტეზე მიუთითესო. — ავე ჩემი სახლიც. ხომ არ შემოხვიდოდი? პატარას დაისვენებდი.

ლადო ხელად დათანხმდა.

ვაიარეს ვეება კაკლის ხით დაჩრდილული მოკრიალებული ეზო და კიბით ავიდნენ გაღვრებაში. იქიდან მოჩანდა ღობეს მოფარებულ ბოსტანს, სადაც კვლები ისე ზუსტად ჩამწკრივებულიყო, იტყოდით, სახაზავით დაუნაწილებიათო. ყველაფერს უზადო წესიერების, მეოჯახებობისა და მზრუნველი მოვლის კვალი აჩნდა.

„მაშ ყველაფერა აქედან მოდის თურმე, ამ სახლიდან, — ფიქრობდა ლადო ამირანზე. — ერთობა ძვალბილში აქვს გამჯდარი მიწის ყადრის ცოდნა და ყველგან წესრიგის დამყარების მსწრაფება. თითქოს ეს შუატანის ჩაფსკენილი კაცი დედაკაცს კი არა, თვითონ მიწის უშობნია, და ახლა შვილური ალერსით თავის ევლება და ზრუნავს, და მიწაც უხედა უნაზღაურებს ამ უსახდვრო ნდობასა და სიყვარულს“.

ჯერ წელიწადნახევარიც არაა, რაც ამირან ფეიქრიშვილი სათავეში ჩაუდგა კილურტის ჩამორჩენილ კოლმეურნეობას, რომელიც კულში მისჩანჩალებდა რაიონის კოლმეურნეობებს, ახლა კი მათი კოლმეურნეობა უკვე მოწინავეა და კარგა გვარიანადაც გაუსწრო ბევრ თავის მეზობელს თითქმის ყველა მაჩვენებლებით. კილურტის კოლმეურნეებმა შარშან რომ მო-



სავალი მიიღეს, ისეთი მოხუცებებსაც კი არ ახსოვთ. ეს შემთხვევითი როდია. შემთხვევითი ის იყო, რომ მრავალი წელი კოლმეურნობის განაგებდა უხვირო თავმჯდომარე, რომელსაც სულ არ ენადგებოდა, მისი უთავობით სულ ფუჰად რომ იკარგებოდა კოლმეურნეთა თავდადებული ცდა მუშაობის აწყობისა; მათი ოფიტი ძირწყული ნათესი რომ ერთ დამეში მიძილებოდა სულ გადათელა უმეთვალყურეოდ მიტოვებულ ნახირს. ქალურტელებს უჭირდათ ცხოვრება, ზოგი ტოვებდა კოლმეურნობას და დიდიმში მიდიოდა შემთხვევითი სამუშაოს საძებნად.

თვითონ კოლმეურნეებს კარგა ხანს ვერ გადაეწყვიტათ რაიმეს შეცვლა, ვერც არ ნახეს, რომ მათმა სოფელმა, რომელმაც გურჯაანის სასოფლო-სამეურნეო ტენიკეში დამთავრა, აგროტენიკოსად დაიწყო მუშაობა კოლისწუაროს კოლმეურნობაში და მალე მისავალიც მიიღო. ვითომ რატომ არ უნდა დაბრუნდეს თავის სოფელში? არ შემედარან ქილურტელები, როცა თავიანთ ერთ-ერთ კრებაზე კოლმეურნობის თავმჯდომარედ ამირან ფეიქრიშვილს აირჩიეს.

ამირანმა გამაღწო თავისი უფროსი ძმის მუქლემი, რომელიც სუფრას დაუტრიალდა.

— აი ის კი უწესრიგობაა, კაცი ოცდაათი-მეტი წლისა იყოს და ცოლშვილს კი არ მოჰკიდებოდეს! საშინელი უწესრიგობაა! — ზუმრობითა თუ სერაოზულად შეუწყრა ლადო. — კარგი მეოჯახე ხარ, მაგრამ რა ფასი გაქვს შენს სახლში, თუ დიასახლისი არ გეყოლება? შენზე ახალგაზრდა ვარ, მაგრამ უკვე ექვსი წლის გოგონა მყავს.

ამირანი, ჩვეულებსამებრ, თავს არიდებდა ასეთ ლაპარაკს.

— არა მცალია! ახლა ხომ სულ უფრო მოუტეველი ვარ. ეს რა მოდა მოიგონეთ სამართევლოში, კორესპონდენტებსა და სტუმრებს რომ მიგზავნით: უმარებ დროს მართმევენ. სხვა კოლმეურნობებიდან რომ მოდიან ჩვენი მუშაობის სანახავად და რაიმეს შესასწავლად — ეს შესისი, და ვცდილობ, რითაც შემძლია დავეხმარო. კორესპონდენტებთან ლაპარაკი კი მიჭირს — სულს ამოგართმევენ შეკითხვებით — რა გააკეთეთ, რანაირად მიადწიეთო? კაცმა რომ თქვას, მოსაყლოც კი არაფერი მაქვს. არაფერი სასწაული არ მომხდარა. საშემოდგომო სამუშაო დროულად ჩავატარეთ, მოსავალი დროულად ავიღეთ. მოსავალი კარგია და გუნებგანწყობილებაც უფრო უკეთესი. თვის-სთვის წინასწარ ვემზადებოდით. შემოდგომისთვის ჩავატარეთ სათესი ხენა; აგროტენიკოს ყველა ვადა ლავიკავით. ახლა მცოდნე ზოოტენიკო-

სიც მყავს. ბალებს მივხედეთ, გავერანებულ ვენახი მოვაწესრიგეთ. მეც რას ვაგები ამაგის მოყოლა, ჩემზე უკეთ იცი ყველაფერი — ისეთი დაქოქლე: ვინმე ხარ, სანამ ბოლომდე არ ჩაუკრიკტლები ყველაფერს, არ მოისვენებ. მაგრამ დამეთანხმები, ამა განსაკუთრებულ რას ვაკეთებთ ჩვენს კოლმეურნობაში? აღეჭით და ძველი ტრადიციით ზახალეთის კოლმეურნობაში წაიყვანეთ ხოლმე სტუმრები — საჩვენებელი მეურნეობა და ყველაფერი აწყობილი აქვთ. მე კი ისედაც მყოფა თავსამტრევი. მერედა რა თავსამტრევი! მემკვიდრეობა რომ მივადე, ჩვენ ხომ ბანკის ანგარიშიც კი დახურული გვექონდა. რანაირად ვინდა ტენიკით შეაზარდე? თესვას როგორღაც თავი ვავართვით, ძველი სათესი მანქანები შევაკეთეთ. ახალი შევიძინეთ, კიდევ კარგი, სამმართველომ ძალზე ვავიშართა ხელი — სასოფლო-სამეურნეო მანქანები ისე დაუნაწილა კოლმეურნეობებს, რომ მაინცდამაინც უსაშველო გაპირებება არც ერთს აღარა გვაქვს. მაგრამ ტენიკაში მაინც ვერა ვართ კარგად. შემოდგომა წინ გვიდევს, ჩვენ კი მთელს კოლმეურნობაში ერთი კომბაინი გვაქვს... რანაირად შემოეუბართ საქმეს?

— იქნებ სადილის დროს მაინც შეეშვა მაგ შენს სათეს მანქანებსა და კომბაინებს! — გაჯავრდა ლადო.

ამირანს შერცხვა, ვაწითლდა, მაგრამ მაინც არ დაიხა:

— რა ვქნა, სულ ეს მიტრიალებს თავში. ახლა კიდევ საცაა სესხები დაიწყება ინსტიტუტში, სამეცადნო დროს ვაივგალახით ვპოულბო, ძალზე ძნელია... უკვე მეოთხე კურსზე გადავდივარ. საერთოდ კი, მართლაც მოსაწყენი მოსაუბრე ვარ, საქმეზე თუ არ ვილაპარაკე სხვაზე არც ვიცი რაზე ვილაპარაკო.

მაგრამ არც თვითონ ლადოს უცდია ლაპარაკის თემის შეცვლა. და თუმცა საუბარმა ერთ საათზე მეტ ხანს გასტანა, ძირითად მაინც კოლმეურნობის აგვარება და საწარმოო სამმართველოს საქმიანობის პირველ ნაბიჯებზე ლაპარაკობდნენ. ეტყობოდა, ორივესთვის ეს იყო არა საქმე, არამედ თვით ცხოვრება.

— საერთოდ კი — მე თუ მკითხავ — ძალზე სწორი და ჰკვიანური მოგონებია ეს საწარმოო სამმართველო. რანაირად შეიძლება, რომ ერთ რაიონში, ერთ მიწაზე იყოს მოწინავე და ჩამორჩენილი კოლმეურნეობები, როცა ჰავაც ერთია და ხალხიც — მხოლოდ ხასიათი თუ აქვთ სხვადასხვანაირი; ჩვენმა გლეხმა იცის მუშაობა, ოღონდ ხედავებს, რომ მისი შრომა ტყუილად არ იკარგება და სათანადოდ დაფასებულია. მიწა ხომ გრანობიერია, კეთილი: შენ ოღონდ პატივისცემით მოეჭეცე, ოღონდ



მოკიდდე, და რასაც გინდა, იმას მოგცემს. ხოლო თუ სამმართველოს სპეციალისტები თვალს მიატახენ ყველა ავტორტექნიკური პირობის შესრულებას და მოწინავე მეთოდების დანერგვას, კონტროლს გაგვიწვიენ და ხელს შეგვიწყობენ, — რასაც გინდა იმას მიაღწევ. მართლა, რა თქვით კრებაზე, ანაზღაურების რაღაც ახალი საგარანტო მინიმუმი; რეკომენდაციები უკვე მოამზადეთ?

— ამ დღეებში მიიღებთ და განისაღებთ. მე მგონია, კოლმეურნეებს ჭკუაში დაუჯდებათ. თუნდაც მწველავი ქალი ვთქვათ — გვეგვის ფარგლებში ყოველ ლირს რძემად სამ კაპიკს მიიღებს, შრომის ანაზღაურების გარდა, ხოლო გვეგვზე მეტს რასაც მოწველის, ორმოცდაათ პროცენტს მისცემენ. არც სხვები დარჩებიან განაწყენებულნი.

ლადო ჭილურტიდან მხოლოდ მაშინდა წამოვიდა, როცა სამუშაო დღე დასრულდა და მანქანაც დაბრუნდა მინდვრიდან.

ახლა გულიც კი წყდება, მაქსანის დახუთულ კაბინაში რომ უნდა ემჯავრა. ფეხით სიარული უყვარდა და ამასი ხედავდა ერთ ვეება უბრატესობას: გზაში, ხელს არაიენ უშლიდა ევიტრა, გონს მიხსულიყო, აეწონა დაეწონა ყვეელი საქმე, ანგარიში მიეცა თავის თავისთვის. ფეხით მიივალა წამდაუწყემ რაღაცეებს ინიშნავდა თავის მოსკო უბის წიგნაკში. ამ წიგნაკის კუბოკრულ ფურცლები ამოხსნილ კროსეორდს მოგონებდა კაცს — უჯრედები სავსე იყო ციფრებით, ასოებით, ნიშნებით... წიგნაკმა იცოდა ყველაფერი: რამდენი რქე მოწველეს ჭილურტელებმა სულ შარშან, და გასულ კვირას; რამდენი ჰექტარი სიმინდი დათესეს შუახევის კოლმეურნეობაში, და კიდევ რამდენა დასათესი ვეგვის მიხედვით; როგორა ტექნიკის საქმე ოქისში; პირუტყვის საქმარისი საქეები აქეთ თუ არა გრემისხეგვს; რამდენი ჰექტარი ვენახი დაამუშავეს მკადიჯვარში, და ასეთი დამუშეების შემდეგ რა მოსავალი ექნება ყოველ ძირ ვაზს.

ამ წიგნაკში ჩანისმული იყო ყველაფერი, რაც გაეთდა, და ყველაფერი, რისი გაკეთებაც დაეახა მის პატრონს წინასწარ ერთი დღის, ერთი კვირის, ერთი წლის მანძილზე. ლადო რომ არც ვენახით, საქმარისი იყო გადაგეფურცლათ ეს წიგნაკი, რათა შევეტყოთ რაზე უფიქრია, რა უკეთებიაო.

წიგნაკს შეეძლო ავტოთევე ეამზნა, თუ რა კაცია მის პატრონი, — ეკუმოულნად სერიოზული, ჩაფიქრებული, უადრესად აკურატული. მცოდნე სპეციალისტი. ასეთი კაცი გულგრი-

ლად ვერ ჩაუვლას ვერაფერს — ყველაფერს ბოლომდე ჩასწვდება, ყველაფერს ღრმად გაანარებს და ყველაფერს თან წაიღებს, რათა, თუ საჭირო იქნა, გამოიყენოს, მიეხმაროს ვინმეს, შეავიგონოს რაიმე მნიშვნელოვანი...

მაგრამ სხვისი წიგნაკის ქაქკა, თუ პატრონის ნებართვა არა გაქვს, უწყესობა, და თვითონაც უთუოდ არავის მისცემს ამის ნებას. ასე რომ, მეტწილად შეხვედრებით უნდა იმხჯელო მასზე: წარმოსაღებია, ჯანიანა, — უფრო იმას იტყვი, ერთი ძალზე კეთილი, ხალისიანი, უბრალო „ჩვენი ბაკია“, რომელიც ჭირშიც გამოვადგება და ლაღისმოცო.

დღევანდელმა დღემ დალოს მოუტანა ის შთაბეჭდილებები, რომლებიც, კაცმა რომ თქვას, მისთვის გაცილებით მეტს ნიშნავდა. ვიდრე მინდვრებსა და ფერმებში, კოლმეურნეობათა კრებებზე, სამმართველოს თათბირებზე გატარებულა მრავალი დღე. დღეს მან კიდევ უფრო ახლოს გაიწრო აღმართი, რომელიც რა ხანია ბევრს აკვირებდა და ცნობისმოყვარეობას აღუძრავდა.

ყველას მუდამ აკვირებდა ამირანის სიმშვიდე, თათქმის ფლეგმატობა, ზომიერება, რომელითაც ის აკეთებდა დიდ საქმეებს, ახლენდა ძირეულ გარდაქმნებს მიწის იმ ნაჭერზე, რომელიც მისთვის ჩაებარებინათ. ხანდახან ხუმრობდნენ კიდევ მის მეტისმეტ სიღრჯესა და სიტყვაძუნწობაზე. დღეს კი ლადო მიხვდა, რომ ეს კაცი ძლიერია ნათელი შეგნებით, სწორი შეფასებით იმისა, რაც ხდება, და უღვევი რწმენით იმისა, რომ მიწა უხვია, და თუ უნარითა და შეგნებით მიუღვებო, ის დააჯალღოებს მილიონობით აღამიანებს ყველაზე უფრო ნათელი და შეძლებული ცხოვრებით.

ამის თაობაზე ლადოს არაფერი ჩაუწყრა თავის წიგნაკში. ეს გულში ჩაიტოვა. ისევე, როგორც მრავალი სხვა რამ, რაც არასოდეს არ ჩაიწერება უბის წიგნაკში, მაგრამ სათუთად კი შეინახება გულის ხსოვნაში.

ეს მოხდა კარგა ხნის წინათ მთის ერთ მიყრუებულ სოფელ დახროში. წიკლაურების მთელი გვარი ოდიეთე მწყემსები იყვნენ, ახლა კი მათი 11 წლის შვილი ლადო მიდიოდა შინიდან, მიდიოდა თასანაურში, რადგან სოფელში მხოლოდ ოთხწლიანა სკოლა იყო. მას კი უსათუოდ უნდა გაეგრძელებინა სწავლა. მართალია, მის მშობლებს მთელს თავიანთ სიცოცხლემ არც ოთხი წელი არ ესწავლათ, მაგრამ ისინი მამა-მამათა კანონებით ცხოვრობდნენ და სწამდათ, რომ ვისაც დემერტომა მთაში ცხოვრება და საქონლის მწყემსება და მოვლა-პატრონობა არგუნა, მისთვის ბედნიერებო

სხვა კანონი და სხვა გზა არ არსებობს. მაგრამ პატარა ლადოს სხვა რამ სწამდა. მან დაასრულა ფასანაურის V კლასი, მაგრამ ბენდიერებს გზაზე გადაეღობა საშინელი ურჩხული, რომელსაც ერქვა ომი. სისხლიანი ორმოცდა ორი წელი იღვა. მტერი სულ ახლოს იყო. ფასანაურის სკოლა დროებით დახურეს და ლადოც შინ დაბრუნდა.

ოთხი წელი მისი ცხოვრება იყო მთები და ველები; მთის მკაცრა ბუნება და ძლიერი ადამიანები, რომლებმაც დაიმორჩილეს ეს ბუნება. მისი ცხოვრება იყო ზაფხულისა და ზამთრის საძოვარეო, ჯოგები...

და ლდოს თუ ჰკითხავთ, მას არასოდეს უნანია ეს, პირიქით, მშვენიერად ესმოდა, თუ რას ნიშნავდა მისთვის ეს წლები — ვაკეაციონის, გამძლეობის შექმნისა და ხასიათის ჩამოყალიბების წლები, როცა მან შეიგნო მომავალი — ეს მომავალი უნდა ემსახუროს იმას, რომ გაიღოდეს, სასიხარულო შეიქნეს გლეხს შრომა.

დამთავრდა ომი. დრო გადიოდა. და ლადომ ისევ დატოვა სახლი, რათა კვლავ მერხს მიეღობოდა ფასანაურის სკოლაში.

— ვერაფერს გიშველა, ასაკგადაცილებული ხარ, — უთხრა სკოლის დირექტორმა. — არაფრით არ შემიძლია 18 წლის ბიჭის VI კლასში მიღება. არ შეაძლება, არ არის ეგეთი კანონი.

— მამს სად წავიდე, უსათუოდ უნდა გავაგრძელო სწავლა.

— ვერაფერს გიშველი, — კვლავ მოუტყრა მშობელი სკოლის დირექტორმა. — ასაკგადაცილებულია სკოლა ფასანაურში, სამწუხაროდ, ჯერჯერობით არა გვაქვს.

ყმაწვილს ისევ მოუკვდა გული, კინაღამ ცრემლები გადმოჰყარა. ეს გადმოუღვრელი ცრემლები მაშინ მხოლოდ ერთმა ადამიანმა შეამჩნია. ეს გახლდათ ფასანაურის სკოლის მასწავლებელი ნინო ჰუცინაძე.

— ეგ არც ისეთი უსაშველო უბედურებაა, — უთხრა მან ლადოს. — მოდი საღამოთი ჩემთან, ერთად ვიმეცადინოთ.

ზამთრის გრძელი საღამოებით უსხდნენ ისინი წიგნებსა და რვეულებს.

ლადო ხედავდა, როგორ ეხუტებოდა ხანდახან თვალები ნინოს, ზოგჯერ კი ანაზღად ჩასძინებია მოსწავლეთა რვეულებზე, რომელთაც ასწორებდა ხოლმე, ვიდრე ლადოს ამოცანები გამოჰყავდა. ლადო ფაცაფუციტ იწყებდა თავისი წიგნების აღაგებას, მაგრამ ნინო არასოდეს არ უშვებდა, თავს მოერეოდა და მომჩინებოდა უნერგავდა ცნობისმოყვარე თავში ყველაფერს. რაც თვითონ იცოდა.

მერე სხვა მასწავლებლებიც წამოეშველნენ. როცა VI კლასის კურსი წარმატებით დასრულდა.

ლადომ მიადგინა იმას, რომ ვულფაყრის საშუალო სკოლის VII კლასში მიიღეს. საშუალო სკოლა დამთავრა თუ არა, თბილისს მიაშურა და მისაღები გამოცდები ჩააბარა სასოფლო-სამეურნეო ინსტიტუტის სოფლის მეურნეობის ეკონომიკისა და ორგანიზაციის ფაკულტეტზე.

ინსტიტუტმა ახალგაზრდა სპეციალისტი აგრონომად ვაგზავნა დღეშეთის რაიონის არავეის პირელის სახელობის კოლმეურნეობაში. იქ მეურნეობასა და ადამიანებს გზადაგზა ეცნობოდა, რადგან სწორედ მაშინ იყო მტს-ებმა გაცხარებული რეორგანიზაცია, როცა სასოფლო-სამეურნეო მანქანები კოლმეურნეობათა ხელში გადადიოდა; ასევე გზადაგზა ეხმარებოდა კოლმეურნეებს ამ მანქანების მუშაობის პრინციპების ათვისებაში. მაშინ მისი დახმარება სულზე მისწრაფებული იყო.

ლადო წუთითაც არ იფიქრებდა, რომ ის ახლა სოფელს ესაჭიროება არა მხოლოდ როგორც სპეციალისტი. მისი ცხოვრების გენერალური ხაზი ახლა ისაა, რომ იბრძოდეს, რათა სოფელში ათეთისის და მისთვის ჩვეულებრივად იქცეს ცხოვრების ახალი ფორმები, ახალი პირობები, რომლებიც ასე მკაფიოდ ჩამოაყალიბა პარტიის XXII ყრილობამ კომუნისტური მშენებლობის პროგრამაში.

ახალგაზრდა აგრონომის პირველი წარმატებანი სოფლად შეუმჩნეველი არ დარჩენილა.

მაღე ის სასოფლო-სამეურნეო პროდუქციის შესყიდვის საქმის ინსპექტორად დანიშნეს. ამ სამუშაოზე მას შესაძლებლობა მიეცა თავიდან ბოლომდე თვალი გაედევნებინა მრავალი მეურნეობის მთელი საწარმოო პროცესისათვის; აქ, ამ სამუშაოზე, უფრო აშკარად გამოჩნდა კოლმეურნეობების მუშაობაში არსებული ნაკლოვანებანი. სულ აწვალებდა სურვალ, რომ ჩარეულიყო საქმეში, ბევრი რამ სხვაგვარად, უფრო სწორად წარემართა, მაგრამ პროდუქტების შემსყიდველ ინსპექტორს უფლება არ ჰქონდა შეეცნალა რაიმე, გარდაქმნა მუშაობა თუნდაც თავის პატარა უბანზე.

და, უცებ, თითქოს ვიღაცამ ამოიკაზმა ლადოს ფიქრებში: სკვპ ცკ მარტის პლენუმზე გადაწყდა სოფლის მეურნეობის რეორგანიზაციის, კოლმეურნეობებისა და სახკოთა მეურნეობების ტერიტორიული სამმართველოების შექმნის საკითხი.

დღეშეთის სამმართველოს შემადგენლობაში მაშინვე შეიყვანეს ვლადიმერ წიკლაური — ინსპექტორ-ორგანიზატორი, რომელიც პასუხისმგებელი უნდა ყოფილიყო ხუთი კოლმეურნეობის — ქილურტის, მკაიდაჯერის, შუავენის,



ოქსისა და გრემისხევის მუშაობისთვის.

— პრიმიტიულად რომ აგისნათ, მე ახლა თითქოს ხუთი კოლმეურნეობის თავმჯდომარე ვარ. მაგრამ ეს მართლაც ძალზე პრიმიტიული ახსნა იქნებოდა. ვინაიდან ინსპექტორ-ორგანიზატორის ამოცანები და მოვალეობანი გაცილებით უფრო ფართოა და პასუხსაგები.

მარტის თვე — ალიოზის დროა სოფლად. სამუშაო დღე ალიონზე იწყება და ნაშუალამეცს მთავრდება. დღისათ — კოლმეურნეობა, საღამოთი — ცნობების შეჯამება, დანაგარიშება, საწარმოო გეგმების შედგენა. ყელამდგა ჩაფლული საქმეებსა და საზრუნავში. გრემისხეველებს ცუდი დღე დადგათ ზამთრის საძოვრებზე — საქონლის საკვები შემოაკლდათ; თეთონ არავის შეატყობინეს, და მხოლოდ მაშინ ვმეგობრებო, როცა ლადო ჩავიდა საძოვრებზე და საქმეში ჩავრია — კილურტრის კოლმეურნეობიდან გაუგზავნეს სასწრაფოდ საკვები. ამასობაში თესვის დროც დადგა, მანქანები ძირითადად მხოლოდ „შეძლებულ“ კოლმეურნეობებსა აქვს, ხოლო ვინც უფრო ღარიბია, ტექნიკის მხრივ უჭირთ.

სამმართველოში სასწრაფოდ მიიღეს ზომები ასეთი კოლმეურნეობებისთვის დახმარების აღმოსაჩენად და მანქანები იმრიგად გაანაწილეს, რომ მიინცდამინც დიდი გაჭირვება აღარავის ადგას; შეიქმნა ხარისხოვანი სათესლე მარცხელულის გაცვლითი ფონდი, ბევრმა კოლმეურნეობამ დახმარების სახით სხვას უწიდაღა თავისი მარცხელული.

მაგრამ მაინც ეს როდია მთავარი.

უბის წიგნაკის ფურცლებზე აკურატულად ჩამწერივებული შენიშვნები, დაუბოლოებელი სიტყვები, გამრავლებული და გადაკეთებული ცდარები. ესაა ახალი წინადადებანი, ახალი რეზერვების ძიება, კოლმეურნეობების მონახულების შემდეგ აღძრული ფაქტები.

ჩვეულებისამებრ, დღე დაიწყება იმით, რომ ლადო შევა ვიქტორ ბურდულის — დუშეთის საწარმოო სამმართველოს ცკ პარტორგის კაბინეტში და გადმოვუკავებს თავის მოსაზრებებს. ბურდულთან მოთათბირება სასიამოვნოა. ის მშვენივრად იცნობს რაიონს, იცნოს მისი შესაძლებლობანი, ვასაქირს, საწუხარა. იცნოს, როდის უნდა წააქეზოს ან როდის უნდა დააშოშმინოს, თუ რომელიმე წამოწყებამ არ გაუმართლა. ეს ყველაფერი რაიონის პარტიული ხელმძღვანელობის წლებში შეიძინა — ვიქტორ ბურდული მრავალ წელი დუშეთის პარტიის რაიონის პირველი მდივანი იყო.

ერთ-ერთი ასეთი ჩვეულებრივი და საქმაოდ ხანგრძლივი საუბრის მერე ლადომ გულახდით უთხრა ბურდულს:

— ამ რამდენიმე თვის უკან ასეთი შეხვედრა და საუბარი ორგენსთვის ხომ მიუტევებელი ფუფუნება იქნებოდა!

— ვითომ რატომო? — გაუკვირდა ბურდულს.

— იმიტომ, რომ ასეთი უბრალო რამეებისთვის არ შევაწუხებდი რაიონის პირველ მდივანს.

— კარგი „უბრალო რამეები“ კია, შენმა მზემ! ამაზე უფრო მნიშვნელოვანი რაღა იქნება?!

— რა თქმა უნდა! განა მაშინ არ მესმოდა ყველა ამ საქმის დიდი მნიშვნელობა! ოღონდ მაშინ ასეთი მნიშვნელოვანი საკითხი იმდენი გქონდათ გადასაქრელი — აბა, რომელი საკითხი არ იყო მაშინ თქვენთვის უმთავრესი? სკოლა — უმთავრესი საკითხი იყო; პარტსწავლება — უმთავრესი; აღამინთა ჯანმრთელობა — საავადმყოფოები, პოლიკლინიკები — უმთავრესი; მშენებლობა, მრეწველობა, და იქვე — „ყველაზე უმთავრესი საზრუნავი“ — სოფლის მეურნეობა. ხოლო როცა ამდენია „მნიშვნელოვანი“, სერიოზული საკითხების გადაჭრაც კი უნებურად უკანა პლანზე გადადის. ძალზე გადატვირთული იყავით. იმიტომაც იყო, რომ მოვიდოდნენ გლეხები თქვენი კაბინეტის კართან, გაჩერდებოდნენ, და უკანვე ბრუნდებოდნენ: უბრალოზე როგორ შევაწუხოთ, როცა ისეთი დიდი საქმეები აქვსო!

ბურდულს გაეცინა:

— მაგას კი მართალს ამბობ! ხომ ხედავ, ყველაფერი უკეთესობისკენ მიდის. შენ ეს მითხარი, პავლე კიდევ არ იშლის თავისას?

— ჰო... ახლა მჭადიჯგარში მივდივარ, იქვე გადაწყვეტთ, რანიარად მოვაწყით საქმე.

პავლე ფოთოლაშვილი—მჭადიჯგარის კოლმეურნეობის თავმჯდომარე ახირებულა და სამმართველოს არწმუნებს, რაც რამ სათესი სამუშაო იყო, სულ დავამთავრეო.

— საწარმოო გეგმა ჯერ რომ არ შეგისრულებიათ? — აღშფოთებით ეუბნებოდა ლადო.

— მე გეგმა ვაბერულია, არარეალური, — ჯიუტად იმპორებდა პავლე. — ისეთი მიწების დამუშავებას მავალბთ, თვალთაც რომ ვერ მისწვდება კაცი ამ სოფლიდან. არ უნდა ხალხს იმ სიშორეს საარული: სანამ იქ მივალწვდეთ, მზეც გადაიწვერება და ისევ შინისკენ უნდა გამოებრუნდეთ.

— მანქანებით უნდა გავხავნოთ კოლმეურნეები მინდრის სამუშაოებზე. უარს ხომ არ ვიტყვიო ამაზე, რაც თვითონ გვივარდება ხელში...

— მე კოლმეურნეობაში ტაქსომოტორის პარკი არა მაქვს! ერთი ამას დამიხედეთ — მანქანებით გავზავნეო! იქიდან მიღებოდა



მოსავალი მაგ მანქანებით სეირნობის ხარჯებ-
საც ვერ ამინაზღაურებს, — ცხარობდა პავლე.
— ვერ ავინაზღაურებს?! — ლაღმ ხელად
ჩამომწკრივა ქაღალდზე რაღაც ციფრები და
პაულებს მიაწოდა. — ვერ ავინაზღაურებს, ხომ?
მაშ შეინახე ეს ქაღალდი. ამ საღამოს კი
კოლმეურნეობაში გადავწყვიტოთ, როგორ აჯო-
ბებს საქმის მოგვარება. შენ ხომ ვენახის საქ-
მეშიც არ მიჯერებდი...

ვენახის ხსენებაზე პავლე უცებ დაშოშმინდა.
— აქაც თუ ისე წაგვივა საქმე, საწინააღ-
მდეგო რაღა შექნება.

ამ ერთი თვის უკან ლადო შეუდგა თავისი
დიდი ხნის ნაოცნებარის განხორციელებას —
აელორძინებინა რაიონში ყველა გაჩანაგებული
ვენახი, რომელთაც მრავალი წელი იყო კაცის
ხელა არ მიჰკარებოდა. არ მიჰკარებოდა იმი-
ტომ, რომ ტექნიკა მინდვრად თითქმის სულ
არ იყო, და მინდვრის შრომატევად სამუშაოს
ხმარდებოდა მთელი დრო და მთელი მუშაგელი.
ხოლო როცა მინდვრებს მანქანები მოეფანა,
ვენახის დავიწყება საცოდაობა იქნებოდა. ყვე-
ლაზე ადრე ქილურტელები დაფაცურდნენ.
ამირან ფეიქრიშვილი მაშინვე ჩაატარა ვენა-
ხის საველთშორისო დამუშავება, შეიძინა
კულტივატორი, ვენახის შესაწამლავე აპარატი.

— ჩვენს ხალხს ეგერ იოლად ვერ აიყოლიებ
მაგ საქმეში, — დავეინებინა პავლე ფოთოლა-
შვილს. — პურა თუ საკმაო ექნა, ღვინოს დუ-
ქანშიც იყიდის!

ყველაფერი გადაწყდა კოლმეურნეობის კრე-
ბაზე. ილაპარაკეს სამმართველოს პირველ ნა-
ბიჯებზე. მჭადიჯვრელები თავშეკავებულა
ხალხია, აღტაცებაცა და ქებაც ძუნწად იციან.
სიტყვაში გამოსვლას არ ჩქარობდნენ: ხალხნი
ვართ — დავიკადრით ვნახოთ, რა გამოვყო...
ეგეთი რეორგანიზაციები ბლომად გვინახავს,
მერე ვილაპარაკოთ... ჯერჯერობით კარგი
ისაა, რომ უფრო ხშირად გვეძახიან, ჩვენს
აზრის ყურს უგდებენ, რჩევას ვეძიებთ...
თითქოს პატივსაცემა მოგვემტაო... წინათ სა-

კოლმეურნეო წესდება კი ითვალისწინებდა
კვარტალში ერთხელ ყველა საქმის განხილვას
და თავმჯდომარის ანგარიშის მოსმენას, მაგრამ
რაღაც არ ხერხდებოდა, სხვა საქმეები გვიშ-
ლიდა ხელსო...

მაშინ ლადო ადგა და თქვა:

— მაშ მოდით და ვენახის თაობაზე მოვითათ-
ბიროთ. 28 ჰექტარი, სადაც ვაზა იყო, სულ
უყურადღებოდ მიგიტოვებიათ. ეს, იცით, რა
სიმდიდრეს მოუტანს თქვენს კოლმეურნეობას?
საკვალთშორისო მუშაობა რომ ჩავატაროთ,
საშუალოდ ჰექტარზე 35 ცენტნერ ყურძენს
მივღებთ, ხოლო მთელი ვენახიდან — 980
ცენტნერს, ახლა შემოსავალი დაიანგარიშეთ:
36.308 მანეთი—აი, რაზე ამბობთ უარს.

და მეორე დღეს ვინმე მჭადიჯვრელა რომ
დაგჭირვებოდათ, მის სანახავად მხოლოდ ერთი
მიმართულებით — ვენახისკენ უნდა წასული-
ყავით.

პავლეს ისღა დარჩენოდა, რომ ჯიბებს ხელა
გაეკრა და კოლმეურნეობის ვენახისათვის შეე-
ძინა კულტივატორიცა და შესაწამლავე აპარა-
ტიც.

როცა ვიქტორ ბურდულს ლადო წიკლაურზე
ჩამოუფრდებოდა სიტყვა, ამ თავშეკავებულმა კაცმა
ეს გვითხრა:

— ლადო ძალზე მცოდნე სპეციალისტია და
ჩვენც ძალზე ვაფასებთ. რომ აღარაფერა
ვთქვათ იმაზე, თუ რა დიდი დახმარება გაგვი-
წია საქონლის საკვები ბაზას ვასაფართოებელი
რეზერვების მიგნებაში, მას უნდა ვუმადლო-
დეთ რაიონში ბევრი ვენახის აღდგენას. ძალზე
კარგი აღამიანაა და კარგი ორგანიზატორი.
ასეთ აღამიანებთან როცა მუშაობ, არ შეიძ-
ლება არ გქონდეს მაღალი მოსავლის აღმოცე-
ნების რწმენა. და თვითონ ეს აღამიანებიც
ხომ ჩვენი ცხოვრების მძლავრი აღმონაცემნი
არიან!





რომანისტის მენა და ტიპები

გიორგი მერაბიძე

თანამედროვეობის გამოჩენილ მხატვართა შორის მიხეილ ჯავახიშვილმა თვალსაჩინო ადგილი დაიჭირა, როგორც გამოჩენილი მანერის შემოქმედმა, რომლის სტილის თავისებურება ეყრდნობა, ერთი მხრივ, კლასიკური ეპოსის გამომსახველობითი საშუალებების ნოვატორულ ათვისებას და, მეორე მხრივ, ახალი ფორმის განუწყვეტელ ძიებას.

ამ თვალსაზრისით მეტად საინტერესო გასაანალიზებელ მასალას შეიცავს რომანები: „ჯაყოს ხიზნები“, „გვი შადურია“, „არსენა მარაბდელი“.

ჩვენ გვინდა შევჩერდეთ მათ შორის ყველაზე ფართო ეპიკური ტილოს — „არსენა მარაბდელის“ მხატვრული ენისა და ტიპიზაციის ზოგიერთ საკითხზე.

რომანის მხატვრული ენა ქლერადი და მეტად რელიეფურია. ფრაზა, ძირითადად, სხარტია და შეკუმშული, ხოლო პერსონაჟთა მიტყველება — მკვეთრად გამოჩენილი და ინდივიდუალიზებული. რომანისტს არ უყვარს მრავალი ჩართვებით გართულებული წინადადებები, სამაგიეროდ, ხშირად იყენებს ფრაზის ისეთ ნახაზს, სადაც სიტყვათა თუ სახეთა განმეორება იძლევა შთამბეჭდავ ხაზგასმას და ჰქმნის თავისებურ, რეფრენულ რიტმს.

რომანის ენა მიღიდარია ისეთი ეპითეტებით, სადაც ერთმანეთს ენაცვლება მეტაფორა, შედარება, მეტონიმა, სინეკდოქე, ჰიპერბოლური სახე, ყოველივე ამით მიღწეულია განსაკუთრებული ექსპრესიულობა. სოფიან-თანხმოვანთ: შეთანხმებით მთელ რიგ პასაჟებსა თუ სცენებში მწეოალი ჰქმნის ენის თავისებურ რელიეფს, ზეაწეულ ტონს, სადაც რიტმში გეგმადებული ტენდენცია ერთგვარ ხმოვან ექსპრესიას გამოიცვამს.

რომანისტის მხატვრული ენის სხვა თავისებურებებიდან ჩვენ აქ გამოვიყოფთ აგრეთვე მეტაფორული და ლაკონური მიტყველების ჯავახიშვილისეულ მანერას.

მიხეილ ჯავახიშვილის მეტაფორა თითქმის

ყოველთვის რეალურის ფარგლებში რჩება. განზოგადების პროცესში ეყრდნობა კონკრეტულ სახეს და შემოაქვს შედარების უშუალო ელემენტო. რითაც აბსტრაგირებულ სახეს მრავალსაგნობრიობას სძენს.

მოვიტანოთ რამდენიმე მაგალითი:
1. „მთვარე ცის უზარმაზარი თვალცივით ჩამოკიდულა და ქვეყანას უთვალთვალეებს. ხეებზეში ტურები ჩხავიან. ვირთაგვები ნასუფრალზე ნადირობენ. მუხის ფესვები უცნაურ რამეს ჰბოდავენ: მარცხლებიან და იმარჯვებენ, ტირიან და იცინიან, ალერსობენ და ჰბუზღუნებენ, ღლინებენ და ჰკენესიან“.

პირველ ხატოვან სურათში გარდა შინაგანი რიტმისა („მთვარე თვალცივით... უთვალთვალეებს“), შედარების ელემენტი („მთვარე... თვალცივით“) უშუალოდ შემოსულია მეტაფორის („უთვალთვალეებს“) სამყაროში. მუხის ფესვები — არსენას რამელების მეტაფორული სახეა, რეალურ ყოფაში გაცხადებული (მარცხლებიან და იმარჯვებენ, ტირიან და იცინიან, ალერსობენ და ჰბუზღუნებენ, ღლინებენ და ჰკენესიან“). მეტაფორა ცხოვრებისეული მოვლენების რიგშია მოქცეული და ამდენად რეალურის ხატოვანი გააზრებაა. „ღამე უცებ ჩამოწვა. ტყე აზღარბდა. ნადირი შეშინდა. ფრინველი აფხორდა. მოლზე ვეება კოცონი აპარიალეს, რკალივით შემოეხვიენენ, მჭერი ფერხული ჩააბეს და შავლეგო შეტოეს“. ამ რეალისტურ სურათში ორი მეტაფორული სახე გვაქვს და ისიც ნადირ-ფრინველთა შიშის გამოსახატავადაა გამოყენებული:

2. „ზანაყი ცარიელდება. თრიალეთის ცა სისხლის ფერად იღებება. შემდეგ ხეობას სულშემხუთავი ღამე აწევება — ღამე მუქი, ჩუმი და იღუმალი შფოთით აღსასეს. ძველი შინგრეული ციხე-კოშკები ბნელ ცაში მლოცველი ბერებივით აღმართულან და თითოეული ზეცას რაღაცას ემუდარებთან. ინ კოშკებიდან



საუკუნეთა დღემილი ისმის და სევდიანი ნაკადულები იღვრება“.

ამ სურათში ეხვდებით შედარებასაც („სისხლის ფერად“, „მლოცველი ბერებივით“) და მეტაფორასაც („ციხე-კოშკები... ემუდარებიან“, „სევდიანი ნაკადულები იღვრება“); ეპითეტსაც ღამე მუქი, ჩემი და იღუმალი შფითი მთიანი აღსვენა“) და განმეორებასაც („...ღამე აწვება — ღამე მუქი“). ფრაზა მდიდარია, მაგრამ მთავარი მისი ეს თავისთავადი მდიდრულობა კი არ არის, არამედ ის შინაარსობრივი განვითარება ამბისა, რომელსაც იგი ემსახურება; სინამდვილის ის მილიანი სურათი, რომელსაც ასე მკაფიოდ ვხედავთ, ვგრძნობთ, ვანეცდით, ბანაქის დაცარიელებასზე მითითებით ნაჩვენებია მოქმედება; ცის სისხლისფრად შეღებვა დაისის ან განთიადის საერთო ხატოვანი წარმოსახვაა, რომელიც აქვე საერთოდან კონკრეტულში განპიროვნების (დასისი) ფუნქციას იღებს („შემდეგ ხუობას სულშემსუთავი ღამე აწვება“); სიბნელის ფონზე კი ციხეკოშკების მირაჟული ხილვა მეტ დამაჯერებლობას იძენს; მათი მუდარა ზეცისადმი და მათგან სევდიანი ნაკადულების დინება — სიმბოლური დანახვაა საქართველოს ისტორიისაც და საწაუღელისაც.

ამ საერთო სიტუაციის შემდეგ სიმბოლურ ნახატის კიდევ უფრო მატულობს და ჰიპერბოლურ-მეტაფორული სახეების ნაკვეთობა მეტ ლამიდარობას სძენს მთელ სურათს:

— გაფრთხილდი! ჩუმად იარეთ!
კუნძი კაცად მოსჩანს, ხოლო კაცი კუნძს; ჰგავს და მაღალი ბალახით ჩასაფრებულ ჯარს ემსგავსება, ჯაგნარი კი თითქო იერიშით წამოსული რაზმივით.

— ჩუმად! ფრთხილად!
სადმე ტურა დაჩჩაღლებს — თითქო ბაღს ახრჩობენო; ხევში დათვი ჰპურტყუნებს — თითქოს ჰგინავსო; ნადირი ნადირს გამოუდგება — თითქო ვილაცას ტყვე გაქცეაო.

— ჩუმად! ფრთხილად!
ხევში წყალი ჩხრიალებს — შეთქმულნი თუ ნურჩულენ; საღრცე ჭობი ვაკვივის — ალბათ ბელადმა „მილი“ დასძახა; რაღაც ნადირს: ცოყვი დაიჭრა — ალბათ არსენებმა ჩახმახები შეაყენეს, მთიდან ჩანჩქერი მოშუსის — მგონი ბანჯლებს ლესავენ.

— ნელა! ფრთხილად! ჩუმად!
ჯერ მთვარე არ ამოსულა — არსენასაც ეს უნდოდა, და როცა ცამ სისხლისკაიანი თვალი გაახილა და თრიალეთს წითელი კაკაჩი დაანათა, მარაბდელს ყველაფერი მზად დაუხვდა...“.

მთელი ამ კონდენსირებული გადმოცემა-ხატვით, რომელშიაც საოცარი შინაგანი დამაბულობით რეკს ადამიანთა განცდის გამოხმა-

ტველი ავტორისეული რეფრენი („ჩუმად! ფრთხილად!“), მეტაფორული, ჰიპერბოლური, ეპითეტური თუ შედარებითი სახეებით გახსნილია მეტრზე თედისხმისათვის მზადების ფსიქოლოგიურად გამძაფრებელი მთელი მომენტი. ამ სცენაში შედარებათა სიუხვე ჰქმნის მეტაფორებით მთელ სიტემას, სადაც არა მხოლოდ საგანი ედარება საგანს და ცხოველი — ცხოველს, არამედ ავრთვე ადამიანი — საგანს, საგანი — აღქმას, აღქმა — ჩვენებას, ჩვენება — მოქმედებას და ა. შ.

ფრაზათა, სიტყვათა, ბგერათა ხაზგასმული განმეორებით აქ იქმნება ძლიერი შინაგანი რიტმი, ალიტერაციული ფრაზა („ხანაკი ცარიელდება... ცა სისხლის ფერად იღებება... ხეობას სულშემსუთავი ღამე აწვება — ღამე მუქი...“; „...ციხე-კოშკები ბნელ ცაში მლოცველი ბერებივით აღმართულან და თითქო ზეცას რაღაცა ემუდარებინან“; „კუნძი კაცად მოსჩანს, ხოლო კაცი კუნძსა ჰგავს“; „სადმე ტურა დაიჩხაღლებს — თითქო ბაღს ახრჩობენო; ხევში დათვი ჰპურტყუნებს — თითქოს ჰგინავსო, ნადირი ნადირს გამოუდგება — თითქოს ვილაცას ტყვე გაქცეაო“; „საღრცე... — ალბათ; რაღაც... — ალბათ“). ბროლისათვის მზადების ამ მოკლე სცენაში ორჯერ არის ნახსენები სისხლის ფერი (დასაწყისში — „თრიალეთის ცა სისხლის ფერად იღებება“; და ბოლოში — „...ცამ სისხლიანი თვალი გაახილა“), ორივე ამ მეტაფორულ სახეში მზის ჩასვლა და ამოსვლა ნაგულისხმევი, მაგრამ ბუნების ამ სურათში, ერთვარად, მომავალი ბრძოლების სიმკაცრეც უნდა იყოს მინიშნებული;

3. ყურადღებას იქცევს ხატვითი მეტყველების იმავე ხერხის, იმავე მეტაფორული მანერის განმეორება ბრძოლის დასასრულს:

„მაიორის ჯარი უკვე შორს გარბის და ყველა მთვანს თავისი ამხანაგიც ისევ ტყის ძმად ეჩვენება. კუნძი კაცად მოსჩანს, ლობე-ყორეც ჩასაფრებულ შეფიცულებს ჰგავს, ყოველ ბუჩქში თითო არსენა მინცა ზის და კოშკის ნანგრევებიც კი მარაბდელივით აყუდებულა.“

— ჩუმად! კრინტი! ჩქარა!
წინ გაქცეულს ისევ თავისიანი მისდევს — ნეტა მდევარი ხომ არ მორბის?

ჩამორჩენილს წინ ვილაცე მოუძღვის — ნეტა გზა ხომ არ უყველს?

ხევში წყალი ჩხრიალებს — ტყის ძმები ხომ არ ჩურჩულებენ?

— ფრთხილად! ვასწით! ჩქარა!
გლეხის კარი ჭრიალებს — ჩახმახი ხომ არ შეაყენეს? სადმე ძალი დაიყვეფს — ლომები თუ აუშვებს? ორი ეჯი გაირბინეს — ნეტა მარაბდა სად არის?



— ჩუმაღ! ჩქარა! გზა მომეცი!.

პირველ სტენაში არსენას რაზმელს კუნძი კაცად ეჩვენება სიფრთხილის გამო; მეორე სტენაში იგივე კუნძი არლოვის ჯარისკაცს კაცად ეჩვენება შიშის გამო; რაზმელების თვალში ციხე-კოშკები მოიშრებოდა მხოლოდ ველზე ბერებად წამოშრებულან, არლოველთა შემეცნებაში კი ისინი მარაბდელს დამსგავსებინ; ხევში წყალის ჩხრიალი პირველ სტენაშია და მეორეშია რაზმელების ჩურჩულად ისმის, მაგრამ პირველად იგი იმედის განსახიერებაა, მეორედ — შიშისა და ძრწოლას სივსავს.

ამგვარად, გარეგნულად, ფორმით მსგავსი ორი ხატოვანი ნახაზის, ორი შეწყვილებული სტენური შთანთქმის შინაგანად, შინაარსობრივად, კონტრასტული დაპირისპირების საშუალებით გადმოცემული ორი სხვადასხვა განწყობილება, სხვადასხვა შინაარსობრივი სიტუაცია, სხვადასხვა ფსიქოლოგიური განცდა.

მიხილ ჯავახიშვილს ახასიათებს მეტაფორის განსაკუთრებულ შინაგანი მოქმედი ძალით გამსჭვალვა, ღინაშისა თუ სტატიკის სფეროში გადატანა. მოვიგონოთ დაჭირი დათუნას მიერ ხილული სიკვდილი: „...ქობიდან ერთი ხანჯალი მოიტაცა და ისე დაეშვა თავდაღმა, თითქო სიკვდილს წინ კი არ მიუძღოდა, არამედ უკან მისდევდაო. და როცა წისქვილს მიადწია, სიკვდილი უცებ მობრუნდა, დათუნას ყელში მისწვდა, შიგ ჩაედგარა და ერთთანაც მასთან ერთად გასევდა“.

მიხილ ჯავახიშვილის ჰიპერბოლაში ძლიერია როგორც დაცინვა-გროტესკის (ხაალი, არლოვი, გიგოლა, ფარსადანი და „შ.), ასევე ხობტა-განდიდების (არსენა, ღვთისაყარი, სევასტი, მარინე, მაგდანა და სხვ.) ელემენტები.

ხშირად მისი ფრაზა თითქოს ალოგიურიც არის, ან განმეორების შთაბეჭდილებას ახდენს. მაგრამ ეს მოჩვენებითია. ნამდვილად კი ასეთი ფრაზების საშუალებით მხატვარი უფროდეს სიხუნძითად გადმოსცემს მხატვრულ აზრს, აქმნის განუმეორებელ სურათხატებას.

ერთ ადგილას იგი გვეუბნება, თუ როგორ დაირხა ხალხში „ჩუმი ფორიაჟი“ (გვ. 88) და თითქოს გამოთქმა ალოგიურია (თუ ფორიაჟი ატყდა, იგი „ჩუმი“ არ შეიძლება იყოს!). მაგრამ ამით გამოთქმულია შინაგანი სულიერი შემოფთობვა ადამიანებისა, რომელთაც მხეხვით დეცა არსენას სიტყვები — „იმასაც ამბობენ... მალე ძალიან ბევრი ხალხი უნდა დაიჭირონ და გააციმბირონო“ — და დაამუნჯა, მაგრამ აფთორიაჟა ისინი.

მეორე ადგილას ნახმარია „დუმბილის მომენა“. ესეც ხომ თითქოს ალოგიზმია (დუმბილი უხმარობაა და იგი არ მოისმინება!). მაგრამ იგი გამოყენებულია ზაალის ხაყაითის გასასწავლად. „უბრათა“ გაროზვეის საშინელი სახანაობის შემდეგ ორბელიანებს, მელიტონ ბართაშვილს და სხვა შემოფთობულ სტუმრებს სურთ, რაც შეიძლება მალე გაეცალონ იქარობას და წასასვლელად ემზადებიან. ეზოში დაბრუნებული ზაალი ამას გაუოცებია. „ეზოში იმეცნა და ხედავს, რომ სტუმრები წასვლის რაღაც საბაბს იგონებენ, ფაქტიურად კი მას „ჭირიანსავით“ გაუბრან. მარაბდის გულქვა ბატონს მხოლოდ დანახვა და მოსმენა შეუძლიან, სხვა გრძნობა უცხობა მისთვის. გაეისხნოთ, როგორ გაოცდება იგი, როცა გასამგზავრებლად გამზადებულ სტუმრებს დაინახავს და აღშფოთდება, როცა მათს მიუხეზებს მოისმენს, ან როგორ შედრეკება, როცა ამავე პასაჟში გრიგოლ ორბელიანის სიტყვას მოისმენს და ხორეშანის თვალებს დაინახავს.

მაგდანას სახლში არსენას და მარინეს შევედრის აღწერისას რომანისტი ხმარობს გამოთქმას — ოთახში „თითქო ბინდმა შემოანათაო“. ბინდის შემონათებაც, თითქოს, ალოგიურია. ფაქტიურად კი რა ოსტატურად არის აქ გადმოცემული ოთახის დაბნელება, რასაც მარინეს შემოსვლა იწვევს. მაგრამ არსენასთვის ეს ხომ ნათელის მოსვლაა და ბინდაც უმაღლე ჰქრება, თუმცა მარინე ზღურბლზე შეჩერებულია და, არსენასთან შეხვედრის მოულოდნელობით შეგვრთალი, სახლში შემოსვლას აყოვნებს.

მწერალი თხრობის შინაგან რიტმს ხშირად აღწევს დაბეჭდითებითი, ორგერადი, სიტყვის სხვა ფიგურებთან შეწყვილებითი განმეორებით, ალიტერაციული ელემენტით პროზაულ თხრობაში (კერე რა გული აქვს ბაღლია ბაღლია!; „...მეტისმეტად გულზედათი გაზოდდა, გათამამდა, შეტამამდა გათამამდა...“); „...მეტისმეტად მართალი კაცარი იხეცვას სანამართალს, როგორც სანამართებელი“; „...ამას წინათ გამართული გუთხარ მინდორში გაიტანა — მაინც გაიტანა... რადგან მართო სიკვდილს თუ შეიძლო გუნახისათვის ზენა-თესვაზე ხელი აეღლებინებინა“; „რა ზღაპრული მზე ამოდის! რა მათრობელია ეს ჰაერი! რა ტუბილია ეს სურნელი! რა საამურია სირთა ეცილი და ყვავუორანთა ჩხავილი!“; „წუნჯალ გიგოლას მე არ გეკადრე იარაღი, არლოვმა კი მე არ გეკადრა... არ მეკადრა თუ შეშინდა?“, „კეჭმები და კიდევაც შეგხედი. გერიდებო-

ეროვნული
საზოგადოებრივი

და მაინც შეგხედო...“; — და ამხედამეთქი! მომხედურს დამხედური უნდოდა და კუპატნელიც დაუხედდა; „...გახსენდა მარაბდელს ხორეშანის წყევლა... გაახსენდა და ამ დროს...“; „მაგრამ ამ დროს — სწორედ ამ დროს..“ და სხვ. მრავალი).

მხატვრული სახის ან ცალკე ხატოვანი გამოთქმის განმეორებას მწერალი იშვიათად და ყოველთვის მხოლოდ იმ შემთხვევაში მიმართავს, როცა მას ასეთი დაწყევლილი ესპერიოება ხაზგასმისათვის, მეტი სიხადისა და თვალსაჩინოებისათვის, ტიპის, პერსონაჟის ან მთელი სიტუაციის ხატვის დროს.

თავის — „აშვებული ლომების“ დასასრულს რომანისტი სამჯერ ხმარობს ერთ აფორისტულ გამოთქმას და, გარდა იმისა, რომ ამით ხაზს უსვამს მარაბდის ტყის გმირთა მიერ როგორც ბრძოლაში გამოჩენილ სიმამაცეს, ისე მძიმე დანაკლისის ვეჟაკურად გადატანას, გვიჩვენებს გულში ჩაყვლულ მათს დიდ აღამიანურ დარდსა და შინაგან წყნს. ამავე დროს ერთგვარ შეაღებულ შესვენებასაც აყვებებს მძიმე ამბავის გადმოცემის დროს.

დამთავრდა ბრძოლა. არსენას „აშვებულმა ლომებმა“ არლოვის სადამსჯელო ჯარი დაიფრინეს. გაუფონარი იყო მათი თავგანწირვა ამ ბრძოლაში. ბევრმა მომხედურმა დასტოვა ძველი მარაბდის მიწაზე. ბატალიის გრანდიოზულიობის გადმოცემისას რომანისტიმ განგებ შეიკავა თავი დახოცილი ტყის ლომების ჩვენებისაგან, რათა ფინალში ერთი მძური საფლავის ქვეშ მოეთავსებინა ერთი მიხნით ანთებული და ერთად დახოცილი სახელოვანი თანამებრძოლები არსენასი.

დაკრული არსენა დიდ ღოდზე ზის და თავის მებრძოლთა დიდების ისტორიას წარმოგიდგენს. მას ეუბნებიან ქაეთარისა და ბალოს დაღუპვის ამბავს. არსენა გულში ჩაღვრილი ცრემლებით დასტირის თავის საუცუესო მეგობრებს. „დედაკაცს ცრემლი თვალებზე მოჰდის, ვეჟაკს კი გულში ეღვრება“, — ამბობს რომანის ავტორი და ამ სიტყვებით „ხსნის არსენას ხელის მდგომარეობას. მაგრამ სიტუაცია სულ უფრო მძაფრდება: „ედიშერი სადღაა?“ — „მოკლეს“. „საბა დალაქი?“ — „მოკლეს“. „ნასყიდა?“ — „ისიც მოკლეს“. „ორბი? სანდრო? მაჩვი? ტურა? ჰავლე? მგელი? ილი? — „მოკლეს... მოკლეს... მოკლეს...“ — მოისმის ყველგი მხრადან.

და ისევ — „ვეჟაკი მხოლოდ გულით სტირის, დედაკაცი კი თვალბით“.

და როცა ყველაფერი დამთავრებულია, დაღუპულები საერთო საფლავში წვანან, ხოლო დაკრებილი თრიალეთის ქედზე გადაჰყავს

არსს, რომანისტი მამა-შვილის განშორების ეპოს კვლავ იმეორებს აფორისტულად: „დედაკაცს ცრემლი თვალებში ეონავს, ვეჟაკისა კი გულში იქცევა და კვლავსავე დუღობდება“.

ეს ხატვის თავისებური მანერა, რომლითაც გმირის სულიერი მდგომარეობა დანახულია სხვადასხვა მიდგომით: ა) შემოქმედის, როგორც შესამე პირით მეტყველის მიერ, ბ) თვით გმირთა დიალოგის და გ) ხალხური სიბრძნის გამოყენებით.

მიხეილ ჯავახიშვილის მხატვრულ ენაში ის თავისებურებაც იგრძნობა, რომ ბევრი ფაქტურად აღქმულია უშუალოდ პერსონაჟის სულიდან და ამ უშუალობის არომბატი ახლავს მწერლის მეტყველებასაც. როცა დამსჯელი სალდათების ძალადობის შემზარუნეს სურათს ხატავს, მწერალი გვიჩვენებს თუ როგორ არანაგებენ ისინი არსენასთან ვასულ ლაშქარას, ნასყიდას და სხვათა კარმიდამოქ. „ლაშქარას შეიღებებით მოვლილი ვაზები და უხოცეს“, — ამბობს იგი. „ვაზების დახოცვაც“ განგებ შექმნილი წარმოსახვითი ფორმაა, რომელშიაც ალოგიური ლოგიკური კატეგორიად იქცევა: ამით გახსნალია სულიერი აღქმის მომენტი პერსონაჟისა, ნაჩვენებია თუ როგორ შეიმეცნებს ამ ფაქტს ლაშქარას მუღღლე.

ლაკონიზმი ის ერთ-ერთი ძირითადი თავისებურებაა „არსენა მარაბდელისა“, რომლის საშუალებითაც ფრაზას განსაკუთრებული კინეტიკურობა ეძლევა, ხოლო მთელი სურათი მოქმედი ძალის პოტენციური ხილვით ხასიათდება:

1. — „რისა მღეროდინ-მეთქი, აღვისავარი? — დაიქეჟა ზაალმა და მთელი ეჭო აბურძგნა.“

ყველამ იქით მიიხედდა და იგძნრო, რომ ჰაერი მებით იტენებოდა.

ელიზბარბა მაღალ კილოზე მოსხიბა სიმღერა და კოჭინიდან წამოვიარდა, რადგან მისი საყვარელი სიერი იწყებოდა. სუშბათაშვილმა და მელტონმა შეწყვიტეს ზაისი და საჯინბოსკენ წამოვიდნენ.

სიეასტი ლაცაბიძემ ქაფქარი დაავლო და ეშვები ჩამოუშვა.

მღვდელი ბარანველი შეკრთა და გამოფხიზლდა.

სასახლის ერთი სარკმელი გაიღო და ორი მოახლის თავი გამოჩნდა.

ჩორთით მიმავალი კარპიჩა ცალ ქესლზე მოტრიალდა და ძაღლივით აიბრია, რომელსაც სახრე მოუღერეს.

გივოლა უშაღვე მაიორთან დაერჭო, ღუძი ჩამოუშვა და წირბლიანი თვალბი აახამხამა.

ღუძი გაშხათი მიწიდან ამოქეჟა. ისიც მაიორს ამოუღდა და ოდნავ ამოსწია ხანჯალი.



დავითი დაიბრა და წამოვიდა“.

2. „ღვთასავარის ცალი თვალი ერთი-ორად ვადიდა და გაიყინა.

ზურა და ერეკლე უმაღლესე მოსხლტენენ და კიშკარში გაიცივდნენ.

სევასტი ლაკაბიძეს ჩამჩა ქვაბში ჩაუყარა. კარპინას წითური თავი სათონეს კარებში გამოქვრა და გაიყინა.

გიგოლა ნაბიჭვარმა ფეხი ველარ დასძრა, ძარღვებში ყინულის ქრეოლა იგრძნო, ნიკაპზე ღუფი ჩამოუშვა და წირპილიანი თვალები მიმჭრალი ჭრაქებივით ააბყუტა“.

3. „ლაკაბიძე „შავ ანგელოზს“ ჩრდილივით დასდევს.

„ფიქრია და სულხანი მთვარის შუქში დაპბორიალებენ.

მთვრალი „ბულბული“ კარპინა სადღაც „ღუბინუშკას“ ჰგმინავს.

როსტომი ვილაცას ამწეიდებს.

დალი ჰასანი მთვარეს ბაიათს შეჰყვენის. ოსტაბიე გამარტოვებულა და „ოი ნე ხოლი“-ს ოხრავს.

სადღაც ბაღას სიმღერაც ტირის.

ლაშქარა „თეთრო ბატოს“ ღიღინებს და ისე დაღასლავებს, თითქოს მარლა დაკარგულ ბატს ექებოს“.

რომანის სხვადასხვა ადგილიდან ამოღებულნი ეს სამი სურათი, ძირითადად, ერთი მანერით შესრულებული პასაჟებია. მათი გარეგნული ფორმა, პლასტიკური ნახაზი ერთნაირია.

ეს არის ლაკონურად, კონდენსირებულად შეკრული ხილვა ადამიანებისა და ქმნის საერთო დამაბუთლობის თუ ერთი მთლიანი მოძრაობის მეტად რელიეფურ სურათს, სადაც ადამიანთა გარეგნული პორტრეტიც და წამიერი შინაგანი მდგომარეობაცაა დახატულ-გაზარებულნი. მავრამ მათს შინაგან დინამიკას თუ გარეგნულ ექსტს მხატვარი ამ სურათებში ერთგვარ სხვადასხვა ნიუანსირებასაც აძლევს:

პირველ შემთხვევაში მას აინტერესებს შთაბეჭდილება, რომელსაც ახდენს სასტიკი ფეოდალის მრისხანე შეძახილი და მოსალოდნელი „მეხის“ გავარდნა. აქ შემოქმედმა ჯერ ზაალისა და ღვთისავარისაკენ მოახედა ყველა, ხოლო შემდეგ მოქმედების ენერჯის გასამოიერებლად კონკრეტულად დაიჭირა თ ვ ი თ ე-

ულის მდგომარეობა და მათი რომელიც, პერსონაჟთა სულის შესაბამისად, სხვადასხვაგვარია: ელიზბარს სერიის ნახვა აინტერესებს, სევასტის ბოლმა აწეება, კარპინა შეცებია, გიგოლა და გამზატი თავიანთ ბატონებთან განიღებინ და ა. შ.;

მეორე სურათში ძირითადია უკვე არა დინამიკურობა, არამედ სტატიკურობა, რადგან მოულოდნელობით გამოწვეული გაოცების ელემენტები აქ უფრო ძლიერია (ღვთისავარს თვალი გაუფართოვდება და მზერა გაეყინება; სევასტის ჩამჩა ქვაბში ჩაუყარდება; კარპინას თავიც სათონეს კარებში გაშუშდება; გიგოლა ფეხს ველარ იცვლის და ა. შ.);


მესამე სურათში პერსონაჟთა ლაკონური ხატვა უშუალო ინტიმური გამოვლინების ხერხს ეყრდნობა. დამაბუთობას აქ სცელის შინაგანი ლირიკული განწყობილება; ისინი ჰქმნიან საერთო ტენდენციას, რომელიც ასე ფერადოვნად არის წარმოდგენილი. საღებავები აქ დიდი ზომიერებითაა გამოყენებული.

ლაკონიზმი „არსენა მარაბდელში“ ზმირად ეყრდნობა დინამიკურობის ძლიერ ელემენტს. ამის მაგალითია ზურას შურისძიების სცენა:

„კარებიდან ვილაცამ ისეუბა, ტახტზე მიყუდებული თოფი აიტაცა და იმავე წამს სანთელიც ჩაქრა. ჩაქრა, მაგრამ ოთახი ერთი წამით ხელახლა განათდა: ცეცხლის ელვამ სობნელე გავრღვია და თოფის ქუხილმა სახლი შეაზანზარა. სანთლისა და ელვის მაგიერ მთვარის შუქი შემოჴურა და ამ შუქზე ხიშტი ალაღამდა. ოთახში ვილაც ლანდი ვეფხივით დახტოდა და სწრაფი ხელით სთესავდა სიკვდილს. გმინვა, ხრიალი, მოკლე შეძახილი და ჩახუნდა ის-მოდა. შემდეგ ის ლანდი ისევ სწრაფად გავარდა, როგორც შემოჴურა, ხოლო ოთახში სისხლის გუბე, შებილწული ქვრივი და სამი გვამი დასტოვა“.

ასე ლაპიდარულია ლაკონური დინამიზმით მონახტული ეს სცენები, რომლებიც ერთსა და იმავე დროს მრავალფეროვანიც და მასობრივიც არის, ზმოვანიც და საგნობრივიც, დინამიკურიც და სტატიკურიც, დრამატიზმით გაედენთილიც და ლირიზმით ამეტყველებულიც. ამ შეხამების შედეგია პერსონაჟთა ტიპიზაციის სიმკვეთრე, რასაც მხატვარი აძლევს აღნიშნულ სცენებში.

(გავრძელება იქნება)



ველინა ჯიბუნი

წრფელი და მართალი სტრიქონები

ახლა ვაზრდა პოეტი მორის ფოცხიშვილი დიდი ხანი არ არის, რაც სამწერლო სარბიელზე გამოვიდა, მაგრამ უკვე მიიპყრო მკითხველის ყურადღება. ეს ყურადღება მან პატრიოტული შეგნებითა და ხალხურობის სულისკვეთებით დაწერილი ლექსებით დაიმსახურა.

მორის ფოცხიშვილის ლექსები არ გამოირჩევიან რთული მეტაფორებითა და მოულოდნელი ეპითეტებით, მაგრამ ეს არ ნიშნავს იმას, რომ მისი ნაწარმოებები მოკლებულია შინაგან პოეტურ სიმდიდრეს. მის ქმნილებებში ჩქეფს ხალასი, მართალი და ღრმა ადამიანური გრძნობა.

მორის ფოცხიშვილის მცირე ფორმის ნაწარმოებები გამოხატავს ადამიანის სულიერი ცხოვრების ერთ მომენტს, ცალკეულ განცდას, განწყობილებასა და შთაბეჭდილებას. ერთი სიტყვით, მისი პოეზია უპირატესად სუბიექტურია. ამ სიტყვის უკეთესი მნიშვნელობით, რადგან მასში გამოსახული სატრფიალო თუ სხვა განცდა ეხმარება ყოველი ჩვენგანის სულსა და გულს. მის ლექსებში ჩვენ ვხედავთ საკუთარ თავსა და ვგრძნობთ ჩვენს სულიერ ნათესაობას პოეტის შინაგან სამყაროსთან. ამით ჩვენ იშინ თქმა გვინდა, რომ მის პატრიოტულ, პეიზაჟურ და სატრფიალო ლირიკაში გამოხატული განცდა თუ შთაბეჭდილება ერთდამიხვედროს არის კონკრეტულ-ინდივიდუალური და ზოგადიც, საერთო საზოგადოებრივი მნიშვნელობის.

როცა ამა თუ იმ პოეტზე ვამბობთ, მის ლექსებში არ იგრძნობა ნაძალადევი ალტაცება. ყალბი პათოსი და მაღალფარდოვნება, ამით ჩვენ მისი პოეზიის ღირსებას კი არ აღვნიშნავთ, არამედ მხატვრული ნაწარმოების აუცილებელ პირობაზე მივუთითებთ, რაც მტკიცედ არის დაცული მორის ფოცხიშვილის შემოქმედებაში. ამის საილუსტრაციოდ დავასახელოთ „შიო მღვიმის დიდილოები“, სადაც დიდი პატ-

რიოტული გრძნობა და ჩვენი ხალხის მაღალი ზნეობრივი თვისებები ასე ნათლათაა გამოხატული: აქ პოეტი უმღერის დღევანდელ დღეს, რომელიც უშრეტი სიხარულითაა აღსავსე:

ერთი გახედე
რა დარება,
რა სასიამოდ ფშვინავს მამული!
აქ ყველაფერი გადამღებია,
ვით მოწყენა და ვით სიხარული.

ლექსის ყოველ სტროფს ახლავს რეფრენი:

აქ ხომ დიდილო არ იყიდება,
ნურც გაყიდულა ჩვენი დიდილო!

საერთოდ, რეფრენი დამახასიათებელია მ. ფოცხიშვილის ლექსებისათვის, არა როგორც უბრალო გამეორება, არამედ როგორც მკითხველზე ესთეტიკური და შემეცნებითი ზეგავლენის მომხდენი საშუალება.

მორის ფოცხიშვილის პატრიოტული ლირიკის ამოქაავალი წერტილია სამშობლოს განუსაზღვრელი სიყვარული, რაც აუცილებლად გულისხმობს საქმეს, მოქმედებას, ღვაწლს აწმყოსა და მომავლის საკეთილდღეოდ. ეს ყველაფერი პოეტის წარმოდგენაში არის ცხოვრება, რომლის რიტმს არ უნდა ჩამორჩეს ადამიანი; თორემ იგი დანაშაულს ჩაიდენს არა მარტო დღევანდელი დღის წინაშე, არამედ მომავლის მიმართაც:

გზა მიღის და არსად თავდება,
გზა კიდევ გზას ეჭმებს, გზას ერთვის,
თუ დადექ — მომავალს რას ეტყვი?
თუ დასთმე — შენს შევილებს რას ეტყვი?
(„გზა მიღის და არსად თავდება“)

მორის ფოცხიშვილი თავის ერთ-ერთ ლექსში სვამს კითხვას: მთებო, აგრერიგ ამაღლდით როგორ, გზებო, სადა გაქვთ ბოლო ან კიდევ.



სიკვდილო, რადა ხარ ცივი და ბრმა? მაგრამ მისი შეითხვა უპასუხოდ რჩება. ბუნება ხმას არ იღებს, ვერ ეპასუხება მას. ამ ვარემოებამ პოეტს ერთხელ კიდევ აგრძნობინა სიცოცხლის სილიადე:

მხოლოდ
სიცოცხლე ასე რომ ხმაურობს,
და ეპასუხება ხალხს.
(„ერთადერთი მოპასუხე“)

დიდა პოეტში გულის რწმენა. ამ სათაურით მან ლექსიც კი დაწერა („რწმენა გულისა“), სადაც უკვდავების, ჩაუქრობელი შემოქმედებითი ცხოვრებისა და მეგობრობის რწმენა ამარცხებს ფიქრს მართობაზე და სიკვდილზე.

მორის ფოცხიშვილი ჩვენი სისხლსავე ცხოვრების შეილია. მისთვის უცხოა ჰესიოზიზმი, ავადმყოფური სევდა და მელანქოლიური ტონი. მისი შემოქმედება სავსეა ოცნებებით, ერთი სიტყვით, მის ლექსებში სიცოცხლე და სიყვარული ზეიმობს, მაგრამ მას აქვს სევდანარევი ლექსებიც. ეს სევდა ზომიერი და უაღრესად ადამიანურია.

ლექსში „ლიად დატოვილი კარები“ გადმოცემულია ღრმა და გულში ჩამწვდომი ფიქრები ომში დაღუპულ ძმებზე, შინმოუსვლელ მეგობრებზე, სახლიკაცებზე. მასში პოეტმა ჩააქსოვა ის დიდი ტკივილები, რომელიც ომმა მოუტანა ჩვენს ხალხს, ცალკეულ ოჯახებსა და პირებს. მაგრამ ამ ტკივილებს ანელებს დიდი საცოცხლე, რომელიც საბჭოთა ადამიანებმა ზარბაზოების სისხლიან ხედვებთან დაიხსნეს.

პოეტი იგონებს რა განვილდ დღეებს, ოპან მტკივნეულ შედეგებს, ამით იგი მოგვიწოდებს მუდამ შემართული ვიღვეთ მშვიდობის საღარაჯოზე. მშვიდობის იდეა ამ ლექსის პათოსი და მისი ძირითადი მოტივია.

ისე როგორც ნამდვილი სიყვარული, ასევე ნამდვილი ცხოვრება არ არსებობს ტკივილების გარეშე. პოეტი უკიდურესად ერთგულია ცხოვრებისა. იგი არც ანაწევრებს და არც ცალმხრივად ლებულობს მას. იგი თანაბარი ძალით განიცდის ტკივილსა და სიხარულს. („დიდი ტკივილები“, „ოლონდ“ და სხვ.)

მორის ფოცხიშვილის ლექსი „ძიება მარადეული“ ჩვენ მისი შემოქმედებითი კონცეფციის სათავედ მიგვაჩინა. ამ ლექსში იგი თავის მასობურად ადამიანებს ეუბნება: მიუხედავად იმისა, რომ ჩვენ ასე ახლოს ვიმყოფებით ერთმანეთთან, მაინც ერთმანეთს ვეძებთ, ვეძებთ ქუჩაში, სახლში, პაერში, სიზმარში, ცხადში, ზღაპარში, მზეზე, მთვარეზე, მთებზე. ეს ჰიპერბოლაა. რომელიც მიზნად ისახავს

გააძლიეროს ნაწარმოების ძირითადი წარმოსახვის ემოციური მომენტი.

პოეტის წარმოდგენაში ძიება მოქმედება, რომლის გარეშე ყველაფერი იყინება, პირველყოფილ მდგომარეობაში რჩება; დაუცხრომელი ძიება

უფრო დიადის, დიდის —
ამიტომ; არცინ არ არის ქვეყნად
მღორე, მოჩილი, მშვიდი...

ამრიგად, პოეტის შემოქმედებაში ჰიპერბოლა არ სცილდება მოვლენებისა და საგნების გამოსახვის რეალისტურ სფეროს.

სიახლის გრძნობა, ახლისა და პროგრესის რწმენა მორის ფოცხიშვილის პოეზიის ქვაკუთხედი. პოეტს ღრმად წამს და სჯერა, რომ დიდი ცხოვრებითა და იდეებით შთაგონებული, მდიდარი ფანტაზიით შექმნილი ნაწარმოები არასოდეს მოკვდება. მომავალი ყოველთვის მოუვლის თავის დიდ წარსულს:

ასეთი რწმენა მაცოცხლებს მე და
ურწმუნო ჩემში წვეთიც არ არის.
(„ასი წლისა და ათასის მერე“)

ეს არის რწმენა ჩვენი ცხოვრების სილიადისა. რომელიც მუდამ დიდების შუქით იქნება შემოსილი. აღსანიშნავია, რომ მ. ფოცხიშვილის ლექსებში ძირითადი იდეა თითქმის ყოველთვის გამოთქმულია ბოლო სტროფში. ავიღოთ მაგალითად „წერილი და სიხარული“, რომლის პირველ ტაქვში გამოხატულია სატრფოსაგან მიღებული წერილებით გამოწვეული სიხარული და აღტაცება. მაგრამ ეს აღტაცება და სიხარული პოეტში აღძრავს კითხვას:

მარტო ჩვენი სიხარული
განა კმარა ქვეყნად?!

სიცოცხლის წყურვილით, გრძნობის სიჭარბითა და დიდი სურვილებით გამოირჩევა ლექსი „რაღაც ამბავია... კარგი ამბავია“, პოეტს კარგი ამბის მომასწავებლად მიაჩინა, როცა ცად შევიდ ფერე ბზინავს, როცა დღეა იძინებს მშვიდად, როცა ირგვლივ მტრელები ფარფტებენ და ცოლი პატარა ფაჩუნებს კერავს.

თემისადმი ორიგინალური დამოკიდებულებით გამოირჩევა ლექსი „ქრისანტემები და შენი ღიმილი“, რომელიც ყვავილების სურნელებითა და შეყვარებული ქალგაყის სუნთქვით არის გაქვნილი. ამ ლექსშიც პოეტის ჩანაფიქრი ბოლო ოთხ სტრიქონში ცხადდება:

და ჩვენ, რომლებიც ღიმილით ვცოცხლობთ,
ერთმანეთიც რომ გვეყვარს ძალიან.



რატომღაც ხშირად ამ ღიმილისთვის,
ამ ყვავილისთვის არა გეცალია...
ლეკსი „სულის ყვავილიც“ გამოირჩევა სი-

სადავითა და ბუნებრივობით. ამ ლექსში ავტორს
აღმაიანს უძვირფასეს თვისებად გულახდი-
ლობა და პირდაპირობა მიაჩნია.

„საათის სიკედილი“ მ. ფოცხიშვილის ერ-
თადერთი ლექსია, სადაც იგი ცდილობს სიმ-
ბოლოთი მიაღწიოს პოეტურ სახეებს:

ძველმა საათმა შესწყვიტა სუნთქვა,
ღროის მწუსხველი დრომ დააბერა.

წამები მისინი გულგახელებით
ეამთაველის ჩქერებს აღარ ერთვებიან,
შავი ისრები, როგორც ხელები
მკერდზე სიმშვიდით დაუკრეფია.

ამ ლექსის მიხედვით ყველაფერი დროსთან
ურთიერთობაში იმყოფება, დროს ემორჩილება.

მ. ფოცხიშვილი რამდენიმე ბალადის ავტო-
რია, მათ შორის ყველაზე საყურადღებოა „ვი-
შერა ძროხის ბალადა“. აქ პოეტი იგონებს
თავის ბავშვობის წლებს, სოფელში გატარე-
ბულ დღეებს. პოეტი დავაჟაკდა, მაგრამ
ერთი ამბავი სამუდამოდ დაამახსოვრდა მას
და სადაც არ უნდა წავიდეს წინ მიუძღვის
როგორც ნათელი იმედი. აქ მოთხრობილი
ამბავი სრულიად მარტივია, მაგრამ იგი მწე-
რალმა შესანიშნავად გამოიყენა პატრიოტული
ნაწარმოების შესაქმნელად. ბავშვს მიჩვეული
გიშერა გაუყიდეს, უცხო კაცებმა იგი გზაზე
გააგდეს და ვერც კი წარმოიდგინეს თუ რა
ხდებოდა ამის გამო მომავალი პოეტის სულში.

მთელი საღამო ვბორავდი,
ვერ დამაწყნარეს ვერაფრით,
„მო-მეთქი“, თურმე სიზმარშიც
გიშერა ძროხას ვეძახდი.

ხიციასივან ვიწოდი, იგონებს პოეტი, —

ბებუას ანგელოზები მოუხშია და სანთლები
აუნთია. მაგრამ ვერაფერი ვერ უშველიდა მას,
განთიადზე გიშერას ბღვილი რომ არ შემოს-
მოდა. ლამაზი ბოჩოლა გამოქცევა უცხოებს,
შინ მოსულა და იქვე ბალახს წიწკინდა დალ-
ლილი.

თურმე:

ადგილის დედის დათმობა
არა ყოფილა ადვილი!
და მივიერს,
ჩემო სამშობლოვ,
მივიერს და ვფიქრობ ყოველდღე,
ოდესღაც შენი გაზრდილი
როგორ გამობუნდენ და გტოვებდნენ...

როდესაც

მტკაველა მიწის დათმობაც
არ შესძლებია ცხოველსა?!

არის ისეთი ლექსები, რომლებიც თავის
თავად მეტყველებენ თავის თავზე და ყოველ-
გვარ ხობბაზე მალა დგანან. ასეთია ეს ბა-
ლადა.

მორის ფოცხიშვილს აქვს ერთი ლექსი-
„ცეცხლი, ღამე და უცვდავება“, სადაც კეთი-
ხელობთ:

როცა ჩვენს გულშიც ცეცხლი ანთია,
სიკვდილი რაა, მხოლოდ ღანდია,
ასჯერ მოვა და ასჯერ დაფრთხება,
ყველგან, სადაც კი ცეცხლი ანთია!

სიცოცხლის ეს მარად ჩაუქრობელი ცეცხ-
ლი, რომელიც ასე ათბობს პოეტის სულს,
ვიმედოვნებთ გააფართოებს მისი პოეზიის
ჩარჩოებს და ყოველ დიდ მოვლენასა და
ძლიერ გრძნობაზე მრავალ ხალისიან სიმღე-
რას ათქმევინებს.



ნიკოლოზ კანდიაკი

ეფრემ მცირე — ქართული დეკლამაციის
თეორეტიკოსი

ადამიანთა ურთიერთობის უმთავრესი საშუალება — სიტყვა და სიტყვების განსაზღვრული შეთანხმების პროცესი — მეტყველება, როგორც აზრის გადმოცემის ფსიქიკური მოვლენა, შეიძლება გამოითქვას ორი ძირითადი სახით: ზეპირად და წერილობით. ორივე სახე უზრუნველყოფს ადამიანთა სულიერ კავშირს, ერთიმეორისაგან გასხვავებულ ფორმებით, მაგრამ ერთნაირი შინაარსით ამყარებენ ინტელექტუალურ ურთიერთობას. ამ ურთიერთობის ფორმა ერთ შემთხვევაში ზეპირია, ხოლო მეორეში — წერილობითი. შინაარსის ერთი ამთვისებული მსმენელია, ხოლო მეორე — მკითხველი. ისინი სიტყვით გამოთქმული აზრის ამთვისებლები არიან ერთი პრინციპული ნიშნის — გაგების საფუძველზე, ოღონდ გამოხატვის ორი ფორმის — ნათქვამისა და ნაწერის მეშვეობით.

ჩვენთვის აქ საყურადღებოა ხსენებული პრინციპული ნიშანი — გაგება და მისგან გამომდინარე ბუნებრივი შედეგი — გაგებინება, როგორც დეკლამაციის განმსაზღვრელი მხარეები.

დეკლამაცია მხატვრული ანუ გამომეტყველებითი კითხვის ერთ-ერთი სახეობაა. ის თავისი ფორმით შინაარსის სრული გამომხატველი, სათქმელის შინაარსისა და თქმის ფორმის შესაბამისი შეთავსების ხელოვნებაა.

ეს ხელოვნება მრავალ დამხმარე ფაქტორს საჭიროებს. ისინი გამოყენების დროს მიხედვით შეიძლება გავყოთ ორ ჯგუფად, რომელთაგან ერთი ჯგუფის ფაქტორები დეკლამაციის პროცესამდე გვეხმარება — ხელს გვიწყობს მხატვრული კითხვის მომზადებაში, ხოლო მეორე ჯგუფის ფაქტორები დეკლამაციის პროცესში გვეხმარება — ხელს გვიწყობს მხატვრული კითხვის დროს.

პირველი ჯგუფის ფაქტორებიდან განსაკუთ-

რებით საყურადღებოა სანოტაციო პირობითი ნიშნები. მათი მნიშვნელობის უკეთ გასაგებად საჭიროა გავიხსენოთ ზეპირი და წერილი მეტყველების ზემოაღნიშნული საერთო პრინციპული მხარე — გაგება, რასაც მისი გამოვლენის სხვადასხვაობის გამო განსხვავებული ფაქტორები უზრუნველყოფენ მეტყველების ფორმებში. წერითი მეტყველების ასეთი ფაქტორი პუნქტუაციაა, ხოლო ზეპირი მეტყველებისა — ინტონაცია. მათი ფუნქციები ანალოგიურია — ისინი აზრის მკაფიოდ გადმოცემასა და შინაარსის ნათლად გაგებას ემსახურებიან. რასაც წერით მეტყველებაში აკეთებს პუნქტუაცია, იმას ზეპირ მეტყველებაში ასრულებს ინტონაცია. პირველი ამას ახერხებს სასვენი ნიშნებით ინტერვალებში, ხოლო მეორე — ინტონაციით პაუზებში.

წერით მეტყველებაში სასვენი ნიშნებისა და ზეპირ მეტყველებაში ინტონაციის ერთნაირი დანიშნულება მათი ერთობლივი განვითარების მიზეზია და ერთმანეთთან კავშირში განხილვის საფუძველს გვაძლევს. ამასთან, აგრეთვე ისიც უნდა გვახსოვდეს, რომ ნაწერის სასვენი ნიშანს ნათქვამის ინტონაცია ადგილით ყოველთვის არ ემთხვევა და შინაარსით ხშირად არ გამოხატავს. ეს იმას ნიშნავს, რომ ნაწერში შეიძლება იყოს სასვენი ნიშანი, ხოლო ზეპირში საჭირო არ იყოს პაუზა, ან პირიქით, ნაწერში შეიძლება არ იყოს სასვენი ნიშანი, მაგრამ ზეპირში საჭირო იყოს პაუზა; ანდა, ნაწერში შეიძლება იყოს ერთი რომელიმე სასვენი ნიშანი, ხოლო ზეპირში საჭირო იყოს სხვა რომელიმე სასვენი ნიშნის ინტონაცია.

მაგალითად: საღეჭსო სტრიქონს ბოლოში სასვენი ნიშანი შეიძლება იყოს და შეიძლება არა, მაგრამ ლექსის ზეპირად წარმოთქმის დროს პაუზა ყოველთვის საჭიროა მასალის რიტმული წყობის გადმოსაცემად. ან: კითხვით-



სიტყვიან კითხვით წინადადებას ბოლოში ეწერება კითხვის ნიშანი, მაგრამ მისი ზეპირი რეპროდუქცია საჭიროებს წერტილის ინტონაციას. ან კიდევ: სიტყვათა უჩვეულო წყობა წერით მეტყველებაში ხშირად არ თხოულობს არავითარ სასვენ ნიშნებს, მაგრამ მისი ზეპირი გადმოცემა თითქმის ყოველთვის საჭიროებს საგანგებო პაუზებს.

ყოველივე ეს იმის მაჩვენებელია, რომ სასვენი ნიშნებისა და მათი გამომხატველი ინტონაციების ისტორიული განვითარების გზა განუწყვეტელი არ ყოფილა. ამით აიხსნება ის, რომ ნაწერში სასვენი ნიშნების გვერდით განვითარების განსაზღვრულ საფეხურზე თავს იჩენს სპეციალური საინტონაციო ნიშნები. ისინი, ცხადია, არსებითად სადეკლამაციო ნოტაციის ანუ სამეტყველო პარტიკურის პირობითი ნიშნებია, რომლებიც სასვენ ნიშნებთან ერთად ხელს უწყობენ შინაარსის უკეთ გადმოცემას, მაგრამ უმთავრესად გამომეტყველებთ კითხვის გამსახურებელს და მასალის მხატვრულ რეპროდუქციას ისახებენ მიზნად. სასვენი და სადეკლამაციო ნიშნების ასეთი ფუნქციონალური დაკონკრეტება შეიძლება მხოლოდ მეტყველების განვითარების მაღალ დონეზე მომხდარიყო. როგორც ჩანს, ასეთ დონეს ქართულმა მეტყველებამ მიაღწია მე-11 საუკუნემდე. ამის საბუთს წარმოადგენს სხენებელი საუკუნის ბოლოში გამოჩენილი ქართველი მწერლისა და მეცნიერის ეფრემ მციხის მიერ შემუშავებული სადეკლამაციო ნოტაცია. (იხ. ა. კეკელიძე, ქართული ლიტერატურის ისტორია, I, თბ., 1960, გვ. 254).

მრავალრიცხოვანი ქართული ხელნაწერები, დაწყებული მე-9 საუკუნის პალიმფესტებიდან დამთავრებული მე-18 საუკუნის ფოლიანტებით, ნათლად მიუთითებენ ჩვენი სასვენი და სადეკლამაციო ნიშნების ისტორიული განვითარების გზას. ამ გზაზე წინსვლის სამი გარკვეული საფეხური გამოირჩევა: 1. უძველესი, როცა განკვეთილობის ნიშნები შემოუღიათ. 2. ძველი, როცა სასვენი ნიშნები დაუღვენიათ, და 3. ახალი, როცა სადეკლამაციო ნიშნები შემუშავებიათ. მე-12 საუკუნის დამდგენისათვის ეს საფეხურები უკეთ გარკველია — მათი ისტორიული განვითარება არსებითად დამთავრებულია. შემდეგ ხდება ამ წარმატების განმტკიცება და ახალი მონაპოვით გამდიდრება. ეს პროცესი შეინიშნება მე-12-18 საუკუნეების მანძილზე. დასასრულ, მე-19 საუკუნეში, ერთი მხრით, ახალი ქართული სალიტერატურო ენის ჩამოყალიბების შედეგად და, მეორე მხრით, რუსულ-ევროპული პუნქტუაციის ზეგავლენით სავსებით გაფორმებული სახე მიიღო და სავალდებულო სისტემის ძალით დამკვიდ-

რდა ჩვენი თანამედროვე პუნქტუაცია (იხ. ა. კეკელიძე, ქართული მართლწერა, ქთ., 1916).

როგორც ზემოთ აღინიშნა, ქართული სასვენი და სადეკლამაციო პირობითი ნიშნების თავდაპირველი განვითარების გზა, რომელიც სამი ძირითადი საფეხურისაგან შედგება, მე-11 საუკუნის დასასრულისათვის მთლიანად გავლილია. ეს ხალხურდება უძველესი და ძველი ქართული ხელნაწერებით, რომელთაგან განკვეთილობის ნიშნების საფეხურს გვიჩვენებენ პალიმფესტები, სასვენი ნიშნების საფეხურს — გიორგი მთაწმიდელის ხელნაწერები, ხოლო სადეკლამაციო ნიშნების საფეხურს — ეფრემ მციხის თხზულებანი.

უძველესი ეპიგრაფიკული ძეგლები და ხელნაწერები გვიჩვენებენ, რომ თავდაპირველ დამწერლობაში არ იხმარებოდა არავითარი სასვენი ნიშანი. დამწერლობის შემოღების პირველ პერიოდებში უცნობია არა მარტო ფრაზების გამოყოფა, არამედ სიტყვების დაშორების წესიც — ფრაზებს არ ყოფილენ სასვენი ნიშნებით და სიტყვებს არ აშორებდნენ ინტერვალებით. ეს საერთო მოვლენა აქად. ივ. ჯავახიშვილს ასე აქვს აღწერილი: „თავდაპირველად ადამიანი ჯერ იმდენად განვითარებული და დახელოვებული არ იყო, რომ წერისა და წარწერის ამოჭრის დროს სიტყვებისა და წინადადებათა დაყოფაზე ეფიქრა. მაშინ ის მხოლოდ იმაზე ზრუნავდა, რომ ასოები სწორად გამოეყვანა. ამიტომ ყველგან და ყველანაშუა უუძველესი წარწერები ისეა შედგენილი, რომ ასო ასოს მისდევს და არც სიტყვები და არც მით უმეტეს წინადადებები ერთი მეორისაგან დაშორებულიც კი არ არიან“ (ივ. ჯავახიშვილი, ქართული დამწერლობათა-მეცოდნეობა ანუ პალეოგრაფია, ტფ., 1926, გვ. 140—141).

ამრიგად, ზეპირი მეტყველების წარმოქმნის დროინდელი დაუნაწევრებელი ხმის ანალიტიკურად, წერითი მეტყველება პირობითი ნიშნებით დაყოფილი ჩანს მისი წარმოშობის პირველ ხანებში. მხოლოდ შემდეგ, დამწერლობის დამკვიდრებისა და განვითარების შედეგებით მაღალ საფეხურზე მიხვდა ადამიანი, რომ აზრის ნათლად გადმოსაცემად და უკეთ გასაგებად საჭიროა ნაწერში არა მარტო სიტყვების დაშორება, არამედ წინადადებების განცალკევებაც. ჯერ, ცხადია, სიტყვების დაშორების საჭიროებას დაინახავდნენ, შემდეგ — ფრაზების განცალკევების აუცილებლობას. ამ გზით უნდა წარმოქმნილიყო პირველ საფეხურზე განკვეთილობის ნიშნები სიტყვების დაშორებისათვის, ხოლო მეორე საფეხურზე — სასვენი ნიშნები ფრაზების განცალკევებისათ-

ვის. ამ საფეხურებს შორის, რა თქმა უნდა, დიდი მნიშვნელობა უნდა ვიკვლიდნენ.

პირველ საფეხურზე გაიკვეთილობის უმთავრეს ხიზანს ინტერვალი წარმოადგენდა. ის კეთდებოდა სიტყვასა და სიტყვას შორის, აბზაცურ ნაწილებით, ეპიზოდებსა და რთული სიტყვების შუაში. ინტერვალი ხელს უწყობდა აზრის შედარებით ნათლად გადმოცემასა და რამდენადაც სწორად გაგებას. ამრიგად, ის ერთგვარი ასკვენი ნიშანია, რომელიც პირველად მოიპოვა ადამიანმა. ამ მოსაზრებას ამტკიცებს ის, რომ ინტერვალის აღსანიშნავად აღრიდნენ შემოღებული იქნა სავანებო ნიშნები, რომელთა მრავალფეროვანი ვარიაციებით მიღებული იქნა შემდეგ სხვა უფრო არსებითი ხასიათის პირობითი ნიშნები. ასე წარმოიშვა მომდევნო საფეხურზე სასვენი ნიშნების სპეციალური სისტემა.

ინტერვალის აღმნიშვნელი პირობითი ნიშნების ძირითადი შემადგენელი არის წერტილი. ძველ ქართულში წერტილი ნაჩვენებია აღნიშნავდა (საბა, ლექსიონი, ტყე, 1928, გვ. 435). ამ შემთხვევაში იგულისხმება კალმით ნაჩვენებია. ის ადრე მოპოვებული თავდაპირველი პირობითი ნიშანია, რომლისაგან წარმოიქმნა შემდეგ ყველა დანარჩენი სასვენი ნიშანი, რომლებიც არსებითად წერტილის სახეობებს წარმოადგენენ.

ქართულ დამწერლობაში ინტერვალის აღმნიშვნელი, ე. ი. განკვეთილობის პირობითი ნიშნებია: ორწერტილი (:), სამწერტილი (:..:) და ოთხწერტილი (: :). ამ ნიშნების ხმაურების კვალს ვხვდებით უძველეს ქართულ ეპიგრაფიკულ ძეგლებსა და ხანძრულ პალიმფსტეგში. ეს უკანასკნელნი სახარების ტექსტებს შეიცავენ და თავიანთი წარმოშობით მე-8 საუკუნეს განეკუთვნებიან.

ამრიგად, მე-8 საუკუნის დასასრულისათვის ჩვენში დამთავრებული უნდა ყოფილიყო განკვეთილობის პირობითი ნიშნების განვითარება და, საფიქრელია, მზად იყო ნიადაგი სასვენი ნიშნების შემოსაღებად, მაგრამ ეს პროცესი, ჩანს, არაბთა შემოსევას შეუჩერებია და ის მხოლოდ მე-9 საუკუნეში განახლებულა. ამის მაჩვენებელია ის, რომ მე-10 საუკუნეში იოანე-ზოსიმე უკვე ფლობს განკვეთილობისა და სასვენი ნიშნების საკმარისად რთულ სისტემას, ხოლო მე-11 საუკუნეში გიორგი მთაწმიდელი არსებითად ამთავრებს სასვენი ნიშნების განვითარების პროცესს და ნიადაგს ამზადებს სადელამაციო ნიშნების შემოსაღებად.

ამ საქმეს აგვირგვინებს მე-11 საუკუნის დასასრულის გამოჩენილი ქართველი მწერალი და მეცნიერი ფეოტო მცირე.

კლასიკური ფილოლოგიის ეს დიდი წარ-

მომადგენელი აქ, ისევე როგორც სხვაგან, სასველით ეყრდნობა ძველ მონაპოვარს, რასაც ახლებურ დანიშნულებას უძებნის და ანეითარებს. ასეთი დანიშნულების განმსვლელი ეფერემის დროისათვის გამოძეგვებითი კითხვის საპირობა უნდა ყოფილიყო, რაც იმ ეპოქაში, უნდა ვიფიქროთ, პიმონგრაფიისა და მკვერმეტყველების განვითარებამ გააიწვია. ერთი და მეორეც საჯარო ცოცხალი სიტყვის წარმატებას ნიშნავდა და ადამიანთა ზეპირი ურთიერთობის განმტკიცებას მოასწავებდა. ასეთი ურთიერთობის ხელშეწყობას ჩვენი სიტყვის ოსტატები, ცხადია, არც მანამდე იყვნენ მოცლებულნი, მაგრამ ძძლავრი კულტურული აღმავლობის სათავეში, როგორც ჩანს, განსაკუთრებით იჩინა თავი მხატვრული კითხვის საპირობამ.

მედელობაში მისაღებია ის გარემოება, რომ ძველად დამწერლობის მცოდნეთა სიმცირე და წიგნების ნაკლებობა დიდ მნიშვნელობას ანიჭებდა საჯარო კითხვას, რასაც ჩვეულებრივად მსმენელთა ფართო წრეში მემარტოდნენ და ემოციური ზეგავლენის მიზნით იყენებდნენ. ამით აიხსნება, რომ ჩვენი ძველი წიგნების პროლოგები, ეპილოგები, შესავლის ეპიზოდები, ლირიკული წილსვლები, ანდრძები, მინაწერები და ხშირად მთელი თხრობანი, როგორც წესი, არა მკითხველს მიემართებოდა, არამედ მსმენელს. ასეთ ვითარებაში მსმენელის პირისპირ უნდა ვიკვლისხმოთ მკითხველი, რომელიც წარმოთქმის გზით აწყარებს იმ ურთიერთობას, რაც შემოქმედსა და მისი შემოქმედების ამთვისებელს შორის ივარაუდება.

ყოველზე ამით არის შემპირობებული ჩვენი მხატვრული კითხვის თეორიული და მასთან ერთად, უნდა ვიფიქროთ, პრაქტიკული წარმატებაც, რაც მე-12 საუკუნის დამდეგისათვის შეინიშნება. რა თქმა უნდა, როგორც ზემოთ აღინიშნა, ეს წარმატება არ ყოფილა შემთხვევითი და მოულოდნელი. ამის დასამოწმებლად, გარდა აღნიშნულისა, საჭიროა გავისხენოთ მეტრული პუნქტუაცია, რაც სრული უცილობლობით გამოვლინდა მე-10-11 საუკუნეების პიმონგრაფიულ ძეგლებში, რომლებსაც ერთგვარი სამეტყველო პარტიტურების სახით მოუღწევია ჩვენამდე. მეტრული პუნქტუაციის მიკვლევისა და შესწავლის პარტიტი ჩვენს მეცნიერებაში ეკუთვნის მკვლევარ პ. ინგოროყვას. მისი ცნობილი წიგნი „გიორგი მერჩულე“ საგანგებო ცნობებს შეიცავს იმ პირობითი ნიშნის შესახებ, რომლითაც ძველად რიტმულ ერთეულს გამოყოფდნენ. ასეთ ნიშანს წერტილი წარმოადგენდა. მკვლევარი ამბობს: „ლექსის გაბმით დაწვრილ ტექსტებ-



ში — მეტრული პუნქტუაციით, წერტილებით, — გამოიყოფა ერთმანეთისაგან ყოველი ტაქტი“ (მ. ინგოროყვა, გიორგი მერჩულე, თბ., 1954, გვ. 591). ამის მაგალითად ავტორი იშველებს მე-10 საუკუნის ქართველი პოეტის იოანე მინჩხის იამბიკოს, რომლის ტექსტი ხელნაწერში ასეა წარმოდგენილი: „განუჟეთელი. განიჟეთა ქუეყანაჲ. და დეჟელა აბელი რომელ მოიკლა. ძმისა კელითა. შეიწყევა ქუეყანაჲ. ხოლო ოდეს დაეფლა: დმერთი და კაცი. იკურთხა მის წილ. აწ და უჟუნისამდე“. (იქვე, გვ. 592).

ეს წერტილები არსებითად სადეკლამაციო პირობითი ნიშნებია, რადგან მათი მეშვეობით აქ განსაზღვრული რიტმული ერთეულებია გამოყოფილი, ხოლო გამომეტყველებით კითხვის ერთი დამახასიათებელი ნიშანი სწორედ ასეთი ერთეულების გამოყოფით კითხვაა. მაგრამ აქ არ ჩანს მხატვრული კითხვის სხვა მაჩვენებლები, რაც იმას ნიშნავს, რომ ამ შემთხვევაში საქმე გვაქვს სამეტყველო პარტიტურის ჩანასახთან, უკეთ, სადეკლამაციო ნოტაციის ერთ პირობითი ნიშნთან. ეს ნიშანი, როგორც ითქვა, წერტილია. ეს წერტილი არა სასვენი, არამედ სადეკლამაციო ნიშანია. შესაძლოა, ის ზოგიერთ ადგილას სასვენი ნიშნის ფუნქციასაც ასრულებდეს. ეს იმ შემთხვევაში, თუ აზრის გამომხატველი შესიტყვებისა და რიტმული ერთეულის დასასრული ერთმანეთს ემთხვევია.

ამ სახით გამოიყურება ჩვენი სადეკლამაციო ნოტაციის ჩანასახი და მისი მეშვეობით შედგენილი ადრინდელი სამეტყველო პარტიტურა ეს ეთარება ასახულა მე-10 საუკუნის ჰიმნოგრაფულ ძეგლებში. ჩანს, აქედან იწყება როგორც სასვენი, ისე სადეკლამაციო პირობითი ნიშნების განვითარების მძლავრი აღმავლობა, რაც ჯერ გიორგი მთაწმიდელთან შეინიშნება და შემდეგ ეფერმე მცირესთან.

ჩვენი ყურადღების საგანს ეფერმე მცირის მონაზოგარი წარმოადგენს. აქ თავმოყრილი, შეჯამებული და სისტემის სახითაა მოცემული ის, რაც მანამდე გაცემებულა ჩვენი პუნქტუაციისა და ინტონაციის მოწესრიგების საქმეში. ეს ჩანს იმ თეორიული მოსაზრებისა და პრაქტიკული მონაცემის მიხედვით, რასაც ეფერმის ერთი საყურადღებო ნაშრომი შეიცავს. ეს ნაშრომი წარმოადგენს ე. წ. ზანდუქსა და შესაეალს, რომლებიც ეფერმე მცირეს დაურთავს მე-8 საუკუნის ცნობილი ბიზანტიელი მოაზროვნის იოანე დამასკელის თხზულების „ცოდნის წყაროს“ თარგმანისათვის (იხ. თ. ჟორდანიანი, ქრონიკები, 1, ტფ., 1892, გვ. 215—219; მიმოხილვები, 1, ტფ., 1926, გვ. 182—189, — ს. გორ-

გაძის პუბლიკაცია). ეს თარგმანი ეფერმე მცირეს შეუსრულებია მე-11 საუკუნის უკანასკნელ მეთხევში, როცა, ჩანს, მომწიფებული ყოფილა ჩვენი სასვენი ნიშნების გვერდით სანოტაციო ნიშნების შემოღებისა და მათი პრაქტიკული გამოყენების საკითხი. ამ საკითხის გადაწყვეტა ეფერმე მცირეს უკისრია და თავისი დროის კვალობაზე მეტად საყურადღებო შედეგისათვის მიუღწევია. ეს შედეგი განზოგადებულია ხსენებული დანართის მეორე ნაწილში, რომელშიც სხვა საკითხებთან ერთად ლაპარაკია „წერტილითა გაკუეთისათვის საკითხეთასა“ (მიმოხილველი, გვ. 188). აქ ნათქვამია, რომ ადრინდელი მთარგმნელები არ ზრუნავდნენ საკითხავ მასალაში იმ პირობითი ნიშნების დასმაზე, რომელთა მეშვეობით რიგიანად იწარმოებდა კითხვა და „მასთვისცა ზეპირით უქმდა გაკუეთაჲ ყოველთა სახელოვანთა მკითხულთა“ (იქვე), ე. ი. ნაწერში წერილობითი ნიშნების უქონლობის გამო ცნობილი მკითხველები ზეპირად აწესრიგებდნენ ინტონაციას. ხოლო ბერძნულში, — ამბობს ავტორი, — ეს მოწესრიგებულა, ისევე როგორც გიორგი მთაწმიდელის მიერ თარგმნილ სავალობლებში. ეს იმას ნიშნავს, რომ ქართული ჰიმნოგრაფია უკვე იყენებდა სადეკლამაციო ნოტაციას და საკითხავ მასალას სამეტყველო პარტიტურების სახით შეიცავდა. ამის უდავო მაჩვენებელს წარმოადგენს ავტორთვე ზემოთ მითითებულ მეტრული პუნქტუაცია, რაც ჩვენი ადრინდელი შეინიშნება. მაგრამ ეს წარმატება, როგორც ითქვა, ერთგვარ ჩანასახს წარმოადგენს და მთლად ორიგინალურიც არ უნდა იყოს, ამასთან, ის მხოლოდ რიტმულ ძეგლებში შეინიშნება და პროზას არ უნდა ეხებოდეს.

რაც შეეხება პროზაულ ძეგლებს, სადაც აქამდე ჯეროვანი ყურადღება არ ექცეოდა საინტონაციო პირობით ნიშნებს, ისინი ეფერმეს თავისი ორიგინალური სისტემის მიხედვით ერთწერტილით, ორწერტილით, სამწერტილითა და ექვსწერტილით „გაუკვეთია“. ამით მან შექმნა სასვენი ნიშნებისა და სადეკლამაციო ნოტაციის თავისებური სისტემა, რომლის შინაარსს გარკვევით გვაცნობს საკუთარი თეორიული ახსნა-განმარტების გზით. ის წერს: „ერთწერტილი უჟუე მცირედ სასუენად; ორწერტილი განსაკუეთელად სიტყვისაჲ, და სამწერტილი დიდად სასუენად; და ექვსწერტილი სრულიად დასაბოლოებელად და ახლად დასაწყებელად სიტყვისა“ (იქვე, გვ. 189). აქ ჩამოთვლილი პირობითი ნიშნები უფრო სასვენნი ფუნქციებითაა განსაზღვრული, ვიდრე სადეკლამაციო დანიშნულებით. მაგრამ საქმე ამით არ თავდება: ავტორი ქვემოთ განსაკუთ-



რებით საინტერესო განზრახს აძლევს თავის ახსნა-განმარტებას, სადაც პირობითი ნიშნების სადეკლამაციო ფუნქციებზე ამხვილებს მკითხველის ყურადღებას. ის ამბობს: „არს ოდესმე იშვით, რომელ არა დასაბოლოებულად ზის ექუსწერტილი, არამედ კმისა საქცეველად ოდენ; რომელი ესე მეტაფრასთა შინა უფრო იპოების: რაჟამს მოჴამე მსაჯულისა მიმართ მეტყულებდეს და მყის ღმრთისა მიმართ ცვალოს მეტყუელებამ, ესევეითარსა მის აღვილსა ექუსი წერტილი უზის, არა რათა დააბოლოოს, არამედ რათა კმაა იქციოს მკითხველმან“ (იქვე). აქ ერთ-ერთი პირობითი ნიშანი — ექუსწერტილი, რომელიც ზემოთ მიხნეულია „სრულიად დასაბოლოებულად და ახლად დასაწყებულად სიტყვისა“, აღიარებულია „კმისა საქცეველად ოდენ“, ე. ი. მხოლოდ ხმის შესაცვლელად ანუ სადეკლამაციო ფაქტორის მაჩვენებლად. ამრიგად, ეფრემ მცირის პუნქტუაციურ სისტემაში ექუსწერტილს დაკისრებული აქვს ორი ფუნქცია: სასვენი და სადეკლამაციო. ერთ შემთხვევაში ის ზის განსაზღვრული აზრის შემცველი ობიექტის შემდეგ, გამობატავს ნათქვამს და აღინიშნება ხმის დადაბლებით; მეორე შემთხვევაში ის ზის განსაზღვრული აზრის შემცველი ობიექტის წინ, გამობატავს სათქმელს და აღინიშნება ხმის შეცვლით.

ექუსწერტილის ეს მეორე დანიშნულება წმინდა მხატვრული ხასიათისაა — ის ნაწერის ბევრითი რეპროდუქციის ფაქტორს წარმოადგენს და სათქმელის გამომეტყუელებით გამოთქმას ემსახურება. უნდა აღინიშნოს, რომ ასეთ დანიშნულებას ეფრემის პუნქტუაციურ სისტემაში ნაწილობრივ სხვა სასვენი ნიშნებიც ითავსებენ, მაგალითად, ერთწერტილი და სამწერტილი, რომლებიც მცირე და დიდი პაუზების აღმნიშვნელია და თავიანთი დანიშნულებით გასხვავდებიან ორწერტილისაგან, რომელსაც მხოლოდ განკვეთილობის მოვალეობა აქვს დაკისრებული. ეფრემის სიტყვები: „ორწერტილი განსაკუთრებულად სიტყვისაჲ“ — უნდა გავიგოთ როგორც სიტყვების მაცალაქეველი ნიშნის ვანსაზღვრა. ასეთ ნიშნად აქ მიჩნეული ორწერტილი. მისი ფუნქცია სიტყვების გამოყოფაა. სხვა მოვალეობა მას არ გააჩნია.

რაც შეეხება სხვა პირობითი ნიშნებს, განსაკუთრებით ექუსწერტილს, ისინი სასვენი ფუნქციების გვერდით სადეკლამაციო დანიშნულებასაც ითავსებენ და გამომეტყუელებითი კითხვის ფაქტორების მაჩვენებლებად გვევლინებიან. ეფრემ მცირის მიერ „მცირედ სა-

სუნედ“ და „დიდად სასუნედ“ მიჩნეული ერთწერტილი და სამწერტილი, ცხადია, არა პარტო სასვენი ნიშნებია, არამედ სამეტყუელო პარტიტურის პირობითი ნიშნებიცაა, ვინაიდან ისინი პუნქტუაციურ შესვენების გარდა ინტონაციურ პაუზებსაც ვუღლისხმობენ. წინააღმდეგ შემთხვევაში ეფრემ მცირე არ გაარჩევდა ერთმანეთისაგან განკვეთილობის, სასვენსა და სადეკლამაციო ნიშნებს. აქ კი ასეთ გარჩევასთან გვაქვს საქმე: ორწერტილი მხოლოდ განკვეთილობის ნიშნადაა მიჩნეული, ერთწერტილი და სამწერტილი უმთავრესად სასვენი და ნაწილობრივ სადეკლამაციო ნიშნებადაა აღიარებული, ხოლო ექუსწერტილი უმთავრესად სადეკლამაციო, და ნაწილობრივ სასვენი ნიშნებადაა დასახლებული.

ამრიგად, ეფრემ მცირის პუნქტუაციური სისტემა შეიცავს სამივე სახის — განკვეთილობის, სასვენსა და სადეკლამაციო პირობითი ნიშნებს, რომელთა უმრავლესობა — ერთწერტილი, სამწერტილი და ექუსწერტილი სასვენი ფუნქციისთან ერთად სადეკლამაციო მოვალეობასაც ითავსებს და წერითი მეტყუელების მოწესრიგების გვერდით ზემოთი მეტყუელების ოსტატობასაც უზრუნველყოფს. დიდად საკულისხმოა ის გარემოება, რომ ასეთი ოსტატობის საჭიროებას ეფრემ მცირე უმთავრესად სიტყვაგაზმული მასალისათვის ხედავს. მისი სიტყვით „კმის საქცეველი“ ადგილები „მეტაფრასთა შინა უფრო იპოების“ (იქვე), ხოლო „მეტაფრასა“ მისივე განმარტებით „გარდაცემული“ ამბავია (იქვე, გვ. 189).

აქედან ცხადად ჩანს ეფრემის აზრი: მხატვრულ კითხვას კაზმული მასალა შეიფერებს და ამიტომ სწორედ ის საჭიროებს სადეკლამაციო ნიშნებით ნოტაციას, ე. ი. სამეტყუელო პარტიტურის სახით გადმოცემას. ასეთი გადმოცემა ხელს უწყობს გამომეტყუელებით კითხვას, რომლის წარმატების ერთ პირობას ხსენებულ ნოტაცია ანუ სათქმელი მასალის პირობითი ნიშნებით აღქმულად წარმოადგენს.

ამ საქმის ერთ ადრინდელ თეორიულ დასაბუთებასა და პრაქტიკულ გამოცუენას ხედავთ ეფრემ მცირის პუნქტუაციურ სისტემაში. ეს სისტემა იმის მაჩვენებელია, რომ მე-11 საუკუნისათვის ჩვენში საესეებით მოგვარებულია მწერლის, მკითხველისა და მსმენელის ურთიერთობა და მისი დამყარების მძლავრი საშუალება: სწორი სასვენი და სადეკლამაციო პუნქტუაცია წერით მეტყუელებაში და მათი პირობული ინტონაცია ზემოთ მეტყუელებაში.



საგომ თუჩნავე

გერკორი

ვერკორი — ცნობილი ფრანგი შემოქმედის უან ბრიულერის ლიტერატურული ფსევდონიშია. იგი სამწერლო სარბიელზე გამოვიდა მეორე მსოფლიო ომის წლებში და ლუი არაგონთან და ელზა ტრიოლესთან ერთად ჩაება წინააღმდეგობის მოძრაობაში. მწერალი გერმანელ ფაშისტებთან ბრძოლის წლებში ვერკორის მთებში იმალებოდა, ლიტერატურულ ფსევდონიზადაც „ვერკორი“ შეირქვა.

ვერკორის კალამს ეკუთვნის მოთხრობები: „ვარსკვლავით სელა“, „წყვიდადის იარაღი“, „თვლები და სინათლე“ (ნოველების კრებული), „ზღვის ღუმელი“, „სიტყვა“, „უგუნური“, „ვენერა სოლარისკაია“; რომანები: „სინათლის სიძლიერე“, „დენატურებული ცხოველები“; პუბლიცისტური შრომები: „დროის ქვიშა“ (კრებული), „ნაბიჯები ქვიშაზე“ (კრებული), „ფრანგის თავგადასავალი ჩინეთში“ და სხვ.

ვერკორი ერთ-ერთ სტატიასი წერს: „მე ვწერ იმისათვის, რომ ვაჩილო სიერეუ და უსამართლობა. მე ვწერ აგრეთვე იმისათვის, რომ დაეგმვართ მკითხველებს ცხოვრების ზრის გაგებაში“.

ვერკორი დაიბადა 1902 წელს, იგი განათლებით ინჟინერია, ვერკორი ნიჭიერი გრაფიკოსია, რომელმაც, როგორც მხატვარმა, ომამდე გაითქვა სახელი.

1942 წელს პარიზში არალეგალურმა გამოცემლობა „შულამემ“ გამოსცა ვერკორის პირველი მოთხრობა — „ზღვის ღუმელი“, რომელშიაც მწერალმა გაბედულად გაილაშქრა გერმანელი ოკუპანტების წინააღმდეგ. მოთხრობა ისე ოსტატურად იყო დაწერილი, რომ მას ყველა უფროსი თაობის მწერლებს მიაწერდა. მოთხრობის მთავარი გმირია გერმანელი ოფიცერი ვერნერ ფონ ებრენაკი, რომელიც ცხოვრობს ერთი ფრანგის სახლში. საღამოობით ოფიცერი სახლის პატრონს ესაუბრება, იგი ფრანგებისა და გერმანელი ოკუპანტების შერიგებას ქადაგებს, მაგრამ ფრანგები ღუმელით პასუხობენ.

ეს საშარისებური ღუმელი იმას ნიშნავს, რომ შეუძლებელია დამპყრობლების შერიგება ფრანგ ხალხთან. ოფიცერი ბრუნდება შინ და თავის თანამემამულეებთან აღიარებს, რომ ყველაფერი, რაზედაც წინათ ფიქრობდა და რისი იმედიც ჰქონდა, ფუჭია. ფრანგები ოკუპანტებს არ დანებდებიან.

1943 წელს გამოვიდა ვერკორის ავტობიოგრაფიული მოთხრობა: „ვარსკვლავით სელა“, რომელშიც მწერალი მოგვითხრობს უნგრელი ემიგრანტი ებრაელის თომას მიურიცის თავგადასავალს. მისი თვითმკვლელობის შემდეგ 12 წლის თომას მიურიცი იძულებულია მიატოვოს სამშობლო და ოჯახი, იგი უკაპიოდ მიდის საფრანგეთში; თავისუფლების ქვეყანაში, როგორც წინგებში ჰქონდა ამოკითხული. თომასი სასაუზმოდ შედის ერთ ტრაქტორში, იგი ტრაქტორის მემატრონეს თავისუფლებაზე ესაუბრება. ტრაქტორის პატრონი მიესალმება მიურიცის ვანზრახვას — გახდეს თავისუფალი საფრანგეთის ჯარისკაცი. გერმანელი ფაშისტები იპყრობენ საფრანგეთს, თომას მიურიცი უკვე მთხუცია, იგი ხელისუფალთა ბრძანებით მკერდზე ექვსქიმიან ვარსკვლავს ატარებს, — ნიშნად იმისა, რომ ის ებრაელია — მაგრამ მაინც არ სჯერა, რომ პეტენი სამშობლოს გამოიდგეღია. მაგრამ როცა თომასს ფრანგი პოლიციელები აპატიმრებენ და სხეებთან ერთად დსახკრეტად გზავნიან, მაშინ მიხედება, რომ საფრანგეთი გაყიდულია.

საინტერესოა ვერკორის ფილოსოფიური რომანი — „დენატურებული ცხოველები“. ეს წიგნი 1957 წელს ითარგმნა რუსულ ენაზე. რუსული გამოცემის ბოლოსიტყვაში ავტორი საბჭოთა მკითხველებს მიმართავს:

„ამრავად, რუსულ ენაზე ჩემი წიგნი პირველად ითარგმნა.

საბჭოთა კავშირის ლიტერატურულ ცხოვრებაში შესვლა ფრანგი მწერლისათვის პატარა აშბავე როდია.



ბუნებრივია, რომ უპირველეს ყოვლისა, ჩემს თავს შევეკითხე: რამდენად სწორად მოვიქციე, როცა ეს რომანი ამოვიჩინე? შეიძლება თუ არა ამ წიგნით ვიმსჯელო ჩემს შემოქმედებაზე. — ეს ხომ ფანტასტიკური რომანია და ჩემს წინადადებას ნაწიერებს არ ჰკავს?

დიდი ხნის ფიქრის შემდეგ გადაწყვიტე, რომ შეიძლება.

რომანის თემა ადამიანის რაობის განსაზღვრა. ვერცხორი აგრძელებს ვოლტერის, ლიდროსა და ანატოლ ფრანსის ტრადიციებს. რომანი ლიტერატურულ-ფილოსოფიური ხასიათისაა.

რომანში „დენატურებული ცხოველები“ (რუსული თარგმანის სათაურია „ადამიანები თუ ცხოველები“) მოქმედება იწვება დიდი ბრიტანეთის სამეფოში. რომანს ეპიგრაფად წამძღვრებული აქვს შთავაზი გემირის — დუგლას ტემპლზორის სიტყვები: „ყველა უბედურება ქვეყანაზე იმითომ ხდება, რომ დღემდე ადამიანებმა ვერ გააკვირეს, თუ რა არის ადამიანი, ვერ შეთანხმდნენ როგორი უნდა იყოს იგი“.

დუგლას ტემპლზორის სახლში პაუზინა გვაში აღმოაჩინეს. გვაშის შესაძომებლად მოდის ექიმი დენი პოლიციის ინსპექტორთან ერთად. ექიმმა დაიასტურა, რომ საქმე გვაქვს ადამიანის მსგავსი მაიმუნის გვამთან. პოლიციის ინსპექტორი დაკითხავს დუგლასს, რომელიც აღიარებს, რომ ესაა ბავშვის გვაში და მკვლელობა ჩაიდინა მან. დუგლასმა ამის დასამტკიცებლად მაგიღის უჯრიდან ამოღო დოკუმენტი და წარუდგინა პოლიციის ინსპექტორს. „მე, ქვემოთ ხელსმომწერი, — ნათქვამია დოკუმენტში, — ე. კ. ვილიამსი, მეფის კოლეჯის ჭირურგული საზოგადოების წევრი, ბრიტანეთის იმპერიის ორდენის კავალერი, მედიცინის დოქტორი, ვადასტურებ, რომ დღეს, 4 საათსა და 30 წუთზე ადამიანის მსგავსმა დედა-მაიმუნმა შობა მარბოთი სქესის ფიზიკურად ნორმალური ბავშვი. დედა-მაიმუნს ღერის ეპაზიანი და ეკუთვნის „Paranthropus Erectus“-ის სახეობას. 19... წლის 19 დეკემბერს სიდნეიში მეცნიერული თვალსაზრისით ხელოვნურად გავანაყოფიერე დედალი მაიმუნი. ახალდაბადებული ქვეყანაზე გაჩენას დუგლას ტემპლზორს უნდა უმაღლოდეს“.

ახალდაბადებული მონათლეს და რეგისტრაციაში „ჯერალდ-რალფ ტემპლზორის“ სახელწოდებით გაატარეს. დედა კი რეგისტრირებული იყო სახელით: „ახალი გვინეის მკვიდრი დერი“.

ინგლისის საზოგადოებრიობაში გაჟალდა კამათი საკითხზე: ვინ არის დერი, ადამიანი თუ მაიმუნი?

ინგლისიდან ახალ გვინეაში მიემგზავრება ექსპედიცია, რომელშიც შედიან: დუგლას ტემპლზორი, კრეპსი, გრიმი, სიბილა და სხვანი. ექსპედიცია სწავლობს კლდის ცხოველებს, მაიმუნებს, თროპებს (თროპი — პირობითი სიტყვაა. იგი წარმოადგენს ორი ბერძნული სიტყვის შენაერთს. „Anthropos — კაცი, Pitcos — მაიმუნი, ე. ი. ადამიანის მსგავსი მაიმუნი. ამ სიტყვას პირობითად ხმარობენ კრეპსი, სიბილა და გრიმი). ექსპედიციამ იპოვა ამ ცხოველების თავის ქალის ძვლები, იპოვა გამოქვაბულებში ცოცხალი თროპები, ცეცხლის კერა, ფოთლის საგები, გათლილი ქვები. მაგრამ გამოქვაბულის კედლებზე ვერ აღმოაჩინეს ნახატი ან წარწერა. ექსპედიციამ ინგლისში საიდუმლოდ ჩამოიყვანა თროპები და მოათავსა ზოოპარკში. ერთ მშვენიერ დღეს საიდუმლოება გამოუმდგინდა. ინგლისურმა გაზეთმა „დღეილი პიქსერმა“ გამოაქვეყნა ღერის და დედალი თროპების ფოტოსურათები თავიანთი შეილებით. უნდა დადგენილიყო, თროპები ადამიანები არიან თუ მაიმუნები? დუგლასი, რომელმაც თროპის მამობა იცინა, დამნაშავეა თუ გმირი?

სასამართლომ დუგლას ტემპლზორს ციხე მიუტოვა, როგორც ადამიანური არსების მკვლელს. მაგრამ საქმე არც ამით დამთავრებულა. საკითხი დაისვა ინგლისის პარლამენტში. მთავრობამ გამოკუთ საეციალური კომისია, რომელსაც დაევა მეცნიერთა და იურისტთა დახმარებით დაედგინა ადამიანის რაობის კანონიერ განსაზღვრება.

სამერის კომისიის დასკვნის საფუძველზე ინგლისის პარლამენტმა მიიღო კანონი.

მუხლი პირველი: ადამიანს ცხოველისაგან განსხვავებს ის, რომ მას აქვს რელიგიური სული.

მუხლი მეორე: რელიგიური სულის ძირითად ნიშნებს წარმოადგენს — ღვთის რწმენა, მეცნიერება, ხელოვნება.

მუხლი მესამე: ყოველგვარი სულიერი არსება, რომელიც ფლობს მეორე მუხლში ჩამოთვლილ რომელიმე ნიშანს, აღიარებულია ადამიანური საზოგადოების წევრად და მისი ცხოვრება შეერთებული სამეფოს ტერიტორიაზე გარანტირებულია კანონით.

ამრიგად, ინგლისის პარლამენტმა გამოცხადდა საეციალური კანონი, რომლის ძალითაც თროპებს ადამიანის უფლება მიენიჭათ.

მაშინ დუგლასის დამცველმა ჯეიმსმა სასამართლო პროცესზე განაცხადა: ვინაიდან მეცნიერობის ჩადენისას მსხვერპლი ჯერ კიდევ არ იყო გამოცხადებული ადამიანი, ბრალდ-

ბული დუგლასი გამართლებული უნდა იქნას. მოსამართლემ შეაჯამა კამათის შედეგები და გამართანა ვანჩენი: „დუგლასი გამართლებულია“.

რომანი მთავრდება იმით, რომ მოსამართლე არტურ ღრეიკერი დუგლას ტემპლმორს უჩვენებს ლიტერატურულ ჟურნალს „გარგოილს“, რომელშიც ერთი ავტორი წერს: „ღროა ბოლო მოვლის ამ სულელურ ისტორიას, — მხედველობაში მაქვს თრომების ამბავი“.

ვერკორი დასკვნებს არ აკეთებს, მის შეხედულებებს გამოხატავენ არტურ ღრეიკერი და დუგლას ტემპლმორი. ავტორი ბოლოსიტყვეში წერს: „ღრანგ მკითხველს მოსწონს, როცა მას ავტორი თვალთ ანიშნებს და ვუბნება: „მაინც და მაინც ჩემს თბრობას ნუ დაუჯერებ“. მას ურჩევნია თავს კი არ მოახვიონ მზა კეშმარტივბა, არამედ მისცენ უფლება თვითონ განსაჯოს... მე ვწერ არა იმისათვის, რომ ვინმეს მოსწონდეს დაეიშახურო, მე ვწერ მხოლოდ იმისათვის, რომ გამოვხატო ჩემი სული სუბილი. მე ვწერ იმისათვის, რომ მკითხველი ჩაეფიქრო“.

რომანის მთავარი გმირი დუგლას ტემპლმორი ღაღრეტრესებულია ადამიანის რაობის განსაზღვრით. პაუკსები ჰკლავენ და ჰამენ თრობებს, თუ თრობები ადამიანებია, მაშინ პაუკსები კაცობრივები ყოფილან და ადამიანებმა უნდა აუკრძალონ თრობებზე ნადირობა. ხოლო თუ თრობები მაიმუნებია, მაშინ ვეროებლებს უფლება არ აქვთ ხლი შეუშალონ პაუკსებს. თრობებზე დაკვირვებას ახდენს მიცნიერი მამა დილიგენი და პრობლემა რელიგიურ სამოსელში ესხვება.

თუ თრობები ადამიანებია, მაშინ მღვდელი ვალდებულია მონათლოს ისინი. მაგრამ თუ ისინი მაიმუნებია, მაშინ მათი მონათვლა სახარელი მკრეხელობა იქნებოდა. ავსტრალიელი კაპიტალისტი ვანკრაიზენი ათასგვარი ოინით კვლავ დააყენებს ადამიანის რაობის განსაზღვრის საკითხს: თრობები ადვოკატობრივი მოსახლეობაა თუ ცხოველები? პრობლემა საქობროტო ხსიათისა ხდება მორალური, პოლიტიკური და მეცნიერული თვალსაზრისით.

მწერალი ვანკრაიზენის სახით დამაჯერებლად გვიჩვენებს, თუ როგორ ცდილობს რეაქციონური ბურჟუაზია მეცნიერების ყოველი ახალი აღმოჩენა საკუთარი ინტერესებისათვის გამოიყენოს.

ვერკორი „ადამიანური სოლიდარობის“ იდეას შებრძოლ ინდივიდუალიზმსა და ამორალიზმს უპირისპირებს. ავტორის აზრით, ადამიანი თავისთვის არ ჰქმნის საკუთარ ვანონებს, ვანონი კაცობრიობას ეკუთვნის და საერთო-საკაცობრიო ეთიკურ ნორმებს გამოხატავს. ჯერ კიდევ

მაშინ, როცა თრობების საკითხი გადაწყვეტილი არ იყო, ფრენსისი, რომელსაც დუგლასი ძლიერ უყვარდა, განუცხადებს: თუ თრობები ადამიანებად აღიარეს, შეგიძლებ, რადგან მაშინ შეკვლედი ყოფილხარო.

მწერალი თავს ესმის დიდი ბრიტანეთის პარლამენტარის მის „მართლმსაჯულებას“, პოლიტიკანებს, ფარისევლებს.

ვერკორის აზრით, „კეშმარტივების კრიტიკიუმი“ ადამიანის გარეშე, საღაღც ბუნებაში როდი არსებობს, იგი არ განისაზღვრება რაღაც ღვთაებრივი სულით. „კეშმარტივების კრიტიკიუმი“ გამოიშუშევა შეუძლიათ მხოლოდ ადამიანებს, ყოველგვარი პარლამენტური კომისიის ჩაურევლად.

კრიტიკოსი კ. ნაუმოვი რუსული თარგმანის ვრცელ წინასიტყვაობაში მალღ შეფასებას აძლევს ვერკორის რომანს და ამავე დროს მიუთითებს ზოგჯერ ნაკლოვანებაზე. რომანი უდავოდ მღაღმხატვრული ნაწარმოებია და ჰუმანურ იდეებს გამოხატავს. მწერალი გაბედულად ამხელს ყოველგვარ სიყალბეს, იცავს სამართლიანობასა და მშვიდობას.

1953 წლის მარტში ვერკორი აქვეყნებს საფრანგეთის იუსტიციის მინისტრისადმი მიწერილ ლა წერაღს, რომელშიც ნათქვამია: „მე რომ ამერიკის შეერთებულ შტატებში ეცხოვრობდე, ეტელ და ჯუღიღს როზენბერგების შესახებ კითხვარებს გამოიკეყენებდი. ამ კითხვარებს მანამდე ვაგიმორებდი, სანამ არ მაპასუხებდნენ, ან ძალით არ გამაჩერებდნენ. მაგრამ რადგან საფრანგეთში ეცხოვრობ, პირველ რიგში უნდა ვავეროს ის, რაც საფრანგეთში ხდება“.

ეს იყო ვერკორის პირველი პოლიტიკური გამოხვლა. წერიღსში მწერალი გაბედულად იღაშქრებს ამერიკის შეერთებულ შტატებში ეტელ და ჯუღიღს როზენბერგების სიყვლით დასჯის წინაღმდეგ. აქვე ჰამობს აგრეთვე ეაკ დიუკლასს და ანდრე სტილის უსაფუძვლო დაზარტრებას, და ხალხებს მშვიდობის დაცვისაკენ მოუწოლებს.

1936 წელს ვერკორმა ზედმიზეღ გამოაქვეყნა სამი მოთხრობა. ესენია: „ვენერა სოღარისკაია“, „სიტყვა“ და „უფუნური“. ეს მოთხრობები რეალისტურია, ისინი დაწერიღია ოსტატურად, ძლიერი მწერლის კღმით.

მოთხრობის „ვენერა სოღარისკაიას“ მთავარი გმირებია ოსტატი და მისი შეგირდი — საღვატორი. საღვატორი ვანონენიღ მოქანდაკე ხდება. მან გამოიმერწა უღამაზესი ქაღის, ვენერა სოღარისკაიას ქანდაკება და მიწაში დამარხა. მას სურს ქანდაკება დაამტერიოს და ამ განზრახვას თავის მასწავლებღს ვანღობს. საღვატორს მიჰყავს მასწავლებელი მინღორში და აჩვენებს ვენერა სოღარისკაიას ქანდაკებას.

აღტაცებული ოსტატი ეუბნება, ასეთი კეთილ-შობილი მშვენიერი რამ ჩემს ცხოვრებაში არ მინახავს.

სალვატორი ღრმად არის დარწმუნებული, რომ კაპიტალისტური რეჟიმის პირობებში ნიჟს არა აქვს ვასაქანი, რომ აქ გადამწყვეტ როლს ფული თამაშობს, ის მიმართავს თავის მასწავლებელს: „მეც ვფიქრობდი ჩემი სახელი უკუ-დავმეყო მარმარილოს ქანდაკებებით. კართაგენ-მა ამიხილა თვალი. მე ვიცი, რომ კარგი ნამუ-შევარი საუკუნეებს გადაწვდება. მაგრამ ეს არის ლატარეა, სადაც ხშირად ფუჭი ნომრებია, — ნიჭი, უნარი სავსებით უმინშვენლო როლს თამაშობს“.

მოუხრობაში „სიტყვა“ — მთავარი პერსონაჟია ლუკი, რომელიც ყოველთვის გულწრფელი და პატიოსანი იყო. მეორე მსოფლიო ომის დროს იგი იბრძოდა გერმანელი ფაშისტების წინააღმდეგ. დაზავების შემდეგ ლუკი პარიზში არ დაბრუნებულა, ჩასახლდა ლიმუზენის ახლოს ერთ-ერთ სოფელში. ეს იყო მშვენიერი ადგილი, ლამაზი პეიზაჟით, სადაც ლუკი ინარჩუნებდა იმ სულიერ განწყობილებას, რომელსაც თავის „შინაგან სიწმინდეს“ უწოდებდა. სამი დღე მალავდა ის თავის სახლში პარაშუტისტს და შემდეგ გაქცევაშიც დაეხმარა. ერთ დღეს გერმანელი ოკუპანტები გადაწვევენ ამ სოფელს, ლუკი ვერ აიტანს ამას და გონებას დაჰკარგავს. გონსმოსული ლუკი ნანგრევებში იპოვნის დამწვარი ქალისა და ბავშვის გვამს. ლუკი ტირის.

მოთხრობა მთავრდება სურათით: გადამწვარ სოფელში ეკლესიის კიბის საფეხურზე ორი კაცი ტირის და გათენებას ელოდება.

„ფრანგის თავგადასავალი ჩინეთში“ — მწერლის მოგზაურობის დღიურია, რომელიც ილუს-

ტრირებულია ავტორის ნახატებითა და ფოტოსურათებით. მწერალი მოგვითხრობს ჩინელი ხალხის გმირულ შრომაზე, მის ბრძოლაზე მშენ-დობისა და სოციალიზმისათვის ჩინეთის კომუნისტური პარტიის ხელმძღვანელობით. ცნობილი ფრანგი კრიტიკოსი ეილბერ მიერი ამ წიგნს მაღალ შეფასებას აძლევს და აღნიშნავს, რომ ავტორი გვიჩვენებს ჩინეთს „მის დაუსრულებელ სხვადასხვანაირ გამოხატულებასა და სი-ლიადეში“, აცნობს მკითხველს „ბედნიერი ხალხის გიგანტურ შრომას, ახალ სამყაროს რომ აშენებს“.

მეორე მსოფლიო ომის დროს ევროპი აქტიურად იბრძოდა გერმანელი ფაშისტების წინააღმდეგ. იგი 1941 — 1944 წლებში პარიზში მუშაობდა არალეგალურ სტამბაში, სადაც ლუკ არავინათან ერთად ხელმძღვანელობდა გამოცემლობა „შუალამეს“.

მას აბატიმრებენ და ათავსებენ ოსვენციმის სასიკვდილო ბანაკში, საიდანაც 1944 წელს გაანთავისუფლა საბჭოთა არმიამ. მწერალი 1955 წლის ივლისში ჩამოვიდა საბჭოთა კავშირში, შეხვდა საბჭოთა მწერლებს, გაეცნო საბჭოთა ხალხის მსოფლიო-ისტორიულ გამარჯვებებს, მან საქართველოც იხანხულა. ევროპი წერს, რომ მოხიბლულია საქართველოს ბუნებით და ნიჭიერი ქართველი ხალხის გმირული წარსულით და აწმყოთი.

ასეთია საერთო ხაზებში ევროპის შემოქმედებითი გზა. მკითხველები მისგან ბევრ საინტერესო ნაწარმოებს მოელოან, სადაც ასახულიქნება ფრანგი ხალხის გმირული ბრძოლა მშენ-დობის, თავისუფლებისა და დემოკრატიისათვის.



მედიკალური

კლამპუზების გავრცელება

V

მოხუცი კლამპუზებისა და ინგლისის მეფის საუბარი, რომელიც შედგა იმ დღეს, როცა კლამპუზებმა დაამარცხეს ხადერფილდის გუნდი ანგარიშით 4:0; არც ახალ „სპორტულ ცხოვრებაში“ გამოქვეყნებულა და არც სხვა გაზეთებში. იქ მხოლოდ დაბეჭდილი იყო ნაწილები ხადერფილდის დირექტორების სიტყვებიდან. და თუ მაინც მივიღებ უფრო დაწერილებითი ცნობები ამ სამასოვრო საუბრის შესახებ, უნდა ვუმადლოდებ ჩვენს მამულიშვილს, მეტყვევ მაცუქას, რომელიც კლამპუზებლების თარჯიმანი იყო ლონდონში.

პანი ვინცენც მაცუქა მეტად თავგამოდებული სპორტსმენი გახლდათ. მართალია, ის არ თამაშობდა ფეხბურთს, არც დარბოდა, არც ხტომა ეხერხებოდა, ვინაიდან ორას სამოცი გირვანქა შედეგს ქნედად მიგაღწევინებს. იგი არ გამოდიოდა საჰაერო ხალაჩაზე, არ სწევდა სიმშიმებს, არ ვარჯიშობდა ცურვასა და ნიზოსნობაში, სპორტის ერთადერთი სახეობა, რომელშიც ის მონაწილეობდა, ბაგირის გადაჭიმვა იყო. აქ მაცუქას ვერავენ შეეცვლიდა „უკანასკნელ რიგში“. როდესაც უზარმაზარ მუცელზე თოქშემობვეული, ჩაასობდა ფეხებს მიწაში და ისე გადაიხნიებოდა, რომ თითქმის წვებოდა, მოწინააღმდეგე გუნდს ღონე ეცლებოდა იმის ცდაში, როგორმე ადგილიდან დაეძრათ ეს უზარმაზარი ხორცის მთა. მაცუქას პარტნიორებს ყოველთვის გადამწყვეტი უპირატესობა ჰქონდათ. და მართლაც, ლონდონის ჩემ მეტყვევთა გუნდი რვა წლის მანძილზე ინგლისის ჩემპიონი იყო ბაგირის გადაჭიმვაში, თვით ლონდონის პოლიციის მიმღწეონიანთა გუნდი ოდნავადაც ვერ სძარავდა ბაგირს, თუ მისი ბოლო ვინცენც მაცუქას ებყრო ხელთ. პან მაცუქამ სპორტის ეს სახეობაც მიატოვა, მაგრამ ახლა უფრო მეტ დროს საზოგადოებრივ სპორტულ მუშაობას ანდომებდა. მის უბანში არ მოიძებნებოდა კლუბი, სადაც თავმჯდომარედ, მოადგილედ, მდივნად ან საქმისმწარმოებლად არ ყოფილიყო. ამის გამო არაერთხელ მომხდარა, რომ მას თავისი თავი გამოეწვევია შეჯიბრებაში — ერთი მხრიდან — როგორც კლუბის მდივანს, ხოლო მეორედან — როგორც კლუბის თავმჯდომარეს. უნდა აღინიშნოს, რომ ასეთ შემთხვევაში იგი ყოველთვის იცავდა საკუთარ თავაზიანობას და წინდახედულებას. თუ სხვა კლუბებს შორის გაგზავნილი წერილები ირონიული შენიშვნებით და შხამიანი სიტყვებით იყო სავსე. წერილები, რომლებსაც პანი ვინცენც მაცუქა ერთი კლუბიდან უგზავნიდა მეორე კლუბში პან ვინცენც მაცუქას, შეიძლება გამოქვეყნებულიყო თავაზიანი კორესპონდენციის ნიმუშად, რომელიც ჰემმარტად პოეტური ხელოვნებით აამაღლებდა და უფრო თვალსაჩინოს გახდიდა ადრესატის პირად დამსახურებას. ცხადია, რომ ამ გამოჩენილ მოღვაწეს არ შეიძლებოდა გამორჩენოდა კლამპუზებელთა გუნდის ჩამოსვლა. მან არა მარტო იცოდა, არამედ წავიდა კიდევ გვირგვინის შესახვედრად დურეში და მას შემდეგ მათი უცვლელი თარჯიმანი, გამყოლი გიდი და დამცველი გახდა. კლამპუზებელთა წასვლის შემდეგ, ორი წლის განმავლობაში, მას სისტემატურად იწვევდნენ ლონდონის მაღალი საზოგადოების წევრებებზე.

აი, ამ ცნობილი ადამიანის წყალობით შევიტყვევებ ჩვენ ყოველი წერილმანი საუბრისა, რომელიც წარმართა მის უდიდებულესობის ინგლისის მეფესა და მოხუც კლამპუზს შორის. პირველმა სიტყვამ ცოტადენი უხერხულობა და გაუგებრობა გამოიწვია. მისმა უდიდებულესობამ ერთბაშად ჰკითხა კლამპუზს: „ხაუ დუ იუ დუ?“ — რაც ნიშნავს — „როგორ ბრძანდებით?“

მოხუცმა კლამპუზმა უნებურად, მეფისადმი დიდი პატივისცემის გამოხატავად, შესამე პირში დიწყო ლამპაკი, არ დაუცადა პან მაცუქას თარჯიმანს და უპასუხა:

— ო, მათი ინგლისის უდიდებულესობა, პან მეფე, მე მყავს ბები იურა, ესე იგი, ირკა, ანუ გეორგი — მათი ინგლისის უდიდებულესობის სენია.

ამ დროს კი პან მაცუქა გონს მოვიდა და სწრაფად განუმარტა კლამპუზს.



— მისი უდიდებულესობა იურას შესახებ არ გეკითხება. მას აინტერესებს, თქვენ როგორ ბრძანდებით?

— ოხ, ღმერთო, მათი უდიდებულესობა, პან მეფე, როგორ უნდა ცხოვრობდეს საწყალი კაცი? ამ ბიჭებს რომ არ ეთამაშათ, ცხოვრება მუდამ ნოლით ნოლზე წაიდოდა. ხანდახან თუ შეაგდებდი ბურთს, ისიც მხოლოდ ოსხაიდიდან.

პან მაეცქა წამოწილდა, შეზლიდან ოფლი მოიწმინდა და ჩაფიქრდა, როგორ გადაეთარგმნა მეფისათვის უფრო თავაზიანად? მაგრამ, მითელი სამეფო კარი იქ ესწრებოდა და ამან მაეცქა შეაკართო, დააბნია, ვერაფერი მოიფიქრა და ინგლისის მეფეს სიტყვა-სიტყვით გადაუთარგმნა კლაპზუნის მიხურად ნათქვამი. მეფემ გაიკინა და იკითხა:

— როგორ ბრძანდება პანი კლაპზუბოვა? ისიც თქვენთან ერთად მოგზაურობს?

— ღმერთმა დამიფაროს, პან მეფე, წესიერი ფეხბურთი სამეფოს მართვა როდია, აქ ქალებს არაფერი ესაქმებათ. მათი ინგლისის უდიდებულესობა, ნუ ინებებს განარჩევას და მოგახსენებთ, რომ ნამდვილი ფეხბურთის თამაში უფრო რთულია, ვიდრე სამეფოს მართვა.

— მაშ თქვენ, ძვირფასო, კლაპზუბ, მეფეს სრულებით არ სცემთ პატივს?

— არა, რატომ, მათი ინგლისის უდიდებულესობა, პან მეფე, დიდებულმა ღმერთმა ხალხს მიანიჭა ყოველგვარი ხელობა, წესიერი კაცი ხანდახან გვირგვინსუნებს შორისაც ვეხედება. მე არავის მინდა მოვაკლო ეს ღირსება. მაგრამ როგორც ხელობა, მე ის არ მომწონს. მაგალითად, ჩემი ვანს-ვენეზუელი პაპა, რომელიც პლუნში მუშაობდა, მიამზობდა ხოლმე, ძველ დროს იქ ყველა ოჯახს ჰქონდა ლუდის გამომხარშვის უფლებათ. ეს წესი მაშინაც ღარიბ ძალაში, როდესაც პლუნში ლუდის ქარხანა ააშენეს. ზოგიერთი სახლი დაინგრა, მხოლოდ კარებიღა დარჩა. მაგრამ ამ კარების პატრონებს დღემდე შერჩათ ლუდის გამომხარშვის ძველი უფლებათ. პაპა არასოდეს დამოვარდა ლუდით, მისი გემოც არ იცის, მაგრამ უფლება მაინც აქვს და ფულსაც იღებს. ეს ყველაფერი იმიტომ ხდება, რომ წინაპრებისაგან მას დარჩა კარი და ამასთან, უფლებაც. მეფეების ამბავიც ასეა. მათ მაგივრად სხვები ხარშავენ, ისინი კი ფულს იღებენ. ამის უფლება კი იმიტომ აქვთ, რომ საიდანაც შემევიდრებოდნენ დარჩათ რაღაც კარი.

— მაშ ასე, ძვირფასო კლაპზუბ, თქვენ მეფეების წინააღმდეგი ხართ?

— არა, არა, რატომ, მათი ინგლისის უდიდებულესობა, პან მეფე! ხალხი რა წესსაც დაადგენს, ის არის კარგი. ზოგი ცხენი ავირის ვერ ჰკუობს, ზოგი აკანულობის გარეშე ვერ სძლებს, მაგრამ ზოლოს და ზოლოს ტვირთი ერთმაც უნდა ზიდოს და მერემაეც. საქმე ამაში როდია. მე მხოლოდ იმას ვამტკიცებ, რომ ფეხბურთის თამაში უფრო ძნელია, ვიდრე სამეფოს მართვა. აი, მაგალითად: დგას ბატონი მეფე კართან და უეცრად თავდამხმელები აწოდებენ შესანიშნავ ბურთს. აი, ბატონი მეფე აქ დგას, ეს ბურთია, ეს — კარები. ამ დროს ბატონმა მეფემ უნდა შეკრიბოს მინისტრები, რათა მოითათიროს და გადაწყვიტოს, როგორ მოიგერიოს ბურთი: ფეხის წვერით, თუ ფეხის ზურგით. ემშავმა წაიღოს! კარგი დახლი დაგადგებოდა!

როცა პან მაეცქამ ეს ყველაფერი მიახლოებითი სიზუსტით გადაუთარგმნა მეფეს, მისმა უდიდებულესობამ სიცილისგან თავი ვერ შეკაევა.

— თქვენ მოხერხებული გაიძვერა ხართ, პან კლაპზუბ, — თქვა მან ბოლოს (ყოველ შემთხვევაში, მაეცქამ ასე გადაუთარგმნა), მე მინდა, რომ თქვენ ჩემი მრჩეველი გახდეთ.

— რატომაც არა, მათი ინგლისის უდიდებულესობა, პან მეფე. — გათავზედდა მოხუცი კლაპზუბი, — თუ რამე გაგიჭირდეთ, ჩამოდით ჩვენთან ქვედა ბუკოიჩკაში, მოეძებნე რაიმე გამოსავალს.

— კმარა, ხუმრობა იქით იყოს, პან კლაპზუბ. მე მიყვარს კვიციან ხალხთან საუბარი, იმიტომ, რომ მათ ჯანსაღი გონება აქვთ.

— ისევე, როგორც კბილები, პან მეფე! — დაუდასტურა კლაპზუბმა.

— საზრუნავი, რომელიც ჩვენ გვაკისრია, არც ისე ადვილია. მაგალითად, ისეთი შეჯიბრების შემდეგ, როგორც დღეს იყო, მე ხშირად ვფიქრობ, რატომ არ არის აღიარებული ფეხბურთი ფიზიკური და სულიერი ძალების გამომსახველ სიმბოლოდ? ის ხომ რაოდენ ნებისყოფას, თავდაპირილობას, გონებაშახეილობას, მოსაზრებულობას, შეთანხმებულობას და თავგანწირვას მოითხოვს.

ერთი სიტყვით, იმდენი პირადი შინაშაბა საქირო საერთო საქმის სასარგებლოდ, რომ სპორტის ყველა სახეობიდან სწორედ ფეხბურთი შეიძლება ჩაითვალოს უმაღლესი კულტურის მაჩვენებლად, მაგალითად, რატომ არ შეიძლება, რომ დიდი არმიის შენახვის ნაცვლად, ხელი მივყოთ საუკეთესო ფეხბურთელთა გუნდების ჩამოყალიბებას ყველა ხალხში? რაიმე სადავო შემთხვევაში კი, რომლის გადაჭრაც მშვიდობიანი გზით არ მოხერხდება, ჯარების ნაცვლად ორივე მხარემ გამოაგზავნოს თერთმეტ-თორმეტი მოთამაშე თვითმული ქვეყნიდან, ისინი გადაწყვეტდნენ სადავო საკითხს.

— ასეთ შემთხვევაში, — თქვა ალტაცებით მოხუცმა კლაპზუბმა, — ჩემი ქვეყანა უდიდეს-სახელმწიფო გახდებოდა.



- აბა, თქვით, პან კლავსოვ, ასე არ სჯობს?
- მისმა უდიდებულესობამ, პან მეფემ ბრძანოს. არ ინებებდა იგი თავის მოკავშირედ კლავსოვს?
- წარმოიდგინეთ, რა მდგომარეობა იქნებოდა, თქვენ რომ შეიღებთან ერთად გასულეიყვიოთ ფეხბურთის მოედანზე სამშობლოს დასაყავად?
- მათი ინგლისის უდიდებულესობაზე, პან მეფე, მაქვს პატივი მოგახსენოთ: ანგარიში იქნებოდა 132:0, და შესაძლებელია ეყურო მეტიც.
- აი, ხომ ხედავთ, ძვირფასო კლავსოვ — თქვენი სამხედრო მინისტრად ხართ დაბადებული!
- მხოლოდ თუ საბრძოლო იარაღი ბურთი იქნება... სხვაგვარად დემერომა დამიფაროს. უმჯობესია, კაპრალად გემსახურო თერთმეტ კლავსოვს.
- აჰ, ყური მივადეთ, პან კლავსოვ, თქვენ თვითონ აღზარდეთ თქვენი ბიჭები?
- მე თვითონ, მათი ინგლისის უდიდებულესობაზე, პან მეფე, და თუ ამ ბიჭებმა რაიმეს მიაღწიეს, ეს მხოლოდ იმიტომ, რომ სისხლი — წყალი როდია, წარმოშობა თავს იჩენს და გამაღვივებელი სხესთან ვარდება.
- ჩვენ ეს დიდად გვიანტერესებს წმიდა პირადი მოსაზრებებისათვის. როდესაც დაიბეჭდა პირველი სტრატეგია თქვენი გუნდის შესახებ და გაზეთში გამოქვეყნდა ეყილებოდნენ დაწერილ-ბითი ტროშკის გამოქვეყნებაში, ერთხელ, ჩვენი ვაჟი, უელსის პრინცი, დრმაღ დაფიტრებული შევისწარით, ჩვენს შეითხაზე, თუ რა ღაემარია მას, გვიპასუხა: „მამა-მეფეო, რატომ არა მყავს მე ათი ძმა, რომ კლავსოვებლები შევიადგინო გუნდი?“ ჩვენ ძალიან გვიყვარს ჩვენი შვილი და სიხარულით ვასრულებთ ყველა, თხოვნას. მე იმწამსე მოვიანახლე მისი უდიდებულესობა დედოფალი და მოთაბირების შემდეგ მივადით იმ დასკვნამდე, რომ მისი ეს სურვილი ძნელი შესასრულებელი იყო. ახლა კი გავიფიქრე: არ შევიძლიათ მიიღოთ უელსის პრინცი თქვენს გუნდში?
- მოსულმა კლავსოვმა თავი ასწია და თვალში შეხედა ინგლისის მეფეს.
- მათი ინგლისის უდიდებულესობაზე, პან მეფე, თავი დავანებოთ ყოველგვარ ღირსებას. აშკარაა, რომ ეს იქნებოდა უელსის პატივი, როგორც კლავსოვების თუჯახისათვის, ისევე ინგლისის პრინციისათვის, მაგრამ ამაზე ნუ ვილაპარაკებთ. სხვა საკითხია: რა ეუყოთ მას? ჩემმა ბიჭებმა ოსტატობას უდიდესი, დამაბული მუშაობის შედეგად მიაღწიეს. ახლა ძნელია რაიმეს მიღწევა, თუ შენ საქმეს მთელი სერიოზულობით და პასუხისმგებლობით არ მოეკიდები. ეს ეხება ყველა ხელნაშას, რაც კი ამქვეყნად არსებობს. ყოველგვარი საქმე დიდ მუშაობას მოითხოვს. ჩემმა ბიჭებმა ეს შესძლეს და დღეს მოუგებენ კიდევ თქვენებს. ჰოდა, უეცრად, ერთ-ერთი მათგანი გამოეყვანა თამაშიდან, რათა მისი ადგილი დაიკავოს ბიჭმა, რომელმაც, მამაპატივთ, პან მეფე და, შემკვიდრებოდად მხოლოდ ინგლისის კარები მიიღო?
- ძვირფასო კლავსოვ, ის დოკლაპია არ გეგონოთ, ჩვენ შვილს ძალიან უყვარს სპორტი, მე მინდა მხოლოდ, რომ პან კარგი სკოლა გაიაროს.
- ეს სხვა საქმეა, პან მეფე. თუ საკითხი სწავლაზე მიდგა, შეგვიძლია ის მივიღოთ. ჩვენ არავითარი საიდუმლოება არ გვაგებნია. მაგრამ მე ჩემი პირობები მაქვს.
- როგორი?
- პირველ ყოვლისა, მას უნდა ჰქონდეს ფეხბურთისათვის შესაფერი აგებულია, მეორე — მან ისევე უნდა იცხოვროს ჩვენს ოჯახში, როგორც ცხოვრობს ჩემი ყველა შვილი — შესარულის იგივე ხამუშაო, იკვებოს ისეთივე საკვებით, და ყველაფერი დამიჯეროს. იმ წუთიდან, როგორც კი პრინცი ჩვენთან მოვა, იგი ვახდება უმცროსი კლავსოვი. ხოლო როცა წავა, კვლავ პრინციად იქცევა. თუ ეს ყველაფერი მისთვის ხელსაყრელია, ჩვენ შეგვიძლია მივიღოთ გუნდში სათადარიგო მოთამაშედ.
- თქვენი პირობები ჩვენთვის მისაღებია, პან კლავსოვ. მომეცით ხელი.
- კლავსოვმა მზერა გადაიტანა კუთხეში, სადაც გამხდარი, მოსუცენარი ახალგაზრდა იჯდა. შეაფაღიერა მისი მაღალი ტანი და პირიდან ჩიზუნი გამოიღო. უელსის პრინცს ფეხბურთისათვის შესაფერი აღნაგობა ჰქონდა, დანარჩენის შესახებ კი საკითხი იყო შეთანხმება. შესვენებისას მოხუცმა კლავსოვმა და ინგლისის მეფემ ხელი ხელს მისცეს და, როდესაც კლავსოვებებმა თამაში მოიგეს, ვასახდელში მათ უკვე უცდიდა უელსის პრინცი, როგორც მომავალი სათადარიგო მოთამაშე.
- საღამოს, მეფის სასახლეში შედგა დიდი დარბაზობა, როცა კლავსოვებები და მათი სათადარიგო მოთამაშე სამეფო კარს ვანიუთხოვეს, ინგლისის მეფემ მოხუც კლავსოვს სამხსენებლო ლამაზი ჩიზუნი უბოძა. კლავსოვი ცოტა არ იყოს დაიბნა, მაგრამ ინგლისის მეფის ვალში რომ არ დარჩენილიყო, ამიღო თავისი ფაფურის, მწვანე ფუნჯიანი ძველი ჩიზუნი.
- მათი ინგლისის უდიდებულესობა, პან მეფე, — თქვა მან ღირსების გრძნობით აღვსილმა, — საუკეთესო ხარისხის თამაშო მე არა მაქვს, მაგრამ თუ ამას თავის დროზე გაუმინდავთ, სხვაზე ნაკლებად როდი ვაბოლდებ. ყველაზე კარვად ჩემს ჩიზუნი იწვის კნასტრი, კრემანულთან გარეული, — ყველა დუქანი იმოგება.



ინგლისის მეფემ თავაზიანად მიიღო კლავზუბის ჩიზუბი და საჩქაროდ გადასცა იგი ბრიტანეთის მუზეუმს, ამ ექსპონატის სანახავად მოდიოდნენ ინგლისელი, შოტლანდიელი და ირლანდიელი ფეხბურთელები.

მოსტყმა კლავზუბმა კი ბრძანა ჩაეღებინათ ჩემოდნები და მისი გუნდი ევროპის ჩემპიონად დაუბრუნდა ქვედა ბუკოვიჩის. მათთან ერთად, როგორც სათადარიგო მოთამაშე, ჩამოვიდა უელსის პრინციც.

VI

თავისი არსებობის მანძილზე არ ახსოვს სოფელ ქვედა ბუკოვიჩას ისეთი ზეიმი, როგორც იყო კლავზუბელთა ოჯახის დაბრუნების ღღეს. ჩემპიონის დიპლომი და უელსის პრინცი გუნდის შემადგენლობაში — ასეთი „ნადავლი“ დაბრუნდნენ ისინი სამშობლოში. მსოფლიოს ყველა გუნდშია მოთავსა დაწვრილებითი რუკა, რომელზედაც დიდი ჯერით აღნიშნული იყო კლავზუბების სახლი. ბუკოვიჩაში კი მომარტებოდნენ სპეციალური კორესპონდენტები, რათა მილიონობით მკითხველისთვის ეცნობინათ, როგორ ცხოვრობდა ინგლისის მომავალი მეფე ჩეხების პატარა სოფელში, მაგრამ რაც არ უნდა დიდი ყოფილიყო ცივილიზებული სამყაროს ცნობისმოყვარეობა, იგი ვერ შეედრებოდა ქვედა ბუკოვიჩის მცხოვრებთა იმ დაუცხრომელ ინტერესს, რომელსაც იჩენდნენ თავისი ახალი მეზობლის მიმართ. გაზეთებიდან მათ შეიტყვეს, თუ ვინ ეწვეოდა ქვედა ბუკოვიჩას და ორივე სამიციტროში აღვლევით მსჯელობდნენ, როგორი შეხვედრა მოეწყოთ პრინცისათვის.

მაგრამ ყველაზე მეტი ტანჯვა ზემოთაა გადაიტანეს, რომლებიც, ჩვეულებისამებრ, ბავშვებს ზღაპრებს უამბობენ ხოლმე. ზღაპრები სავეს იყო პრინციბითა და პრინციცებით, ამიტომ ბავშვები ახლა დაჟინებით თხოვდნენ ზემოებს, აუვიხსენით როგორია ეს ინგლისელი უფლისწულით. აცვია თუ არა ოქროს ტანსაცმელი, ოქროს უტლითა ჩამოვა თუ ოქროსფლოცებანიანი თეთრი ცხენით, აქვს თუ არა შუბლზე ვარსკვლავები და წილზე ბრილიანტებით მოჭედილი ხმალი; მართლა მოკლა გველშია, თუ ახლა ემზადება გმირობისათვისო. ქვედა ბუკოვიჩელი ბებიები დარტყანებულნი იყვნენ ამ შეკითხვებისგან. საცდავებს თვითონ არასოდეს ენახათ პრინცი და ერთი ყვირის შემდეგ მთელ მათ ზღაპრებს გამოცდა უნდა დაეჭირა, ვინაიდან ყველა ბავშვი საკუთარი თვალით ნახავდა ცოცხალ უფლისწულს, რომელსაც ძარღვებში უჩქეფდა მეფური სისხლი. ზემოები უხერხულად ვრძნობდნენ თავს, მაგრამ მათ შორის ყველაზე მოხერხებულმა გამოსავალი იპოვნა.

— ბავშვებო, — თქვა მან ერთხელ, როდესაც პატარებმა (დიდებმა) აღარ მოასვენეს, — თქვენ არასოდეს გეცნობათ ჩემთვის, რომელ ქვეყანაში ცხოვრობენ ჩემი ზღაპრული პრინციები და პრინციცები. ეს ზღაპრული მხარე — ტრამპარიაა, ის მდებარეობს მაღალი მთებისა და ღრმა ზღვების იქით. ტრამპარიაში ყველაფერი ასეა, როგორც მე გიამბობდით. უფლისწულები იქ ოქროს ტანსაცმლით დადიან, ხოლო პრინციცებს შუბლზე ვარსკვლავი უბრწყინავთ. დედოფლები სელს ოქროს თითსტრებზე რთავენ, მეფეები კი თავიანთ სამეფოს სიძევებს უნაწილებენ. მხეცები იქ ეხმარებიან და რჩევას აძლევენ თავიანთ პატრონებს, ხოლო სულელ გონზას ყველაგან წარმატება აქვს. იქ, მთებში, მშენებარე დრაკონები და კეცლებმაპები ცხოვრობენ. ქალაქთა თავზე შავი ან წითელი მაუღია გადაქიმული, გაუფალ ტყეებში კი სიკვდილისა და სიცოცხლის წყაროებია. შორს, ძალზე შორსაა ეს ქვეყანა. ისე შორს, რომ იქამდე ჯერ ვერცერთ ადამიანს ვერ მიუღწევია. ვერცერთი გემი ჩასულა, ვერცერთი თვითმფრინავი ვერ მიფრენილა. მხოლოდ დაჯერ, კვიან ბავშვებს შეუძლიათ იქ მოხვედრა საღამოს, როდესაც თვალებს დასუბავენ და დაიძინებენ: ანგელოზი გადააფრენს მათ უძიარო ზღვებზე. ისინი ნახავენ ყველა საოცრებას, რაზედაც მე გიამბობდით, მაგრამ დაბრუნდებიან თუ არა, ყველაფერი დაგიწყებიათ და გაახსენდებიან მხოლოდ მაშინ, როდესაც ჩემსავით მოხუცდებიან. მოხუცდებიან და უამბობენ პატარა ბავშვებს. აი, ამიტომაა, რომ მხოლოდ ჩვენ — ბავშვები და მოხუცები — ვიცნობთ ამ ზღაპრის მხარეს, ტრამპარიას. დანარჩენები მარტო ჩვეულებრივ სამყაროს იცნობენ, სადაც მეფეები და უფლისწულები თითქმის აღარც დარჩენილან. და თუ დარჩა, ისინი ოქროთი შემკულნი როდი დადიან. ეს ის ქვეყანაა, სადაც ადამიანებმა თვითონ უნდა დააღწიონ თავი გაჭირვებას და არცერთი ჭიანჭველა არ მივხმარება უბედურების დროს, სადაც გონზა ეშმაკურად და მოხერხებულად უნდა მოიქცეს, რომ რაიმე იშოვოს. ასეთი ჩვეულებრივი ქვეყანაა ინგლისი. რამდენი მთის გადაღმა მდებარეობს იგი, ამას ვერ გეტყვით, მაგრამ პან მასწავლებელმა თქვა, ინგლისის ჩვენ მხოლოდ ერთი ზღვა გვაშორებსო, იქ ისეთივე ადამიანები ცხოვრობენ, როგორც ჩვენთან, მათი პრინცი ბევრად არ განსხვავდება ჩვენი მამასახლისის ენიკის ვაჟისაგან, რომელიც პარლამენტში სწავლობს საექიმოზე.

ასე გადაარჩინა ზღაპრები ზემოა ნაერატლოვამ. მაგრამ ბავშვებს არცთუ ისე სჯეროდათ მონათქვამისა. მათ ვერ წარმოედგინათ, რომ ინგლისის პრინცი ჩვეულებრივ სტუდენტს ეგვანებოდა.



ამიტომ შაბათს, როდესაც კლავზუპელები უნდა ჩამოსულიყვნენ, ბავშვებმა სადილზე უარი თქვა და სადგურზე გაიქცნენ.

იქ თავი მოეყარა ოლეის უამრავ უსაქმურებს, რათა ენახათ, როგორ გამოიყურებოდა ინგლისის პრინცი და ბუკოვიჩკელი ლატაკი, რომელმაც ინგლისის მეფესთან საუბარი მოახერხა.

სადგური და მისკენ მიმავალი გზა ხალხით იყო გაჭედილი, პატარები ხეების ტოტებზე მოკლათბულიყვნენ, როდესაც მატარებელი სადგურს მიუახლოვდა, მათ შორიდან დაინახეს მოხუცი კლავზუნი, იგი ვაკონის ბაქანზე იდგა და დინჯად აბოლებდა მეფისეულ ჩიზუსს.

ამ დროს მეხანძრეთა ორკესტრმა დაუკრა ჰიმნი — „სად არის ჩემი სამშობლო“; კლავზუნის მოხუცი მეუღლე ატირდა, მასთან ერთად აცრემოდნენ დანარჩენი ქალებიც. სადგურს გადაღმა პოლიციელმა მოკლე ქვემეხი დასცადა. ბიჭები ევიროდნენ: „დი-დე-ბა!“, და „სალამი!“ — ერთი სიტყვით, გაცილებით უფრო დიდი ზარ-ზეიმი იყო, ვიდრე ვამპერგიკელი მლოცველების მობრუნებისას. მოხუცი კლავზუნი კმაყოფილად იღიმებოდა და მანამდე აქნევდა ქუდს, სანამ მატარებელი არ გაჩერდა. ჩამოხტა თუ არა კიბიდან, პირდაპირ აცრემილებულ მეუღლისაკენ გაემართა.

— ეშმაკმა დალახვროს, აი, მესმის ჩამოწოდება! ისე ტირიხარ, თითქმის დასაფლავებაზე იყო. კლავზუნის მეუღლე ასლუტუნდა და ისე მიეკრა მკერდზე ქმარს, რომ კიხანამ მეფის ნაშუქარი ზიზუხი გაავადებინა. ამ დროს ვაკონიდან გადმოვიდნენ მათი შვილები თითო ჩემოდანი თბ ზავშეს მოჰქონდა, მხოლოდ გონზა მოდიოდა წინ უზარმაზარი ჩემოდნით სელში. ბოლოს ვაკონიდან ერთი ყმაწვილი ჩამოხტა, მასაც ისეთივე კეპი ესურა, როგორც დანარჩენებს, და თვითონვე მოჰქონდა თავისი ჩემოდანი. ბუკოვიჩკელმა ბიჭებმა პირები დააღეს, სიტყვა „დიდება“ ტურჩებზე შეახმათ.

ეს მეთორმეტე, ჩემოდნიანი და კეპიანი, შეეტუხა, ინგლისის პრინცი იყო. ბებია ნავრატლოვა სწორად ამბობდა: მოთქროვილ ტანსაცმელში გამოწყობილი პრინციბი ახლა მართლაც ტრამტარიაში დარჩნენ.

პატარა ბიჭები მაშინვე წაიკნელადნენ. ყველას უნდოდა კლავზუბელების ჩემოდნის წამოღება, ყველაზე მეტად კი, რა თქმა უნდა, პრინცისგან სურდათ ამ პატივის მიღება. მაგრამ მათ მოხუცმა კლავზუმმა დაუცაცხანა. კლავზუბელები აქამდე თვითონ აცეთებდნენ ყველაფერს და არც ახლა უნდა მოეშასაუროს ვინმეო. სხვა რა ჯეპა ჰქონდათ არიუნებს, იმათ უნდა დაემაყოფილებულიყვნენ, რომ თავიანთი გმირების გვერდით ევლოთ და, უკეთეს შემთხვევაში, მათ ტანსაცმელს შეხებოდნენ. მიუხედავად ასეთი ზეიშისა, კლავზუბებს თვითონვე მიჰქონდათ თავიანთი ჩემოდნები და ინგლისის პრინციც მათ მავალიოს მისდევდა.

— ეს ბეგრ რამეს ნიშნავს, — ამბობდა ხოლმე შემდეგ მოხუცი კლავზუნი. — მათმა ინგლისის უდიდესულესობამ თავისი შვილი აღსაზრდელად მომანარა, მე კი ჯერ არსად მიმნახეს, მოწაფეებს რომ ემსახურებოდნენ. შენ თუ ხელისაღივლი სახეტიალოდ წახვალ, კეთილი ინებე და შენი ხალთა სწვევ ატარე. ყველაზე საუკეთესო მეფე ის არის, ვისაც ნაკლები ლაქია ჰყავს, მაგრამ უნდა ითქვას, რომ სჯობს, საერთოდ, არ არსებობდეს არაერთი მეფე.

VII

ქვედა ბუკოვიჩის მცხოვრებნი მალე შეეჩვიენ დიდგვაროვან ჰაბუსს და ცნობისმოყვარე უცხოელების ხშირ სტუმრობას. კლავზუბელი ბიჭების უზრალო და ზომიერ ცხოვრებაში, ფუფუნებასა და კომპიობას ადვილი არ ჰქონდა. უელსის პრინცი მათ თანაბრად ცხოვრობდა, არავითარ შეღავათებს არ აძლევდნენ, მაგრამ არც არაფერს აწყენინებდნენ ხოლმე, მოხუცმა კლავზუმმა პირველსავე დღეს საფუძვლიანად მოსინჯა პრინცი, შეუმოწმა კუნთები, სუთქვა და გული. ნახა, რომ მოკლე და გრძელ დისტანციებზე კურდღელივით დარბოდა, შეაქო და მის წგრთნას შეუდგა. გაწაფულიდან გვიან შემოდგომამდე პრინცი გუნდთან იმყოფებოდა ხან ფეხბურთის მოედანზე, ხან ტყეში, ღამთობაზე. ზამთარში თბილამურებით სეირნობდნენ, ციკვებით სრიალებდნენ; დანარჩენ დროს კი ფარდულში ვარჯიშს ანდობებდნენ. ერთ თვეში პრინცი ისე შესანიშნავად დაეუფლა ჩეხურ ენას, რომ თავისუფლად ესმოდა ძმების ღაპარაკი. ისინი მხიარულად ცხოვრობდნენ, რადგანაც თორმეტზე ძალ-ღონით საგვე ჰაბუცი, საუცხოო მომლხენი და ზუმათა იყო. ვარჯიშის შემდეგ მოხუცი კლავზუბელი ტოლს არ უდებდა მათ, წგრთნის დროს კი არავითარ დათმობაზე არ მიდიოდა, და ამოსუნთქვის საშუალებას არ აძლევდა ბიჭებს. ეს მართლაც ძმივე სამუშაო იყო და, ხშირად, ვარჯიშის შემდეგ, პრინცს მთელი სხეული სტკიოდა ხოლმე. მამამისი მართალი იყო, როცა ირწმუნებოდა — ჩემს შვილს კარგი მონაცემები აქვსო. მან გაუძლო მძიმე გამოცდას და ნახევარი წლის შემდეგ ისევე გამოიწრთო, როგორც ყველა კლავზუბელი. მეკრდი გამოეზინქა, თავი სწორად დაიჭირა, მხრები გაუმარდა და გაუგანიერდა, ფეხები მოცეკვავევით მეკრდი და მოქნილი გაუხდა. ამიტომ არც არის გასაკვირი, რომ ინგლისის ვაზეთების მოთავსებულა მოზრდილ ფოტოსურათის თან ახლდა სტატია, რომელშიც ქება-დიდებათ იყო მოხსენიებული კლავზუნის წგრთნის მეთოდი.



დადგა დრო, როდესაც თავისი გუნდის თავგამოდებულმა დამცველმა ინგლისელი სათადგობო მოთამაშე ნამდვილ მატჩში ათამაშა.

მთელი მსოფლიოს გაზეთები სწერდნენ ბრინცის გამოსვლებზე და ბაზუა კლამაზუს თავისი გუნდისათვის ისეთი რეკლამა მოეკლინა, როგორსაც სრულებით არ მოელოდა. ყველა ქვეყნიდან ჩამოდიოდნენ მასწავლებლები, მწვრთნელები და სხვა ჯურის სპეციალისტები, რათა შეესწავლათ და გადაეღოთ კლამაზუსისგან წვრთნის მეთოდები. ბევრ საუბრო რჩევა-დარიგებებს ითვისებდნენ ისინი, სწავლობდნენ, მაგრამ კლამაზუბელთა მთავარ საიდუმლოებას ვერაფრით ხელნებოდნენ. ეს საიდუმლოება გამოიხატებოდა მათ ფიზიკურსა და სულიერ უპირატესობაში; იმ მტკიცე და უშვაკერო თავგანწირვაში, რითაც ისინი ერთმანეთს ეხმარებოდნენ; იმ ნამდვილ, ვულწრფელ ძიებაში, რომლის შეხახვაც მოხუც კლამაზუს პირდაპირ არასოდეს უჭადაგნია, მაგრამ შეუქმნევლად, თანდათანობით, ყოველთვის უწერავდა ბიჭებს, სწორედ ამ ძიებას მიჰყავდა ისინი გამარჯვებამდე.

სულ უფრო და უფრო ხმამაღლა გაისმოდა მსოფლიოში მათი ღიძობა. ყველგან თან ახლდათ სათადარიგო მოთამაშე, რომ პირველი შემთხვევაში შეცვალა გუნდის ძირითადი წევრი. ასე ცხოვრობდა ბრინცი კლამაზუბელებთან ორი წლის განმავლობაში — იმ დრომდე, სანამ ინგლისში არ გამოიძახეს სწავლის გასაგრძელებლად. იგი გულითადად, თითქმის ტირილით გამოემშვიდობა თავის პარტნიორებს და გაემგზავრა. მაგრამ კლამაზუბელების დაიწყება მას არ შეუქლო და ყოველი ხელსაყრელი შემთხვევით სარგებლობდა, რომ მათთან ეთამაშა. საერთოდ კი სისტემატურად მონაწილეობდა ხადერისციდლის საკლუბო გუნდში და იყო ინგლისის ყველაზე პოპულარული ცენტრალური თავდამსხმელი. ბრინცი ყოველთვის სპორტულ გარემოშია წაიყვანეს საკურთხეველად, ადვილი არ იყო მისთვის თანაკლუბელებთან განწირება და მწვენი მინდვრის მიწოდებელი ცხოვრების ნიტოვება.

პირველყოფილსა, ახალ მეფეს ტახტზე ასვლამდე სიტყვა უნდა წარმოეთქვა. მინისტრთა საბჭო მთელ ღამეს თათბირობდა მისი უდიდებულესობის სუვე სიტყვის მოსამზადებლად. სიტყვაში აუცილებლად უნდა ყოფილიყო მოხსენებული ყველა პოლიტიკური პრობლემა და ამიტომ მინისტრებმა საკმაო ოფლი ღვარეს, სანამ ყველაფერი დაბლომატურად არ დალაგეს. დილით, როდესაც პრემიერ-მინისტრმა ახალგაზრდა მეფეს აუდიენცია თხოვა სამეფო სიტყვის ტექსტის გადასაცემად, ახალმა მეფემ იგი პირველსვე სიტყვაზე შეაჩერა.

— დიდად გმადლობთ, ძვირფასო პრემიერ-მინისტრო, მაგრამ ჩემი სუვე-სიტყვა მე თვითონ დავწერე. შეძლება იგი დაბლომატურობით არ გამოირჩეოდეს, სამხეობროდ წმინდა ინგლისური სულითაა გაქრთნილი.

მისმა უდიდებულესობამ ამოიღო ჯიბიდან უბის წიგნაკი და წაიკითხა:
„ჩემს ხალხებს!

გენზადები რა ჩემი სადღესასწაულო პოლიტიკური დარტყმისათვის, გვინდა შევახსენოთ ჩვენს ხალხს წესებში, რომლითაც თამაში ვიხელმძღვანელებთ. იცავდა რა დიდებულ ტრადიციებს, ინგლისი ყოველთვის ცდილობდა არ მოხვედრილიყო „თამაშვარე მღოპარეობაში“. ჩვენ ვესურს ერთგულნი დაგრჩეთ წინაპრების ამ საპატიო ანდერძისა და ფიცსა ვადებთ თავგანწირვით დაფიცავთ ჩვენი ღირსება, და საფრთხის შემთხვევაში მივმართოთ აუტს, უკიდურეს შემთხვევაში კი — კუთხურს. ასევე გაბრძნობთ, თავი შევიკავებთ უხეში თამაშისგან და ჩვენი ხალხი არ ჩავაყენებთ სომარი აპენალტის“ საფრთხის ქვეშ.

მეცვლებით ჩავატარეთ სამი თავდამსხმელის კომბინაცია, რომელშიც ფინანსები საუკეთესო ფორმარდად უნდა ჩავთვალოთ. ხოლო ვებრძობა და მრეწველობა ინგლისის საუკეთესო ინსაიდებდ. ჩვენ მტკიცედ ვიზრუნებთ საზოგადოების ყველა ფენების საუცხოო შეთანაშებაზე და უპირატესობას მივცემთ მოკლე გადაცემებს, აჩქარებული ნახტომების ავანტურულ სისტემასთან შედარებით. მსადავით, არ დაივიწყებთ თავით თამაში და ვიმედოვნებთ, დროთა განმავლობაში, როცა ზეციური მისაჯი მოგვექმს უკანასკნელ ნიშანს, ინგლისის ანგარიში მაღალი იქნება, და ამასთან, ყველა აღიარებს, რომ ჩვენ თამაში პატიოსნად ჩავატარეთ.

დღე, ღმერთმა ხელი მოგვიმართოს!
გია-გია-ვაშა, გია-გია-ვაშა, გია-გია-ვაშა!”

VIII

ქვედა ბუკოვიჩელმა ბებია ნავრატლოვამ შესძლო ძველი ზღაპრების გადარჩენა, მაგრამ ოკეანის გადაღმა, ამერიკაში, ზღაპრების საქმე ცუდად იყო.

აქ ცროლენებიც კი არ იჯერებდნენ ზღაპრებს. ბედნიერი ბრინცებისა და უხედური ბრინცების შესახებ. როდესაც მათ დაუწყებდნენ თხრობას: — ცხოვრობდა ერთი საწყალი ბიჭო... — იმ წამსვე შეაწყვეტივნენ მთხრობელს და ეკითხებოდნენ: — რომელ გუნდში თამაშობდა ის ბიჭი?



ამერიკელი ბებები და ბაბუები, რომლებიც ვერ კიდევ ვერ შეგვეზოდნენ ახალ დროებას, ამასწინააღმდეგადაა გამო ბევრ ტანჯვას განიცდებდნენ თავისი შევილიშვილებისაგან. მათ ვერაფრით ვერ შესძლეს პატარების ზღაპრით დაინტერესება.

მაგრამ ერთმა ბაბუამ იგმავა, ორგეონის შტატში ცხოვრობდა ჩეხების ერთი ოჯახი, რომელიც აქ ოცდასუთი წლის წინათ დასახლდა. ამ ოჯახში იყო მოხერხებულნი მოხუცი, რომელსაც ადვილად შეეძლო პატარებთან საერთო ენის გამოხატვა. იგი ყოველთვის უფლებდა ყურს ბავშვების საუბარს და გაიგო, რომ ახლა ისინი მხოლოდ ვიღაც კლავსუბელის გუნდით იყვნენ დაინტერესებულნი. კლავსუბელთა გუნდის დიდება ამ დროისათვის მართლაც იმდენად გაზარდილიყო, რომ დასაკვლელ ნახევარსფეროზე თვითმული კლავსუბი ზღაპრულ გმირად მიაჩნდათ.

ერთხელ ორგეონელმა ბაბუამ გაიფიქრა: „დამიყავით, ბავშვებო, მე თქვენ შევითხზაეთ ზღაპარს!“

როდესაც საღამოს მასთან ბავშვებმა მოინანიეს და ზღაპრის მოყოლა სთხოვეს, ორგეონელმა ბაბუამ ჩაიცინა და დაიწყო:

— კლავსუბელის გუნდი ვაგიგონიათ, ალბათ, არა? თო, ეს კარვია. იცით თქვენ მათი ბაბუსა და სასტეფენის ამბავი? რა? არ იცით? ოო, ეს საინტერესო ისტორიაა! მომიხსენეთ: ახლანდელი კლავსუბელების ბაბუა — მისი ცხოვრება იყოს — ახალგაზრდობაში ლატაკი იყო. შრომბუნის ის ქონიცი კი არ ჰქონდათ, რომელშიც შემდეგ განოქმული კლავსუბები დაიბადნენ. ისინი დანგრეული ეკლესიის თავგებოვით მშობრები იყვნენ, სანთელიც არ გააჩნდათ, რომ ზედი ეგონათ. როდესაც მათმა შვილმა, გონზამ — ახლა მისი სახელი მის შვილიშვილს, მეტარეს ქვია — ნახა, რომ სახლში არაფერიც არაა, მათივე არ იყო, მივიდა მამასთან და უთხრა: „მამა, თქვენ როგორღაც გაგაქვთ თავი, მე კი აქ არაფერიც არაა, უქმად ვეხამ თქვენს ნაოფლარს, ვივლი ქვეყნად — სამუშაო შეგირა, რამეს ვიშოვი ჩემთვის, როცა დაგებრუნდები. ფულს მოგიტანო.“

მამას არაფერი ჰქონდა საწინააღმდეგო. დედა აცრემლდა, ახა რომელი დედა არ ატირდება შვილთან გამართოებებისას... მოუტრეს ბურის ყუა, ამოტრეს შუაგული, ჩადგეს შიგ ერბო, რომელიც დედამ სოფელში იშოვა, ისევ დაფარეს ამოტრეული ადგილი და ეს იყო მთელი ავლადიდება. გონზამ სამაგრი გადაწერეს პირველი, ორჯერ გადააკოცუნეს და ისიც მსუბუქად გაუღვა გზას, დიდი ტვირთი ჰქონდა თუ რა. გამოქრა ტოტიდან უთხი და როდესაც მოეწყინებოდა უსტენდა და თანაც ნაზიჯს აყოლებდა, ასე უფრო სწრაფად, შეუმჩინებლად გაიოდა დრო. გადაიარა ჭაბუკმა ერთი ზორცი, გადაიარა მეორე, მესამე და შევიდა უზარმაზარ ტყეში, საიდანაც ვერაფრით ვერ დააღწია თავი. საღამოხანი იყო, ის კვლავ ტყეში დახეტიალობდა. ისე მოვიდა ჭაბუკს, რომ მუცელმა ორღანივით დაუწყო გუგუნე. როდესაც გონზა დარწმუნდა, სოფლამდე ვერ მივაღწევო, ჩამოჯდა გზის პირას, ხის ძირში, ამოიღო ბურის ყუა, დანა და დაიწყო ჭამა. უცხად, საიდანღაც, მის წინ გაჩნდა მოხუცი და ეუბნება:

— შენ მოგვიდა, მე კი შენზე მეტად მშინა მომეცე ერთი ნაჭერი ბური, გონზა!

გონზა გაკვირებულს აპირებდა, საიდან გაჩნდა მოხუციო, მაგრამ შეხედა, რომ ის საწყალი და ძალზე გამხდარი იყო, მიაწოდა ბურის სუა და დანა.

— მოაჭერით, ბაბუა, ერბოც წაუსვით, გემრიელი იქნება.

მოხუცმა ბური გამოართვა, ერთი ლუკმა მოიჭრა, წაუსვა ერბო და შეჭამა.

— სად მიდიხარ, გონზა? — ჰკითხა მან სოლოს.

— თვითონაც არ ვიცი, საითაც ფეხები წამიყვანს: სამუშაოს ვეძებ, მაგრამ ვერაფრით ტყიდან ვერ გავაღწიო.

— დღეს ვერ გახვალ, უკვე ღამეა, ტყე კი უნაპიროა. ყველაფერს უშობია, აქ გაათნო ღამე.

— თქვენ რაღას იზამთ, ბაბუა?

— მეც შენთან დაგვივები, თუ არ გამავდებ.

— არა! მე ხმელ ფოთლებს მოგიგროვებო, რბილად რომ დაწვეთ.

გონზა ადგა, მოაგროვა ერთი იღლია ხმელი ფოთოლი და ლოგინი გაუწყო მოხუცს. შემდეგ დაწვენენ და დაიძინეს. შუაღამისას მოხუცმა გაიღვიძა, სიცივისგან კბილებს აწაყვიატებდა.

— ოო... ოო... ოო... მცივა... მცივა!

გონზამ, თვალები გააღო:

— აიღეთ ჩემი ჯუბა, ბაბუა, ცოტას გავათხოვთ!

— გმად... ლობთ... გონზა... ოო, რა თბილია, უცხად გავთბი.

დაიძინა მოხუცმა. მაგრამ ახლა გონზა გაიყინა.

თუმცა მას არაფერი უთქვამს, ფოთლებში ჩაფლდო. მზის ამოსვლისას წამოხტა და ტყეში სირბილი დაიწყო, გაბურღდებო.

მოხუცს დიდხანს ეძინა. ამასობაში გონზამ მყვალად და მარწყვი დაკრია. საქმელი არცთუ



ისე მსუყე იყო, მაგრამ მოხუცმა სიამოვნებით მიირთვა, შემდეგ ორივენი წამოდგნენ და გზას გაუდგნენ. ერთი საათის შემდეგ ისინი გზაჯვარედინს მიაღწენ.

— გონზა, — თქვა მოხუცმა, — აქ ჩვენი გზები იყრება. შენ გაუხვევ მარცხნივ და მალე მიხვალ დიდ ქალაქში, მე კი, მარჯვნივ წავალ. ხოლო იმ სიკეთისათვის, რაც შენ ჩემდამი გამოიჩინე, აი, ამ სასტვენს მოვცემ. გაუფრთხილდი მას, ბედნიერებას მოიტანს.

მოხუცმა მიაწოდა პასუხს პატარა სასტვენი, გონზამ გაიფიქრა: „რა ბედნიერება უნდა მომიტანოს სასტვენმა?“ მაგრამ მოხუცის წყენინება არ უნდოდა, გამართა იგი და ერთმანეთს გამოემშვიდობნენ. როდესაც გონზამ რამდენიმე ნაბიჯი გადაადგა, უყურად დახვდა სასტვენს, რომელიც მიმე მოეჩვენა და განცვიფრდა—სასტვენი ბაჯალყო ოქროსი იყო! ძალზე ძვირფასი საჩუქარია ერთი ნაპერი პურისათვის! გონზა მოტრიალდა, თვალის დახამხამებაში მიიჩინა გზაჯვარედინი—ბედ. მოხუცის ნაკვალევიც არ ჩანდა, თუმცა იგი ოც ნაბიჯზე მეტს ვერ გაივლიდა. გონზა ყვიროდა, მაგრამ მხოლოდ ეხო აძლიერდა პასუსს. მოხუცი ისევე უყურად გამქარალიყო, როგორც განზა გუშინ.

გონზა შემობრუნდა და თავის გზას დაადგა, გაოცებული იყო მომხდარი ამბისგან. ერთი საათის შემდეგ ტყის ნაპირას გამოვიდა. მის წინაშე გადაიშალა უზარმაზარი, უცნობი მხარე, რომლის შუაში ქალაქი აღმართულიყო. ქალაქისკენ მიმავალი ყველა გზა ხალხითა და ჩარდახებით იყო სავსე, მარტო ის გზა, დაცარიელებულიყო, რომლითაც გონზა ტყედან გამოვიდა, მხოლოდ ქალაქის შესასვლელთან ირეოდა ხალხი ამ გზაზე. გონზამ დაინახა, რომ იქ ფეხბურთის მოედანი იყო. როდესაც ახლოს მივიდა, გაიგონა, რომ მოთამაშეები მსაჯეს ავიწყებდნენ: მსაჯე არ გამოცხადებულა, სასტვენი კი მის გარდა არავის ჰქონდა.

— მე მიქვს სასტვენი! — თქვა გონზამ.

— მაშინ იყავი ჩვენი მსაჯე, — შესთავაზეს მოთამაშეებმა.

— ის-ის იყო გონზას უნდა ეთქვა, მსაჯობა არ ვიცო, რომ უყურად სასტვენმა თვითონ დაუსტვინა და მოთამაშეები მაშინვე განლაგდნენ.

„ეს რა საკრებულოა?“ გაიფიქრა გონზამ, მაგრამ მოხვედრა ვერ მოასწორა, სასტვენმა მეორედ დაუსტვინა და თამაშიც დაიწყო. გონზა მხოლოდ დარბობდა მოედანზე, ცდილობდა ხელი არ შეეშალა და ვინმეს ფეხებში არ გაბლანდოდა. მეტი საქმე არ ჰქონდა, ყველაფერს სასტვენი ხელმძღვანელობდა. იგი აღნიშნავდა აუტებს, კუთხურებს, „თამაშვარე მდგომარეობას“, გოლებს, ხელით თამაშს, ტაიმის დასაწყისს და დასასრულს, მკვეთრი სტვენით იწყებოდა უბეში ან უსამართლო თამაშის შესახებ. რაც არ უნდა კარგად შენიღბული ყოფილიყო ბიძგი, ფეხის დადგმა თუ რუჯულუჯუნი, სასტვენი ყველაფერს აჩვენებდა და ისე მათვრად სტვენდა, რომ შემინებული დამნაშავე ეედარაფერს უარყოფდა. ეს ყველამ შეამჩნია და დაიწყეს ლაპარაკი:

— აი, მესმის მსაჯე! არაფერი გამოჩნება! თითქოს არ უყურებს მოთამაშეებს, ყველაფერს კი აჩვენებს. ასეთი მსაჯე, მეგობრებო, ჩვენ არც კი გვინახავს.

შეხვედრის დამთავრების შემდეგ ვულშემატკიცებმა, მეკარის ნაცვლად, როგორც მიღებული იყო, გონზა იტიპტეს ხელში და ასე მიიყვანეს ქალაქამდე. კლუბების თავმჯდომარეებმა იგი ბანკეტზე მიიწვიეს და მთელი დღის მშვირ-მწყურვალი, გონზა საშუალოდ ამოიყორა. ამით არ დამთავრებულა მისი ბედნიერება. ერთი კვირის შემდეგ ქალაქში უნდა შემდგარიყო მატჩი პირველობაზე და გაუთავებელი კამათი ატყდა მსაჯის ვაში. ყოველი მხარე ამტკიცებდა, რომ მსაჯე მოწინააღმდეგეს უდებობდა და, ბოლოსდაბოლოს, ყველამ ლანძღვა დაუსწყო. მსაჯე გახარებული იყო, გალახვის გადაეურჩიო. ახლა კი აღმოჩნდა უცხო კაცი, რომელიც მეტად სპირიტუალურად მსაჯობს. მოვიდნენ ბანკეტზე გონზასთან და სთხოვეს, კიდევ ერთი კვირა დარჩი ქალაქში.

— ღმერთო ჩემო, — თქვა გონზამ, — რატომაც არ დავრჩები, მაგრამ რითი ვიცხოვრო?

— მაგაზე ნუ შეწუხდებით, პან კლამაშუ, — პასუხობდნენ შუამავლები, — თქვენ უზრუნველყოფილი იქნებით კვებით, ზინით ღა ამასთან ერთად, დღიურსაც საკმაოდ მიიღებთ.

გონზამ არ იცოდა რას ნიშნავდა ეს „დღიური“, მაგრამ მიხვდა მაშინ, როცა ყოველ საღამოს, სახარჯოდ ორ-ორი გულდენი შეაძლიეს. ყველაფრით უზრუნველყოფილი გონზა ამ ფულს არ ხარჯავდა, მიიღებდა თუ არა თანხას, ჯიბის სარჩულს არღვევდა და იქ აკრებდა თავის „დღიურს“.

ერთი კვირის შემდეგ ეს მატჩიც შესანიშნავად ჩაატარა. ყველას უყვირდა მსაჯის მოქმედება, იგი თითქმის არ ადევნებდა თვალს შეჯიბრებას, ამავე დროს ერთი ხარვეზიც არ რჩებოდა შეუმჩნეველი. ოქროს სასტვენი ჯადოსნური აღმოჩნდა და გონზა მიხვდა, რომ მოხუცი, რომელსაც მან ამაგი დასდო, უზარალო მოკვდავი არ იყო.

ღიბს, სასტვენმა მართლაც ბედნიერება მოუტანა გონზას. შესვენებაზე მასთან მივიდნენ სხვადასხვა კლუბის დირექტორები და თავთავიანთ ქალაქში მიიწვიეს. მეორე დღეს მას ქებას ასხამდნენ გაზეთები და ყველგან ეპატივებოდნენ სამსაჯოდ გონზას უკვე აღარაფერი უყვირდა, დადიოდა და მსაჯობდა. ამასთან, იგი თავიანი ბიჭიც იყო, მალე აუღო ალლო ფეხბურთს და ისეთი მსა-



ჯი დაღა, მსგავსი ჯერ არ ახსოვს ქვეყანას. ჯუბაში აღარ იკერებდა გულდენებს, პირიქით, ახალ-კოსტუმო შეიძინა და ნატონიით გამოიყურებოდა. ოქროს სასტენეი სიმართლედ და რწმენად ემსახურებოდა, რადგან გონზას ხასიათი ისევ ისეთი კეთილი შერჩა, როგორც სახლიდან წამოსვლისას ჰქონდა.

მაგრამ ხანდახან სასტენეი დათვურ სამსახურს უწყევდა. ის დაუნდობელი იყო და მართო სტალიონზე როდი იჩენდა თავის სიმკაცრეს. აი მაშინდა მიხვდა გონზა, რომ სიმართლის გამოაშკარავებას თან სდევს ათასგვარი უსიამოვნება. პირველად ეს იგრძნო ერთ-ერთი კლუბის კანცელარიაში. გონზა საგარძელში იჯდა და ისვენებდა ტაიმის შემდეგ. მის თანდასწრებით კლუბის მდივანი აწარმოებდა მოლაპარაკებას მეორე კლუბის წარმომადგენელთან.

— მოვილაპარაკეთ, — თქვა ერთ-ერთმა მათგანმა, — მომავალ კვირაში ჩვენი გუნდები ძველად შემაგენლობით შეხვდებიან

— თანახმა ვარ, — უპასუხა მეორემ და უცებ — ფრრრ! — დაუსტენია ოქროს სასტენემა გონზას ჯიბიდან, იმიტომ რომ წარმომადგენელი ცრუობდა: მის კლუბს ახალი გარემარბი ჰყავდა მიღებული.

საქმონების შეკრთენ და შეხედეს გონზას, რომელიც კიბოსავით გაწითლდა.

— ბან კლავზუმა, სხვა დროს მაგისთანა რამე არ გააკეთეთ, — მკაცრად უთხრა მეორე დღეს მდივანმა. — განა ცოტა რამეს გაიკეთებ კლუბებში, მაგრამ ჩვენი კომპინაციების გაცემა როდი გარგა.

— მაპატიეთ, — თავს იმართლებდა გონზა, — მე, ისე, უნებურად დაუსტენე. სხვა დროს ფრთხილად ვიქნები.

მაგრამ რა ელონა? როგორც კი მისი თანდასწრებით რაიმე უსამართლობა გაკეთდებოდა, ოქროს სასტენეი ჯიბიდან იმწამსვე გამოსცემდა თავის ხმას. ამის გამო გონზა ხშირდა სასოწარკვეთილებში ვარდებოდა. ერთხელ კი სასტენეის სიმკაცრემ სერიოზული უსიამოვნება მიაყენა. იგი ქუჩაში მიდიოდა უდარდელად და დინახა აღმართზე გაჩერებული ფურგონი, რომელსაც ცხენები ვეღარ ერეოდნენ. ცხოველჯს ორივე მხრიდან მიდგომოდნენ მეტეტლები და შოლტებით სასტიკად სცემდნენ. გონზამ ვერც კი შოისაზრა რა ხდებოდა, რომ სასტენემა დაუსტენა — ფრრრ, ფრრრ — და უხეშობა ამხილა. მეტეტლებმა მოიხედეს, დინახეს გონზა და მიგარდნენ.

— შენ ეი, რას უსტენე? გინდა პოლიციას დაუუძახოთ? აი, შენ!

ისინი შოლტების ქნევით მისცივდნენ გონზას, რომელმაც ძლივ მოასწრო გაქცევა. სასტენემა კვლავ დაუსტენია ჯიბეში — ახლა უფრო დიდი უსამართლობა ხდებოდა, ორნი ერთ უდანაშაულო კაცს მისდევდნენ.

რაც დრო გადიოდა, უფრო მეტ უსიამოვნებებს აყენებდა გონზას ოქროს სასტენეი. რაც უფრო ხშირად იყო ხალხში, მით უფრო ხშირად უსტენდა სასტენეი, განსაკუთრებით, დიდ ქალაქებში. ამ უზარმაზარ ჰიანციველების ბუდეში სასტენეი განუწყვეტლივ წრიბინებდა და სტენდა. გონზა მთელ დღეებს ქუჩაში ატარებდა, მაგრამ ერთ სამართლიან და პატიოსან ადამიანს ვერ შეხვდა. ის-ის იყო ვინმესთან საუბარში ჩაეროდა, რომ მესამე ფრაზაზე სასტენეი აუწყევდა — უცნობი ცრუობსო. ეს ამბავი ანაღვლიანებდა გონზას. ერთხელ, როცა ოთახში იჯდა, თავისთვის ჩაილაპარაკა: „ღმერთო ჩემო, ქვეყანა ასეთი დიდია, მაგრამ რამდენი უსამართლობა ხდება. როგორც ჩანს, დედა-მიწაზე არც ერთი წესიერი ადამიანი არ ცხოვრობს“.

ეს სიტყვები მან მწუხარებით წარმოთქვა. მაგრამ დაბოლოებაც ვერ მოასწრო, რომ ჯიბიდან ხუსტი, საყვედურის მსგავსი წრიბინი გაისმა. გონზა მიხვდა, რომ სწორი არ იყო და თავისი უნდობლობით შეურაცხყოფა მიაყენა. ქვეყანა კეთილი ადამიანების გარეშე ხომ წარმოუდგენელია. გონზა დაფიქრდა. ოთახში უკვე ჩამოხუნელდა და მის თვალწინ აღმართა ქვედა ბუკოვიჩი, დედა და მამა, რომლებიც დიდიხან სადამომდე შეუსვენებლივ შრომობენ. გაჭირვებას თავს ვერ აღწევენ, მაგრამ არასოდეს არავის ატყუებენ. გონზას მოენატრა თავისი სახლი. მას მიშოდველადაც კი მოეწონებოდა სიღარიბე — პატიოსან ადამიანთა ზვედრი, მას შეხებულდა უზრუნველი ცხოვრება. რად გინდა დიდაკუთრი ცხოვრება, თუ პატიოსანი მოქცევით მხოლოდ მტრებს შეიძენ? საშობლო — ეს, ჩემო ძვირფასებო, სულ სხვაა. ოქროს სასტენეს იქ არაფერი საქმე ექნება.

გონზა ადგა, სანთელი აანთო და თავისი დანაშოვი გადათავალა მას ბევრი არაფერი ჰქონდა, ფეხბურთის მსაჯი კი არა — სახელმწიფო მსაჯულიც ვერ მოიხვეჭს ქონებას, მაგრამ რამდენიმე ასიანი მაინც შეგროვებინა გონზას.

ბევრი აღარ ფიქრობა, გადაუხადა სასტუმროს პატრონს დარჩენილი ვალი, გაემართა სადგურისაკენ, ჩაჯდა მატარებელში და ჩეხეთში გაემგზავრა დედიკოსთან მან სიხარულისგან კინაღამ დაახრჩო შვილი ხვეცა-კოცნით. ახლა რა ამბავი დატრიალდა, გონზამ რომ ფული ამოიღო? კლავზუმებს არასოდეს ენახათ ამდენი. მამა-შვილმა სასწრაფოდ გადაწყვეტილება მიიღო, მეორე დღეს ტყის პირას იყიდეს მიწის პატარა ნაკვეთი და ერთი თვის შემდეგ დაიწყეს სახლის მშენებლობა.



როდესაც სახლი დამთავრდა, გონზე დაქორწილდა და არ გასულა წელი, რომ ვაჟი შეეძინა. სწორედ
რედ ეს იყო კლამაზუნების ახლანდელი მამა. მოხუც გონზე კლამაზუნს ამის შემდეგ აღარ
ტიანონა ქვეყნად. ის პატრონად ცხოვრობდა თავის ოჯახთან ერთად. ოქროს სასტვენს კი, რომე-
ლიც ზანდღუში იდო სავარეო ტელეგემ, მართლაც აღარასოდეს დაუსტვენია.

რამდენიმე წლის შემდეგ, როდესაც მოხუცი გარდაიცვალა, შინაურებმა გაიხსენეს, რაღაც ოქ-
როს სასტვენი ჰქონდაო. დაუწყვეს ძებნა, მაგრამ მის კვალსაც ვერ მიაგნეს. სასტვენი გონზე კლამა-
ზუნებთან ერთად გააქრა და ერთხელ კიდევ გაუწია მას სამსახური.

მომისმინეთ, რა მოხდა. მივიდა კონზე კლამაზუნი ზეციურ კარებთან და დააკაკუნა. ზემოთ
ოღნავ გამოაღეს საარკმელი და ეილაქამ ნამძინარეები ხმით წაიხურდლუნა:

- ეინ არის რომ მადგიძებს?
- ეს მე ვარ, ზუკვირკელი გონზე კლამაზუნი, სამოთხეში მინდოდა მოგვედრილიყავი.
- როგორ თქვი? გონზე კლამაზუნი?
- დიაბ.
- ზოითმინე. ახლადე ენასავ.

წმიდა პეტრემ საარკმელი მიხურა, აიღო ღიდი წივნი, ხადაც ცველა ცოდიელი იყო აღნიშნუ-
ლი და ჩააფაღიერა სია ასო „ჰ“-ზე. აღმათ, ნამძინარეებმა ყველაფერი აუტრია, რადგან ქვედა ზუ-
კვირკელი გონზე კლამაზუნის ნაცულად შემდეგ სტროქონში ზედა ზუკვირკელი იაკობ კლამაზუნი ამოი-
კიხნა. ეს იყო ძენწი, ხარნი ვლეხი. წმიდა პეტრემ კვლავ გამოაღო საარკმელი და გაბრაზებით
დაიძახა:

— წენ აქ არადერი ვესაქმებ. მთელი სიოცსლვე ძენწოზში გაეიტარებია, მიზრძანდი სა-
კუბრეოში!

მოხუც კლამაზუნს თვალბზე ცრემლი მოადგა: მთელი სიოცსლვე ძენწოზში? რა უსამართლობაა!
მაგრამ მას შუაზე გაუწყდა მწარე ფიქრები, როდესაც წმიდა პეტრემ გამოიტანა თავისი
უსამართლო გადაწყვეტილება. ოქროს სასტვენმა, რომელიც გონზე სასტვენით აღარ ახსოვდა,
სტვენა აღტება. იგი აცობტა უზიოდან და ფრენა დაიწყო ღვთიური კარიბების წინ. რაც დრო გადიო-
და, მით უფრო ხმამაღლა და გულსკამაწკრილულად უსტვენდა. ეს ხმა ვაიძანტა მთელ ცის თაღ-
ზე: ვარსკვლავიდან ვარსკვლავზე, შილიდან შივარზე, და ქვემოთ. მიწაზეც იპიოდა შემპარწყენი-
ლი, ჭელუსამდე გამტანი სტვენა. იესო გაადიძა სტვენამ, ღვთისმშობელმა ყურები დაიფო. მამა-
ღმერთმა შუბლი შეიკრა. გარშემო კი გვერძე-ქუხილი ბტყდა, ელაგდა და ანგელოზები შემინებული
მტრედგოგოთ დაფრინავდნენ. უცერად გვერ-ქუხილსა და სტვენაში, გრგვეინსა და ელვამი გაიხმა
მამაზეციერის მკაცრი სიტყვები:

- პეტრე, პეტრე, ეილაქას უდანაშაულოდ მოგეპყარით!
- ისეღაც გამოყრუებულმა წმიდა მოციქულმა თვალები მიიფშენიტა, ერთხელ კიდევ გაიხედა
ტუჩაში და თავი ეელარ შეიკავა თავაზიანი წყველისაგან.
- ენმაკმა წაიღოს... ეს ხომ გონაა!

იგი მაშინვე გამოვარდა თავისი სენაკიდან კარების გასაღებად და სასტვენმაც იმწოთშივე შეს-
წვებტა თავისი შემზარავი სტვენა, დრულუნი და ელვა გააქრა. კარიბზეც ცისარტყელა ავლდარდა
და გონზე კლამაზუნი, რომელსაც არასოდეს არავისთვის უწყენინებია, ამაღლდა ცად, სად დასტოდ-
ნენ კეთილი დასასრულით აღდგომიანებული პატარა ანგელოზები. ხოლო როდესაც გონზე დააკ-
ვირდა წმიდა პეტრეს, გაოცებისგან შეკრთა: ეს იყო ის მოხუცი, რომელსაც სიჭაბუკეში შეხვდა და
მისგან საჩუქრად ოქროს სასტვენი მიიღო. ახლა გონზე უკან დატბრუნა სასტვენი — რაღა საჭი-
რი იყო იგი სამოთხეში? აქ გონზე შეხვდა ანგელოზებს, რომლებიც ხანდახან ფეხბურთს თამა-
შობდნენ ხოლმე. მათ სიხარულით მიიწვიეს გონზე მსაჯად. მაგრამ ნუ დაგვიწყდებათ, რომ ეს
ყო სამოთხეში: — არავითარი უხეშობა, არავითარი ფეხისდაღება; ანგელოზები ვარშემო დაფრი-
ნავდნენ. ერთმანეთს გზას უუშობდნენ ბურთის დარტყმას თავაზობდნენ. ნაზი აღნავობის ანგელო-
ზები ბურთის ადგილიდან ვერ დასპრავდნენ, რომ საბედნიეროდ ბურთსაც არ ჰქონოდა ფრთები, და
არ ეფრინა ერთი კარიდან მეორემდე...

აი, როგორი ზღაპარი მოიგონა ორომონელმა ბაბამ და ზავშეხსაც მოეწონა იგი.
(გაგრძელება იქნება)



აპსტრიბა

აბალო პიკასოს პიესა
ჩვენი დროის უნიკიერეს და მრავალმხრივ მხატვარს პაბლო პიკასოს, რომელიც ამას წინათ ხანგრძლივად ლენინური პრემიით დაჯილდოვებ, 1941 წელს დაუწერია პიესა — „სურეალი, რომელსაც კულში სწავდნენ“. ამ გახედულ, გროტესკულ პიესას არ ეღირსა სახარანგეთის სცენაზე დადგმა. მხოლოდ ნობელის პრემიის ლაურეატი, 1960 წელს დაღუპული აღზერ კამიუ ცდილობდა მის დადგმას და მოაწყო კიდევაც პიესის სცენიური კითხვა, მაგრამ პიესამ ვერ იხილა სცენა.

ამას წინათ ეს პიესა უღიღინი წარმატებით დაიდგა ვენის ერთ-ერთ თეატრში.

ა უ შ

„ბასურდოზის თმბტრის“ შემსახმბ

60-იანი წლების ე. წ. ავან-გარდული თეატრი ეღირსა მონოგრაფიას, რომელიც დაწერა ამერიკელმა კრიტიკოსმა მარტინ ესლინმა. ესლინის აზრით, ამ თეატრის განვითარებაში ეტაპს წარმოადგენს სემიუელ ბექეტის პიესა — „გოდოს მოლოდინში“, რომელიც 1958 წლიდან 1959 წლამდე მილიონზე მეტმა მაყურებელმა მოისმინა 20 ენაზე. „ბასურდოზის თეატრი“ — წერს ავტორი — გროტესკულად ამახინჯვებს ქვიუნიერებას, რომელიც უაზრო და უგუნური შეიქნა. მისი გმირების რეაქცია და მოქმედება ნაწილობრივ გაუგებარია; მეტყველება ხშირად

უაზრო ბურტყუნად იქცევა, ხოლო დიალოგს ზოგჯერ ცვლის შეტ-მიმიკა ან მკვერ-მეტყველური ლუმილი“. ესლინი სვამს კითხვას, რატომ აქვს ამ პიესებს ასეთი არნახული წარმატება, და მიუგვბ: „მათ სურთ, რომ აღამიანმა რაც შეიძლება მწვავედ შეიგრძნოს თავისი სვედრი და დამანოს თავისი არსებობის სრული ბანალობა“. მისი აზრით, ამით ეს პიესები ასრულებენ დადებითს ფუნქციას, ვინაიდან საკუთარი სვედრის შემეცნება მაყურებელს აღუქრავს აღამიანის საკადრის გრძნობას.

ბირმანი

ბირმანიის ფემინიციური რისპუზლიბა

მამათა ბრალი
ამას წინათ ინგლისის წიგნის ბაზარზე გამოვიდა დასავლეთ-გერმანელი მწერლის ხრისტინ გეიტლერის რომანი — „მამათა ბრალი“. რომანის მთავარი გმირია ახალგაზრდა ფიციკოსი კლაუს კიოლე, რომლის განსვენებული მამა სა-ს თანამშრომელი იყო. კონფლიქტი ასე იწყება: კლაუსი აღმოაჩენს, რომ სახლი, რომელშიც ის ცხოვრობს და მუშაობს, ოდესღაც ეკუთვნოდა ებრაელთა ოჯახს და სავსებით შესაძლებელია, რომ სწორედ მამამისმა წართვა მათ სახლი. კლაუსი იწყებს ძებნას და გამოარკვევს, რომ განდევნილი ოჯახის ერთ-ერთი წევრი გადაურჩა ფაშიზმს. კლაუსი დაეძებნ მას და თავისი მოგზაურობის დროს სულ უფრო და

უფრო რწმუნდება თანამედროვე დასავლეთ გერმანიის სახითაო კორუპციასში. უფროსი თაობის აღამიანები ან ჩქმაღვენ საკონცენტრაციო ბანაკების საშინელებებს, ან დღემდე არ სურთ მათი გათვალისწინება, ახალგაზრდა თაობის უმრავლესობამ კი თითქმის არაფერი იცის ამ საშინელებათა შესახებ, რადგან უფროსები არაფერს უხსნიან. რაც უფრო მეტად სვდება კლაუსი ამ მდგომარეობას, მით უფრო ღრმავდება მისი სულიერი გარდაქმნა.

ლონდონის ყურნალი „ნიუ სტიტემენ“ კარგად იხსენიებს ამ რომანს და, სხვათა შორის, აღნიშნავს, ამ ნაწარმოებით მწერალი-ბუმიანისტი ახედურებს საღმის ნეონაციზმის წინააღმდეგ.

ინგლისი

შორსმხვობიბლომის და კონსერვატივიზმის წყალმობი

ამას წინათ გამოვიდა ერთ-ტომეული, რომელშიც თავმოყრილია ბერნარდ შოუს ყველა ლექსი, საჯარო გამოხველა და რადიოსაუბარი მისი ცხოვრების უკანასკნელი 30 წლის მანძილზე. კრებულის სახელწოდებაა „ტრიბუნა და კათედრა“. კრიტიკის აზრით ყველა ეს პუბლიცისტური გამოხველა დღესაც ინარჩუნებს აქტუალობას, რაც, უწინარეს ყოვლისა, აინსნება ორი გარემოებით: შოუს გამჭრიახობითა და შორსმჭვრეტელობით, და ბრიტანელების ჯიუტი კონსერვატივიზმი.



ამტომარწობა

ერთი ინვალისტი მსახურად 10 შილინგით დააჯარიმეს იმის გამო, რომ მანქანის მართვის ნებართვა არ ჰქონდა და მაინც დაუყავდა. ხოლო დაუყავდა მანქანა 10 მ სიგრძის ტილოზე, რომელზეც წინასწარ დასცალა ზეთის ფერების 142 ტიპები და დასხა 10 ლიტრი თხევადი საღებავები. — ამრიგად დაჰქმნიდა სურათს. სასამართლოზე მან აღიარა, რომ ამ „ფერწერის“ 2 მ მან უკვე მიჰყავდა ერთ ხელოვნებისმოყვარულს 157 გირვანქა სტერლინგად.

ისლანდია

ლბანსისის ახალი პიესა ნაციონალურმა თეატრმა დადგა გამოჩენილი პროგრესული ისლანდიელი მწერლის, ნობელის პრემიის ლაურეატის ხალდორს ლაკსნესის ახალი პიესა — „სიმღერა ღუმელის მილისა“. ესაა მწვავე სატირა ისლანდიის თანამედროვე საზოგადოებაზე. თავის ერთ-ერთ ამასწინანდელ ინტერვიუში ლაკსნესმა განაცხადა, რომ თავი დანებდა პროზას და გადაინაცვლა დრამატურგიაში, ვინაიდან, მისი აზრით, თეატრი უფრო ცოცხალი და ხელშეახებად გამოხატავს ავტორის იდეებს, ვიდრე წიგნი.

იტალია

პროტონის პრემიის ლაურეატი

ლიტერატურული საზოგადოებრიობა გაფაციცებით მოელოდა, თუ ვის მიენიჭებოდა პროტონის სახელობის პრემია გასული წლისათვის. პრეტენდენტი იყო სამი სამხრეთიტალიელი მწერალი — ლეონარდო შაშა მოთსროლი — „ბუ დღისით გამოჩნდა“, სტრატი — რომანით „ცარი-

ელი ხელები“ და პოეტი კონსტანტინო ლექსების კრებული — „ვარდი ლარანკოში“.

ავტორიტეტულმა უიერიმ, რომელშიც შედიოდნენ ლიტერატურის მსოფლიო დე ბენედეტო, ალბერტო შორავია, ზანანი, რეპანი და სხვა თვალსაჩინო მწერლები ქალაქის მერთან ერთად, პრემია სამხრეთ იტალიის პროვინციების მიმდევნელი საკულტურო ნაწარმოებისათვის მიანიჭა მწერალ ლეონარდო შაშას მოთსროლა-პამელიტისთვის — „ბუ დღისით გამოჩნდა“ (ეს მოთსროლა დაიბეჭდა წიგნს ფურნალში „Иностранная литература“).

საფრანგეთი

მორიაკის მოწოდება და მას-ი

გამოჩენილმა ფრანგმა მწერალმა, ნობელის პრემიის ლაურეატმა ფრანსუა მორიაკმა გაზეთ „ფიგარო ლიტერტრის“ ფურცლებზე ამას წინათ გამოქვეყნა პუბლიცისტური სტატია, რომელშიც უკმაყოფილებას გამოთქვამს თანამედროვე ფრანგული ხელოვნების, მეტადრე ლიტერატურის მდგომარეობის გამო. დასასრულს ის წერდა: „ვუსურვებ ლიტერატურასა და ხელოვნებას, რომ დაბრუნებოდნენ თავის ერთადერთ თემას — ადამიანს. ვუსურვებ ფრანგულ ლიტერატურას, რომ შეექმნას ნამდვილი ავანგარდი, რომელიც იქნება კომფორტის უარყოფა. ამა რა ავანგარდია, როცა მას ექედლება ყველა და როცა ის სრულიად არ აღიზიანებს, არ აფორიაქებს, არც კი აკვირვებს ადამიანებს?“. განყოფილებაში — „ბოლონოტი“, რომელსაც თვითონ მორიაკი ხელმძღვანელობს, მწერალი იუწყება, რომ ის ახლა კითხულობს მხოლოდ არამოდურნი პოეტი ქალის მა-

რია ნოელის ლექსებს და ნამედროვე მწერლების მოგონებებსა და დღიურებს. ამ ნაწარმოებებში ეძიებს ის ადამიანს, რომელიც განდევნილია რომანებიდან და პოეზიიდან. ქვეყნიერებას არ დაუკარავს თავისი რეალური სახე იმის გამო, რომ მსახურება ახტრატული შეიქმნა, — ამბობს მორიაკი. — ჩვენ კვლავ გავინტერესდებით და გვაღელვებს ადამიანი, თუმცა „ახალი რომანების“ ავტორები მხოლოდ საგნებს აღწერენ ხოლმე. ამიტომაცაა რომ რომანები მოწყენას გვგვრიან, და ამიტომაცაა, რომ აღარ ვნახულობთ სურათებს.

აქვე უნდა აღინიშნოს ერთი ფრიალ საინტერესო ფაქტი: ფრანსუა მორიაკის სახლთან დღეღამე მორიგობენ პოლიციელები; ისინი დოკუმენტებს უსინჯავენ ამ სახლში შემსვლელთ და ირკვევენ ვიზიტის მიზანს. ეს სიფრთხილე აუცილებელია, ვინაიდან მორიაკის სახელი შეტანილია იმ პირთა სიაში, რომელთაც ოას-მა სიკვდილი მიუსაჯა. „როდესაც 78 წლის მწერალი ქუჩაში გამოდის, მას გვერდით მისდებს სამოქალაქო ტანსაცმელში გადაცმული პოლიციეტი, ხოლო როდესაც მანქანაში ჯდება, მძღლის გვერდითაა დეტექტივი“, — იუწყება გაზეთ „სტოკპოლმს-ტიდენინგ ნი ს“ პარიზელი კორესპონდენტი ბიერი რიუდბეკი. რას ამბობს ყოველივე ამაზე თვით მორიაკი! ძალზე დამახასიათებელია, მისი სიტყვები, რომლებიც მოჰყავს რიუდბეკს თავის კორესპონდენციას: „ისღა დამოჩენია, იმედი ვიქონიო, რომ პოლიციელები, რომელთაც აკისრიათ ჩემი დაცვა, თვითონ არ მიეუფებებიან ოას-ს“.

07278
ՅՅԿ 60 ՅՅՅ.

ՀԱՅԱՍՏԱՆԻ
ԳՐԱԴԱՐԱՆ

ЕЖЕМЕСЯЧНЫЙ ЛИТЕРАТУРНО-
ХУДОЖЕСТВЕННЫЙ ЖУРНАЛ

„ՇԻՏԿԱՐԻ“

ИЗДАТЕЛЬСТВО

„ՏԱԲՇՈՒԱ ՄՇԵՐԱԼԻ“